



150

23 Oct

cl

1376

Antiquar. Golofodon 1. p. 67 ff.  
Lobon vid Bas. Lexicon  
Theophile u. a. in Viard.  
Vogt Cat. libr. rar. p. m. 672 sq.

Lugum  
pars II



LF  
VG23.3 LES

# OEUVRES

DV SIEVR

## THEOPHILE,

*Reueuës, corrigees, & augmentees.*

SECONDE EDITION.

*Nouv. Theophile*

*Ex libris Joannis  
Dami Kühn.*

363774  
—  
7. 3. 39.

A PARIS.

OEUVRES

D. V. SIEV R

THEOPHILE

ROMAN, COMING & DEPARTING

SECONDE EDITION.

A PARIS



TRAICTE  
DE L'IMMORTALITE  
DE L'AME,  
O V,  
LA MORT DE SOCRATE.  
Par Theophile.

---

P H Æ D O N.



OY qui dans la Cité d'Athenes  
Visitay Socrate en prison,  
Et qui vis comment le poison  
Acheua ses dernieres peines;  
Le r'adiure par les discours  
Dont il voulut finir ses iours,  
De le voir peint dās mō ouurage,

Où j'ay fait aussi peu d'effort  
Qu'en fit ce genereux courage,  
Dans les atteintes de sa mort.

Quelques Dieux, comme par envie,  
Le voyans si bien raisonner,  
Après l'auoir fait condamner,

## 2 DE L'IMMORTALITE

Allongerent un peu sa vie,  
 Affin que la mort eust loisir  
 Auparavant que le saisir,  
 De se peindre plus effroyable,  
 Et sans cesse luy discourir  
 De son Arrest impitoyable,  
 Pour le faire long temps mourir.

Vne aduventure inopinee  
 Tentant sa resolution,  
 Laisa sans execution  
 La sentence desia donnee.  
 Ce Nauire qui dure tant  
 Où Thesée mit en partant  
 Quelques voiles noires & blanches,  
 Qui rendu mille fois nouveau,  
 Et changé de toutes ses planches,  
 Encore est le mesme vaisseau.

D'une Religion fidelle,  
 Ce Nauire avec des presens  
 Partoit d'Athenes tous les ans,  
 Pour faire son voyage en Dele:  
 En l'attente de son retour,  
 Les Arrests mortels de la Cour  
 Retenoient leur sanglant tonnerre,  
 Et ne donnoient iamais la mort  
 Au plus coupable de la terre,  
 Que le vaisseau ne fust au port.

Ce Nauire estoit lors sur l'onde,  
 Et pendant son estoignement  
 Socrate sans estonnement  
 Attendoit à sortir du monde,  
 Dans ces importunes langueurs,

Encore parmy les rigueurs  
De la Iustice inexorable,  
Il m'estoit permis de le voir  
Et d'un confort peu secourable  
Luy rendre mon dernier deuoir.

Quelques uns que les mœurs & l'âge  
Attachoiẽt à son amitié,  
Par un mesme effort de pitié,  
Luy rendoiẽt mesme tesmoignage,  
Tous à l'object de son ennuy  
Estoiẽt moins resolus que luy,  
Et consolez à sa parole  
Le voyant sec, parmy nos pleurs,  
Comme moy venoiẽt à l'eschole  
De bien viure dans les malheurs.

Tous les iours dans cẽt exercice  
Il nous enseignoiẽt de mourir,  
Sans perdre temps à discourir  
Des cruantez de la Iustice.  
A la fin quand le iuste cours  
De ses incomparables iours  
Fut acheuẽ par les Estoilles;  
Le peuple, sur le bord de l'eau  
Reueid blanchir les tristes voiles,  
Et mouiller l'ancre du vaisseau.

Le iour venu que la Nature auare  
Redemandoit vne chose si rare,  
Et que la loy pressante du Destin  
Deuoit sa proye à l'infernal mastin,  
Sans espargner non plus cette belle ame,  
Que le plus sot du populaire infame;  
Nous reueions pour la derniere fois

## 4 DE L'IMMORTALITE'

*Al'entretien d'une si docte voix.*

*Ce cœur divin se tient tousiours plus ferme,*

*Lors qu'il se veid plus proche de son terme,*

*Sans que l'horreur de son trespas certain*

*Y fist paroistre un mouuement humain:*

*L'Esprit plus fort voyant sa derniere heure,*

*Et qu'on le presse à changer de demeure,*

*S'il n'est celeste, ou tout à fait brutal,*

*Quoy qu'il discoure il craint le coup fatal.*

*Il falloit bien qu'une diuine essence*

*Au grand Socrate eust donné la naissance:*

*Vn sens humain n'est iamais assez fort*

*Pour se resoudre à soutenir la mort.*

*Luy dans l'obiet de sa fin toute proche,*

*D'un front de marbre, & d'une ame de roche,*

*Monstroit de l'œil, du geste, & du propos,*

*Qu'il demeueroit dans un profond repos,*

*Et que pour voir des pleurs à son martyre*

*Il eust fallu quelque chose de pire,*

*Et ne souffrit iamais dans la prison*

*Qu'un seul soupir fist honte à sa raison.*

*A ses genoux sa femme desolee,*

*Les yeux troublez, affreuse, escheuelee,*

*Qui ne pouuoit à force de douleurs*

*Se soulager d'une goutte de pleurs,*

*Tenant le fils unique de Socrate,*

*Luy reprochoit une ame presque ingrate,*

*De ne laisser aux bords du monument*

*A tous les siens un soupir seulement.*

*Mon cher espoux, Socrate, disoit-elle,*

*Pourquoy ne m'est ceti'heure aussi mortelle?*

*Helas! apres que le dernier sommeil*

*T'aura priué des clartez du Soleil,*

*Dans les horreurs du Cocite effroyable*

*Tes tristes yeux n'auront rien d'agreable.*

*Fussions*

*Fussions nous mesmes en ces lieux pleins d'effroy:  
Tu ne verras ny tes amis, ny moy.*

Socrate sans s'esinouuoir pour la desolation de sa femme, comme du tout insensible à sa perte & à la douleur des siens: le vous prie (dit il) ramenez moy cette femme en la maison. Vn des domestiques de Criton qui se trouua là, la conduisit chez elle.

*Puis il s'assit, & tout se reposant,  
D'un esprit grane & d'un discours plaisant  
Auant se taire il nous fit prendre enuie  
De l'aller suivre au sortir de la vie.*

Tout au mesme instant qu'on luy eut osté les fers, il porta les mains sur les meurtrisseures qui luy demangoient, & goustant sans estre diuertý, la douceur de ce soulagement,

*Voyez (dit-il) cõme au plus grand malheur  
La volupté s'uit de pres la douleur,  
J'ay ce soulas à cause de la chaisne,  
Et ce plaisir à cause de ma peine.*

Que c'est vne chose merueilleuse (disoit il) que ce sentiment que les hommes appellent plaisir, & qu'il a vn estrange rapport à la douleur qui semble estre son contraire: car ils ne peuuent estre ensemble, & si nous ne sçaurions gouter

de l'un sans participer à l'autre, & s'entretochent tous deux, comme s'ils tenoient à quelque bout. *Æsopé* sans doute, s'il eust iamais resué là dessus, eust faict quelque fable de cette meditation. Que Dieu voulant accorder deux choses si ennemies, & n'en faire qu'une, comme il ne le peut du tout, au moins les auroit il faict ioindre par leurs extremités, si bien que l'un se trouuast tousiours à la suite de l'autre, ce qui me vient d'arriuer tout maintenant: car les chaines qui me faisoient mal aux pieds, n'ont pas esté si tost laschees, que j'en ay eu de la ioye, & de l'allegement.

Là dessus vn des amis nommé *Cebes*, l'interrompit pour sçauoir de luy, à quel sujet il s'estoit amusé à faire des vers en la prison: car il y en auoit faict depuis peu, ce qui ne luy estoit arriué iamais auparauât. *Cebes* l'interrogeoit de cela, & pour sa curiosité, & pour celle de quelques autres, mais notamment d'un certain *Euenus* Poëte qui l'auoit fort prié de s'en enquerir.

Tu respondras à *Euenus*, dit *Socrate*, que ce que j'en ay faict, n'a esté ny pour luy plaire, ny pour faire des vers à l'en-



uy de luy , ce qui n'estoit pas aisé: mais  
seulement pour me purger l'ame , &  
pour tirer experience de quelque songe  
qui m'auoit ordonné de faire des chan-  
sons; car vn songe qui m'est reuenu sou-  
uent , tantost d'une forme tantost d'une  
autre, m'a tousiours dit, fay Socrate, fay  
Socrate, fay des vers.

*Moy sans cognoistre l'aduenture  
De ces mysteres trop couuers,  
Je voulois voir si ma nature  
Seroit propre au mestier des vers.  
Lors les Deesses des Poëtes,  
Auparauant pour moy muettes,  
Pousserent leurs charmantes voix,  
Et passans dans ma fantaisie  
Firent vn peu de Poësie  
D'un peu de fureur que i'auois.*

Plus cette vision reuenoit à moy pour  
me solliciter à cest exercice , plus ie me  
trouuois disposé à l'entreprendre.

*Comme des bouts de la barriere,  
Ceux qui vont courir pour le prix  
Sont suinis avecques des cris  
Jusqu'à la fin de la carriere.*

*Cette importune vision,  
 D'une pressante affection,  
 Me commandoit que i'escriuisse,  
 Et me parloit à tout propos  
 Des douceurs de mon exercice,  
 Sans me donner iamais repos.*

Si bien que m'estant resolu de luy obeyr  
 & voulant aussi que mon esprit se rendist net avant que partir du monde, j'ay prins le temps de verifier pendant les festes qui ont retardé l'execution de mon arrest, j'ay commencé mon Poëme par Apollon à qui on faisoit alors des sacrifices.

*Et cette influence elle mesme  
 Qui nous met les vers dans le sein,  
 Comme ayant formé mon dessein,  
 A receu mon premier Poëme.*

Après ie me mis à escrire des fables, iugeant qu'un Poëte doit trauailler en cette matiere plustost qu'en autre discours, & m'en ressouuenant de quelques vnes, ie les ay traitees en l'ordre qu'elles me sont venuës à la memoire, ce sont des fables que i'ay prises d'Æsope: car de  
 moy,

moy, ie ne me trouue point l'esprit inuentif pour cela, c'est ce que tu as à respondre à Euenus, saluë-le de ma part.

*Et de grace conseille luy*

*Que s'il est sage, il me doit suiure,*

*Car sans plus c'est dès aujourd'huy*

*Que ie veux achener de viure.*

Qu'il me suiue donc, mes Iuges veulent que ie parte à ce soir. Simias tout esbahy de cette recommandation: & quoy? Socrate (dit-il) qu'est ce que tu enuoyes là dire à ce Poëte? à ce que ie cognois de luy, ie ne pense pas qu'il te croye. Comment, dit Socrate, n'est il point Philosophe? Simias luy respondit qu'il l'estimoit tel. Il approuuera de là mon conseil (dit Socrate) & luy & tous ceux qui tiennent quelque chose de la bonne Philosophie nō pas pour cocu qu'il se doiuue tuer luy mesme: car on dit qu'il ne le faut pas faire, & sur ces mots, il s'aduança sur les bords de la couchette tout assis, & appuyant ses pieds à terre, il continuë à s'entretenir avec nous.

Comment accordes-tu cela, luy dit Cebes, qu'une personne ne se doiuue

10 DE L'IMMORTALITE'  
point donner la mort, & qu'une Philo-  
sophie doive desirer de suivre celuy qui  
s'en va mourir?

S O C R A T E.

N'avez vous iamais rien appris de cecy  
en conferant avec Philolaux, qui vous a  
esté si familier?

S I M I A S.

Rien pour tout d'assuré, ny de facile.

S O C R A T E.

Ny moy non plus (dit Socrate :) car i'en  
parle par ouyr dire, & ne laisseray de  
vous en dire de bon cœur tout ce que  
i'en ay ouy, aussi ne fera il point hors de  
propos, que sur le point de mon depart,  
ie songe vn peu quel il doit estre, & m'i-  
magine ce que ie dois penser de l'autre  
sejour: c'est la plus seante, & la plus vtile  
occupation qui nous puisse entretenir  
depuis le matin iusqu'à la nuit.

*On ne doit point songer ailleurs.*

*Et de tous les discours des hommes,  
Ce sont sans doute les meilleurs,  
De penser tousiours d'où nous sommes.*

## C E B E S.

Et pourquoy (Socrate) n'est-il pas permis de se tuer ? car il est vray que Philolaux & d'autres m'ont dit autresfois qu'il ne le faut pas faire ; mais il ne m'en ont point laissé de raison qui me contente.

## S O C R A T E.

Il faut que vous m'escoutiez attentivement, mesme apres m'auoir bien entendu, ne doutez pas que vous ne trouuiez estrange, pourquoy c'est yne chose pure, simple, & sans exemple, & qui est seule sans arriuer iamais à l'homme, que la permission de se tuer, comme luy arriuent toutes autres choses, veu mesme qu'il est meilleur à quelques vns de mourir, que de viure.

*Lors que nos destins sont pressez  
Des malices de la fortune,  
Et que nos yeux sont offencez.*

*Du Soleil qui nous importune.*

*Lors qu'on ne veit qu'à la douleur,*

*Que iamaïs l'Astre du malheur*

*Ne se peut lasser de nous nuire,*

*Et qu'au lieu de nous secourir,*

*Nostre esprit tasche à nous destruire,*

*Se doit-on point faire mourir?*

*Et pourquoy des mains estrangeres,*

*Me gueriront elles demain,*

*Puis qu'axiourd'huy ma propre main,*

*Pent finir toutes mes miseres.*

Cebes soufriañt, a, a, Iupiter, dit-il, voilà la coustume des Thebains ; cela veritablement (dit Socrate) semble bien absurde , & si peut estre a-il quelque raison, car pour le discours de ses secrets qui nous apprend que les hommes sont dās cette vie comme en vne prison, dont il n'est permis de se sauuer, c'est à mon sēs vn discours bien-haut , & tres-difficile à comprendre. Toutes fois Cebes , tu crois bien qu'il y a de l'apparence que les Dieux ont soin de nous.

C E B E S.

Ouy.

S O C R A T E.

Et que les hommes sont vne des possessions

sions dont les Dieux iouissent.

C E B E S.

Ie le croy.

S O C R A T E.

Considere, Cebes, que si quelqu'un des esclaves qui sont à toy, se tuoit luy mesme sans ta permission, tu t'en fâcherois & le ferois mesme punir apres sa mort.

C E B E S.

Sans doute.

S O C R A T E.

Ainsi trouué-ie raisonnable que les hommes ne se tuent point eux-mesmes & qu'ils doivent attendre de Dieu la necessité de mourir, comme tu vois qu'il me l'impose maintenant, par l'arrest qu'on m'a prononcé.

C E B E S.

Il est tres-clair, mais ce que vous disiez vn peu auparauant, que les Philosophes aymēt le desir de la mort, n'est point re-

ceuable , si cecy a lieu que Dieu est nostre curateur & que nous sommes en sa possession, il n'y a point d'apparence que les hommes qui sont sages fussent fachez de se laisser gouverner aux Dieux qui le sont encore plus qu'eux: car l'homme prudent doit plus craindre en sa propre conduite, & lors qu'il est en sa liberté, qu'alors que Dieu prend la peine de le gouverner & de le conduire. Mais bien vn fol sans doute trouueroit bon de quitter son maistre , sans considerer qu'il se faut tousiours tenir à ce qui est bon; & celuy qui a bon sens, veut tousiours demeurer où il faict meilleur. Or se departir de la vie, c'est sortir de la tutelle en laquelle Dieu nous tient , & où les sages aiment à demeurer , c'est pourquoy ils ne peuuent mourir qu'à regret; & les fols seulement se peuuent resioüyr à la mort.

Socrate ayant ouy cela, print plaisir à la subtilité de Cebes, & se tournant vers nous: Tousiours, dit-il ce Cebes examine tout iusqu'au bout , & ne se laisse point facilement persuader à qui que ce soit. Et moy , respondit Simias, ie crois que ce que Cebes nous vient de dire est  
quel



quelque chose: car à quel propos les hommes qui sont sages, voudroient ils laisser ceux qu'ils trouvent estre plus sages qu'eux, & les fuir? Là Cebes dist à Socrate, c'est à vous à qui parle Simias, qui nous abandonnant sans regret, quittez aussi sans remords les Dieux que vous confessez vous mesmes estre bons & capables de vous gouverner. Vous auez raisō, dit Socrate, vous voulez que ie me deffende en iugement. Il est vray, respondit Simias. C'à dit Socrate, ie m'en vay respondre encore plus exactement que ie n'ay faict deuant les Iuges.

*Si pour m'envelopper de mortelles tenebres  
J'aimois à me plonger dans les ruisseaux  
funebres*

*Dont Charon tient le port*

*Avec la seule enuie*

*De me rendre à la mort,*

*Pour souffrir les regrets d'auoir perdu la vie*

*Mon desir seroit plein de crime*

*Et quiconque raisonne ainsi,*

*N'a point de cause legitime*

*Qui le fasse partir d'icy*

*Mais ie scay qu'esloignāt le masse de terre*

*Où tant d'aduersitez m'ont toujours*

*jai*

*faiët la guerre,  
Je seray comme vn Dieu  
Et que dans l'autre monde  
Je dois trouuer vn lieu,  
Où pour les gens de bien toute douceur a-  
bonde.*

*La les fatales ordonnances  
Donnent la ioye & les tourmens:  
Les bons prennent les recompenses  
Et les mauuais les chastimens.  
C'est ce que ie croy vetitablement, mes  
amis, & d'où ie dois prendre plus d'oc-  
casion desperer que de craindre.*

*Là les hommes sont d'une rase  
Presque pareille au sang des Dieux,  
C'est où les grands Inges des Cieux  
Feront interiner ma grace.*

Pour estre bien assureé de rencontrer  
au sortir de cette vie vne societé d'hom-  
mes tant excellens, ie ne m'en oserois  
point vanter, mais d'y trouuer des Dieux  
tous puissans & tous bons, ie le tiens  
tout certain, & l'affirme autant que ie  
puis affermer chose du monde.

*C'est pourquoy sans aucun remords  
Visitant le pais des morts,*

*Mon esprit ioyeux imagine  
Qu'il est icy comme estranger,  
Et qu'il va d'un lieu passager  
Vers le lieu de son origine.*

Voudrois tu bien, dit Simias , t'en aller d'auec nous, auec cette cognoissance, sâs nous en faire part, puis que c'est vn bien qui nous touche à tous aussi bien qu'à toy? Ne pense point t'estre acquité enuers nous d'aucune sorte de deuoir , si tu ne nous apprends cette doctrine , & ne nous persuade point ton opinion.

## S O C R A T E.

Py feray tout ce que ie pourray , mais sçachons vn peu plustost ce que Criton nous veut dire : car ie vois qu'il y a desia longtêps qu'il veut parler à moy. Je n'ay autre chose à vous dire , respondit Criton, que ce que le bourreau m'a desia dit cent fois, que vous ne deuez point tant parler, pource que cela vous eschauffe, & peut empescher l'operatiõ du poison, il s'en est trouué à qui il a fallu reïterer la prise deux ou trois fois pour ce sujet. Laissez-le là, dit Socrate , qu'il fasse sa charge

18 DE L'IMMORTALITE'  
charge, & appreste du poison pour trois  
ou quatre fois s'il veut. Je sçauois bien,  
dit Criton, que ie ne tirerois autre chose  
de vous pour cet aduis, mais le bourreau  
m'en importune, il y a desia long temps.

## S O C R A T E.

Laissez-le là. Or mes Iuges, ie m'en vay  
vous rendre raison, pourquoy vn hom-  
me qui a consommé tout son âge en l'e-  
tude de la Philosophie, doit attendre la  
mort avec assurance, & qu'il doit espe-  
rer de grands biens au sortir de ce mon-  
de : & voyez mes amis, comme quoy il  
me semble que cela se doit entendre.

*Celuy qui dans les solitudes  
De trop d'amour de discourir,  
S'enfenehit en ces estudes  
Semble-t'il pas tousiours mourir:  
Perclus des appetits du monde,  
Dans la stupidité profonde,  
Où le tient sa forte raison?  
Il a tousiours la mort dans l'ame,  
Et se songe que de prison,  
De precipices & de flamme.  
Dans le cours de l'age mortel,*

*Le Philosophe est desia tel,  
Qu'un autre apres l'ameranie,  
Le mal luy passe pour le bien  
Et quand il meurt il ne faict rien  
Que ce qu'il faict toute sa vie.*

Il faudroit donc bien trouuer estrange que les Philosophes qui ne trauaillent toute leur vie qu'à chercher la mort, fussent faschez de la trouuer, & qu'ils se plaignissent d'auoir en fin obtenu ce qu'ils auoient tant demandé. Simias riant, dist à Socrate, vous me faictes rire & si ie n'en ay point d'enuie : car plusieurs à mon opinion, s'ils auoient ouy cecy, le trouueroient fort à propos contre les Philosophes. Et nos Atheniens aduoüeroient infailliblement que les Philosophes meurent à la verité, & que pourtant ils n'ignorent pas qu'ils meritent la mort. Ils ne le diroient pas peut estre sans raison, dit Socrate, s'ils adioustoient qu'ils ne l'ignoroient pas, c'est à dire, que les Philosophes n'ignoroient point qu'ils meritent l'honneur de mourir, car veritablement ils n'ont iamais fçeu comme quoy les Philosophes s'estudiet à mourir, & sont dignes de la mort:

mais

20 DE L'IMMORTALITE'  
mais laissons ces gens là , & parlons à  
nous mêmes. Pensons nous que la mort  
soit quelque chose? sâs doute c'est quel-  
que chose, dit Simias.

## S O C R A T E.

Est-ce autre chose que la separation de  
l'ame avec le corps? & si estre mort , ce  
n'est point auoir le corps à part sans ame  
& l'ame aussi separee du corps se souste-  
nant d'elle-même , la mort peut-elle  
estre quelque autre chose? Rien du tout,  
dit Simias. Socrate: Prenez bien garde, si  
nous sommes bien d'accord vous & moy  
en cecy, & vous trouuerez plus aisément  
ce que vous demandez ? Croyez vous  
que ce soit à faire au Philosophe de s'e-  
tudier aux voluptez , & employer son  
soing à la desbauche, comme au plaisir  
des viandes delicates, & des bons vins?

*Est ce pour le plaisir infame,  
D'engloutir des mets precieux  
Et pour des vins delicieux,  
Que ie dois trauailler mon ame?*

## S I M I A S.

Cette volupté est trop lasche pour oc-  
cuper vn Philosophe.

S O C R A

## SOCRATE.

*Crois tu que le plaisir d'aymer  
Qui ne vient point dans la pensée,  
Sans rendre nostre ame, insensee,  
Soit digne de nous animer.*

## SIMIAS.

Non , ie crois que cette mollesse est indigne d'un homme de bon sens, & qu'un esprit plus robuste qu'il soit, demeurant long temps en cette frenaisie, est en danger de s'affoiblir , & de se mettre en fin hors d'esperance d'amendement.

## SOCRATE.

*L'aise d'estre vestu de soye  
De voir l'or & les diamans,  
Esclatter sur ses vestemens  
Est ce une veritable ioye?*

## SIMIAS.

Ny cela encore: car un Philosophe ne se doit point empescher l'esprit du soin de  
ces

22 DE L'IMMORTALITE'  
ces petites choses, n'y s'en servir qu'en la  
nécessité de l'usage de la vie

S O C R A T E.

Vous sçavez bien que l'estude & l'oc-  
cupation d'un Philosophe ne doit point  
estre apres le corps : mais qu'il s'en doit  
esloigner pour vacquer seulement à la  
culture de l'esprit.

S I M I A S.

Il me semble ainsi.

S O C R A T E.

De là vous voyez comme le Philosophe  
plus que nul autre homme, tâche de se-  
parer & d'affranchir l'esprit de la conta-  
gion, & du commerce du corps.

S I M I A S.

Il est vray.

S O C R A T E.

Et cependant, la plupart estiment un  
homme mort qui n'a point le goust des  
voluptez corporelles.



*Ceux que la vanité n'a iamais peu saisir,  
Ceux à qui les thresors n'ont iameis fait  
d'enuie*

*Qui ne languissent point dans l'amoureux  
plaisir,*

*Dont le ieu ny le vin n'ont touché le desir,*

*On les estime morts au milieu de la vie.*

## S I M I A S.

C'est veritablement l'erreur de la plupart des hommes.

## S O C R A T E.

Au reste, il ne faut point penser que l'esprit se puisse en aucune sorte aider du corps pour paruenir à la cognoissance des choses: car les sens corporels ne sont point entiers ny asseurez. La veüe & l'ouye sont les principaux, & puis que ceux là nous trompent manifestement, que faut-il attendre des autres? Il faut donc que l'ame se retire à part, & que les yeux ferment & les oreilles closes sans aucun diuertissement de douleur ny de ioye, elle se ramasse en soy-mesme, laisse là le corps à part, & sans doute en cet estat elle se dispose à sentir la verite des choses,

24 DE L'IMMORTALITE'  
choses ; & à la cognoistre. C'est où tu  
vois combien l'esprit d'un Philosophe  
tient le corps à mespris, car il fuit de luy  
& meine sa vie à part. Encore Simias, ie te  
veux faire aduiler de cecy , ce que nous  
appellons, ou iuste, ou bon, ou beau, est-  
ce quelque chose, ou si ce n'est rien?

S I M I A S.

C'est sans doute quelque chose.

S O C R A T E.

Cela se peut-il voir des yeux corporels,  
non plus que santé, grandeur, force, &  
route autre essence, c'est à dire, ce qu'une  
chose est, les yeux le voyent-ils? ou quel-  
que autre sens corporel le peut-il com-  
prendre? Certes nullement : car c'est un  
effect de la pensée , & de la meditation  
de l'ame; & pour y venir, il faut se por-  
ter entierement dans l'imagination, s'e-  
loigner de tous les objects par où le  
corps nous peut destourner , & resuer  
profondement dans l'ame, sans rien cō-  
muniquer du discours aux facultez du  
corps qui ne faict que troubler l'esprit,  
& luy

& luy mettre des nuees au deuant de la verité. De là, tu vois que les Philosophes se doiuent tenir en leur opinion, & raisonner ainsi entr'eux mesmes. Il est donc clair & facile à trouuer par la voye de nostre propre sens, que tant que nous aurons vn corps, & que nostre ame sera meslee à la cōtagiō de tāt de mal, il nous est impossible de bien obtenir ce que nous desirons. Car le corps nous donne des empeschemens sans nōbre, qui nous viennent de la necessité de sa nourriture, & quel moyen de venir à la pure co-  
gnoissance de la verité au trauers des conuoitises, amours, craintes, esperances & d'une infinité d'images que les vapeurs dōnent au cerueau, d'air & de fumee ? Les guerres & seditions ne nous entrent dans l'esprit que par la cupidité ou par l'alteration du corps; car tout se fait pour l'amour de l'argent, & on est contraint de chercher de l'argent pour l'amour du corps, d'autant qu'il est necessaire à sō vsage, & cela ne laisse point à l'esprit la liberté qu'il luy faut pour l'estude de la Philosophie. Vn obiect aimable peut à l'instant destourner l'ame la plus tenduë à son discours.

*Qu'une beauté vienne à passer  
 Deuant les yeux d'un homme sage,  
 L'effort que fait vn beau visage  
 Luy diuertira le penser,  
 Et luy saisira le courage.*

Et telles autre nuees qui s'esleuent ordi-  
 nairement du corps, pour faire ombre à  
 l'esprit, & troubler l'imagination.

*L'homme n'a point de liberté,  
 Et ce que la diuinité  
 Nous donne d'ardeur & de flamme,  
 Relasche ses plus beaux efforts,  
 Tant que le sentiment du corps  
 Participe à celui de l'ame.  
 Ce que nostre espoir a de beau,  
 Est renfermé dans le tombeau,  
 C'est où le sage doit attendre,  
 L'enuement de ses desirs,  
 Et le comble de ses plaisirs,  
 Que l'Enfer ne luy peut deffendre.*

Ainsi la contagion du corps estant si  
 contraire à la contemplation, il s'ensui-  
 uroit que nous ne pouuons estre sçauans  
 ou que c'est apres la mort, & que tant  
 que nous viuons, à mesure que nous nous  
 tenons

renons separez du corps, nous faisons plus de chemin vers cette science que nous attendons parfaicte apres cette vie.

*Quittans la masse de la chair.*

*Parmy les vers ensevelie,*

*Le sçavoir qui nous est si cher,*

*Alors succede à la folie.*

C'est alors que nous allons recueillir les fruiçts de la Philosophie, & que de nous mesmes, sans trauail, nous trouuerons la vraye sagelle, & la cognoissance de ce qui est entier, c'est à dire du vray, & nostre ame simple & pure, loing de la contagion du corps, & de ses frenesies, se trouue dans vne conuersation bien-heureuse d'autres esprits ainsi purs & sages: autrement pleins d'infection & des grossieres humeurs que le corps tire de la terre, serions-nous dignes de la societé des esprits purs, qui demeurent là haut?

### S I M I A S.

Ceux qui ont enuie d'apprendre, doiuent sans doute ainsi parler & croire. S'il est ainsi, dit Socrate, celuy qui s'en va en

28 DE L'IMMORTALITE  
l'autre monde où ie vay, doit estre bien  
aise : car il s'en va où il est asseuré  
de trouuer en abondance, ce qu'il a  
cherché icy avec tant de soin durant la  
vie.

*Et ne crois point que ie m'estonne,  
Pour la contrainte de partir,  
Ny que ie pense à diuertir  
Le congé que la mort me donne  
Ie beny le Iuge & la Loy,  
Cette rigueur ne m'est point dure,  
Et quiconque aura l'ame pure,  
Aimera la mort comme moy.*

Et cette purification d'esprit n'est autre  
chose que le retirer d'avec le corps au-  
tant qu'on peut.

*L'ame n'est point nette & purgee,  
Tant qu'elle demeure engagee  
Sous la stupidité du corps,  
Et languit tousiours affermie  
Aussi bien dans la nuit des mors,  
Que dans les clairtez de la vie.  
Il luy faut donner des obiects,  
Loing des ressentimens abiects  
Dont la masse du corps la pique.*

Sans

*Sans cela le raisonnement  
Dont sa diuinité s'explique  
Ne paroist iamais clairement.*

Aussi nette de cette contagion, elle void la verité, & trouue en elle mesme de grandes & pleines matieres de se contenter. Le mestier du Philosophe, est de la rendre telle, il ne trauaille qu'à cela: aussi estant paruenu à son dessein, il faut croire qu'il en a bien de ioye, & que cela est incompatible qu'il mette tant de soin à rendre son ame toute separee du corps, mesme dès le temps de la vie, & qu'il fust fasché de la mort où son esprit ne peut estre autre chose que ce qu'il a desiré qu'il fust tant qu'il viuoit, c'est à dire parfaictement sçauant, & libre du commerce du corps, comme il taschoit à s'en depestrer, & dauantage pour ne trouuer point absurde que les Philosophes se plaisent dans la mort, considerons:

*Si pour l'amour d'une maistresse,  
D'un amy, d'un fils, d'un parent,  
Un violent desir nous presse  
De le suivre mesme en mourant.*

Et iusques dans les bords funestes  
 D'un ruisseau qui n'a point de fonds,  
 Au trauers des feux & des pestes,  
 Renoir des *Manes* vagabonds.  
 Laisans à nos molles pensées  
 Pleines d'amour & de pitié,  
 Rabaïser dans les *Elizees*,  
 Les ombres de leur amitié.  
 Vn Philosophe de qui l'ame  
 N'a d'amy, de parent, de femme,  
 Que la sagesse & le sçauoir,  
 Ne craint point de finir sa vie:  
 Car c'est ainsi qu'il pense voir  
 Tout ce dont il auoit enuie.  
 Et sans doute alors que nos yeux  
 Laisent leur clarté consurmie,  
 Ils trouuent en des plus beaux lieux,  
 De plus beaux esclats de lumiere.  
 Et nostre esprit qui void icy  
 La verité dans vne nuë,  
 Apres la mort mieux esclairey,  
 La void entiere & toute nuë.

C'est bien donc hors d'apparence qu'un  
 Philosophe se fasche de mourir, puis  
 qu'il est passionnément amoureux de la  
 vraye sagesse qui ne luy peut arriuer  
 qu'en la mort. De là il s'imagîne verita-  
 blement



blement que ceux qui aiment tant la vie  
& ne peuuent la perdre qu'avec douleur,  
ne font pas Philosophes.

*Le sage avec plaisir eschappe à son lien,  
Et n'est iamais fasché de renoncer au bien,  
Où l'auare se fie;  
Et quiconque finit avecques du regret,  
N'a iamais entendu le bien heureux secret  
De la philosophie.*

Celuy qui a du regret à la vie, tesmoigne  
ouuertement que sa passion estoit moins  
à l'estude de la sagesse, qu'au seruice de  
quelque beauté & à la recherche d'une  
vaine gloire, ou à la poursuite des ri-  
chesses. Au reste cette vertu de resister  
aux afflictions, est de ne se point lascher  
aux voluptez, l'une desquelles on ap-  
pelle courage, & l'autre temperance,  
n'appartiennent proprement qu'aux  
Philosophes: car dans l'esprit des autres  
hommes, ces vertus à les bien entendre,  
sont absurdes, puis qu'il est vray qu'ils  
estiment la mort, vn des plus grâds mal-  
heurs du monde: s'ils viennent à la souf-  
frir constamment, & auoir moins d'hor-  
reur, il faut que ce soit pour la crainte

## 52 DE L'IMMORTALITE

de plus grands maux: si bien qu'ils sont vaillans de peur, & sans l'apprehension d'un plus grand mal, ils auroient moins de courage à supporter la mort. Pour la vertu de temperance, ils ne la scauroient auoir, car la temperance proprement,

*C'est donner la borne aux desirs,  
Et parmy les honteux plaisirs,  
Où la chair languit endormie,  
Tenir l'ame à sa liberté,  
Et la sauuer de l'infamie,  
Où la presse la volupté.*

Cette vertu ne se donna iamais qu'à un Philosophe: les autres en l'estude de la temperance s'ils s'abstiennent d'une volupté, c'est pour se rendre plus capables d'une autre, & ne surmontent iamais une mauuaise passiō, qu'apres estre vaincus d'une pire, aussi ne sont ils iamais téperans que par intēperance. Or prenōs garde icy que nous ne pensions que ce soit la voye de la vertu, que ce changemēt de voluptez, de craintes ou douleurs l'un à l'autre, & la moindre à la plus grande, comme un change de mō-  
noyes:

noye: mais que la bonne piece est seulement celle qui faict changer le reste , & le mettre en vente: c'est à sçauoir, la sagesse & la prudence , pour laquelle & avec laquelle toutes choses s'õt achetees & vëduës , & que c'est aussi la fortitude ou courage, la temperance & iustice; & en somme la vraye vertu avec la sagesse & la prudence sans en oster les voluptez ou craintez, & autre sorte de passïõs qui suruiennent ; ou si separee de la sagesse , elle ne vient point à changer en elle mesme , & que telle vertu ne soit qu'une vertu seruile, vne ombre, & vne apparence qui n'ait en soy rien de sain ny de vray , & que la pureté & verité de la vertu soit en la purification de tout cela, & que la temperance, la iustice, fortitude, & sagesse soit vne sorte de purification.

*Je crois que les premiers mortels  
Meritent presque des autels  
Tant leur ame fut curieuse  
D'obliger la posterité,  
En nous laissant la verité,  
Sous un' ombre mystérieuse.  
Leurs preceptes nous ont appris,*

## DE L'IMMORTALITE

*Que les lourds & vilains esprits  
Dont l'humeur pesante & grossiere,  
En vivant ne se purge pas,  
Se trouvent apres le trespas  
Ensenelis dans la poussiere.*

*Ces froides horreurs de l'Enfer.  
Cette nuit, ces vieux liets de fer  
Où se vont coucher les furies,  
Ce gros chien qui iappe au portal  
Ces grandes plaines de voiries  
Sont leur eternal hospital.*

*Mais vn esprit que la vertu  
A sçeu piquer de son estude,  
Et qui tient dans la seruitude  
Le desir du corps abbattu,*

*Quittant le monde il quitte la misere,  
Et prenant au Ciel son quartier,  
Au lieu de rencontrer ou Charon, ou Cer-  
bere,*

*Il ne void que des Dieux en son heureux  
sentier.*

Pour treuver hors de cette vie vn se-  
jour heureux, il faut estre homme de  
bien, & n'auoir point l'esprit souillé des  
vices du monde: cest comme on dit, il y  
en a beaucoup qui portét le Tyrse, mais  
peu qui soient des Bacchus. Par ces Bac-  
chus, j'entends ceux qui ont Philosophé

de bõne sorte, parmy lesquels ie ne pẽse point estre des derniers ,ce que ie sçauray bien tost, si Dieu le permet : car ie n'ay plus guere à l'essayer. Voyla mon excuse, ô Cebes! Pour la constance que tu me reproches lors que ie laisse ainsi mes amis sans regret, c'est que i'espere en trouuer d'autres, où ie vay, qui ne valent pas moins que ceux-cy. Je sçay bien que peu de gens ont cette creance: mais si les discours que ie vous viens de faire pour ma deffenſe, vous ont mieux persuadé qu'aux Atheniens, me voila content & tout va bien. Tout cela, dit Cebes est tres-bien discouru, tu as traitté toutes ces matieres tres-bien à mon gré: il faut quẽ ie te fasse vne question, & que ie te mette en discours pour ce qui est de l'ame particulièrement: car plusieurs doutent qu'elle soit immortelle, & quelques vns croient,

*Que l'ame dans vn corps viuant  
Qu'un peu de feu tient allumee,  
En la mort n'est qu'un peu de vent,  
Qui se perd comme vne fumee.  
Que si tout l'homme ne meurt pas  
Du coup de ce commun trespas,*

*Je crois qu'après cette lumière  
 L'ame est en sa perfection,  
 Et trouve une condition  
 Plus heureuse que la première.  
 Socrate ce que tu promets  
 Des biens qui durent à jamais,  
 Dedans le logement celeste,  
 Aduiendra comme tu le dis,  
 S'il est vray que nostre ame reste  
 Quand le tombeau tient refroidis,  
 Soubs une glace à tous funeste,  
 Les organes qu'elle eut iadis.*

Voyons donc, dit Socrate, ce que nous  
 trouuerons de probable en cette matie-  
 re: ie la trouue serieuse, & ne pense point  
 qu'on puisse dire que ie m'amuse icy en  
 des discours qui n'en valent pas la pei-  
 ne. Considerons premierement s'il faut  
 aduouër que les ames des morts sôt aux  
 Enfers, ou si elles n'y sont point.

*On croit de longue main que les esprits des  
 morts,*

*Que les siecles passez ont appelez des om-  
 bres,*

*Après auoir quitté la despoüille du corps,  
 Occupans dans l'Enfer quelques demeures  
 sombres,*

*Et que n'estant point afferuies  
Dans vntrespas perpetuel,  
Par vn shangement mutuel  
Elles font de nouuelles vies,  
Et quittant les royaumes vains  
Reuiennent dans les corps humains.*

Que si cela est vray que des morts les viuans puissent encore renaistre, nos ames seroient là sans doute : car elles ne scauroient reuenir à la vie, si elles n'estoient en quelque part. C'est donc vne coniecture assez suffisante, pour nous faire entendre que nos ames sont là, s'il est vray que les viuans ne puissent venir que des morts. Que si cela n'est point, il nous faudra trouuer vne raison, & pour bien comprendre cecy, ne prenons pas garde seulement à ce qui est des hommes : mais encore de toutes sortes d'animaux & de plantes, & de toutes les choses au monde quis'engendrent; considerons s'il n'est pas vray que chaque chose se fasse de son contraire, pour tout ce à quoy il eschet d'auoir vn contraire comme le beau & le laid, le iuste & l'iniuste sont contraires, & mille autres choses comme cela, sçauoir s'il est ne-  
cessaire

cessaire que ce qui a vn contraire ne puisse en aucune chose estre faict que de son contraire, par exemple ce qui se faict plus grand, il est necessaire que de ce qu'il estoit auparauant, c'est à dire d'une chose moindre, il soit ainsi devenu plus grand; & de mesme ce qui se faict à cett'heure moindre, s'est faict ainsi moindre en se diminuant de quelque chose plus grâde: de mesme ce qui se faict plus robuste, c'est d'auoir esté plus foible, ou plus meschant, d'auoir esté meilleur, ou plus tardif, d'auoir esté plus viste. C'est ainsi que nous trouuons que toutes choses se font de leur contraire. Or il se trouue vn milieu entre les deux contraires, ce qui est la generation, le progres ou passage de l'un à l'autre, comme entre ces deux contraires plus grand & moindre, le milieu c'est l'accroissemēt & le descroissemēt: ainsi nous disons que l'un diminue & que l'autre croist, comme du froid & du chaud, on dit aussi, eschauffer & refroidir, & cela comme tous autres contraires, se discernent ainsi, & se confondent mutuellement. Et combien que le nom des choses en plusieurs endroicts



vienne à manquer, tenons en effet que tout se faict de son contraire, & que leur milieu c'est la generation qui passe de l'un à l'autre. Au reste ce que nous appellons, n'a il point son contraire, comme veiller a pour son contraire dormir, & viure aussi a pour son contraire mourir ? ces deux choses ne se font elles pas l'une de l'autre, puis qu'elles sont contraires ? Et n'ont elles point deux generations ou progresz, comme elles sont deux pour reuenir de l'une à l'autre ? Ainsi comme le veiller & dormir sont deux contraires, mourir & viure le sont aussi, comme du sommeil se fait la veille, & de la veille le sommeil, ainsi de la vie se faict la mort, & de la mort aussi la vie. (Et puis qu'il est ainsi, & que si necessairement il se fait quelque chose du mort, il faut que ce soit un viuant nos ames sont sans doute aux Enfers) cōme la generation & progresz du veiller au dormir s'appelle sans dormir, & comme le progresz & generation du dormir au veiller s'appelle s'esueiller, ainsi le progresz de la vie à la mort s'appelle trespasser, & le progresz & la generation de la mort à la vie ne se trou-

uera il point? La Nature seroit elle man-  
que & defectueuse en ce seul point? Il  
ne le faut pas croire. Nous trouuerons  
donc la generation de la mort à la vie,  
& ce progres s'appellera ressusçiter; si  
bien que des morts viennent les viuans  
aussi bien que des viuans se fôt les morts.  
Et de là s'ensuit qu'il faut necessairemēt  
que les ames des morts soient en quel-  
que lieu d'où elles puissent reuenir sans  
ce rechangeement d'une chose à l'autre,  
& sans ce progres de generation, par  
lequel les choses se refont ainsi d'elles  
mesmes, & reuiennent dans la nature,  
comme par vn tour de cercle tout à la  
fin tomberoit en mesme figure, & rien  
ne se feroit plus cōme si toutes les cho-  
ses venoient à tomber dans vn profond  
sommeil dont elles ne peussent se rele-  
uer iamais. Tu crois bien que toutes  
choses seroient à la fin reduictes en vn  
mesme estat, & sans doute.

*Ce qu'on dit d'un Berger amoureux de la  
Lune,*

*Dont iamais le sommeil n'a peu fermer  
les yeux,*

*Ce*

*Ce n'est que le discours d'une fable im-  
portune,*

*Et le foible entretien d'un esprit odieux.*

Que si toutes choses venoient à se con-  
fondre , & se mettre en estat de n'estre  
point discernées, il arriueroit ce que dit  
Anaxagoras, que toutes choses sont en-  
semble,

*L'ombre esteindroit cette lumiere,*

*Et les Elemens desinolis*

*Se trouueroient enseuelis*

*Dans la difformité premiere.*

Car si ce qui est en vie, meurt, & qu'e-  
stant mort il ne puisse ressusciter, il s'en-  
fuiura que tout finit , & que rien ne  
peut viure.

*Tout ce que le Soleil void naistre,*

*Est contraint de laisser son estre*

*Dans les laqs d'un mortel sommeil,*

*Si de là rien ne nous deliure,*

*Pour reuenir vers le Soleil,*

*En fin tout cesseroit de viure.*

Mesme bien que les viuans donnent vie  
à d'au

à d'autres , si tous sont subiets à perir  
sans renaistre à la fin , pourroit on voir  
aussi tout esteint; le le crois , dit Cebes,  
& ne pense point auoir esté surpris pour  
mettre à cecy, qu'il y a vne resurrection;  
que des morts il reuient d'autres viuans  
& que les ames deuient apres les  
corps , & qu'apres cette vie les bons en  
trouueront vne meilleure , & les mes-  
chans vne pire. Cecy me remet au sou-  
uenir de ce que tu as accoustumé de  
dire , que toute nostre discipline n'est  
qu'une reminiscence. S'il est ainsi, il faut  
qu'en vn autre temps auant qu'estre en  
ce monde, nous ayons appris ce dont  
il nous souuiert maintenant.

*Ce qui vient dans les fantaisies  
Des plus belles ames saisies  
D'un desir ardent de sçauoir,  
Est comme vne leçon seconde,  
Par où nostre esprit va reuoir  
Ce qu'il veid en autre monde,  
Et ne faict que s'entretenir,  
Des choses autrefois cognues,  
Que l'ombre d'un ressouvenir  
Auoit encores retenues.*

Ce qui ne se peut , sans que nos ames  
ayent

ayent esté ailleurs auparauant que de  
venir en cette forme humaine.

*De là se tire vn iugement.*

*Que nostre ame a vescu chez elle,*

*Loin de ce mortel logement,*

*Pour monstrier qu'elle est immortelle.*

Je te prie, ô Cebes, dit Simias, dy moy  
quelles demonstrations tu as pour nous  
prouuer ton dire? En voicy vne tresbel-  
le raison, respond Cebes, que les hom-  
mes quand on leur demande quelque  
chose, si c'est quelqu'un qui les sçache  
bien interroger, ils respondent à propos  
& disent les choses comme elles sont;  
ce qu'ils ne sçauroient faire s'il n'en y  
auoit dans leur esprit quelque certaine  
science & vne raison droicte? & si on les  
applique à la Gcometrie en les figures  
& descriptions, on verra que nos esprits  
ont certaines cognoissances desia ac-  
quises.

*Alors qu'une diuine flamme*

*Auec des incogneus ressorts,*

*Pousse les mouuemens de l'ame*

*Dedans la masse de nos corps,*

*Des communes intelligences  
Que l'esprit ne scauroit cacher,  
Et les sentimens des sciences,  
Se communiquent à la cher.*

Les raisons que Cebes amena, contenterent Simias, & luy remirent dans l'esprit la persuasion qu'il auoit eu auparavant toute autre, & creut que leur discipline n'estoit autre chose qu'une reminiscence, il eut toutesfois enuie d'en ouyr parler Socrate en discourant ainsi.

### S O C R A T E.

Pour se ressouuenir de quelque chose, il faut l'auoir sçeu auparavant, qu'ad la science de quelque chose nous vient de cette façon, il faut aduoüer que c'est une reminiscence, & voicy comment ie le prends: si quelqu'un apres auoir veu quelque chose, ou entendu, vient à se ressouuenir, non seulement de cela, mais encore de quelque autre chose en suite dont la cognoissance est differente, le ressouuenir de cette chose plus esloignée s'appelle reminiscence, comme par exemple la cognoissance d'un homme

homme & d'un luth sont de choses différentes, & lors qu'un amoureux vient à veoir le luth dont il a veu iouer sa maistresse, il se souuient aussi tost de sa maistresse.

*Si ie passe en un iardinage  
Semé de roses & de lys,  
Il me réssouuient de Philis,  
Qui les a dessus son visage.*

*Diane qui luit dans les Cieux  
Tousiours ieune, amoureuse & belle,  
Me l'a remet deuant les yeux,  
Pource qu'elle est chaste comme elle.*

*Le la vois si ie vois l'Aurore,  
Et quand le Soleil luit icy,  
Il me reffouuient d'elle aussi,  
Pource que l'Vniuers l'adore,*

*Les Graces dedans un tableau,  
Le petit Amour & sa flamme;  
Brestout ce que ie voy de beau,  
Me l'a faict reuenir dans l'ame.*

Ainsi pensant à Cebes, on peut aussi penser à Simias, & cela s'appelle remiscence: mesme lors qu'il arriue qu'on se ressouuient des choses que la longueur du temps & la nōchalāce auoiēt effacées

effacees de la memoire, & ne se peut il pas faire que voyant vn cheual peint, on viene à se ressouuenir d'une personne ? & qu'à voir la peinture de Simias, on se represente aussi Cebes ; & sans doute aussi voyant Simias peint, on se ressouuiet de Cebes ; Ainsi voyons nous que la reminiscence arriue par le moyen de ce qui est approchant & semblable, & par le moyen aussi de ce qui est dissemblable.

*Au seul ressouuenir d'auoir couru les  
eaux,*

*Nos rapides pensers volent dans les estoil-  
les,*

*Et le moindre instrument qui sert à des  
vaisseaux*

*Nous fait ressouuenir du cordage & des  
voiles.*

Mais alors qu'on vient à se rememorer d'une chose par quelque chose qui luy ressemble, il faut scauoir recognoitre par dessus du defaut en la ressemblance de la chose qui nous reuiet au souuenir. Vn peu d'attentiõ icy, disons nous pas qu'il y a quelque chose qui  
s'appelle



s'appelle esgal ; ie n'entends point d'un bois esgal à un autre , ou vne pierre à vne autre, ou autres choses de mesme : mais i'entends quelq chose hors de tout cela, qui s'appelle l'esgal , & cest esgal est-ce quelque chose ? Sans doute, respond Simias , & des cognoissances de l'esgal nous est venue pour auoir veu des bois & des pierres ou autres choses esgales, nous auons imaginé cet esgal qui est autre chose que les bois ou pierres, ou autres choses esgales: car ce mesme bois ou pierres se disent quelquesfois esgaux , & quelquesfois inegaux pour diuers respects: mais ce qu'on appelle esgal ou inegal, egalité ou inégalité, est toujours & ne change point. C'est pourquoy les choses esgales & l'egalité ne sont pas mesme chose, & cependant de ces choses esgales qui ne sont point l'esgal, nous auons tiré la cognoissance de l'esgal. Ainsi soit du semblable ou du dissemblable. Alors que par un obiect vous vous representez quelque autre chose, soit semblable ou non, il se fait necessairement vne reminiscence. Or voyons si nous procedons enuers les choses qui sont dans celles que nous appellons

mainte

maintenant esgalles, bois, pierres & autres choses, faut-il penser qu'elles soient aussi esgalles que l'esgal mesme? il s'en faut beaucoup. Ne confessons nous point qu'un homme qui void & considere attentiuement vne chose laquelle il desire estre pareille, & tout à fait vne à vne autre chose qui l'est en effect, s'il void que ce qu'il desire deuienne tel, & est deffectueux, & qu'il cognoisse qu'il differe, & est esloigné de beaucoup de ce qu'il voudroit qu'il peut deuenir, il faut que cet homme ait veu & cogneu autresfois la chose, & la perfection à laquelle il connoist que cette autre chose ressemble vn peu, où il cognoist qu'elle ne peut paruenir entiere-ment. Il nous en arriue de mesme en ce discours de l'esgal: car il faut que ce que nous appellons esgal, que nous auons cogneu d'abord par les choses esgalles, & qui est plus qu'elles, & à la perfection duquel les autres taschent d'atteindre, il faut que ce soit necessairement quelque chose que nous auons eu autrefois dans l'esprit: mais que nous ne l'auons sceu cognoistre que par quelqu'un de nos sens, veüe, ouye, attouchement, ou quel-

que

que autre semblablement. Il faut faire voir, ô Socrate , que ce dont il est question s'en va là , & se traite de mesme. Et c'est sans doute de la faculté des sens que nous entendons, que toutes les choses qui sont soumises au sens, appetent ce qui est esgal, combien qu'elles ne se puissent atteindre. Il en est ainsi, dit Socrate , car auant que nous commençassions à voir, ny ouyr, ou vser de quelque autre sens , il falloit bien que nous eussions la cognoissance du vray égal, c'est à dire, ce qu'est l'égalité , puis que nous luy voulons rapporter tellement les choses égales soumises au sens , que nous sçachions iuger qu'elles taschent à deuenir iusqu'à ce point où est l'égal mesme : mais qu'elles demeurent imparfaites , & n'y peuuent paruenir. Cela, dit Simias, suit necessairement de ce que nous auons dit cy dessus. Or dit Socrate,

*Aussi tost qu'une creature*

*Vient a paroistre en l'univers,*

*Chacun des sens de la nature*

*Trouue ses objets descouverts.*

*Nostre ame d'abord est pourueüe,*

*Dans vn corps sans empeschement  
D'ouye , de goust , & de veüe,  
D'odorat & d'attonchement.*

Dés le moment que nous nasquismes, nous commençâmes à voir & ouyr , & d'entrer en la cognoissance de tous les autres sens, & falloit qu'auparauât nous eussions eu la cognoissance de ce qui s'appelle esgal. Partant il est necessaire que nous l'ayons compris auant que de naistre. Que si nous auôs eu cette cognoissance deuant nostre natiuité, il est probable que nous l'auions aussi en la naissance, & que nous sçauions deuant que de naistre , & aussi tost apres estre nais, que c'est que l'esgal plus grâd ou moindre, beau, bon, iuste, sain & autres , auxquels nous assignôs propremēt & attribuons vn estre veritable, & en interrogeant, & en respondant. Si bien qu'il est necessaire que nous ayôs eu la cognoissance de tout cela auant que de naistre. Que si apres auoir receu des sciences, nous venons à ne les point oublier, comme nous faisons , il s'ensuiuroit que nous serions nais avec les sciences, & que durant tout le cours de nostre

vic,

vie, nous les garderions & ſçaurions tout. Or oubly n'eſt autre choſe que perte de ſçauoir. Que ſ'il eſt vray qu'eſtans nais nous ayons perdu le ſçauoir que nous auions auparauant, & apres par l'aide des ſens nous recourrions ce ſçauoir, ce que nous appellons apprendre, ſeroit ce point recouurer noſtre propre ſçauoir qui eſtoit à nous auant que de naiſtre? & ce reconuement ſe peut il point appeller vn reſſouuenir? car il aduient auſſi comme nous auons deſia fai& voir, qu'en oyant ou voyant quelque choſe, on ſe remet ſouuent en l'eſprit quelque autre choſe, ſoit ſemblable ou non; à celle qu'on void ou qu'on oyt, ce qui s'appelle ſe reſſouuenir. Ainſi de deux choſes l'vne, ou nous naiſſons ſçauans, & le ſommes toute noſtre vie, ou ce que nous apprenons s'appelle reſſouuenir, & toute la diſcipline n'eſt autre choſe qu'vne reminiſcence, & lequel des deux, Simias, ay-mes-tu le mieux aduouer, ou que nous naiſſions ſçauans, ou que nous venions apres à nous reſſouuenir des choſes que nous auons ſceuës autresfois? Je ne ſçay, reſpond Simias, lequel des deux ie dois

52 DE L'IMMORTALITE'  
choisir , & nous pourrois-tu bien dire  
quel en est le meilleur choix à ton ad-  
uís ? Comment, dit Socrate, vn homme  
sçauant ne peut-il point rendre raison  
de ce qu'il sçait ? Il le faut bien, respond  
Simias. Et te semble-il, Simias, que tous  
soient capables de rendre raison de ce  
que nous traittons icy ? Pleust à Dieu,  
dit Simias.

*Mais tout sera finy demain,  
Et dès que l'Arrest inhumain  
T'aura fait aualler le verre,  
Cette matiere va perir,  
Car qui peut-on aller querir  
En tous les endroiets de la terre,  
Qui nous puisse ainsi discourir?*

J'ay grand peur que demain il ne se  
trouue plus personne qui puisse digne-  
ment discourir de ce sujet. Socrate.  
Tu crois donc bien que tout le monde  
ne l'entend point. Certes, c'est mon  
opinion. Il faut donc puis qu'ils ne le  
sçauent pas , & que tous l'ont sçeu au-  
tresfois , s'ils viennent à l'apprendre,  
que ce soit vn ressouuenir , & quand  
est-ce que nos ames ont receu autres-  
fois

fois les sciences? Ce n'est pas apres que nous fusmes nais , mais auparauant. C'est pourquoy, Simias , il faut qu'au-  
parauant de venir en cette forme hu-  
maine , que nos ames ayent esté quel-  
que part avec sçauoir & intelligence,  
si ce n'est que peut estre , ô Socrate,  
nous ayons receu le sçauoir au propre  
moment de la naissance. Peut estre, dit  
Socrate. Mais si nous les auons receuës  
en ce temps là , où est le temps auquel  
nous les auons perduës, sinon que nous  
les ayons perduës en les receuant. Ne  
sçauois tu trouuer quelque autre tēps?  
dit Socrate. Nul que ie sçache , dit Si-  
mias , & cette derniere doute que ie te  
viens de dire , n'est rien du tout. Apres  
tout , dit Socrate , si ce que nous ap-  
pellons beau , iuste , & toute autre es-  
sence est quelque chose en nostre en-  
tendement : & que cela ait esté autres-  
fois en nous , & que reuenant à le re-  
chercher nous l'appreniōs , & la fassions  
reuenir en l'esprit ; il est aussi vray que  
nostre ame a esté autresfois, mesme au-  
parauant nostre naissance ; si bien que  
comme il est certain que ces choses là,  
beau , iuste , bon , & autre essence sont

quelque chose, c'est aussi vne necessité que nos ames ayent esté auant que nous vinssions sur la terre. Il est assez clair, dit Simias, personne n'en peut guere douter apres ton discours, là dessus ma curiosité.

*Laisse mon esprit en repos,  
Et tire de tes vrais propos,  
Des consequences necessaires,  
Mesme Cebes de qui la foy  
Chancelle és choses les plus claires,  
Prend tes raisons pour vne loy,  
Chacun de nous qui les escoute,  
Y trouue ce qu'il a voulu,  
Et demeure tout resolu,  
Sans aucun ombrage de doute.*

Scâche donc que nous tenons infailiblement que nos ames ont esté auant nos corps; mais pource qui est de l'aduenir, sçauoir si elles sont apres la ruine des membres où elles vivent auiourd'huy.

*Quand nos corps trespassez d'une pierre  
couuers  
Changent les os en poudre, & la charongne  
en vers.*

C'est



C'est dequoy personne de nous à mon aduis, ne se trouue encore persuadé. Car il n'est point incōpatible qu'elles ayent esté auparauant la vie corporelle, & pendant la vie; & que nonobstāt elles cessent en la mort, puis que nous demeurons d'accord, que les ames ont esté auant que d'entrer dans le corps. Nous auons à demy monstré qu'elles sont aussi apres qu'elles en sont sorties; car si du viuant s'est faict le mort, du mort aussi se doit faire le viuant, & si l'esprit est venu pour animer le corps, & qu'il soit venu du pays des morts; il faut aussi que sortant de cette vie, il s'en aille vers les morts, & qu'il soit là en quelque lieu d'où il puisse encores reuenir, & quand il faudra: Mais peut estre estes-vous dans les craintes des petits enfans.

*Il vous semble qu'un peu de vent,  
Aupres des lèvres se leuant,  
Parmy ses tourbillons emporte  
La flamme qui s'en va dehors,  
Et que l'ame demeure morte,  
En la sépulture des corps.  
Mesme que si la douce halecine*

De quelque delicat Zephir  
 Reçoit nostre dernier souſpir,  
 L'ame paſſe avec moins de peine;  
 Et que ce petit trait de feu  
 S'eſuancuiſſant dure un peu:  
 Mais ſi d'avanture il arrive,  
 Que l'eſprit courant aux ſablons,  
 Qui couvre l'infernale rive,  
 Trouve en chemin des Aquilons,  
 Sa route eſt diſcontinuee;  
 D'abord il bronche au monument,  
 Et ſe diſſipe en un moment,  
 Bien plus viſte que la nuee.

Je ne ſçay ſi parmy vous, il n'y a point  
 quelque eſprit malade de ces imagina-  
 tions d'enfant. Pour vous purger de tel-  
 les fantaſies,

Et pour vous empêſcher de craindre  
 Les Chimeres d'une vapeur,  
 Que l'eſprit troublé de la peur,  
 Ne ſe peut empêſcher de ſeindre.  
 Si la vertu de diſcourir  
 N'eſt capable de vous guerir,  
 Il ne faut qu'une medecine  
 De breuets & d'enchantemens,  
 Pour oſter toute la racine  
 De vos ſots eſpouventemens.

Mais

Mais apres que tu seras party ( dit Cebes ) où trouuerons nous vn Medecin qui nous sçache appliquer ces reme- des ?

*Si vous auez bien ce desir,  
La Grece vous donne à choisir,  
Des Esprits qu'on estime au monde les plus  
rars,*

*Et s'il vous plaist de voir ailleurs,  
Visitez les pays des nations barbares,  
Si vous pensez que là se trouuent les meil-  
leurs.*

*N'espargnez ny soing ny fortune,  
Cherchez en terre & sur Neptune,  
Les riches cabinets de ses diuins thresors,  
Apprenez comme quoy l'on meurt & res-  
suscite,*

*Et pour l'amour de l'ame accoustumez le  
corps*

*A dormir dans le bruit du fabuleux Co-  
cite.*

*Mais quoy qu'un Estranger vous puisse  
auoir appris,*

*Et que son sçauoir vous contente,  
Examinez aussi vous mesmes vos esprits  
En cette matiere importante,  
Et possible que parmy tous,*

*Quoy que nostre pays se vante,  
Il s'en trouuera peu qui valient mieux  
que vous.*

Mais reuenõs à nostre premier propos, & enquerõs nous premieremēt, quest. ce ce à qui il eschet cette passion, que d'estre dissoult? Et qu'est-ce qui doit craindre tel accident ou passion, & par quelle partie? Il faut considerer apres, qu'est-ce que nostre ame? & ne prendre de ces choses là, ny crainte, ny esperance, qu'en faueur de nostre ame. Il est certain que ce qui se compose & ce qui est desia composé entant que composé est sujet naturellement à estre dissoult. Et quand il se trouue quelque chose qui n'est point composée, c'est cela seulement qui se trouue exempt de se veoir dissoult: Or ce qui enuers les mesmes choses se trouue tousiours de mesme sorte: cela sans doute doit estre simple, & ce qui ne change diuers respects composez. Reuenons à ces discours que nous auons desia laissez. L'essence qu'on appelle, dont la definition par interrogatoires & par responses, nous a faict l'estre veritable de quelque chose, se trouue

tousiours

touſiours de meſme, & ſelon meſmes  
choſes, comme l'eſgal, le beau, & tout  
autre eſtre né, demeure touſiours par  
ſoy-meſme de meſme ſorte, & enuers  
meſmes choſes, ſans eſtre iamais ca-  
pable d'aucune ſorte de changement.  
Car pource qui eſt de mille autres cho-  
ſes que nous appellons belles, com-  
me cheuaux, hommes, habillemens,  
& mille autres que nous liſons, ou bel-  
les, ou eſgales, & d'autres ſynoni-  
mes: à ceux-là ſe trouuent d'une nature  
contraire à ſes eſſences: car tout cecy eſt  
changeât, & pour ſon reſpect, & pour ce-  
luy d'autres choſes, ne ſe trouuât iamais  
vn, ny de meſme ſorte, & ſont choſes  
toutes perceptibles aux ſens corporels:  
Mais ces eſtres veritables, & touſiours  
conſtans ne peuuent eſtre apprehendez  
ny cogneus que par les ſeules facultez  
de l'entendement. Ainſi il ſera bon que  
nous poſions deux eſpeces de choſes,  
vne des viſibles, l'autre des inuiſibles: &  
que l'inuiſible eſt touſiours de meſme  
ſorte: le viſible non: nous ſommes ſans  
plus cōpoſés de deux parties, de l'ame &  
du corps: Le corps eſt viſible, l'ame ne  
ſe peut veoir au moins des hommes: no-  
ſtre

stre discours n'est icy que de ce qui touche à la nature humaine, selon laquelle veritablement l'ame ne peut estre veüe. Le corps est de l'espece des visibles, l'ame des inuisibles. Et nous auons desia dit, que l'ame se voulant ayder du corps pour venir à l'intelligence de quelque chose, elle est trompee, & considere tout faullement.

*L'Ame courant apres la verité,  
Parmy la nuit de tant d'obscurité,  
Où nostre chair la tient enuelopee,  
Trouue nos yeux à son ayde impuissans,  
Et sans se voir honteusement trompee,  
Ne fuit iamais la conduite des sens.  
L'esprit serré de la mortelle escorce  
Dans ses liens n'a point assez de force,  
Pour bien tenir ses organes subiets,  
Et corrompu dans cette masse impure,  
L'entendement discerne les obiects,  
Tout au rebours de sa propre nature.*

C'est la foiblesse du corps qui faict ainsi pancher l'ame vers ces choses que nous disons subjectes à mutations, & qui ne se trouue iamais de mesme.

*Vn'eau bien claire & d'un roc desconlee,  
Ne se peut voir à des torrens meslee,*

*Sans*

*Sãs se troubler par des bourbeux destours,  
Et nostre esprit tant soit-il pur & sage,  
Parmy le sens ne passe son discours,  
Sans le corrompre en ce vilain passage.*

*Mais quand l'esprit se tient de son ap-  
puy,*

*Que tous les sens sont esloignez de luy,  
Quand son discours à soy mesme se fie,  
Loing des obiects de basse qualité,  
Par les sentiers de la Philosophie,  
Il va tout droict à l'immortalité.*

*Son mouuement le porte aux cognoissances  
Des vrais obiects des plus simples essences,*

*Qu'on ne void point subiettes à changer,  
C'est où l'esprit de luy mesme se range,  
C'est ce qu'il aime & fuit comme estran-  
ger,*

*Ce que nature assubiettit au change.*

Cette affection de l'esprit, & cette disposition à se tenir aux choses qui sont tousiours vnes, s'appelle Sapience & Prudence. Sans doute il nous faut aduoüer de là que l'esprit doit necessairement estre rangé en l'espece de ces choses incapables de mutation, & le corps au contraire. Au reste il faut remarquer encore,

*Que*

*Que l'esprit est le plus puissant,  
 Et qu'au dessein de quelque chose,  
 Le corps par tout obeissant,  
 Se trouue tousiours agissant,  
 Ainsi que l'ame le dispose.  
 Cest honneur de commandement  
 Est vne glorieuse marque,  
 Et les rigueurs de Rhadamant,  
 Et les puissances de la Parque,  
 Ne mettent point au monument  
 Ce brane & cest heureux Monarque.*

Nous pouuons bien iuger d'une appa-  
 rence assez claire, que cest aduantage  
 de conduire & de commander est quel-  
 que chose de diuin, & que ces necessi-  
 tez d'obeyr & de suiure tiennent du  
 terrestre & du mortel. Ainsi de la suit-  
 te de tous nos discours precedens, nous  
 trouuerons que l'ame est tres-sembla-  
 ble à ce qui est diuin, immortel, intelli-  
 gible, d'une seule forme, indissoluble,  
 qui est tousiours de mesme sorte, & en  
 mesme estat, & que le corps au con-  
 traire se rapporte du tout à ce qui est  
 humain, mortel, non intelligible, chan-  
 geant de forme, sujet à estre dissout,  
 & qui ne se trouue iamais de mesme  
 sorte,



forte, ny en mesme estat. Sçauois-tu, ô Cebes, amener des raisons au contraire, & prouuer comme quoy il peut estre autrement, que ce que nous disons? Nullement, dit Cebes.

## S O C R A T E.

Puis donc qu'il est ainsi, il s'ensuit donc que le corps est vne chose qui s'en va estre bien tost dissoulte, & qui apres la separation doit aussi tost n'estre plus, & que l'ame est quelque chose qui ne se peut aucunement dissoudre, ou quelque chose bien approchante de ce qui est indissoluble. Je le crois comme cela, dit Cebes.

*Et tu crois cependant qu'apres l'heure supreme*

*Quand l'esprit s'esloignant d'une charogne blesme,*

*Nous a laissé sans mouuement,*

*Le corps demeure encore auant que se dissoudre,*

*Et que mesme l'effroy du paste monument*

*Traueille assez long temps à le reduire en poudre.*

*Mesme*

*Mesme quand la fureur d'un sort trop insolent,*

*Ravit des corps bien sains par un coup violent,*

*Leurs puissantes temperatures*

*Aucc un peu de soing se conseruent assez,*

*Et les Egyptiens font bien des sepultures,*

*Qui des siecles entiers gardent les trespassez.*

*Et combien que la chair cede à la pourriture,*

*Comme estant de plus molle & plus fresle nature,*

*Le corps ne se dissipe pas,*

*Mais les nerfs & les os durent apres le reste,*

*Si bien que tout cela dure apres le trespas,*

*Combien que tout cela ne soit rien de celeste.*

Cela Cebes, ne te donne-t'il point de doute? Car nous disons que le corps comme mortel, visible, estoit dissoluble, & deuoit selon l'apparence finir tout aussi tost apres le trespas. Et qu'au contraire l'ame immortelle & inuisible deuoit seulement estre indissoluble, & s'en alloit sortant du corps se sauuer en quelque excellente retraite.

*Que nostre ame toute inuisible,  
Soudain que le corps expiroit,  
Bien-heureuse se retiroit,  
Comme par un vol insensible:  
Et viuant apres le trespas,  
Elle auoit au Ciel sa demeure,  
Où les Dieux ne permettent pas,  
Que iamais quelque chose meure.*

Quoy? penserions nous donc qu'elle se trompast en cette esperance, & que pour ne rien voir d'elle apres sa separation d'auec le corps, il s'ensuiue qu'elle ne soit plus? Nullement mes amis. Mais bié au contraire,

*L' Ame dressant son vol vers la loge Éter-  
nelle,  
Moins il se peut trouuer de pesantEUR en  
elle,  
Mieux elle a despoüillé la masse de la  
chair,  
Plus viste elle remonte en sa diuine source,  
Et ne peut rien trouuer capable d'empes-  
cher  
Les mouuemēts heureux de sa legere course.  
Après des vrais obiects où l'œil n'a rien à  
voir,*

Dans

Dans le profond soucy d'acquérir du sçavoir,

Des passions du sang dans le sang despoüillee,

Elle demeure ferme en des pas bien glissans

Elle fuit de la chair qu'elle cognoist souillee,

Et vit en deffiance avecques tous les sens.

Ainsi vivant tousiours avec soy retiree,

De la contagion de son corps separee,

Elle n'emporte rien de ses mauuaises mœurs,

Les desirs, les amours, la crainte, la folie,

Et tout ce qui prouient des charnelles humeurs,

Demeure dans la chair au mode ensouelie,  
Pure & nette qu'elle est ayant trouué son port,

Dans le Ciel où iamais n'a peu venir la mort.

Elle y tronne sa part de repos & de gloire,

Elle n'a de confort que les Dieux seulement,

Et ce que tout mortel est obligé de croire,

Cette felicité dure eternellement.

Mais l'autre à qui les sens ont donné des delices,

*L'Ame à qui les vertus ont esté des sup-  
plices,*

*Que le soing du sçavoir n'esment que par  
horreur,*

*Qui s'est avec le corps estroictement liee,,  
Et qui de lascheté suiuant le vain erreur,  
Faiët gloire de se voir à la chair alliee:*

*Dans les plaisirs trompeurs dont nos sens  
abrutis,*

*Ne peuvent sans effort estre icy diuertis,  
Elle est comme assoupie , & languit dans  
des charmes,*

*Sa volupté se rend insensible au remors  
Et tout ce qui l'oblige à recourir aux  
larmes.*

*Cen'est que le soucy d'abandonner le corps.  
Ainsi dans les desirs de la chair enyuree,  
Elle n'en est iamais que fort peu deliuree,  
Et laissant un sejour qui luy fut si plai-  
sant,*

*Elle ne void plus rien quittant cette lumie-  
re,*

*Et traine en l'autre monde un fardeau si  
pesant,*

*Que son vol ne vient point au bout de la  
carriere.*

*Dans le chemin du Ciel où l'esprit veut  
aller*

*Des grossieres humeurs l'arrestent parmy  
l'air,*

*Qui souffre à contrecœur ces impures ma-  
tieres,*

*Si bien que ces esprits à la mercy des vêts,  
Vagabons sans retraicte autour des cime-  
tieres,*

*Sont le rebut des morts & l'effroy des vi-  
uans.*

Ce ne sont que les ames des meschans  
qui sont tousiours tourmentees, & avec  
des playes visibles, & des gemissemens  
qui semblent partir de quelque chose  
de corporel, aussi ont elles retenu beau-  
coup de la chair qu'elles ont habitee  
avec tant d'affection & de familiarité.

*Leur essence au trespas de cette chair sor-  
tie,*

*De ses lourdes vapeurs emporte une par-  
tie*

*Qui l'empesche d'aller où les bons ont leurs  
rangs,*

*Ainsi son vol rebrousse en la basse contree,  
Et parmy les tombeaux ces fantosmes er-  
rans*

*Recherchent dans le corps une seconde en-  
tree.*

*Que*

*Que si le cours du temps ramenant les saisons,*

*Redonne à ces esprits encore des maisons,  
Selon leurs sentimens ils trouuent des or-  
ganes,*

*Ils habitent les corps de diuers animaux,  
Alors les ignorans ont la forme des asnes,  
Et reuiennent au iour pour souffrir mille  
maux.*

*L'un qui de son viuant auoit l'humeur  
encline*

*Au vol, à l'iniustice au sang, à la rapine,  
Il reuient dans le monde en forme d'es-  
premier,*

*Il guette dans les airs où fendra sa furie,  
Il siffle à la vapeur d'un charongneux  
granier,*

*Et de ces corps puants qu'on iette à la  
voyrie,*

*Ceux qui n'ont faict vians que boire &  
que manger,*

*Dans des corps de pourceaux se viennent  
tous loger,*

*Et dans la mesme humeur qu'ils ont iadis  
suuie,*

*Sans cognoistre que c'est de soucy ny de  
pleurs,*

*Faisans à leur retour vne pareille vie,*

*Vn bourbier leur plaist mieux , qu'un pré  
semé de fleurs.*

Ainsi chacun selon le naturel qu'il a re-  
trouué des corps disposez à le recevoir:  
& les corps des bestes mourans reçoivent  
encore leur vie des hommes qui retien-  
nent les mesmes complexions.

*Les uns qui sans venir à des sciences clai-  
res*

*Ont exercé vivans des vertus populaires,  
Et qui moralement ont esté bonnes gens,  
Qui par bonne coustume ont abhorré le  
vice,*

*Qui pour le bien public ont esté diligens,  
Et dont les affligez ont tiré du service;  
Au retour de la mort ie croy qu'ils sont  
remis.*

*Dans quelque petit corps d'abeille ou de  
fourmis,*

*Qui vivans doucement en la terre où nous  
sommes,*

*Remplissent leurs cachots de froment ou de  
miel,*

*Ces petits animaux refont de mesmes hom-  
mes,*

*Mais rien de tout cela ne va jamais au  
Ciel.*



*Ceriche firmament où brillent tant de  
flammes*

*Est vn chemin ouuert aux bien-heureuses  
ames,*

*Pour passer au seiour où les Dieux sont  
logez,*

*Nous entrons pour iamais en leur sainte  
alliance*

*Après que nos esprits ont esté bien purgez,*

*Et qu'ils ont surmonté la chair par la  
science.*

Il faut donc bien philosopher tout le temps de nostre vie , pour atteindre à cette pureté qui nous porte au Ciel , & l'esprit qui se vouë de bonne sorte à la profession d'un estude si excellent , ne se mesle iamais aux affections corporelles, & ne prend point de part aux soucis dont le reste des hommes sont ordinairement trauaillez.

*Le soing d'enrichir sa famille,*

*Ne le rend point plus diligent,*

*Il luy chaut fort peu qu'on le pille,*

*On ne le void iamais changeant*

*Pour la perte de son argent,*

*Ny de son fils, ny de sa fille.*

*Il ne fut iamais suborneur,  
 Pour briguer la Magistrature,  
 Aussi l'infamie & l'honneur,  
 Sont pour luy de mesme nature,  
 Et la peur & la sepulture  
 Ne troublent iamais son bon-heur.*

*C'est le seul sçauoir qui l'assure,  
 Et qui l'empesche de trembler,  
 Au moment de la derniere heure:  
 Car son esprit sans se troubler,  
 Se void du corps desassembler,  
 Sçachant bien son autre demeure.*

*Il est bien-aise de mourir,  
 Et les ignorans au contraire,  
 Qui n'ont iamais sçeu discourir,  
 Alors ne sçauent plus que faire,  
 Et loing du iour qui les esclaire,  
 T'ensent entierement perir.*

La raison pourquoy les Philosophes ont à la mort vne assurance que les autres n'ont point, & qu'ils sçauent bien le lieu de leur retraite, après estre sortis de cette vie, c'est que leur esprit s'estant commis absolument au soing & à la conduite de la Philosophie: il a peu à peu cogné d'elle qu'il est attaché dans le corps par des liens bien dangereux, & qui le

retiennent

retiennent aux mouuemens dont il se veut esleuer à la cognoissance des choses pures. La Philosophie le despestre & desgage de cette contrainte par vn estude continuel, à cela il luy fait entendre que dans la familiarité qu'il a parmy le sang & la chair ; il est à craindre qu'il ne luy naissent des conuoitises, qui l'aydent à se ruiner luy-mesme, & seruent au corps pour corrompre l'ame. Cette consideration que la discipline de la Philosophie luy faict venir insensiblement, l'oblige de se retenir tant qu'il peut de cette conuersion d'estre tousiours en deffiance chez son hôte, comme avec vn estrangier, & ne se communiquer iamais aux sés par la recherche de quelque science : car il n'y a ny œil, ny oreille qui soit assez fidelle à rapporter quelque obiect à l'entendement. Mais se retirant chez elle, & se cultiuât toute seule, elle doit venir en fin à la cognoissace des choses qui ont vn estre veritable, & qui sont d'elles mesmes: cōme tout au rebours elle ne doit point croire veritable, ce qu'elle apprend ou considere par l'ayde & par la communication du corps: car se sont choses qui

ne sont point d'elles mesmes , mais par autruy, & sensibles & visibles, où ce que l'ame comprend de soy est intelligible & inuisible. Vn vray Philosophe iugeant que son esprit doit obeyr à ce dessein que la Philosophie faict en luy, & qu'il est à propos de se fier en elle , & de la croire, il tasche comme elle, luy ordonne de s'affranchir de toutes sortes de voluptez, conuoitises, craintes & douleurs iugeant bien que dans les plaisirs, dans la crainte, dans la douleur, & la conuoitise, outre ces maux ordinaires, comme perte d'argent, ou maladies qui leur sôt attachez, il y a sans doute vn plus grand mal: c'est que dans tout cela l'ame patit & n'y prend pas garde: car alors que l'ame vient à se picquer de plaisir ou de douleur, apres quelque chose, & qu'elle croit ce faux object des choses visibles, quelque chose de beau, manifeste, & veritable; sans doute alors elle est bien prise & bien engagee dans le corps, pource que toute sorte de volupté ou de douleur est maistresse dans le corps, & se prenant à l'ame, elle l'assubiettit; & la plongeant dans les sentimés charnels, elle l'oblige à participer à mesmes

mœurs, & à mesme nourriture, la rend incapable de toute pureté, & la faict sortir du corps toute sale de ses taches & de ses ordures, d'où elle renaist encore, comme si on l'eust semée & entée dans quelque autre corps bien loing du commerce de ses essences diuines, pures & vniformes, & pour l'amour d'elles, & pour le bon-heur de les conuerfer, que les vrayz amateurs de la science s'appliquent à l'estude de la vertu, & non point pour les considerations qui esmeuent les esprits du populaire à la rechercher. Le Philosophe cognoist assez qu'apres que la Philosophie l'a desia deliuré des liens du corps, & nettoyé de ses ordures, il ne luy faut plus retomber dans ce borbier, ny se remettre au trauail d'un mesme-estude, comme Penelopé apres sa toile. Mais pensant au repos de toutes ses affectiōs, suiuant sa raison & se tenant ferme en elle s'il s'esleue en la contemplation de ce qui est par dessus l'opinion, & qui est infailliblement vray & diuin, duquel ayant esté nourry, il croit qu'il luy faut passer la vie de mesme, esperant qu'au sortir d'icy, il ne faudra iamais de passer

76 DE L'IMMORTALITE'  
vers quelque chose de pareil , où il se  
verra exempt de toutes les miseres hu-  
maines.

*Dans cette bonne nourriture,  
Quoy que menace la nature,  
Le Sage deslogeant d'icy,  
Ne craint point que le vent l'emporte,  
Et ne meurt point dans le soucy,  
Que son ame demeure morte.*

Après que Socrate eut ainsi acheué son  
propos , toute la compagnie fut assez  
long temps sans parler, luy-mesme sem-  
bloit repasser dans l'esprit les discours  
qu'il venoit de faire. Cebes & Simias  
furent les premiers qui rompirent le si-  
lence , & s'estans parlez vn peu l'vn à  
l'autre , Socrate les regarda. Et qu'est-  
ce qu'il vous semble , leur dit-il , de ce  
que nous auons dit ? N'avez vous point  
encor là dessus quelque chose à vous  
enquerir ? Car il y reste encore bien des  
doutes & des obiections à qui voudroit  
traicter cela bien pleinement. Si vostre  
deuis est sur quelque chose de particu-  
lier entre vous, ie ne vous dis mot : mais  
si c'est sur quelque difficulté de nostre  
discours,

discours , qui vous donne de la peine, dites le hardiment, & repassez , s'il vous plaist, ce traicté, si vous péserez voir qu'en quelque endroit on y puisse dire quelque chose de mieux : & si vous croyez que ie vous puisse seruir à cette conference, faisons ensemble cest examen.

### S I M I A S.

Pour ne te point mentir , Cebes & moy, il y a desia lōg réps que nous nous entrepouffons l'un l'autre, pour te faire parler encore : mais nous craignons de faire vne inciuité & vne imprudence en l'estat de la calamité presente, où tu es. Socrate riant à eux, vrayement dit-il il me seroit bien mal-aisé de faire croire à d'autres que cet accident ne me donne point de l'affliction, puis que vous ne m'ē croyez pas vous mesmes; car il vous sēble que ie dois estre auiourd'huy plus fascheux & plus triste que ie n'estois au reste de ma vie.

*Vous ay-ie bien donné des signes,  
Que i'eusse peur du monument?  
Croyez vous que mon seneiment,*

*Vaille moins que celui des Cignes?  
 Lors que la mort les vient querir,  
 Et qu'ils en sont desia la proye,  
 Ils sont bien aises de mourir,  
 Et ne sont que chanter de ioye,*

Quelques vns disēt que c'est de douleur que les Cignes chantent aux approches de la mort: mais ie ne trouue point cela probable, car il n'y a point d'oyseau qui puisse chanter en la moindre incommodité qu'il ait, ny les Rossignols, ny les Arondelles qu'on feint estre encore en la memoire de leur desespoir, ne chantent point qu'au temps de leur ioye, la faim ou le froid les rend muets. Ie croy pour moy que c'est d'aise que les Cignes chantent, & qu'ayans comme vne inspiration du Dieu Apollon, à qui ils sont consacrez, ils brulent du desir d'approcher de leur maistre, & en font des chants de ioye.

*J'ay comme eux l'esprit prophetique,  
 Et pense que le dieu des vers,  
 Ne m'aura pas moins descouuers,  
 Les secrets de sa prognostique,  
 Et qu'une beste ne peut pas,  
 Moins que moy craindre le trespas.*



Ne craignez donc point de m'interroger sur ce qu'il vous plaira, & me faire employer ce peu de temps que les Iuges me donnent. Tu parle bien, luy dit Simias. Je ne craindray point maintenant à te dire, sur quoy ie doute, & où ie puis trouver moins à me resoudre en tout ce discours. Or ie ne pense pas, ny possible toy non plus, que la verité s'en puisse bien trouver en cette vie.

*Durant le cours mortel que Dieu donne la vie.*

*Il est bien mal aisé de contenter l'enuie,  
Que nos esprits ont de sçavoir,  
Au moins ce peu de iours que nous auons  
au monde*

*Employons tout nostre pouuoir,  
A dissiper l'horreur de cette nuit profonde,*

*Et de ce peu de clarté  
Que l'estude nous apporte,  
Taschons à ouurir la porte  
Qui meine à la verité.*

Ce seroit donc vne lascheté, ô Socrate, de t'espargner au besoin que nous auõs icy de toy. Il faut que tu espluches &

80 DE L'IMMORTALITE.  
examine derechef ce traicté, deusses-tu  
te rendre & defaillir au trauail, afin de  
nous instruire en cette matiere, & que  
nous puissions penetrer aussi auant que  
peut l'entendement de l'homme : car  
dans vn si profond Ocean, si nous n'y  
pouuons pas voir toute la facilité que  
nous y desirons, nous y deuons prendre  
pour le moins toutes les assurances  
que nous y pourrions trouuer.

*On a recours à des vaisseaux,  
Ne pouuant vser de carrosses,  
Pour fendre les humides bosses  
Qui grossissent le dos des eaux.*

Asséure nous donc le mieux que tu  
pourras, & nous instruits en toute cette  
question, afin que ie ne me repente  
point vn iour, d'auoir perdu cette oc-  
casion de m'en esclaireir avecques toy.  
Il est vray que Cebes & moy auons des  
difficultez. Et peut estre, dit Soerate  
avec sujet : commencez à me dire, en  
quoy vous estes moins satisfaits. En  
cet endroict luy dit Simias, où tu as  
parlé de l'inuisible diuin, & tres-beau,  
qui se peut.ou semble aussi bien dire de  
la

la harmonie d'un luth bien accordé & bien touché: car on dira que l'harmonie<sup>ie</sup> de ces accords parfaicts sont quelque chose de diuin, de pur, & d'immortel, & que les cordes & le bois du luth sont choses corporelles, composees, & terrestres, & de la nature de ce qui est mortel, si bien qu'apres auoir rompu les cordes, & cassé le luth, on prouuera par tes raisons, que ce qui est de celeste, c'est à dire, cette harmonie demeure encore, & ne se dissipe point: car il n'y a nulle imagination que le luth demeure apres les cordes rompuës, & que les cordes qui sont de ce qui est mortel, demeurent aussi: mais que la harmonie qui est de l'immortel & du diuin estoit perdue, & auoit cessé desia plustost auant que que le luth & les cordes; & que cependant l'harmonie demeurast quelque part, & que le bois du luth & les cordes se pourrissoient plustost que cette harmonie peust souffrir quelque chose: Car ie pense bien, ô Socrate! que tu as prins garde que c'est nostre opinion; pour ce qui est de l'ame, qu'elle est quelque chose de tel que cette harmonie, sentant qu'il y a dans nostre corps vne certaine

disposition & complexion du chaud, du froid, du sec, & de l'humide, & telles autres choses? & que le temperament & consonance de ces choses là, c'est l'ame qui agit ainsi dans le corps, & faict ses fonctions lors que ses temperatures vont bien. Que s'il est donc ainsi que nostre ame soit vne harmonie, toutes les fois que les maladies ou les passions viennent à rompre l'ordre de ses temperamens, & ruiner les organes, pour diuine qu'elle soit, il faudra qu'elle perisse aussi bien que ces autres harmonies & consonances de luth ou de bois, & autres que peuuent faire des artisans, & que le corps & la grossiere partie de ces choses là demeurent iusqu'à tant que le feu ou la pourriture les emporte, si bien qu'elles sont tousiours de plus de duree que l'ame, & les plus subtiles parties. Considere donc, ie te prie, qu'est-ce qu'on respondra à qui voudra croire que l'ame est vn temperament de la composition du corps, & qu'en la mort c'est elle qui desloge la premiere, & qui perit plustost.

*La Socrate se print à rire,  
Et iettant des traits allumez,*

*De ses regards accoustumez,  
Sur ce qu'on luy venoit de dire.*

*Ces difficultez, nous dit il,  
Sont d'un raisonnement subtil,  
Qu'il faudra que ie vous explique:  
Pourquoy donc quand vous m'escontiez,  
Sur ces discours où vous doutiez,  
Auez vous esté sans replique?*

*Quelqu'un plus eloquent que moy  
Deuoit renforcer mes paroles,  
Et mieux faire voir comme quoy  
L'on dispute dans nos escoles,  
Ce discours à bien merité  
Qu'on apporte un peu de clarté,  
Dans une si crasse ignorance,  
Puis que vrayment son apparence  
Est proche de la verité.*

*Scachons-le, quoy qu'il nous en conte,  
Mais auant que de refuter  
L'erreur de la premiere doute,  
Encore faut-il que i'escoute  
Surquoy Cebes vent disputer,  
Afin que mieux sur chaque chose,  
Partageant nostre peu de temps,  
Sans permettre que ie repose,  
Je vous rende tous plus contents,  
Aux matieres que ie propose.*

*Ainsi traittant tout posément,*

*Nous cognoissons bien aisément,  
Si c'est l'opinion premiere,  
Où la raison nous va ranger,  
Et s'il est besoing de changer,  
Au moins suivons quelque lumiere,  
Pour cognoistre le danger.*

Puis se tournant vers Cebes, il le pressoit de luy proposer aussi ses doutes, comme Simias auoit faict, & luy dit:

*A quoy crains-tu de consentir?  
Qu'est-ce en fin si difficile,  
A quoy ton esprit indocile,  
Est resolu de repartir?*

Il me semble respondit Cebes, qu'il en est de l'ame, comme de son harmonie. Or pour ce qui est de son estre, auât que de venir dans le corps, ie ne nie point qu'il ne puisse estre vray, & m'en rapporte fort à la preuue des discours que tu nous as faicts, mais qu'elle soit apres nostre mort, c'est ce que ie ne croy pas de bon cœur. Et si ie ne suis pas pourtant de l'opinion de Simias, qui ne croit pas que l'ame vaille mieux que le corps ny qu'elle soit de plus longue duree: car

moy ie pense que l'ame est plus excellente, sans comparaison, que tout cela, & partant voicy comme quoy ie voudrois exposer la raison precedente de Simias ? puis qu'apres vn homme mort on void ce qui estoit de moindre en luy demeurer encore, pourquoy n'aduoüera-t'on point que ce qui estoit en luy de plus ferme & de plus durable, demeure aussi bien & subsiste au mesme moment que le reste ? Mais voyons de quel poids sera la responce que ie faicts à cela. Il me faut pour m'expliquer vne comparaison aussi bien qu'à Simias Il me semble que ce discours est presque de mesme, que si quelqu'un disoit apres la mort d'un vieux Tisseran, que cet homme est encore, pource que l'habit qu'il auoit demeure encore, & pour toute preuue il diroit, que puis qu'un homme doit durer plus qu'un habillement de toile, il faut que cet habillement demeurant apres la mort du Tisseran, le Tisseran soit aussi, puis qu'il est de plus de duree que son habillement. Pour moy, Simias, ie croy que cela est foible, & que peu de gens se voudroient payer de telles raisons : car ce Tisseran qui aura vſé

plusieurs

plusieurs habillemens , & en aura tissu plusieurs , il est mort apres beaucoup d'habillemens , & seulement plustost qu'un , & si ne s'enfuit nullement pour cela , qu'un homme soit quelque chose de plus vil & de plus debile qu'un habillement. On peut cẽ me sembler faire la mesme comparaizon de l'ame au corps , que l'ame est veritablement de plus de duree , & le corps moins fort & moins durable : mais que chaque ame consume plusieurs corps, mesme en celles qui vivent long-temps: car si le corps s'en va & deperit tous les iours, mesme durant la vie, & que l'ame repare tousiours ce qui se consume, & remet ce qui se perit ; alors que l'ame perit , c'estoit son dernier habillement, deuant lequel elle meurt , ayant suruescu à plusieurs autres , & qu'apres la fin de l'ame le corps qui n'a plus dequoy se refaire, est contraint de monstrer l'imbecillitẽ de sa nature, & pourrit & esuanouit bien-tost. De tout ce discours on ne trouue point que l'ame demeure apres que nous ne sommes plus: car quand bien on t'accorderoit que non seulement l'ame estoit auant le corps, qu'apres la mort de quel-



quelques-vns, leurs ames reuiendroient encôres dans les corps, & qu'il se trouuaſt des eſprits qui vinſſent ainſi à quitter & reprendre des corps, comme la nature de l'ame eſt excellente & puiſſante, ſi peut-on dire pourtant que l'ame en fin laſſe de tant de generations, & d'eſteindre & de r'allumer tant de vies, pourroit rencontrer vne mort der- niere, dont elle ne reuinſt iamais. Outre qu'il n'y a perſonne qui ſe puiſſe apperceuoir quelle ſeparation de l'ame avec le corps, eſt celle où l'ame doit perir: que ſ'il en eſt ainſi, c'eſt vne fol- lie d'auoir des conſiances en la mort; ne pouuant faire voir que l'ame eſt im- mortelle & indiſſoluble, & ſelon l'apparence, on tire de là vne neceſſité que chacun doit craindre pour ſon ame, quand elle eſt proche de ſon partement, ne ſçachant ſi elle prend ſon cōgé pour toujours, & ſi c'eſt là cette ſeparation qui la doit acheuer.

## P H A E D O.

*Ce fuſt là ce diſcours où noſtre ame at-  
chee,*

*De sentimens douteux diuerfement touchee,  
 Dans vn estonnement nous laiffa tous ravis,  
 Nous vifmes des raisons par d'autres ren-  
 uerfees,*

*Et defia bien panchans vers ce dernier aduis,  
 Nous ne ſçauions à quoy reſoudre nos penſees.*

*Socrate nous ayant perſuadé ſi bien,  
 Que nul ſur ſon diſcours ne doutoit plus de  
 rien,*

*Nos eſprits balancez ſouffroient vne con-  
 trainte,*

*Et de cette diſpute à demy rebutez,  
 Nous creuſmes que la choſe eſtoit douteuſe ou  
 feinte,*

*O que nos iugemens eſtoient trop hebetez.*

Ce n'eſt point ſans ſujet, Phædo, que  
 vous demeurastes en ce doute, & en cet  
 eſtonnement : car ſeulement à t'ouyr  
 parler, il m'a prins vne meſme deſſian-  
 ce de perſuaſions de Socrate, & m'eſba-  
 hy pourquoy ie commence à me deſdi-  
 re de ſon opinion veritable. C'a eſté  
 touſiours mon aduis qu'il y a vn grand  
 rapport de l'ame à cette harmonie, &  
 comme ie l'ay touſiours creu aupara-  
 uant, ton diſcours m'a remis encore  
 plus auant cette creance, ſi bien que j'ay  
 beſoin

besoin tout à faict d'autres preuues que les premieres , pour cognoistre que l'ame soit immortelle. Partant ie te con- iure de me dire si Socrate se trouua aus- si esmeu que les autres pour ses obie- ctions, s'il eut des raisons pour bien ap- puyer sa doctrine , de quelle façon il se prist à la disputer, & comme quoy il s'en acquitta.

*Vrayement depuis le temps que ie cognois  
sa vie,*

*J'admire de l'onyr parler si sainement:*

*Toutesfois la vertu de mon ame est rauie,*

*Ne me saisit iamais de tant d'estonnement.*

*Du trouble de son dueil mon ame se rap-  
paise,*

*Et le ressentiment que j'ay de son trespas,*

*Ne sçauroit m'empescher que ie ne sois bien  
aise*

*D'auoir veu l'accident de ce mortel repas.*

*Les raisons qu'il tiroit de son esprit fertile,*

*Contre les mouuemens de nos esprits douteux,*

*Rendirent tout l'effort de l'erreur inutile,*

*Et nos difficultez nous rendirent honteux.*

*Sans qu'aucun desplaisir luy parust au vi-  
sage,*

*Il vid bien comme quoy le faux nous esmon-  
noit,*

*Et d'un cas complaisant comme estoit son langage,*

*Il ouyt proposer les doutes qu'on auoit.*

*Puis à chaque blesseure apportant un di-  
étame,*

*Il donna ses raisons avecques tant de poix,*

*Qu'il fust assez puissant pour affranchir no-  
stre ame,*

*A qui desia l'erreur auoit donné ses loix.*

*Comme dans un combat des troupes estor-  
nees,*

*Quand l'ennemy vainqueur a dissipé leurs  
rans,*

*Ont besoin d'un bon chef pour estre ramenees,  
Et refaire le gros de leurs soldats errans.*

*Socrate doucement avecques sa conduite,  
De ses mauuais obiects rompant la trahison,  
Ramenas ses esprits qui s'estoient mis en fuite,  
Et leur fit retrouver le train de la raison.*

*Combien que son propos d'un sens incom-  
parable,*

*Parust vne merueille au iugement de tous,  
Il sembloit toutesfois encor plus admirable,  
En cette gaye humeur dont il parloit à nous.*

*J'estois lors d'aduenture au pied du lit fu-  
neste,*

*Où ses yeux attendoient le somme du trespas,  
Socrate estoit assis plus haut que tout le reste,*

Et moy sur ma main droicte en un siege assez  
bas,

Passât dessus mes yeux s<sup>on</sup> regard venerable,  
Et ioüant de sa main avecques mes cheueux,  
Il sembloit à le voir que le Ciel favorable  
En son affliction eust accomplý ses vœux.

Comme chacun de nous à l'escouter s'ap-  
preste,

Encore sur mon poil il repassa la main,  
Et possible (dit-il) en me pressant la teste,  
Phædon, ces beaux cheueux seront coupez de-  
main,

Je respondis qu'ony, ne sçachant pas enten-  
dre

Pour quel dueil il vouloit que ie les fisse choir,  
Ha! dit-il, cher Phædon, ce seroit trop atten-  
dre

Si nous auons icy plus pres le desespoir.

Tous deux si tu me crois tant que phædon  
demeure

Sur l'Orizon dernier dont ie dois voir le  
cours,

Razons-nous s'il aduient que la raison nous  
meure,

Et monstons par ce dueil la mort de nos dis-  
cours,

Comme au pays d'Argos au milieu des ba-  
tailles,

*Les soldats font serment d'estre tousiours rasez,*

*Insqu'à tant que leur glaine ait faiët les fune-  
railles,*

*D'eux ou des combatans qui leur sont oppo-  
sez,*

*Moy si i'estois Phædon avant que de me  
rendre*

*Au deffy de Simie & de Cebes aussi,  
Je les mettrois au point de ne s'ozer deffen-  
dre,*

*Ou mon dernier souspir s'acheueroit icy.*

*Ha ? dis-ie, mon dessein seroit bien ridicu-  
le*

*De me prendre moy seul à ces deux forts es-  
prits,*

*Je serois temeraire & le puissant Hercule  
D'un si sot desespoir ne fust iamaïs repris.*

*Si tu te vois ( dit-il) trop foible d'aduen-  
ture*

*Phadon, prends vn second, Hercule en fit au-  
tant,*

*Demande moy secours tant que ce iour me  
dure*

*Je seray l'Iolas avec toy combattant.*

*Ouy, dis-ie, vous Hercule & moy trop foi-  
ble encore,*

*Pour faire l'Iolas en ce combat icy,*

*Et de peur que mon bras vos coups ne des-  
honore,*

*Vous en prendrez tout seul la gloire & le  
soucy.*

*Après ces complimens rentrans dans la  
matiere,*

*Il retrama le fil d'un discours si second,  
Que parmy tout le cours de la dispute entie-  
re,*

*Il fit voir qu'il n'auoit que faire d'un second.  
Afin que nostre esprit plus clairrment  
regarde*

*Dans le vray qui souuent se couure de l'er-  
reur,*

*Deuant tous ( nous dit-il ) chers amis prenez  
garde,*

*Que iamais la raison ne vous soit en hor-  
reur.*

*Chacun deuient subiet à cette maladie  
Lors que par la raison il s'est trouué seduit,  
Et que des faux obiects dans vne ame  
estourdie,*

*Au lieu de la lumiere ont faiët venir la  
nuict.*

*La meilleure raison nous vient en deffian-  
ce,*

*L'ame vne fois trompee a tousiours de la  
peur,*

Et n'ose apprehender l'obiet de la science,  
Quand celuy qui le donne est soupçonné trom-  
peur.

Ainsi dans l'amitié que nous auons voüee  
A quelqu'un dont l'humeur se forme à nos  
desirs,

Nostre ame avec la sienne estroittement  
noüee,

Se laisse innocẽment surprendre à ses plaisirs.

Mais l'infidelité qui demeuroid cachee,  
En fin se descourrãt fasche un hõme de bien,  
Et l'ame avec effort d'un tel ioug destachee,  
Se deffie tousiours d'un si traistre lien.

Mesme apres que plusieurs ont abusé no-  
stre ame,

Que nous auons glissé souuent au mesme pas,  
Et que ceux dont nos cœurs estimoient plus  
la flamme

Ont eu le plus funeste & le plus feint appas.

Nostre esprit rebuté ne croit point des  
courages,

Capables de donner ny de garder la foy,  
Les plus sacrez sermens luy laissent des om-  
brages,

Et le font incredule à tout autre qu'à foy.

C'est pourquoy un deffiant de la foiblesse  
humaine,

Qu'une infidelité nous doine ainsi picquer,



*Et l'homme de qui l'ame est vigoureuse &  
saine,*

*Iamais de tels rebuts ne se laisse choquer.*

*Il faut vn peu d'adresse à bien cueillir  
des roses,*

*Il faut bien du mystere à gouverner les gens.*

*Il faut de l'artifice à discerner les choses,*

*Que n'ont iamais cogneu tous ces esprits chã-  
geans.*

Or si les entendemens foibles qui se trouuent ainsi subjets à se rebuter, auoient vn peu de finesse à se seruir des hommes, ils cognoistroient la chose cõme elle est, c'est à dire, qu'il se trouue peu d'hommes extremement bons ou extrememēt mauuais, mais il y en a vne infinité de mediocres. pourquoy, luy dis-je, me dites vous cela? Tout ainsi, dit il, qu'il en arriue aux choses petites ou grandes, vois tu pas qu'il n'y a rien de si rare que de trouuer vn homme ou vn chien, ou autre chose bien grande ou bien petite?

*Les obiets d'estrange mesure,*

*Sont rares parmy les humains,*

*Il se trouue dans la nature,*

*Peu de Geans & de Nains.*

*Bien peu de beauté comme Helene,*

*Peu de freres comme Castor,  
 Peu d'yurongnes comme Silene,  
 Peu de sages comme Nestor.*

*Peu de chiens comme estoit Cerbere,  
 Peu de fleuves comme Acheron,  
 Peu de femmes comme Megere,  
 Peu de Nochers comme Charon.*

*Aucun teinct beau comme Iasynthe,  
 Rien de si clarr que le Soleil,  
 Rien de plus amer que l'Absynthe,  
 Rien de plus doux que le sommeil.*

*Peu de bruits comme le tonnerre,  
 Peu de monts comme Pelion,  
 Et des animaux de la terre,  
 Peu son fiers comme Lion.*

*Peu de felicitez supremes,  
 Peu d'incomparables malheurs,  
 Peu de ressentimens extremes,  
 De voluptez ou de douleurs.*

En fin tu treuveras que les choses extremes sont fort rares, & que les mediocres sont frequentes. Que si on venoit à proposer vn prix à la meschanceté & au crime, il s'en trouueroit peu qui vinssent à l'extremité, & qui se trouuassent entierement meschâs.

*Si le Ciel estoit les tortures,  
 Dont il punit les forfaitures,*

*Et qu'il y proposast un prix,  
Comme à des choses legitimes,  
Il se trouueroit peu d'esprits,  
Qui sceussent bien faire des crimes.*

Est ce pas ton aduis , ô Phædon ! le luy respondis que ie le croyois ainsi, Tu fais bien me dit il, ce n'est pas pourtant tout vn des raisons & des hommes, pbur ce qu'elles ne sont pas ainsi differentes & rares aux extremittez entre elles, comme nous disons des hommes extremement meschans ou bons: mais ie me suis emporté en te l'uiuant iusques à ce discours toutesfois voicy où est nostre similitude; en ce que nous auons dit au commencement, qu'il y a vn certain artifice à se seruir des hommes , & à les cognoistre de peur de s'y tromper. Tout de mesme , il y a du mystere à se bien seruir de quelques raisons & à les cognoistre. Sans doute si quelqu'un vient à prendre vne creance , & apperceuoir vne raison sans s'y estre seruy de l'art des raisons, il est subiet à se tromper, se confondre , & se rebuter, & que après que cette creance se trouue fausse , & qu'il l'a descouure telle luy-mesme,

98 DE L'IMMORTALITE  
comme il peut estre qu'elle sera faulſe  
& peut estre auſſi qu'elle ne le ſera  
point, & ce meſconte luy eſtant arriué  
pluſieurs fois, il ne peut estre qu'il ne ſe  
rebute, & ne vienne en deſſiance de  
toutes les raiſons. Cet inconuenient eſt  
ordinaire à ceux qui aiment à traiter des  
raiſons cōtradictōires: car tu ſçais qu'ils  
ſ'imaginent eſtre les ſeuls parfaictemēt  
ſçauans, & que ce ſont eux ſeulement  
qui ont deſcouuert, qu'il n'y a rien de  
ſain ny de ferme dans les choſes, ny dās  
lēs raiſons, mais que tout eſt ſans deſſus  
deſſous peſle meſle, comme en l'Euripe,  
& qu'il n'y a rien où il y ait d'arreſt  
pour vn moment, & toute diſcipline de  
verité leur ſemble ſuſpecte & dange-  
reuſe.

*Comme Euripe en ſes eaux mouuantes,  
Qu'aucun vaiſſeau n'oſa toucher,  
Et qui donnent tant d'eſpouuantes,  
Qu'on fremit à les approcher.*

Et n'eſt-ce pas, ô cher Phædon, vne hō-  
teuſe & milerable maladie, qui ſe trou-  
uant des raiſons bonnes & fermes, &  
bien capable d'appuyer noſtre creance,

vn homme vienne à s'en defier par la deprauation, & le degoust de son esprit que ses discours ainsi contradictoires ont empieté, & luy ont persuadé que tout est tantost vray, & tantost faux; & qu'estant deuenu ennemy de toutes les raisons, il fasse comme le malade qui impute l'amertume de son goust aux viandes, & cettuy-cy sa foiblesse & son deffaut aux raisons pour les hayr apres toute sa vie, & se priuer de la verité, & de la cognoissance des choses.

*Son sens gasté se persuade  
Qu'il ne faut plus rien affermer,  
Comme l'appetit d'un malade  
Qui ne trouue rien que d'amer.*

*Cher Phadon, croyons ie te prie,  
Que souuent l'ame des humains  
A bien besoin d'estre guerrie,  
Et taschons à nous rendre sains.*

*Milles choses sont veritables,  
Et peuuent par le fondement  
De leurs preuues indubitables,  
S'appuyer dans l'entendement.*

*Les deffauts sont dans nos pensees,  
Il se trouue peu de mortels,  
Dont les ames soient bien sensees,*

Mais taschons à deuenir tels.

Moy pour auoir cet aduantage,  
De mourir sur un vray discours,  
Et vous pour en garder l'usage  
En tout le reste de vos iours.

Auiourd'huy que ma mort est proche,  
Et que ie cours à mon repos,  
Ie veux esuiter le reproche,  
De disputer mal à propos.

Que ie hay l'humeur enragee  
De ces esprits contentieux,  
Qui gesnent vne ame engagee  
Dans les discours ambitieux.

Toutes choses paroissent sombres,  
A qui les veut ouyr parler,  
Leurs subtilitez sont des ombres,  
Et leurs voix du vent & de l'air.

Tout le soucy de leur estude  
N'est qu'une sotte vanité,  
De donner vne incertitude,  
Sous couleur d'une verité.

Laisant le vray d'une chose,  
Ils n'ont que des discours menteurs,  
Pour rendre ce qui se propose,  
Apparent à leurs auditeurs.

Moy d'une humeur toute contraire,  
Laisant libres vos iugemens  
Ie ne tasche qu'à satisfaire,

*Par raisons à mes sentimens,  
Ennemy d'un discours qui tente,  
Et qui suborne les esprits,  
C'est assez que ie me contente,  
Car ie n'ay rien plus entrepris.  
Cognoissant la chose à mon aise,  
Je suis quitte de mon devoir,  
S'il aduient que mon sens vous plaise,  
C'est à vous de le recevoir.*

Et voicy mon amy, le profit qui me re-  
uiet en disputant de la sorte. C'est que  
mon opinion & ce que j'entreprends de  
prouuer se trouuant veritable, il sera  
bon de s'y arrester, si ie me trompe en  
ma creance, & qu'il soit faux qu'apres la  
mort il demeure eucore quelque chose  
de nous, au moins ce peu de temps que  
j'ay auant que de mourir, passera avec  
moins d'ennuy, & pour vous, & pour  
moy. Et apres toute l'ignorance de ees  
choses là ne me peut pas durer beau-  
coup, car ie n'ay plus gueres à m'en es-  
claircir: & voila de quel dessein ie re-  
uiens, ô Simias! & vous Cebes, tout prest  
à disputer: mais pour vous si vous me  
croyez, ne vous en rapportez point à  
Socrate, mais à la verité. Quand vous iu-

gerez que ie dis vray, accordez le, sinon niés le, & me repliquez hardiment, & prenez garde pour moy que me trompant moy-mesme, ie ne vous trompe aussi, & me separe d'avec vous, comme la guespe, apres vous auoir laissé mon aiguillon. Reuenons donc à vos objections, & s'il ne m'en ressouuient pas bien, aidez moy à les repeter. La doute de Simias, si ie ne me trompe, c'est que l'ame, quoy que plus belle, & plus diuine que le corps, ne laisse pas pourtant de perir plustost que le rapport qu'elle a avec ces harmonies dont nous auons parlé. Cebes, ce me semble, accordoit bien que l'ame estoit de plus de duree que le corps: mais il adioustoit que personne ne peut sçauoir si l'ame apres auoir consommé plusieurs corps, laissant en fin le dernier nay finit aussi elle mesme, & que telle sorte de mort seulement soit la fin de l'ame: mais que le corps est sujet à se dissoudre & deperir continuellement. Simias & Cebes accorderent tous deux, que c'estoient là leurs doutes: mais dit Socrate, niez vous ce qui a esté dit au traicté precedent, ou si vous en accordez vne partie, & en

niez



niez l'autre ? Il y a ( luy dirent-ils ) des choses que nous trouuons bonnes , & d'autres que nous n'approuuons point. Mais, dit Socrate , touchant la reminiscence , qu'est ce qu'il vous en semble ? Croyez vous qu'elle est ? & si elle est ; estes vous d'accord avec moy , qu'il en faille tirer vne consequence necessaire , que l'ame a esté en quelque lieu auparavant que de venir dans le corps ? Pour cela , dit Cebes , i'ay pris vn grand plaisir au discours que tu en as faict , & me tiens ferme en cette creance : Et moy , dit Simias , i'en suis tout de mesme , & ferois fort estonné s'il estoit possible qu'on me persuadast le contraire. Si es tu pourtant obligé , hôte Thebain , à prendre vne autre opinion , si tu crois que l'harmonie soit quelque chose de composé , & que l'ame soit vne harmonie de la temperature , & de la constitution du corps : car tu ne scaurois aduoüer que cette consonance composée de quelque chose , ait esté plustost que la chose dont il falloit qu'elle composast. Tu ne scaurois iamais aduoüer cela. Iamais , dit Simias. Et vois tu pas bien cependant que tu es contraint de le con-

fesser, quand tu dis, que l'ame a esté plu-  
 tost que le corps, & qu'elle est vne con-  
 sonance composee du corps ? ton dire  
 reuient à cecy; qu'elle se faict des cho-  
 ies qui ne sont point. Encore mesme  
 l'harmonie du luth ne peut estre de la  
 sorte, c'est à dire, auant les choses dont  
 elle est composee: car le bois & les cor-  
 des, & quelques sons rudes & mal ac-  
 cordans precedent cette douce & par-  
 faicte consonance qui vient apres tout  
 cela, & se perd plustost que le reste.  
 Vois donc, comme quoy ce que tu dis  
 icy reuient fort mal à ce que disois au-  
 parauant, & que sur les propos de ces  
 harmonies & de ces concordances, tes  
 discours se trouuent tres-mal d'acord.  
 Tres-mal, dit Simias, si est ce qu'en  
 cette matiere de consonances, il faut  
 sur tout que les paroles soient bien cō-  
 certees, & qu'elles ne discordent  
 point en propos: le desordre au langage  
 ne doit pas estre si remarquable.

*Dans vne passion de douleur ou de rage,  
 Quand l'espoir d'un Amant est troublé d'un  
 refus,*

*Ou qu'un paste Nocher gemit parmy l'orage,  
 L'Ame ne peut fournir que des propos cōfus.*

*N'im-*

*N'importe qu'un bouvier en escorchant la  
terre,*

*Parle avec eloquence à ses taureaux rebours,  
Ny qu'un branc soldat en parlant de la  
guerre,*

*Cherche de l'artifice à ranger ses discours.*

*Au lieu de bon discours & de voix elo-  
quantes,*

*On ne peut escouter qu'un dissolu caquet,  
Sur le Môt Cytherō où s'en vont les Baschètes,  
Quand leur Dieu les appelle à son vineux  
banquet.*

*Mais celuy dont l'esprit n'est iamais en  
desordre,*

*Et que les passions laissent en son repos,*

*Afin que les Censeurs n'ayent point dequoy  
le mordre,*

*Il doit auoir le soint d'accorder ses propos.*

*C'est à dire ô Simias ! qu'un philosophe  
doit faire en sorte que ses discours se  
trouuent de bon accord, les tiens à pre-  
sent se trouuans tres-desaccordans,  
il faut que de deux tu choisisse lequel  
tu aymes le mieux, ou receuoir la dis-  
cipline de la reminiscence, ou croire  
que l'ame est vne harmonie. Je choi-  
sis le premier, dit-il, car ie ne sça-  
che point qu'on m'ait iamais prouué*

suffisamment que l'ame soit comme vne harmonie. Je ne l'ay iamais veu faire apparoistre que par des choses vray-semblables, & les opinions qui s'impriment par des apparences trompent ordinairement, & en la Geometrie, & en autres choses, mais la preuue de la reminiscence est appuyee ( ce me semble ) sur des fondemens asseurez : Car nous auons dit que l'ame deuant que d'entrer dans le corps est autre part, en telle sorte que son essence a le surnom d'un vray estre, & pour ce point là, ie m'en trouue bien persuadé. C'est pourquoy ie ne scaurois croire ny à persõne, ny à moy-mesme, que l'ame soit cette harmonie. Quoy encore Simias, luy dit Socrate, te semble-t'il qu'une consonance ou autre composition de quelque sorte qu'elle soit, puisse estre autrement, & auoir d'autres dispositiõs que celles des choses dont elle est faicte, ny patir, ny agir, que ces choses ne patissent & agissent ? Je croy que non, dit Simias.

SOCRATE.

L'harmonie à mon aduis sans sa matie-

re, dont elle est composee, n'est rien du tout.

*Tout cela n'est qu'un peu de bois,  
Qui de soy ne sçachant rien dire,  
Emprunte la vie & la voix,  
Et des cordes & de nos doigts,  
Et de la façon de la lire.*

*Mais lors que le bois est cassé,  
Tous les ioueurs les plus habiles,  
R'appellans le son trespassé  
Sur un instrument enfoncé,  
Touchent des cordes inutiles.*

Il n'y a donc point d'apparence, dit Socrate, que telle consonance precede, & fasse suiure les choses dont elle est composee, mais bien plustost qu'elle suit, en telle sorte qu'elle ne peut auoir, ny son, ny mouuement contraire à ses parties. Sans doute dit Simias.

## SOCRATE.

Et la consonance n'est point consonance en la nature, sinon entant qu'elle est temperee. Simias trouua cecy d'abord vn peu obscur, & luy dist, qu'il ne l'entendoit

tendoit point. C'est ( luy dit Socrate )  
 que la consonance à mesure qu'elle est  
 ou plus ou moins contemperee, qu'elle  
 reçoit ou plus, ou moins, elle est, ou  
 plus, ou moins consonance: comme en  
 vn concert, à mesure qu'il est bon ou  
 mauuais, on dit qu'il y a, ou plus, ou  
 moins d'harmonie, ce qui ne se peut dire  
 de l'ame entant qu'ame, que pour le res-  
 pect de quelque chose ou grande ou pe-  
 tite, elle soit ou moins, ou plus ame.  
 Prends garde encore à cecy; disons  
 nous pas de l'ame que l'une a du sens  
 & de la vertu, & celle là nous l'appel-  
 lons bonne, & que l'autre a de la folie  
 & du vice, & nous l'appellôs mauuaise?  
 & celuy qui croit les ames estre des  
 harmonies, dira t'il en cet endroit,  
 que cette ame a de la vertu, ou que  
 cette autre a du vice; ou si au lieu du vi-  
 ce & vertu, il dira que cette ame a de  
 la consonance, ou de la dissonance, &  
 que la bonne est consonance, & estant  
 vne consonance elle mesme, elle ait en-  
 core des consonances qu'elle possède,  
 & que la mauuaise soit dissonance elle  
 mesme, & n'en ait point d'autre en  
 soy? Je n'ay point de quoy repartir

là, dit Simias.

S O C R A T E.

Tu vois bien que ceux qui croient que l'ame soit vne harmonie, sçauent répondre comme cela. Or nous auons desia concedé qu'une ame n'est ny plus ny moins ame qu'une autre, & cette concession signifie que l'ame n'est ny plus ny moins, ny a moins de degrez de consonance l'une que l'autre, & que l'ame qui n'est ny plus ny moins consonance, n'est ny plus ny moins temperée l'une que l'autre. Et ie te prie, l'ame qui n'est ny plus ny moins temperée, peut elle estre participante de la consonance à moins ou plus de degrez, ou plustost également? Je croy qu'elle y participe également, respond Simias.

S O C R A T E.

Par consequent l'ame, puis qu'elle n'est ny plus ny moins ame l'une que l'autre, elle n'est aussi ny plus ny moins temperée l'une que l'autre. Estant donc de la sorte, elle n'est pas plus participante à la consonance qu'à la dissonance; si bien  
qu'estant

qu'estât telle, vne ame ne sçauroit auoir plus de vices ny plus de vertus l'une que l'autre, si le vice est vne dissonance, & la vertu vne consonance. Il me le sèble, dit Simias. Mais bien au contraire, dit Socrate, car la raison veut que si l'ame est vne consonance, elle soit incapable de vice, pource que la vraye consonance entât qu'elle est consonâce, ne participe iamais à la dissonâce, & par là on prouue que vne ame si elle est bien ame, n'est point capable d'auoir de vice, & par ces raisons, on trouue que les ames de toutes sortes d'animaux, y estans aussi bien ames l'une que l'autre sont toutes bonnes. Cela semble: Il t'a bien dit, & s'enfuiuroit si cette proposition estoit vraye que l'ame soit vne consonance. Encore plus Simias, de toutes les choses qui sont en l'homme, ne pèses-tu point que celle qui tient l'empire c'est l'ame? mesme alors qu'elle est prudente, & pour obtenir cette maistresse, faut il qu'elle obeyssse au corps, ou qu'elle luy resiste comme en vne extreme soif ou faim, où l'appetit du corps est pressé de boire ou de manger souuent, l'ame le retient



& l'empesche d'obeyr à son desir? Il est  
vray, dit Simias.

*Souuent que le corps auenglé  
De son appetit desfreiglé,  
Cherche de contenter sa rage,  
L'esprit resiste à ses desirs,  
Et pour esuiter son dommage,  
Le destourne de ses plaisirs.*

*Aupres d'une eau claire & coulante,  
Alors qu'une soif violente,  
Nous a mis les poulmons en feu,  
La crainte d'une maladie  
Nous faict bien arrester un peu,  
Quoy que nostre appetit nous die.*

*En chaque passion extreme,  
L'ame se combat elle mesme,  
Et quelque forte liaison  
Que nostre corps ait avec elle,  
Nos sentimens & la raison  
Se font guerre perpetuelle.*

Et ce combat ne seroit point, si l'Ame  
estoit vne harmonie composee des tem-  
peratures du corps, car en ce cas elle se-  
roit obligee de suiure ce temperament,  
comme nous auons dit, & n'agir, ny ne  
patir qu'avec les choses dont elle fe-  
roit composee, sans iamais n'en produi-

re qui leur fust contraire:où tout au rebours, nous voyons que l'Ame ordinairement contraire au corps, tantost le pressant à des exercices qui luy donnent de la peine contre son gré:tantost en le forçant par des medecines, tantost par des censures contre ses vices, & dès admonitions contre les douleurs, craintes & autres passions.

*Lors que la crainte du danger  
Nous a faict pâlir le visage,  
L'Ame afin de nous soulager,  
Raisonne avecque le courage,  
Et semble adresser vn langage,  
A quelque chose d'estranger.*

Voicy vn endroict d'Homere, où Vlysse touché de quelque desplaisir, exhorte son courage par sa raison, & semble faire parler vne partie de son ame avec l'autre, lors que se battant la poitrine, il se prend à dire,

*Quoy? ma constance est elle morte?  
Où dort aujourd'huy ma valeur?  
Arme toy mon courage & porte  
Le faix de ce nouueau mal'heur,*

*Je t'ay veu vaincre la douleur  
D'une calamité plus forte.*

Penses-tu Simias , qu'Homere ait ainsi parlé, croyât que l'ame fust vne harmonie, & quelque chose de subiect aux passions du corps, ou s'il a creu qu'elle fust quelque chose de plus diuin & plus excellent ? Il entendoit sans doute dit Simias, que l'ame estoit quelque chose de plus diuin que l'harmonie. Il n'est point donc raisonnable que nous tenions l'ame pour vne harmonie, car nous serions de contraire opinion à ce Poëte diuin Homere , & à nous mesmes. Il est vray, dit Simias, me voila content.

*En fin avec assez de peine,  
La nuit faiët place à la clarté,  
Et la consonance Thebaine,  
Nous laisse sans difficulté.*

Te voila donc appaisé , hôte Thebain,  
mais comme quoy appaiserons nous  
Cebes ?

*De quels si rares sentimens  
Faut il auoir l'ame animee,*

*Pour refuter les argumens**De la subtilité Cadmée?*

A r'ouyr respondre aux obiections de Simias, i'ay bien cognu que tu trouueras le chemin de me contenter, car ie ne pensois pas qu'il fust possible de tenir contre les obiections, & me suis tout esbahy de la raison que tu as imaginee contre l'harmonie dont il n'a peu soutenir le present assault, si bien que ie m'attends fort à voir le discours Cadméeen renuersé aussi bien que l'autre. Espargnez moy, dit Socrate, ne me louiez pas si tost, peut estre qu'o nous enuiera l'explication du reste, & que ie ne m'acquiteray pas si bien du discours suiuant Dieu y pouruoirra, mais nous qui (comme dit Homere) sommes aux prises, voyons si ce que tu as dit est quelque chose. La somme de ce que tu propose est qu'on te fasse voir, comme quoy l'ame est indissoluble & immortelle.

*Afin que passant chez les morts,  
Et quittant la prison du corps  
Où son ame estoit asservie,  
Le Sage ne se trompe pas,*

*En esperant qu'une autre vie  
Luy doit naistre d'autre trespas.*

*Tant de voluptez mesprisees,  
Tant de nuicts sagement usees,  
L'Enfer si long temps combattu,  
Et tant de saintes resueries,  
Pour l'estude de la vertu,  
Ne seroient que des mocqueries.*

*Ces supremes felicitez,  
Qui suiuent les aduersitez,  
Dont la vie terrestre abonde,  
Seroient vn espoir deceuant,  
Et les plaisirs de l'autre monde,  
Ne se trouueroient que du vent.*

De sorte que le Philosophe qui auroit si bien estudié à la sagesse toute sa vie, se trouueroit à sa mort vn vray fol de s'estre attendu à des choses vaines & fausses. C'est le danger, Cebes, auquel tu crois qu'il est subiect, ne cognoissant pas encore comme quoy personne ne se peut asseurer de l'immortalité de l'ame; car pour estre de plus longue duree, & plus excellente que le corps, & semblable à quelque chose de diuin, comme aussi pour auoir esté auant le corps, & auoir cogneu & faict toute seule  
plusieurs

plusieurs choses, tu dis qu'il ne s'ensuit pas pour cela qu'elle soit immortelle, & que mesme cette entree qu'elle faict dans ce corps humain, luy est comme vne maladie, par où elle commence à se ruiner, si bien que dans la vie du corps elle n'y trouue que des miseres pour elle, & en la mort elle y trouue aussi sa ruine; & quoy qu'elle ne se loge qu'en vn corps, ou qu'elle reuiue dans vn ou plusieurs, cela ne sçauroit assseurer personne en sa mort, car il faut estre fol pour n'auoir point de peur en ce moment, si on ne sçait point parfaictement des raisons qui prouuent l'immortalité. Voila ce que tu dis Cebes. Je l'ay tout repeté, afin que tu y adioustes, ou que tu en oste encore si bon te semble. Il n'y a rien, dit Cebes, pour le present que i'y vueille adiouster ny diminuer. Lors Socrate s'arrestant vn peu, & comme appellant ses esprits; ce que tu demande, dit-il, ô Cebes ! n'est pas peu de chose. Il nous faudra traiter à ce subyet la cause de la generation & de la corruption. A ce propos, ie te raconteray ce qui m'est arriué, & si tu iuge que de ce que ie diray il y ait quelque chose qui

fasse

faſſe pour deſcouvrir la verité de la  
queſtion que tu propoſes, tu t'en ſervi-  
ras. Eſcoutes moy,

*J'auois en mon ieune aage un merueil-  
leux deſir,* (re:

*De voir de l'Vniuers l'admirable ſtructur-  
Et mon eſprit touché d'un iuſte deſplaiſir,  
D'ignorer les ſecrets qui ſont dans la na-  
ture,*

*Creut que c'eſtoit l'obiet qu'il me falloir  
choiſir.*

*Mon ame avec effort combattoit l'igno-  
rance,*

*Je bruſſois d'un ardeur de deuenir ſça-  
uant,*

*Et de peu de profit paissant mon eſperāce,  
Mes ourioſitez alloient touſiours auant,  
Pour veoir ſi mon eſtude auoit quelque  
aſſurance,*

*Je croyois que c'eſtoit un deſſein glo-  
rieux,*

*De ſçauoir comme quoy toutes choſes ar-  
riuent,*

*D'entendre quelle force ont les flambeaux  
des Cieux,*

*Pourquoy les animaux çà bas meurent &  
viuent,*

*Et ce soing me rendoit tousiours plus en-  
rieux.*

*Tournant de toutes parts mon ame va-  
gabonde,*

*Selon le sens d'aucuns ie voulois discourir,  
Si ce n'est point le feu, la terre, l'air, &  
l'onde,*

*Quand le froid & le chaud viennent à se  
pourrir,*

*Qui donnent la vigueur aux animaux  
du monde.*

Après cela j'allois imaginer si du feu, de l'air, ou du sang, nous venoit le sçauoir, ou si c'estoit le cerueau qui nous fournissoit les facultez de l'ouye, de la veüe, & de l'odorat, & que de tels sens se faisoit la memoire & l'opinion; & que de la memoire & de l'opinion mise à repos, se faisoit la science. Ainsi considerant & les corruptions de ces choses là, & les passions qui arriuent autour du Ciel & de la terre, j'ay trouué à tout cela mon entendement fort defectueux, & m'e vis à considerer ces choses là, si stupide que rien plus. Je m'en vay vous en apporter vne coniecture suffisante; c'est que cette conside-  
ration



ration & cette resuerie m'offusqua tellement qu'elle ne m'empeschoit pas seulement d'apprendre quelque chose de nouueau: mais encore me faisoit elle oublier ce que i'auois appris, & ce que ie croyois avec d'autres, auoir tres-bien sçeu auparauant comme cecy, de sçauoir de quelle sorte croist vn homme, car ie pensois qu'il estoit clair à vn chacun, que le boire & le manger font croistre l'homme, & qu'adioustant chair sur chair, & os sur os; de mesme qu'en toutes autres choses y mettant ce qu'il leur faut, & les traictant selon que leur nature le requiert, premierement d'une petite masse s'en faict vne grande, & qu'ainsi d'un petit homme s'en faict vn grand homme. C'estoit alors mon opinion, ressemble-t'il pas qu'elle estoit bonne? Pour moy ie la trouue bonne, dit Cebes. Prends garde encore à cecy, ie croyois que c'estoit assez bien pensé à moy, lors que voyant vn homme ou vn cheual grand aupres d'un petit, ie iugeois qu'il estoit plus grand de toute la teste, & ie cognoissois fort clairement que dix estoient plus que huiet, pource qu'il y en auoit deux dauantage, & qu'une

qu'une mesure de deux coudées estoit la moitié plus grande que celle d'une coudée. Et maintenant, luy dit Cebes, qu'est-ce que tu en iuges ? Je suis véritablement, luy respondit Socrate, bien loing de croire que j'entende aucune cause de toutes ces choses là, qui ne me peux pas bien persuader, encore que lors que quelqu'un adiouste un à un, si c'est un à qui on a adiouste, ou cest autre un à qui on adiouste, à cause de la conionction de l'un à l'autre deuient deux : car j'admire comment puis que estans separez, l'un & l'autre n'estoient qu'un ; & n'estas point alors deux, pourquoy s'estans ioints, ceste congression qui les faict mettre l'un apres l'autre, soit la cause que ils soient deux : & ne puis me persuader non plus, pourquoy si quelqu'un vient à diuiser un, cette diuision soit cause qu'il en soit deux : car il se trouueroit là une cause pour laquelle ce deux se faict route contraire à celle d' auparauant. La premiere cause estoit, pource que l'un approchoit de l'autre, & celle cy pource que l'un s'esloigne de l'autre, & ne pense point sçauoir encore pourquoy un se faict ;

ny pour dire en somme pourquoy quelque chose se faict, ou perit, ou est. le ne le pense iamais entédre par cette voye, mais i'y mesle en vain quelque autre moyen, & ne reçois nullement celuy-là : Mais ayant ouy lire vne fois d'un liure à Anaxagoras, vne opinion qu'il auoit, que l'entendement estoit la cause de toutes choses & dispoisoit de tout:

*Que nostre entendement dispoisoit toutes choses,*

*Qu'il en estoit la cause, & qu'il auoit ouuert*

*Les abyssines plus creux où demouroient encloses*

*Toutes les raretez qui sont dans l'Vniuers.*

*Aussi tost son aduis arresta ma créace,  
Car c'estoit le meilleur que i'eusse encore  
veu,*

*Je croyois que l'esprit ayant cette puissance,*

*Auroit tout disposé le mieux qu'il auoit  
pu,*

*Et que pour voir la cause & la raison  
plus sene,*

*Pourquoy dedans le monde vne chose perit,*

*Pourquoy l'autre n'est plus, & celle cy demeure,*

*Puis que le bien estoit le but de nostre esprit.*

*Il falut s'enquerir comment tout deuoit estre,*

*Comme il estoit meilleur que cecy ne fust point,*

*Que cette chose fust, que l'autre vint à naistre,*

*Et nous eussions cogneu les causes de tout point.*

Câr si l'entendement ne dispose iamais de la chose que bien en cognoissant comme quoy vne chose seroit bien disposee, on cognoist comme quoy elle est disposee, & que ainsi vn homme ne deuoit rien considerer ny de soy, ny des autres que ce qui est de plus à propos & de meilleur. Or il est necessaire que celuy qui sçait ce qui est bon, sçait aussi ce qui est mauuais, pource que c'est vne mesme science. Dans cette pensee, ie me resiouyssois d'auoir trouué vn Anaxagoras, vn Maistre qui m'apprist ce que i'auois tant desiré de sçauoir, c'est à dire, les causes des choses,

les. Et que premierement , il me dist si la terre estoit ou planiere ou ronde, & qu'apres il m'en eust apporté la cause & la necessité, c'est à dire, qu'il m'eust monstté comme quoy il estoit mieux qu'elle fust, & pourquoy elle estoit telle, si bien que s'il me disoit que la terre estoit au milieu du monde, ie m'attendois qu'il me fist entendre qu'il estoit meilleur qu'elle fust ainsi , & que m'ayant monstté cela , ie ne serois plus en peine de chercher vne autre espee de causes.

*Qu'il apprendroit à mon sens curieux,  
Pour quel subiet la terre est toute ronde,  
Et s'il falloit afin qu'elle fust mieux,  
Qu'elle se tint au beau milieu du monde.  
Ie m'attendois qu'il me diroit aussi,  
Pourquoy se monstre & se cache la Lune,  
Pourquoy le iour penetre iusqu'icy,  
Et ce que peut le Ciel sur la fortune.*

*Qu'il me monstrast pourquoy tant de  
flambeaux,  
Qui dans le Ciel font leurs courses legeres,  
Deuoient paroistre , & si grands & si  
beaux,  
Et nous monstter leurs clartez passageres.*

Ie m'imaginois qu'il me feroit voir tout cela, & qu'il m'instruïroit clairement de quelle sorte, & pour quelle raison il estoit meilleur que cette chose, ou cette autre patist ou agist en cecy ou en cela. Car ie ne pensois pas qu'apres m'auoir dit au commencement que nostre esprit disposoit toutes choses: il n'alloit apres assigner autre cause des choses, sinon la cause d'estre bien; c'est à dire, que chaque chose est ainsi, pour ce que pour estre bien, il faut qu'elle soit ainsi. Si i'estois donc persuadé que nommant particulièrement les causes, il assigneroit à chaque chose pour sa cause, ce qui estoit meilleur pour elle, & generally pour la cause de toutes choses, ie croyois qu'il allegueroit le bien commun.

*Animé de cette esperance,  
Jurant desia sur mon auteur,  
Ie trouuay que cest imposteur,  
Auoit pis que mon ignorance.*

*D'un auenglement qui tenoit  
Ses fantaisies esgarees,  
Quelques natures atherees  
Sont les causes qu'il amenoit.*

*Des essences imaginaires,  
L'une d'air & l'autre de feu,  
Bref ie fus honteux d'auoir leu  
Des discours si peu necessaires.*

Après auoir leu tout son liure que i'acheuay avec vne grande impatience, ie me repentis d'en auoir pris la peine, car il n'alleguoit pour les causes des choses que des fantaisies, & des choses incroyables, & enseignoit vne cause aussi hors de propos, que qui diroit tout ce que Socrate faict, il le faict par son entendement, & que voulant après alleguer la cause particuliere de chaque chose que ie fais, il diroit premierement que ie suis maintenant assis icy, pour ce que mon corps est composé d'os & de nerfs, & que les os sont solides, & qu'ils ont vne espace de l'un à l'autre entre les ioinctures, & que les nerfs sont dans nostre corps en telle sorte qu'ils s'y peuuent estendre & retirer, & qu'ils lient les os avec la peau & la chair où ils sont, si bien que montant les os en leurs conionctions, les nerfs qui tirent & laschent communément, font que i'ay la faculté de plier

126 DE L'IMMORTALITE'  
chacun de mes membres , & que pour  
cela , ie suis ainsi abbaissé dans ce sie-  
ge : ou si voulant alleguer la cause de  
la conference que ie fais icy avec vous,  
il diroit que c'estoit la voix , l'air , ou  
l'ouye , & des mauuaises raisons com-  
me cela , sans toucher à la cause verita-  
ble , qui est la volonté des Atheniens  
qui ont trouué bon de me condamner,  
& moy de subir la peine qu'ils m'ont  
ordonnee.

*Et vraiment ces nerfs & ces os,  
Dont aujourdhuy la mort s'empare,  
S'il se fust peu bien à propos,  
Tiendroient Cam, Beote, ou Megare,  
Mais puis qu'il plaist à la Cité,  
De me commander que ie meüre,  
Je crois que la necessité  
Vient borner icy ma demeuure,  
Et i'endure plus doucement,  
Vn trespas qu'un bannissement.*

Il n'y a donc nulle sorte d'apparence  
qu'il faille tenir toutes ces choses là  
pour des causes: mais sans doute si quel-  
qu'un dit que sans les nerfs & les os, ie  
ne sçauois executer ce que j'aurois des-  
sein de faire , il diroit vray : ce seroit  
pourtant



pourtant vne extreme nonchalance de discours, d'asseurer que ie fais tout à cause de ces choses là, tant que ie le fay par mon entendement, sans amener la cause d'estre bien, & sans dire que ie le fay avec ces choses, & par l'entendement à dessein de faire, comme quoy il faut que cela soit pour estre bien, & ceux qui ne s'expliquent pas comme cela, ne sçauent pas discerner la vraye cause d'une chose d'avec ce, sans quoy la cause ne peut point estre cause, & que les ignorans appellēt fausse cause, en prenant l'un pour l'autre.

*Comme dans vne nuit obsire,  
Où nostre venë est en deffaut,  
Et chaque chose est sans figure,  
On ne prend iamais ce qu'il faut.*

C'est pourquoy quelques vns qui veulent que la terre tourne tousiours en rond, disent qu'elle ne bouge iamais de dessous le Ciel. Les autres qui la font comme vne grande Maist de Patissier, tiennent qu'elle est soustenuë de l'air comme d'un fondement.

*Ceux cy croyent la terre vne pesante boule,*

*Qui sans aucun repos autour de soy se roule,*

*Mais que tousiours son siege est ferme sous les Cieux,*

*Les autres qui la font comme vne grande buye,*

*Soustiennent d'un discours qui ne vaut guere mieux,*

*Que la vague de l'air est le fond qui l'appuye.*

*Et ne s'enquierent ny les vns ny les autres de la puissance par laquelle elle a esté disposée aux mieux qu'elle le pouvoit estre, & ne pensent qu'elle ait vne vertu & force demonique,*

*Et ceux cy pour porter cette pesante charge,*

*Pensoient auoir trouué quelque puissant Atlas,*

*De qui l'espaule estoit plus vigoureuse & large,*

*Et que ce grand fardeau ne rendoit pas si las.*

*Mais ils s'imaginent auoir rencontré quelque plus robuste & plus immortel*  
Atlas

Atlas, & de plus larges épaules qui puissent mieux porter tout que l'autre : & ne croient point que la bien-séance & le bon conioignent ny contiennent aucune chose du monde. Parmy tant d'incertitudes, ie me rendois volontiers disciple de qui que ce fust, qui me voulut enseigner la vraye cause des choses : Mais puis que ie ne la cognois point, & qu'il m'est impossible de la trouuer, ny moy mesme ny par autrui, j'ay entrepris vne seconde nauigation pour l'aller querir, & tenter vne autre voye pour paruenir à la cognoissance de la cause. Et veux-tu, ô Cebes ! que ie te communique l'inuention dont ie me suis aydé ? De bon cœur, respondit Cebes.

## S O C R A T E.

Comme ie fus lassé de considerer les choses sans rien aduancer,

*Mon esprit rebuté de ce travail penible,  
Poursuiuant vn dessein qui n'estoit pas possible,*

*Craignit de s'auengler par vn obiet si beau,  
Comme quand le Soleil dans l'Ocean arrive.*

*Nos regards qui tout droit contemplant*

*son flambeau,*

*Se sentent esblouyr d'une clairté irop vifue,  
Et l'unique moyen de le toucher des yeux,  
C'est de le voir dans l'eau qui le nous monstre  
mieux.*

Ainsi pour sauuer mō esprit d'un tel es-  
blouissement, ie creus qu'au lieu de por-  
ter mes sens tout droict, & immediate-  
ment à mon subiect, ie ferois mieux de  
le contempler comme en vn miroir, &  
m'imaginay qu'il falloit recourir aux  
raisōs, pour cōsiderer la verité par elles  
Mais peut estre que nostre comparaison  
ne respond point à toutes ses parties:  
car ie n'accorde pas entierement que  
celuy qui contemple les choses dans les  
raisōs, les regarde plustost dans des  
images, que celuy qui les void dans les  
œuvres : car ie crois que cettuy-cy les  
regarde aussi bien dans des images que  
l'autre qui les void dans les raisōs : si  
est-ce toutesfois que i'ay prins cette ad-  
dresse, & choisi mon chemin par là. Voi-  
cy comme quoy ie fay, supposant vne  
raison que ie trouue la plus valable. Je  
tiens pour veritable ce qui se rapporte  
le mieux à elle, i'observe cela, & touchât  
les

les causes des choses, & touchant autre chose. Et comme j'approuve ce qui est selon la raison que j'ay posée, aussi ie desapprouve & tiens pour faux tout ce que i'en trouue esloigné. Je te veux mieux expliquer ce que ie te dis, car ie ne pèse pas que tu l'entèdes bié encore. Non pas beaucoup, dit Cebes. Je n'amei- ne icy rié de nouveau, dit Socrate, mais seulement ce que j'ay repeté souuent en la dispute precedente. Je m'en vay donc continuer à te faire voir cette es- pece de cause que j'ay tant traictee, & reuiens à ce que j'ay si souuent presché. Je suppose donc qu'il y a quelque chose qui de soy est, beau, bon, & grand, & tel- les autres choses. Que si tu m'accordes cela, j'espere de te faire voir ce qui est proprement cause, & de trouuer l'im- mortalité de l'Ame.

CEBES.

Conclus quād il te plaira. Je te l'accorde.

SOCRATE.

Mais considere en ce qui s'ensuit, si tu

veux y consentir aussi : car ie pense que s'il a quelque chose de beau outre le beau mesme, que cette chose belle, quelle qu'elle soit, n'est belle, que d'autant qu'elle participe au beau ; & c'est ainsi que i'en dis du reste. Ne crois-tu point que c'est pour cette cause?

C E B E S.

Ie le crois.

S O C R A T E.

Pour moy ie ne vay point plus auant, & ne suis point capable de comprendre toutes ces autres causes excellentes. Si quelqu'un me demande, pourquoy cecy ou cela est beau, ie luy diray que c'est à cause qu'il a ou la couleur esclatante, ou la figure belle ou quelque autre chose comme cela: ie ne scaurois luy respondre autre chose, & si ie cherche des causes plus auant ie me trouble. Cecy crois- ie bien absolument & sans doute, combien que peut estre sans raison, que rien ne faict vne chose belle que la presence ou la communion du beau ou de quelque façon, & pour quelle raison qu'il arriue, & cela n'oze- ie pas

pas bien asseurer encore , mais que tout ce qui est beau est beau , à cause du beau. C'est ce qu'on peut répondre plus asseurement, & appuyé sur ce fondement, ie ne pense pas tomber, & ie puis dire asseurement que toute chose belle est faicte belle par le beau mesme. Ne le crois-tu point comme cela ? Si fay , dit Cebes. Par mesme raison, ce qui est grand est grand par la grandeur, & ce qui est de plus grand est de mesme raison plus grand ; & ce qui est plus petit, est ainsi plus petit par la petitesse. C'est comme cela, dit Cebes. Ainsi, dit Socrate, tu n'approuveras point celuy qui diroit que cet homme icy est plus grand que l'autre de toute la teste, & que cet autre est plus petit que luy de toute la teste : comme si leur grandeur & leur petitesse se deuoit cognoistre & discerner par la teste. Mais tu diras que tout ce qui est plus grand n'est plus grand d'autre chose que de la grandeur ; & plus grand à cause de la grandeur aussi : & ce qui est plus petit n'est aussi plus petit que de la petitesse, & à cause de la petitesse. Tu raisonneras sans doute ainsi, de  
pour

peur que si tu viens à dire que quel-  
 qu'un est plus grand ou plus petit de la  
 reste, on ne t'objecte que première-  
 ment par cette raison vne mesme chose  
 fait le plus grand plus grand, & le plus  
 petit plus petit, apres que de la reste,  
 dont cecy sera moindre, cela aussi qui  
 est plus grand en est plus grand: & que  
 c'est vne chose monstrueuse que ce qui  
 est grand, soit grand à cause de ce  
 qui est petit. Ne craindrois-tu pas aus-  
 si de dire que dix sont plus que huit,  
 à cause des deux, plustost qu'à cause  
 de la multitude ou numeralité? & sem-  
 blablement qu'une mesure de deux  
 coudees est plus grande que celle d'un  
 coude, à cause de cette moitié, plustost  
 qu'à cause de la grandeur? c'est ce que  
 tu deuois craindre de dire. Et ne crain-  
 drois tu point de dire aussi que si un  
 est adiousté à un, que cest adioustement  
 est la cause qu'il s'en faict deux;  
 & si un se diuise, cette diuision est la  
 cause qu'ils sont deux? Mais tu dois  
 crier tout haut, & asseurer que tu ne  
 sçais comme quoy autrement, ou cecy,  
 ou cela se faict que par la participation  
 de l'essence qui luy est propre, à la-  
 quelle



quelle il participe; & que tu ne sçais point autre cause pourquoy il faut que ces vns qui doiuent estre deux soient participans, & comme aussi tout ce qui doit estre mis à vn, doit estre participant à l'vnité, & laisseras ces adionctions & diuisions & toutes ces subtilitez à des plus sçauans que toy, pour faire des responce pareilles à leur fantaisie. Mets toy tousiours en deffiance, & craignant, comme on dit, ton ombre mesme, tu te tiendras tousiours ferme en la raison que tu auras posée, & feras tes responce de la sorte: Que si quelqu'un se tenant à la mesme raison que tu aurois posée, venoit à te presser, tu le laisseras là sans luy respondre qu'apres auoir consideré, si ce qui suit de cette raison s'accorde avec elle ou non. Que si tu estois obligé à rendre raison de la raison mesme que tu aurois posée, il te faudroit recourir à d'autres positions, & choisir celle qui te sembleroit la meilleure de toutes les precedentes, & ne confondrois iamais comme font les contentieux, & les principes, & ce qui deriue des principes, si pour le moins tu voulois trouuer quelque

136 DE L'IMMORTALITE  
que chose de vray : car pour ces contentieux, ils n'ont ny soing, ny discours qui tende à cela, & si ne laissent point à faute de sapience de plaire & trouuer leur conte dans cest embrouillement dont ils confondent tout. Mais toy, ô Cebes ! si tu es du nombre des Philosophes, tu feras ie pense ce que ie dis.

P H Æ D O.

Cebes & Simias approuuerent là tout ce que Socrate disoit.

E C H E C R A T E S.

Ils auoient sans doute raison d'y consentir, car ie ne pense pas que ce discours ne soit maintenant assez clair aux plus hebetes.

P H Æ D O.

Aussi n'y eut-il personne en la compagnie qui ne le trouuaft fort aisé.

E C H E C R A T E S.

Ce n'est pas merueille, puis que moy qui n'y estois point, le comprends fort bien, & le trouue facile seulement à te l'ouyr dire. Mais apres cela, comme quoy est ce qu'il poursuuit ?

P H Æ D O.

Apres que Socrate les eut rangez à son opinion, & qu'ils luy eurent accordé

de

dé que chacune des espèces est quelque chose, & que ce qui leur participe prend d'elles sa denomination, il se mit encore à les interroger de cette sorte.

S O C R A T E.

S'il en est ainsi que nous auons montré, aduoueras tu point alors que tu dis que Simias est plus grand que Socrate, & plus petit que Phædon, que ces deux choses là sont en Simias, c'est à dire, la grandeur & la petitesse?

C E B E S.

Assurément.

S O C R A T E.

Et tu confesses toutesfois que Simias surpasse Socrate, non pas en la sorte que les paroles le disent, car tu ne crois pas qu'il ait esté ainsi ordonné par la nature, que Simias entant que Simias surpasse Socrate : mais à cause de la grandeur de stature qu'il a, ny que Socrate aussi soit moins que Simias entant qu'il est Socrate, mais à raison de sa taille qui est petite, au respect de celle de Simias.

C E B E S.

Je le crois comme cela.

S O C R A T E.

Et

138 DE L'IMMORTALITE'  
Et semblablement Phædon ne surpasse point Simias, entant que Phædon: mais entant qu'il est de grande stature au pris de Simias qui se trouue de petite taille, au respect de Phædon.

PHÆDON.

Il est ainsi.

SOCRATE.

Si bien que Simias aura la denomination de petit & de grand: car il est entre les deux, surpassant par sa grandeur la petitesse de l'un, & cedant par sa petitesse à la grandeur de l'autre.

PHÆDON.

Alors il nous dit en souffrant: il semble que ie vous ay descrit cecy avec trop d'affection, si est-il pourtant de mesme que i'en ay parlé.

C E B E S.

Il appert.

SOCRATE.

Ie le dis à dessein de vous faire croire ce que ie crois aussi. Mon opinion est que la grandeur ne veut iamais non seulement estre ensemble & grande & petite, mais aussi que cette grandeur qui est en nous, ne reçoit iamais petitesse & ne veut point estre surmontee:

mais

mais que de deux choses il en arriue l'vne , ou qu'elle fuit, & se retire quand la petiteſſe ſon contraire approche , ou bien qu'elle meurt & finit auſſi toſt que la petiteſſe eſt arriuee : car elle ne peut attendre , ny ſe rendre en receuant la petiteſſe , autre choſe que ce qu'elle eſtoit ; comme moy par exemple, qui ay la petiteſſe, tandis que ie ſuis, ſans doute ie ne puis eſtre que petit. Tout de meſme vne choſe grande ne peut eſtre petite , & ce qui eſt de petit en nous, ne peut ny deuenir , ny eſtre grand , ny aucune ſorte de contraires : car vn contraire tant qu'il demeure tel qu'il eſtoit, ne peut iamais deuenir ſon contraire, mais il faut qu'il fuye ou periſſe auſſi toſt que ſon contraire arriue.

C E B E S.

C'eſt iuſtement mon opinion.

P H A E D O N.

Alors quelqu'vn de la compagnie , ( ie ne ſçauois dire maintenant qui ce fut ) comme tout esbahy , ſe print à dire ; bons Dieux ; ne nous a t'on point accordé dans les diſcours precedens tout le contraire de ce qu'on nous vient de dire icy ? car on nous a monſtré que du  
 218 20  
 moins

moindre se faisoit le plus grand , & du plus grand le moindre, & que sans doute il y auoit vne generation des contraires les vns des autres , & maintenant il semble que vous disiez que cela ne se peut. Socrate aduançant vn peu la teste , escouta cela , & tout à l'instant; tu as ( dit-il ) bonne memoire d'auoir retenu cela, mais tu n'entends pas pour tant la difference qu'il y a de ce que nous disons à cette heure, à ce que nous auons dit auparauant : car alors nous disions que d'une chose contraire se faisoit vne chose contraire ; & icy nous disons qu'un contraire ne peut iamais deuenir son contraire , ny touchant ce qui est en nous de contraire , ou en la nature. Nous parlions des choses qui ont des contraires , & les appellions du nom de contraires? & maintenant nous parlons des contraires qui sont en elles, desquels elles prennent la denomination , & disons que les contraires ne s'engendrent iamais l'un l'autre. Lors tournant les yeux vers Cebes , & toy, dit Socrate, ne te trouues-tu point troublé pour cette obiection?

Nullement.

SOCRATE.

Nous auons donc simplement aduoüé qu'un contraire ne se faict iamais de son contraire.

CEBES.

Il est vray.

SOCRATE.

Prends garde si tu n'es point aussi d'accord avec moy en cecy: Appelles tu cela quelque chose, la chaleur & le froid?

CEBES.

Sans doute.

SOCRATE.

Mais appelle tu simplement le chaud & le froid, neige & feu?

CEBES.

Non vraiment.

SOCRATE.

Tu dis donc que la chaleur est quelque autre chose que le feu, & le froid quelque autre chose que la neige.

CEBES.

Je le pense.

SOCRATE.

Mais tu crois bien aussi que la neige tant qu'elle est neige ne peut point recevoir

142 DE L'IMMORTALITE'  
cevoir de chaleur comme nous disions;  
& qu'elle ne peut estre ensemble, &  
neige & chaude, mais que la chaleur  
venant, il faut qu'elle fuye ou qu'elle  
cesse d'estre, & que le feu tout de mes-  
me, le froid venant, se desrobe ou s'e-  
steigne, & qu'il ne scauroit estre ensem-  
ble & feu & froid.

C E B E S.

Tu dis vray.

S O C R A T E.

Remarque donc qu'il y a certaines cho-  
ses qui non seulement honorent touf-  
jours l'espece de leur nom, mais encore  
quelque autre chose qui n'est pas à la  
verité ce qui est de premier, mais qui  
en a la forme tandis qu'il est, & voicy  
en quoy tu trouueras peut-estre plus  
clair ce que ie te dis; non pair, garde  
toufours ce nom de non pair: mais  
n'en a-t'il point aussi d'autre? car c'est  
ce que ie cherche, sçauoir s'il n'y a  
point quelque autre chose qui n'est pas  
à la verité proprement ce qu'est non  
pair: mais qui cependant avec vn au-  
tre nom qu'il a, est obligé aussi de por-  
ter toufours ce nombre non pair, pour  
ce qu'il est ainsi ordonné par la nature,  
qu'il



qu'il ne peut jamais estre abandonné du non pair, comme le nombre de trois que appellons le ternaire, ne te semble t'il point qu'il est tousiours appelé ternaire & non pair? lequel non pair n'est pas cependant la mesme chose que ternaire: car il est dit aussi bien & de cinq, & de sept, comme de trois, & autre medieté de nombres ou imparité: car chacun de ces nombres là est aussi bien non pair que le ternaire, & n'estant pas cela mesme qu'est non pair, chacun d'eux ne laisse pas d'estre non pair; semblablement & deux, & quatre, & autre ordre de nombre quel qu'il soit, combien qu'il ne soit pas cela mesme qu'est pair, chaque deux pourtant est pair.

CEBES.

Sans doute.

SOCRATE.

Regarde donc icy ce que ie demande, c'est qu'il semble veritablement que non seulement les contraires entr'eux ne se reçoivent jamais l'un l'autre: mais aussi que les choses qui sont de telle sorte que n'estans point contraires entr'elles mesmes, cependant pos-

sedent.

sedent tousiours des contraires, ne re-  
 çoiuent iamais vne espeece contraire à  
 l'espeece qu'elles ont, mais qu'à son ar-  
 riuee elles s'en vont ou perissent. Ne  
 dirons nous point que trois deffaudrôt  
 plustost, & patiroient toute autre cho-  
 se plustost que d'estre faicts pairs, en-  
 tant qu'ils sont trois ?

C E B E S.

Il est vray.

S O C R A T E.

Si est-ce pourtant que la duité n'est pas  
 contraire à la trenité.

C E B E S.

Nullement contraire.

S O C R A T E.

Si bien que non seulement les espees  
 contraires ne se reçoivent iamais entr'-  
 elles mesmes : mais qu'outre les espe-  
 ces, il y a des choses qui ne souffrent  
 point l'entrée des contraires.

C E B E S.

Tu dis tres-vray.

S O C R A T E.

Veux-tu donc que nous definissions, s'il  
 nous est possible, ces choses là comme  
 elles sont ?

C E B E S.

CEBES.

Je le desire fort.

SOCRATE.

Ces choses Cebes, ne seront elles point choses qui occupans quoy que ce soit, le rendent tel qu'il est contraint de retenir non seulement l'Idée de soy-mesme, mais d'auoir aussi son contraire ?

CEBES.

Comme quoy est-ce que tu dis cela ?

SOCRATE.

Comme ie disois vn peu auparauant, car tu sçais que ce qui est contenu dans l'Idée de trois, doit estre non seulement trois, mais aussi non pair.

CEBES.

Il est vray.

SOCRATE.

A cela nous disions qu'une Idee contraire à la forme qui parfait cela, n'arriue iamais.

CEBES.

Iamais.

SOCRATE.

C'est pourquoy le nombre de trois est exempt d'estre pair.

CEBES.

Il est vray.

Il s'ensuit donc que la trenité ou nombre de trois est nécessairement non pair.

C E B E S.

Je l'aduouë.

S O C R A T E.

Ainsi ce que j'auois pris à définir, à sçauoir quelles choses ce sont qui n'estans contraires à rien ne receuoient pas pourtant le contraire, Cela, dis-je, est de mesme que la ternité, qui n'estant point contraire au pair, ne le reçoit pourtant iamais, pource qu'il luy apporte tousiours ce qui luy est contraire. Tout de mesme en est-il du nombre de deux au non pair, & du feu au froid, & de la neige à la chaleur, & de beaucoup d'autres choses comme cela. Vois donc maintenant Cebes, si tu ne penses point qu'il faille définir ainsi, que non seulement le contraire ne reçoit point son contraire : mais aussi ce qui apporte quelque chose de contraire à ce où il va. Ce qui apporte ne recevra iamais vne forme contraire à ce qui est apporté, retiens le donc bien encore : car il n'est pas inutile de le redire;

dire : i'amaïs le nombre de cinq ne receura l'espece du pair , ny dix qui est le double du non pair : car cettuy-cy qui est contraire à l'autre ne reçoit pourtant i'amaïs l'espece de non pair ; ny au nombre de douze, les six moitez de ce douze ne reçoivent i'amaïs la forme du tout, ny tous autres qui ont comme cela la moitié d'un nombre, ou qui en ont vne troisieme partie, ne reçoivent i'amaïs la forme du plus grand nombre, car en la receuant ils periroient, & ne seroient plus ce tiers ou cette moitié qu'ils estoient. M'entends-tu bien, & te trouues-tu bien de mon aduis en tout cela?

C E B E S.

Fort bien.

S O C R A T E.

Derechef, dy moy comme depuis le commencement & me réspons, non point par ce que j'interroge, mais par autre chose à mon imitation. Or ie dis outre cette réponse asseurée que nous auons posée dès le commencement, rends-moy quelque autre réponse aussi asseurée qui soit tirée de ce que nous auons dit plus franchement, comme si

tu m'interroges de la sorte, dis-moy Socrate, qu'est-ce qui estant dans le corps, l'eschauffe? Je ne t'iray pas rendre cette asseuree & grossiere responce, que c'est la chaleur: mais d'une plus exquisite, tiree de nos discours plus recens, ie te diray que c'est le feu. De mesme, si tu me demandes qu'est-ce qui estant dans le corps, le rend malade? Je ne te respondray pas la maladie, mais la fièvre: & si tu me demandes qu'est-ce qui estant dans vn nombre le rend impair? ie ne te respondray pas l'imparité, mais l'vnité: & comme cela en autres choses, prends garde donc si tu comprend bien mon sens.

C E B E S.

Entierement.

S O C R A T E.

Respōds moy donc, qu'est-ce qui estant dans le corps le rend viuant?

C E B E S.

L'Ame.

S O C R A T E.

Et cela, n'est-il pas tousiours?

C E B E S.

Il ne peut estre autrement.

S O C R A

SOCRATE.

L'Ame donc, lors qu'elle occupe quelque chose, luy apporte sans doute la vie.

CEBES.

Sans doute.

SOCRATE.

N'y a il point quelque chose contraire à la vie ?

CEBES.

S'y a.

SOCRATE.

Et qu'est-ce ?

CEBES.

C'est la mort.

SOCRATE.

Or l'ame ne reçoit jamais le contraire de ce quelle ameine, comme nous auõs accordé aux discours precedens.

CEBES.

Il est ainsi.

SOCRATE.

Et comment appellions nous tantost ce qui ne reçoit point l'Idée du pair.

CEBES.

Non pair.

SOCRATE.

Et ce qui n'est point capable de iustice ou de musique, nous l'appellions injuste

150 DE L'IMMORTALITE  
ou non musicien, & si ce qui n'est point  
capable de la mort, & qui n'en reçoit  
point, comment l'appellerons-nous ?  
sans doute immortel. Or l'ame véritablement  
ne reçoit jamais la mort, elle  
est donc immortelle.

C E B E S.

Il s'ensuit, sans doute, qu'elle est immortelle.

S O C R A T E.

Et l'ame véritablement ne reçoit jamais la mort ?

C E B E S.

Jamais.

S O C R A T E.

Auons nous donc fait voir cela assez  
clairement.

C E B E S.

Tres-bien & tres-suffisamment.

S O C R A T E.

Ne te semble-t'il point aussi, ô Cebes !  
que si le non pair estoit exempt de ruine,  
& de mort, trois le seroit aussi ; &  
si ce qui n'est point capable de recevoir  
la chaleur ne perissoit jamais, que la  
neige aussi demeureroit auprès du feu  
sans se fondre, & qu'elle ne periroit  
point, & ne receuroit point de chaleur.



Je le croy.

S O C R A T E.

Par mesme raison, si ce qui n'est point capable de deuenir froid, ne mouroit iamais lors que le feu attaque le froid, le feu ne s'esteindroit pas pour cela, & s'esuanouyroit point: mais il se retireroit sans danger.

C E B E S.

Il le faudroit par necessité.

S O C R A T E.

Par vne pareille necessité pouuôs nous conclure, touchant l'immortel, que si ce qui est immortel ne perit point, il est impossible que l'ame perisse à la venue de la mort: car comme nos discours precedés ont mōstré, elle ne peut point receuoir la mort: & ne peut point perir, comme le ternaire ne peut point estre pair, ny le non pair ne peut point estre pair, ny le feu froid, ny la chaleur qui est au feu froide.

Au reste quelqu'un pourra dire, que cōbien que le nō pair ne deuienne iamais pair, pour l'arriuee du pair en luy, comme nous auons esté d'accord, que toutesfois apres le non pair, disons, le

152 DE L'IMMORTALITE'  
pair succede à sa place. Et si quelqu'un  
nous disoit que le non pair est dissout,  
& n'est plus, nous ne luy sçaurions nier  
cela. A la verité ne sçaurions nous aussi  
car il n'en est pas du non pair comme  
de ce qui est indissoluble; & s'il en estoit  
de mesme, nous trouuerions facilement  
que pour le pair venant, le non pair, ny  
les trois ne periroient point, & pour-  
rions tenir le mesme; & du feu & de la  
chaleur, & de tout le reste. Ne le pour-  
rions nous pas bien à ton aduis?

C E B E S

Fort aisément.

S O C R A T E.

Mais pour ce qui est de l'immortel, s'il  
nous appert qu'il est incapable de perir,  
il nous appert aussi que l'ame outre ce  
qu'elle est immortelle, est aussi incapa-  
ble de perir. Si cela n'estoit point ac-  
cordé, il faudroit trouuer vne autre rai-  
son, mais il n'en est nullement besoin  
touchant cela, car qu'est-ce qui seroit  
indissoluble, si ce qui est immortel &  
d'éternelle durée se pouuoit dissoudre?

*Nostre ame deslogeant du corps,  
Auecques ses organes mors,  
Ne seroit que vers & que poudre,*

*Et tout l'enclos de l'Vniuers  
N'auroit plus rien exempt de vers:  
Si l'immortel se peut dissoudre,  
Les Cieux mesmes seroient dissous,  
Et les Dieux mourroient comme nous.*

Mais puis que ce qui est immortel est  
aussi incorruptible, pourquoy est-ce que  
l'ame si elle est immortelle, ne seroit elle  
point aussi incorruptible?

C E B E S.

Il s'ensuit necessairement.

S O C R A T E.

*Ainsi quand la mort nous separe,  
Sa fureur prend pour son obiet,  
Tout ce que l'homme a de subiect,  
A sa possession auare.*

*Mais ce que nous auons de beau,  
D'indissoluble & d'inuisible,  
D'immortel & d'incorruptible,  
Ne passe point dans le tombeau,  
Et nos esprits sans leurs organes,  
Logeront heureux chez les Manes.*

C E B E S.

Il ne me reste nulle sorte de difficult  qui  
m'empesche de consentir   t  opinion:  
mais si Simias ou quelqu'un de la com-  
pagnie a quelque chose   dire, ils n'ont  
que faire de se taire; car il me semble

qu'on ne doit laisser passer le temps en l'occasion d'ouyr parler de telles choses ou d'en discourir.

*Qui voudra proposer sa doute,*

*Pour se rendre tout esclarcy.*

*Et le temps est bien cher aussi*

*Quand on traite, ou quand esconte*

*Des discours pareils à ceux-cy.*

S I M I A S.

Je n'ay rien à dire, non plus que toy, ô Cebes! contre les raisons precedentes, toutesfois la grandeur de la chose dont il s'agit, & la foiblesse humaine me dōnēt assez de deffiances sur ces discours.

S O C R A T E.

Tu as raison, Simias, & nos premieres positions, combien qu'elles vous semblent dignes de foy, ont besoin pourtāt d'estre plus diligemment considerees: que si vous le pouuez vne fois assez cōprendre, vous suiurez cette raison autāt qu'il est possible de le faire, & cela estāt rendu clair, vous n'avez plus rien à demander.

S I M I A S.

Tu dis vray.

S O C R A T E.

*Amis si l'ame est eternelle,*

*Il est bien iuste de songer,  
Comme quoy nous deuont purger  
Tout le mal qui se trouue en elle.  
Ce mystere à qui l'a compris,  
Est bien utile à nos esprits,  
Et deuant que nostre corps meure,  
Et lors qu'ayant perdu le iour,  
Nous eschangeons cette demeure,  
A quelque plus heureux seiour.*

*Et s'il fant que la pourriture,  
Fasse manger nostre ame aux vers,  
Lors que les membres sont couuers,  
Du fardeau de la sepulture,  
Les mauuais ont le bon destin,  
Car où se trouueroit en fin,  
La peine ou le plaisir de l'homme,  
Si quand les corps sont desmolis,  
L'Ame languit & se consomme  
Auec les os enseuelis?*

*Mais puis que nostre esprit s'eslongne,  
Quand la mort saisit nostre cher,  
Qu'il ne se laisse point toucher,  
Et ne deuient iamais charongne,  
Tous ces esprits pernicious,  
Qui des actes plus vicieux,  
Rendent l'ame & la chair complices,  
Ne sçauroient fuir leurs tourmens,  
Et rencontrent milles supplices,*

*Dans les horreurs du monument.*

*Et les ames les mieux sentées,  
Dont la prudence & la bonté  
Gouvernent à leur volonté,  
Les mouvemens & les pensées,  
Avec le sçavoir qui les suit,  
Elles s'en vont goustier le fruit  
De leurs attentes arrivées,  
Rien ne les suit que leur sçavoir,  
Quand le trespas les a privées  
Du corps qu'elles souloient avoir.*

*Dés le premier pas de la fuite,  
Qu'elles prennent à leur despart,  
L'ame qui porte pour sa part,  
La gloire d'estre bien instruite,  
Trouve bien de l'avancement  
En son heureux commencement,  
Mais celles qui n'ont pour partage,  
Que l'ignorance & que le mal  
Trouvent bien du desadvantage  
En ce deslogement fatal.*

*Vn Demon qui durant la vie,  
Habite l'esprit d'un chacun,  
Par la loy d'un destin commun,  
Conduit l'ame qu'il a suivie,  
Et la meine dedans un lieu,  
Où du commandement de Dieu,  
Toutes les ames ramassées,*

Vont recevoir leur iugement,  
Aussi tost qu'elles sont passees  
Dans leur eternal logement.

Ces demons comme ils ont la charge  
De les prendre au sortir d'icy,  
Après leur iugement aussi  
Leur font voir une plaine large,  
Où l'ame vefue de son corps,  
Attendant de nouveaux ressorts,  
Long temps errante & vagabonde,  
Se traine aux bords des fleuves noirs,  
Dont les peuples de l'autre monde  
Arrousent leurs hideux manoirs.

Leurs fatalitez acheuees,  
Elles rompent ce dur sommeil,  
Et retournent vers le Soleil  
Dont elles ont esté princes,  
Un Demon aussi les conduit,  
Hors de cette profonde nuit,  
D'où leur iuste sort les renuoye,  
Et dans ces incognus quartiers  
Leur passage au lieu d'une voye,  
Trouue de differens sentiers

Mille destours, milles traueses  
Dans ces lieux s'offrent à leurs pas,  
Quoy que Telephe ne creut pas,  
Tant de routes, ny si diuerses:  
Eschile qui l'a fait parler,

Entendit qu'il falloit aller  
 Par une carriere assez droïcte,  
 Et qui ne se monstroït de rien,  
 Ny plus large, ny plus estroïcte,  
 Au meschant qu'à l'homme de bien.

Mais ces opinions le trompent,  
 Ces chemins sont pleins de marests,  
 Mille gouffres, mille forests,  
 Mille precipices le rompent.  
 Sans doute *Æschile* estoit menteur,  
 Et sans l'aide d'un conducteur  
 Qui n'ignore pas une adresse,  
 Les esprits ne scauroient passer,  
 Et parmy la nuict & la presse,  
 Se verroient tous embarasser.

Il est bien clair des sacrifices  
 Que les hommes font tous les iours,  
 Que ces chemins ont des destours,  
 Et qu'ils sont pleins de precipices;  
 Si bien qu'un esprit moderé,  
 S'estant commis de son bon gré  
 Au Demon qui le veut conduire,  
 Trouue son voyage plaisant,  
 Et se laisse si bien instruire,  
 Qu'il n'ignore rien du present.

Au contraire une ame enchainée  
 Des liens de la volupté,  
 Et d'un sentiment enchanté,



Parmy la chair contaminee,  
 Quand la mort finit ses plaisirs,  
 Brusle encore de vains desirs,  
 Dont le sang l'avoit ebatouillee,  
 Et cherche autour des os pourris,  
 Cette charongne despoüillee,  
 Où ses vices estoient nourris.

A la fin quand de longues geines,  
 Pires qui flammes & que fers,  
 La reiettent dans les Enfers,  
 Pour y continuer des peines,  
 Le vieux demon qui l'introduit,  
 Dedans l'empire de la nuit,  
 La quitte dans ces rines sombres,  
 Où tout le temps de son erreur,  
 Ny l'Enfer, ny les autres ombres  
 Ne la souffrent qu'avec horreur.

Chaque esprit gronde à ses approches,  
 Tous les Manes troublent sa paix,  
 Et pour les crimes qu'elle a faitts,  
 La percent toute de reproches,  
 Il faut des siecles infinis,  
 Avant que ses forfaitts punis,  
 Elle eschappe de sa torture,  
 Et sort par la necessité,  
 Du grand ressort de la nature,  
 Par qui tout est ressuscité.

Ces vilaines ames apres des longues en-

reurs & des peines infinies, retrouuent dans le monde des habitations toutes cōformes à leurs mauuais sentimens; & les bonnes au contraire, sans estre obligees à l'erreur ni au supplice des autres, ionyſſent bié toſt apres leur trespas, d'une demeure fortunee, capables d'exercer leurs iuſtes & prudentes volōtez, elles s'en reuont ſans doute en des lieux bien-heureux, car ſe ſont les Dieux qui prennent la peine eux-mêmes de les y conduire.

Or la terre a beaucoup de lieux, & de bien admirables, & n'eſt pas ſi grāde ny telle que diſēt quelques vns, au moins à ce que i'en ay appris par d'autres.

S I M I A S.

Cōment me diſ-tu cela? pour moy i'ay bié ouy dire beaucoup de choſes du globe de la terre, mais nō pas ce que tu diſ en auoir appris de véritable; & ſerois bié aise que tu priſſes la peine de le racōter.

S O C R A T E.

Veritablement il me ſemble que l'art de Glaucus ne raconte pas quelles choſes ce ſont, & que de trouuer qu'elles ſont vrayes, c'eſt ce qui ſurpaſſe ſa faculté. Je ne penſe pas auſſi moy même  
y ſuffi

y suffire , & quand bien i'en serois parfaictement sçauant , ma vie seroit trop courte pour vn compte si long , ie te diray bien pourtant la forme du Globe de la terre , & ces lieux de la sorte que ie crois qu'ils sont.

SIMIAS.

Ce sera bien assez.

SOCRATE.

*Ie croy que cette masse est ronde,  
Que les Cieux luy sont à l'entour,  
Et que ferme dans son sejour,  
C'est son propre poids qui la fonde.  
Les Cieux qui sont esgaux par tout,  
La balancent de bout en bout,  
Elle mesme en soy soustenuë,  
Par tout pesante esgalement,  
Se tient sans s'aider de la nuë,  
De son contrepoids seulement.*

Car vne chose qui est ainsi d'esgale pesanteur , si elle est mise au milieu de quelque chose aussi esgale de par tout, elle ne sçauroit pancher ny d'un costé ny d'autre ; & se trouuant avecques tant de rapport , elle demeure & tient par l'inclination, & la disposition, d'autrui : C'est ce que ie me suis premiere-ment persuadé.

SIMIAS.

Avec beaucoup de raison.

S O C R A T E.

*Cette masse ainsi suspendue,  
Est, comme ie croy sçauoir,  
Et comme il est aisé de voir,  
D'une merueilleuse estendue.  
Nous icy comme des fourmis,  
Et des grenouilles sommes mis,  
Autour des marests & de l'onde,  
Entre le Phaside, & ce lieu  
Où les piliers d'un demy dieu,  
Creurent auoir borné le monde.*

*En plusieurs endroicts de la sorte,  
Habitable comme ceux-cy,  
Elle a des logemens aussi,  
Pour d'autres mortels qu'elle porte,  
Car selon la forme & le fais,  
Qui de l'an ou de l'air espais  
Dedans cette grandeur s'escoule,  
Ses flancs deniennent enfoncez,  
Et fournissent des lieux assez,  
Pour faire peupler cette boule.*

*Vne plus excellente terre,  
Pleine de douceur & de paix,  
Où l'air ne faiçt venir iamais  
L'importunité du tonnerre,  
Pure & parfaicte en tous ses lieux,*

*Est*

Est assise dedans des Cieux,  
 Où tout est pur, tout admirable,  
 Là les astres sont arrangez,  
 Là les bien-heureux sont logez,  
 Là tout est plaisant & durable.

Ce grand Palais de la Nature,  
 Comme ie crois, s'appelle Aether,  
 Par ceux à qui i'ay ven traiter  
 Des secrets de cette structure,  
 Les astres apres ces obiects,  
 Qui demeurans ainsi subiects,  
 Penetrent les airs comme verre,  
 Et iusqu'au fonds de l'Vniuers,  
 Cherchent des chemins entr'ouuers,  
 Pour passer au sein de la terre.

Nous icy comme dans un antre,  
 Vn peu touchez de leurs rayons,  
 Assez imprudemment croyons  
 Estre bien esloignez du centre:  
 Nous pensons que nostre seiour,  
 Est au plus haut du large tour,  
 Qui ceint l'enclos de ceste masse, —  
 Que la terre est toute deffous,  
 Et que les bestes avec nous,  
 N'en habitent que la susasse.

Ainsi les Tritons & Neree,  
 Qui dedans l'abyssine des eaux  
 Voyent le Ciel & ses flambeaux,

*Au trauers de l'onde azuree,  
Imagineroient sans raison,  
Que leur moite & basse prison,  
Seroit tout au dessus de l'onde,  
Et que les lumieres des Cieux  
Ne scauroient apparostre mieux,  
En quelque autre quartier du monde.*

*Ils croiroient que dedans Neptune  
Les astres s'iroient allumer,  
Et qu'aillours que dedans la mer,  
Ne loge ny Soleil ny Lune.  
Mais s'ils auoient tant seulement,  
Du dessus de leur Element  
Contemplé le siege où nous sommes,  
Leurs erreurs s'esuanouyroient,  
Et leurs regards s'esblouyroient  
De la clarté qui luit aux hommes.*

*Nous icy comme dans des caues,  
Trop pesans pour nous enuoler,  
Sous le grand Empire de l'er,  
Demeurons comme des esclaves,  
Nous croyons que les feux luisans  
Au trauers de l'air conduisans  
Tant de lumieres incogneues,  
N'ont autre siege que les airs,  
Et d'où partent leurs esclairs,  
De là partent aussi les nuës.*

*Mais si iamais quelque aduenture*

Nous estoit d'un coup de vent,  
Pour nous faire voir plus auant  
Les merueilles de la nature,  
Nous irions insqu'ou le Soleil  
Paroist si clair & si vermeil,  
Insqu'ou ces nuageneses toiles  
N'ont encore iamais monté,  
Et dans un ciel ou sa clarté,  
S'accorde avecques les estoiles.

La bien plus haut que le tonnerre,  
Dans un palais si glorieux,  
Si quelqu'un abaissoit les yeux  
Sur les ordures de la terre,  
Il seroit honteux de la voir,  
Et ravy du nouveau sçauoir  
De tant de merueilles si rares,  
Voyant qu'aux prix de tant de bien,  
Tous nos thresors sont moins que rien,  
Se mocqueroit bien des auares.

Les poissons hors de la cauerne,  
Ou la bize & les aquilons,  
Renuersans l'onde & les sablons,  
Troublent le Dieu qui la gouuerne,  
Hors des creux puants de la mer,  
Ou tout est vilain, tout amer,  
Tout rongé de sel & d'escume,  
Trouueroient beaux ces lieux icy,  
Comme nous les Palais aussi,

Où la torche du iour s'allume.

Les marbres qui font nos murailles,  
 Les ioyaux qui parent nos doigts,  
 Et tout ce que les champs Indoïs  
 Se laissent tirer des entrailles:  
 Brestant de biens de tant de pris,  
 Où des plus conuaitieux esprits  
 L'insensé desir se limite,  
 Ne sont rien en comparaison,  
 De ce qui luit dans la maison,  
 Où la troupe des Dieux habite.

Sur ce propos icy ie vous raconteray  
 vne fable tres-belle, si vous la voulez  
 ouyr, pour vne plus claire intelligence  
 des contrees de cette excellente terre  
 qui est au deffous du Ciel.

S I M I A S.

Nous serons tous bien-aïses de l'enten-  
 dre.

S O C R A T E.

Qui de ce lumineux Royaume,  
 Que iamais la nuit ne voila,  
 Pourroit veir cette terre là,  
 Il la verroit comme vne Paume,  
 De qui le deffus est couuert  
 De iaune, de blanc, ou de vert,  
 Et mille autres coulours encore,  
 Comme celle de l'arc d'Iris,

Comme



Comme l'esmail des prez fleuris,  
Et du chariot de l'Aurore.

Tout ce qu'on void dans la peinture  
Des pourtraits qu'se font icy,  
Comme tous nos obiects aussi  
Imitent un peu leur nature,  
Nos sombres & basses couleurs  
N'approchent point l'esclat des leurs,  
Ny la neige, ny l'escarlatae,  
Ny le ianne du lourd metal,  
Qui dedans l'ame du brutal,  
Si dangereusement esclate.

Mille autres couleurs incogneues  
A la faculté de nos yeux,  
Brillent en ces sublimes lieux,  
Au trauers de l'onde & des nuës,  
Et le creux d'un seiour si beau,  
Qui s'emplit de l'air & de l'eau  
Que tousiours la nature y verse,  
Luit d'un esclat tout differend,  
Si bien que cette terre prend  
Tousiours quelque couleur diuerse.

Là sont peints les fruits & les arbres,  
Chaque fleur vaut un diamant,  
Là c'est bastir honteusement,  
Que de faire seruir les marbres,  
Les escarboucles, les rubis,  
Et ce qu'un Roy sur ses habits

Peut faire voir de plus superbe,  
 Se trouue parmy leurs forests,  
 Comme icy dedans nos marests  
 Se trouue du sable & de l'herbe.

L'argent y donne peu de ioye,  
 Et les metaux de plus de pris,  
 I'viennent si fort à mespris,  
 Qu'on n'en faict point de la monnoye.  
 Là toute sorte d'animaux,  
 Franche de la rigueur des maux  
 Oñ nostre terre est asseruie,  
 Viuent avecques liberté,  
 Et dans des lieux pleins de santé,  
 Louyssent d'une longue vie.

On void là des plaisans riuages,  
 Affranchis de la loy du sort,  
 Et iusqu'ou la faim de la mort  
 N'estendit iamais ses rauages.  
 On y void des Isles aussi,  
 Bien plus belles que celles-cy,  
 Ce n'est point la mer qui les touche,  
 Elles ont au lieu de rempars,  
 Vn air serain de toutes pars,  
 Oñ iamais Phœbus ne se couche.

Ceux qui dans ce pays de grace,  
 Occupent ces palais heureux,  
 Sont plus grands & plus vigoureux,  
 Que n'est cette mortelle race.

Les Elemens leur sont plus doux,  
L'air leur est ce que l'onde à nous,  
Et dans ce merueilleux Empire  
Au lieu de nostre air infecté,  
Vn beau Ciel tout plein de clarté,  
Est ce que leur poulmon respire.

Ils ont l'esprit & le visage  
Plus aimables que nous n'auons,  
Et des choses que nous scauons,  
Vn plus grand & meilleur usage.  
Ils ont les sens en leur vigueur,  
Et la desplaisante langueur  
Que nous donnent les maladies,  
Ne trouble pas vn de leurs iours,  
Non plus que les fascheux discours  
Que font nos ames estourdies.

D'autant que l'air vaut mieux que l'onde,  
Et que le Ciel vaut mieux que l'er,  
Tout ce qui faict viure & parler,  
Est meilleur en cest autre monde.  
Ainsi de ces heureux humains,  
Les esprits & les corps bien sains,  
Dans leur forte temperature,  
Peuent heureusement scauoir,  
Iusques où s'estend le pouuoir,  
Et la volonté de nature.

Là sont tous ces fameux miracles  
Que nous oyons dire des Cieux,

Et ces vrais organes des Dieux,  
Que les mortels nomment Oracles,  
De vrais Temples & des Autels,  
A l'entretien des immortels,  
Leur donnent une libre entree,  
Et dans cest admirable lien,  
Il est aisé de voir un Dieu,  
Comme un homme en cette contree.

Sans aucun ombrage des nuës,  
Loing de la nuit & du sommeil,  
On y void & Lune & Soleil,  
Et toutes les estoilles nuës,  
Iamais aucun traict de malheur,  
N'y fit venir une douleur.  
Les Dieux ne sont là que propices,  
On ne void point là de prison,  
Ny de peste, ny de poison,  
Ny de fers, ny de precipices.

Des canaux de diuerses sortes,  
Retiennent des eaux là dedans,  
D'où saillent des ruisseaux grondans,  
Par les plis de leurs veines tortes.  
Ces fosses en diuers endroits,  
Sont ores larges, ores estroits,  
Leur emboucheure est toute ronde,  
Ils different de ceux d'icy,  
Ores du bord plus estressi,  
On de la baze plus profonde.

Chacun dans les creux qui le serre,  
 Suivant un poids qui va dessous,  
 Ces canaux se rencontrent tous  
 Dans le centre de cette terre.  
 Là mille merueilleux ruisseaux  
 Changent l'un l'autre de vaisseaux,  
 Ils meslent mille fois leur course,  
 Et chacun forcé de changer  
 Laisse dans un gouffre étranger,  
 Ce qu'il a porté de sa source.

Ïcy des eaux vives & fortes,  
 Vomissant le souffre & le feu,  
 Ïcy d'autres qui coulent peu,  
 Laissent geler leurs vagues mortes,  
 Ces fleuves eternels & grands,  
 Sont l'un de l'autre differents,  
 L'un est fascheux, l'autre facile,  
 L'un est clair, l'autre est un torrent,  
 Toujours parmy la bourbe errant,  
 Comme faict celuy de Sicile.

Depuis le haut insqu'à la baze,  
 L'un dedans l'autre reuersez,  
 Ces fleuves sont tous balancez,  
 Dans un profond & large vase,  
 Qui panche indubitablement,  
 De tous costez esgalement,  
 De vase est ce fossé d'Homere,  
 De tout ce globe se couurant,

Que tous ces fleuves vont ouurant,  
Comme le ventre de leur mere.

Ceste masse d'eaux passagere  
Dans ce vase ainsi suspendu,  
Ny trop serré, ny trop fendu,  
N'est ny pesante, ny legere,  
Cette humeur est sans fondement,  
Comme aussi sans nul firmament,  
Elle s'abaisse, elle se lève,  
Elle s'ensuit, elle reuiet,  
Elle s'eslance, & se retient  
Sans se donner iamaïs de treue.

L'air qui vient dans son ouuerture,  
Et qui la suit de bout en bout,  
Allant & reuenant par tout,  
Est aussi de mesme nature,  
Suivant ces eaux & ces limons,  
L'air comme il faiet en nos poulmons,  
Incessamment souffle & respire,  
Et poussé dans ces flots mouuens,  
Il y faiet naistre de grands vens,  
Soit qu'il aille ou qu'il se retire.

Ce canal tire son haleine,  
Lors que nos eaux coulent là bas,  
Et la souffle quand il est las,  
Et que sa caue est toute pleine,  
Res soufflant ce qu'il a puisé,  
Un grand amas d'eaux diuisé,

Ample

*Amplement nos terres abreue,  
Vn de ses bras faiët des marests,  
Et l'autre arrache des forests,  
Pour y faire passer vn fleuue.*

*Tous nos ruisseaux & nos fontaines  
Naissent de ce debordement,  
Et de là prend son fondement,  
Le siege des vagueses plaines,  
Ces mesmes eaux en leur retour,  
Vers ce vaste & profond seiour,  
Du grand vase appellé Tartare,  
Coulent par les chemins diuers,  
De mille gouffres entr'ouuers,  
Au sein de ce canal auare.*

*Les uns plus promptement se rendent  
Dans les lieux dont ils sont venus,  
Les autres vn peu retenus,  
Plus paresseusement descendent,  
Repassans par mille recoins,  
Les uns plus bas, les autres moins,  
Ils tombent dans la grande masse,  
Et voulans replacer leurs eaux,  
Ils trouuent tous que leurs vaisseaux  
Ont leur assiette vn peu plus basse.*

*Arrivez qu'ils sont dans ce gouffre  
Où ce fleuue rit, l'autre dore,  
Et cest autre, d'un cours plus fort,  
Ne iette que flamme & que souffre,*

Et les mornes, & les coulans,  
 Se vont encore remeslans,  
 Dans le large creux de ce ventre.  
 C'est insqu'ou peut aller leur saut,  
 Car il faudroit tomber d'enhaut,  
 S'ils vouloient deualer du centre.

Dans ce large espace du monde  
 Quatre grands fleuves principaux,  
 A l'entour des champs infernaux,  
 Trainent le vieux cours de leur onde:  
 Le grand Ocean en est vn,  
 Qui sous l'empire de Neptun,  
 Riche de poissons & de barques,  
 Mouille la terre à l'enuiron,  
 Le second fleuve est Acheron,  
 Qui fait vn grand maretz aux Parques.

Après ces courses vagabondes  
 Vn estang nommé comme luy,  
 Dans ces lieux de ioye & d'ennuy,  
 Arreste ses rapides ondes.  
 Dans ces obscurs & tristes bors,  
 Quelquesfois les ombres des mors  
 Vont accomplir leurs destinees,  
 Et noyez que sont tous leurs maux,  
 R'animent d'autres animaux;  
 Dans les lieux dont elles sont nées.

Vn fleuve de nature estrange,  
 Entre ces deux-là fait son cours,



Et tombe en vn lac où tousiours  
 L'onde brusle parmy la fange,  
 On void là dedans s'enflammer  
 Bien plus d'eau que n'en a la mer,  
 Aussi ce fleuve est-il plus large,  
 Il ceint la terre, & va couler  
 Vers l'Acheron sans s'y mesler,  
 Puis au grand canal se descharge.

A cause de l'onde enflammee,  
 Qui boult dedans ce gros vaisseau,  
 Cette grande chaudiere d'eau,  
 Est Pyriphlegeton nommee.  
 Du soin de ses fangeux torrens,  
 Mille petits ruisseaux errans  
 Par des conduites incertaines,  
 Reglissent dans ce lieu profond,  
 Et par toute la terre sont  
 Des ruisselets & des fontaines.

Le dernier fleuve est le Cocite,  
 Dont le cours d'abord fluctueux,  
 Est fier, grondant, impetueux,  
 Et rien que son flot ne l'excite.  
 Il est entre bleu, rouge, & noir,  
 Comme on void dans ce creux manoir,  
 La couleur de l'onde stigide,  
 Stix sur les fleuves coroné,  
 Sans que Japiter desthroné,  
 Eust perdu la foudre & l'Ægide.

Comme les Dieux en cette guerre,  
Coccyte prend là du secours,  
Et passe d'un plus roide cours,  
Dans les entrailles de la terre,  
Puis par mille destours roulant  
Vers Pyriphlegeton coulant,  
Il trouue l'Acheron en teste,  
Et sans se mesler à pas un,  
Il se rend dans ce lieu commun,  
Qui leur tient sa caverne preste.

Le grand Conseil de la nature,  
L'ayant ainsi bien ordonné,  
Ce regne est le lieu destiné,  
Où les morts font leur aduantage.  
Leur Demon les a là logez,  
C'est où les Dieux les ont ingez,  
Ce sont là les lieux redoutables,  
Consacrez aux droicts de la mort,  
Où se donne l'arrest du sort,  
Pour les iustes & les coupables.

Qui ne rend pas bien son seruico,  
Au saint deuoir de la vertu,  
Et n'est aussi tout abbatu,  
Soubs l'infame empire du vice,  
Tous ceux de qui les sombres iours  
D'un fade & mediocre cours,  
Ont passé cette vie humaine,  
Trouuent un pareil sort pour eux,

Ny bienheureux, ny malheureux,  
Dedans cette commune plaine.

Ils sont mis dans une charette,  
Où le demon leur passager,  
Conduisant ce fardeau leger  
Au marest d'Acheron s'arreste.

Ils sont là comme tous noyez,  
Jusqu'à tant qu'ils soient nettoyez  
Des ordures de leurs offences,  
Et quelques supplices souffers,  
Les Dieux leur vont oster les fers,  
Pour leur donner des recompenses.

Les ames de sang enyurees,  
Toutes noires de trahison,  
Ont le tartare pour prison,  
Et n'en sont iamais delivrees.  
Là sont mis les tneurs des Roys,  
Comme ceux qui iusqu'aux abois,  
N'ont aimé que le sacrilege,  
Et pour les tirer de ce lieu,  
La misericorde de Dieu  
N'a point assez de privilege.

D'autres ames bien criminelles,  
Mais pour qui les Dieux moins fâchez,  
Ne condamnent point leurs pechez,  
A des tortures eternelles.

Ceux qu'un brutal aneiglement,  
Pronoque irraisonnablement,

A fâcher le pere & la mere,  
Sont dans cest espoir de guerir,  
S'estans purgez auant mourir,  
Par vne repentence amere.

Un desgout des lieux adorables,  
Un meurtre faict mal à propos  
Dont l'image oste le repos,  
A l'ame de ces miserables.

Co sont là ces crimes pesans,  
Dont les Dieux ne se r'appaïsans  
Qu'après vne vengeance rude,  
Tiennent les esprits affligez,

Dedans le Tartare obliger  
D'une effroyable seruitude.

Il faut que la Lune accomplisse  
Douze fois au Ciel son sentier,  
Et qu'un an passé tout entier  
Pour le terme de leur supplice,  
Le temps arrive qu'un tourment  
Si durable & si vehement,  
Leur promet un peu de relasche,  
Le destin à demy contant,  
Et lassé de leur nuire tant,  
Hors de ces cachots les arrache.

Auant leur deliurance entiere  
Sortans de canal commun,  
Ils sont tous renuoyez chacun  
Dedans le sein d'une riniere,

Ceux que le meurtre a condamnez,  
Au Cocite sont amenez,  
C'est autre fleuve plein de flamme,  
Reçoit ces hommes violens,  
Qui contre leur Pere insolens,  
En ont eut des remors dans l'ame.

Lors ces forçats avec licence,  
Suivans les flots qui les ont pris,  
S'en vont visiter les esprits,  
Dont ils ont blessé l'innocence,  
Et les trouvant pres des palus  
Qui d'un large & tranquille flus,  
Arrosent une heureuse plaine,  
Desireux de s'y resjouyr,  
Les coniuvent de les ouyr,  
Et d'auoir pitié de leur peine.

Si ces Manes leur font la grace  
De les recevoir à merci,  
Ils s'en vont avec eux aussi,  
Posseder une heureuse place,  
Et pleins de franchise & d'honneur,  
Participent à leur bon heur :  
Mais tant que leur iustice auare,  
Leur veut retenir leurs forfaits,  
Sans auoir ny trefue ny paix,  
Ils s'en reuont dans le Tartare.

Leur peine se rend infinie  
Leur douleur ne cuit pas assez,

Et tant qu'il plaist aux offencez,  
 Leur faute n'est iamais punie:  
 Mais soudain qu'ils sont pardonnez,  
 Ils vont au rang des fortunes,  
 Le malheur calme son orage,  
 L'enfer est las de les punir,  
 Et chacun perd le souuenir,  
 D'en auoir recen de l'outrage.  
 Mais ceux qui d'une sainte vie  
 Ont suiuy le train glorieux,  
 Et dont la volonté des Dieux  
 A tousiours limité l'enuie,  
 Sçauans & sans aucun deffaut,  
 Ils volent bien-heureux là-haut,  
 Où parmy des grandeurs supremes  
 Ils nont plus de corps comme icy,  
 Et francs de tout humain soucy,  
 Ils deuiennent des Dieux eux-mesmes.

A des felicitéz si rares  
 Se doit donner tout nostre soing,  
 Car ceste gloire de bien loing,  
 Passe la pompe des Thiares.  
 Nul sans prudence, & sans bonté,  
 Encore n'est iamais monté  
 Dans ce grand palais de lumiere,  
 Où nostre parfaicte raison,  
 Doit habiter vne maison  
 Plus heureuse que la premiere.

## P H Æ D O N.

Il finissoit ainsi la fable, dans le discours de ces beatitudes eternelles, que les esprits bié purgez par la Philosophie, doiuent esperer, & dōt il ne pouuoit, disoit-il, exprimer la magnificēce faute du loisir & de capacité d'un hōme, qui ne suffit pas au discours des choses si merueilleuses au bout de sō cōpte, il dit à Simias.

Toutes ces choses là, comme ie les ay rangees, ne sont pas dignes sans doute qu'un homme de bon sens y arreste entierement sa creance : toutesfois estans certains de l'immortalité de nos ames, nous deuons penser que leur habitation en l'autre monde sera quelque chose d'aprochant à ce que ie vous en ay discoursu, & sans l'incertitude ou nous demeurons pendant la vie il me semble qu'il est à propos de se persuader à plus pres ce que j'ay dit & de l'apprendre par cœur, comme les Magiciens font leurs vers : s'il y a du danger qu'on se trompe, il y a de la gloire à courre ce hazard, & ie croy qu'une esperance bien legitime doit icy soulager les incommoditez de ceux qui viuent dans les mespris du faste, & de la volupté du corps, & qui  
ayans

ayans ſceu trouuer le gouſt des plaiſirs que la ſcience donne, n'ont reſiouy leur eſprit d'autre choſe , & n'empruntent rien d'eſtranger pour l'accommoder, ils ſont parés d'ornemens tous tirez de luy meſme , qui ſont la temperance , la iuſtice , la magnanimité , la liberté, la verité. Parmy toutes ces vertus , le ſage ſe trouue ferme contre les atteintes de la mort , & par tout le temps de ſa vie, ſe trouue auſſi préparé pour ſon deſpart , qu'à l'heure meſme qu'il faut qu'il parte. Pour vous tous, qui eſtes icy, vous deſlogerez ſans doute , & mourrez chacun à voſtre temps : mais pour moy , c'eſt maintenant ; comme diroit quelque Tragique, que les Deſtins m'appellent , meſme il eſt deſia temps que ie m'en aille pour me lauer : car auant que de prendre le poiſon , ie me veux nettoyer pour n'incommoder point les femmes, qui ſ'amuserōt à lauer ce corps mort. Là deſſus, Criton luy demanda ſ'il ne vouloit rien commander à perſonne, touchant ſes enfans, ou pour quelque autre choſe , où on luy peuſt faire plaiſir. Je n'ay rien à vous recommander, dit il, que ce que ie vous preſche  
il



il y a l'ôg temps, que si vous prenez garde à vous, vous me servirez de beaucoup, & à vous mesmes, quoy que vous ne m'en voulussiez pas icy donner vostre parole, & que si vous ne suiuez en toute vostre vie les traces qui vous ont esté marquees, par tous les discours que nous auôs faictz, assurez-vous que vous n'y haignerez rien, quoy que vous veuillez icy accorder à nostre conference. Nous y prendrôs garde (luy dit Criton) mais comme quoy veux-tu qu'on t'en-seuelisse? Comme il vous plaira, dit il, au moins si apres vous me pouuez atteindre, & tout souffrant, il se tourna vers nous, le ne sçaurois, dit-il, persuader à Criton que c'est moy ce Socrate qui dispute icy, & qui range ainsi mes discours: mais il croit que ie suis ceste charongne, qu'il doit voir incontinent, & se soucie peu de la consolation que ie vous ay voulu donner, & de l'opinion que i'ay d'estre aujourdhuy bien loin de vous, & de paruenir à la condition des bien-heureux. Assurez-en donc Criton, ie vous prie, & soyez mes cautions enuers luy, autrement qu'il ne l'esté pour moy enuers mes Iuges:

car il a respondu que ie comparoistrois en iugement, & vous luy respondrez, s'il vous plaist, qu'apres que ie seray mort, ie ne comparoistray plus pour tout: mais que ie m'en iray. Persuadez-le luy ie vous prie, afin qu'il ait moins de regret à ma mort, & que voyant brusler ou enseuelir mon corps, il ne soit pas si fol que de me plaindre, comme si i'endurois beaucoup; & qu'il ne die point aux funerailles que c'est Socrate qu'on porte au tombeau, & qu'on me va mettre sous la terre. Sçaches aussi Criton, que ce qui est si mal dit, ne manque pas seulement en cela: mais qu'il nuit aussi en quelque façon à nos esprits: mais bien il faut dire que mon corps doit estre enseuely, & de la sorte qu'il te semblera bon. Cela dit, il se leua, & passa dans vne chambre pour se lauer. Criton le suiuit, & nous pria de les attendre. Nous estions là cependant à nous entretenir sur les discours qui auoient esté tenus, & à desplorer nostre fortune en la perte de cet homme là, qui estant nostre Pere à tous, nous laissoit à sa mort tous orphelins. Apres que Socrate fut laué, on luy

apporta

apporta ses fils : car il en auoit deux petits , & vn desia grand , il y vint aussi des femmes les domestiques. Socrate leur ayant parlé tout deuant Criton , & leur ayant ordonné ce qu'il vouloit , il leur commanda de se retirer , & à ses fils aussi , puis il reuint à nous enuiron l'heure que le Soleil s'alloit coucher : car il auoit esté là dedans assez long temps. Comme il nous fut venu retrouver tout lauë , il s'assit , & sans qu'il eust presque loisir de nous plus rien dire ; voicy le bourreau qui arrive , & se tenant aupres de Socrate , il luy dit : le ne pense point trouuer en toy l'estonnement que i'ay accoustumé de trouuer aux autres : car ils se despitent à moy , & me disent des iniures , lors que faisant ma charge , par le commandement des Magistrats , ie leur viens annoncer qu'il leur faut aualler le poison : & i'ay recogneu à te voir icy , que tu auois l'ame grande , & genereuse , & l'humeur paisible , que tu es le meilleur homme qui soit iamais entré dans ceste prison , & sçay bien que tu ne m'imputeras point ton malheur : mais à ceux qui en sont la cause. Tu cognois  
assez

assez maintenant la nouvelle que ie t'apporte ; A dieu, & tasche à te preparer à ceste necessité. Apres luy auoir dit cela, il se retira tout pleurant. Socrate tournant les yeux sur le bourreau. Adieu, luy dit-il, toy-mesme, ie vay me preparer : Et tout aussi tost, voila, nous dit-il, vn honnestes homme, & courtois : car ce n'est pas d'auourd'huy seulement que ie l'ay cogneu ciuil comme cela, il m'a tousiours fort salué, & m'est venu icy souuent entretenir, ie croy qu'il est homme de bien, voyez comme quoy il me plaint. Courage Criton, faisons ce qu'il nous dit : & si le poison est prest, qu'on me l'apporte, s'il ne l'est pas encore, qu'on le luy fasse apprester. Quoy ? dit Criton, ie croy que le Soleil n'est point encore couché, & ie sçay que les autres sont encore long-temps à prendre le poison apres qu'on leur a dit : mesme ils ne le boient bien souuent qu'apres auoir bien gousté & iouï de ce qu'ils aiment : ainsi n'as tu point affaire de te hastier, car il y a du temps assez. Ceux qui font de la forte, dit Socrates, ont raison : car

il croyoit que cela leur profite à quelque chose. Et moy i'ay raison de ne le point faire, car ie croy que pour retarder ie n'y puis gagner autre chose que de me rendre ridicule à moy-mesme, comme trop amoureux de ma vie, & mesnager d'une chose où ie n'ay plus rien. Mais oblige moy ie te prie, & fais ce que ie te dis. Comme Criton eut ouy ceste resolution, il fit signe à vn garçon qui n'estoit pas loin de là. Ce garçon sortist de la chambre, & sans arrester beaucoup il reuint avec celui qui deuoit donner le poison qu'il apporta tout prest dans la coupe. Socrates le regardant, Et ie te prie, dit-il, toy qui entends cecy, qu'est-ce qu'il faut que ie fasse autre chose? Que te promener, apres auoir beu iusqu'à tant que tu sentes affoiblir les iambes, apres tu te coucheras: & luy disant cela il luy rendist la coupe. Socrates, veritablement, ô Echecrates, là print fort ioyeusement sans changer de couleur: mais regardant viuement comme il auoit accoustumé, il dit au bourreau: Est-il pas permis d'en respandre vn peu par maniere de sacrifice; Il n'y en a, luy dit  
l'autre

l'autre, iustement que ce qu'il faut : J'ay tout beu : dit Socrates, mais si est-il permis au moins de prier les Dieux qu'ils me rendent ma mort fauorable, & ceste separation heureuse, ie les prie de bon cœur : & ainsi soit-il. Disant cela, il porte le verre à la bouche & boit fort gayement. Plusieurs de là cōpagnie s'estoient empeschez de pleurer iusques alors : mais le voyant comme il beuuoit, & apres qu'il eut beu il nous fut impossible de nous retenir : pour moy ie me laissay là tellement emporter à la douleur, que les larmes me tomboient à force du regret que i'auois, non pas tant pour luy que pour moy-mesme, & la perte que ie faisois d'un tel amy. Criton aussi auant que de commencer de pleurer s'estoit leué ; & Apollodorus qui n'auoit tout le iour fait autre chose se print lors à crier les hauts cris desplorant la condition de tous ceux qui estoient là hormis de Socrates. Vrayement, nous dit Socrates, vous estes de braues gens, n'avez vous point de honte ? ie n'auois renuoyé ces femmes pour autre chose : car ie sçay que ceste foiblesse de se plaindre & de pleu-

ter leur est ordinaire. Et j'ay souvent  
ouy dire, que c'est avec applaudisse-  
ment & ioye qu'il faut s'en aller d'icy.  
Arrestez vous donc & prenez patience.  
Nous rougîmes tous à ceste parole, &  
ne pleurâmes point davantage. Desja  
tout se promenant il sentit faillir ses  
iambes & se coucha sur le dos, car ainsi  
luy auoit ordonné le bourreau, qui vn  
peu apres venant à le coucher com-  
mença à prendre garde aux pieds de So-  
crates, & à ses iambes, & luy pressant  
fort le pied luy demanda s'il ne sentoit  
rien, Rien du tout dit Socrates: apres  
il luy ferra les iambes, & montant tou-  
siours de la main en les ferrant il nous  
monstra qu'elles estoient froides & tou-  
tes roides: le touchant encore vne fois,  
il nous dist, lors que le froid sera venu  
au cœur il trespaslera. Aussi tost le froid  
le saisit. Iusques là il se descouurit, car  
il s'estoit enucloppé d'une robe, &  
puis le dernier mot qu'il profera fut:  
O Criton, dit-il, nous deuons le Coq  
à Esculape, payez luy ie vous prie &  
n'y manquez point, Cela se fera, luy  
dit Criton: mais ne te plaist-il point  
encore quelque chose: A cela Socrates

ne respondit point : mais ayant demeure  
ré coy tout vn temps il remua vn peu:  
le bourreau le descourrit : lors Socra-  
tes ficha sa veuë & la perdit. Criton luy  
ferma les yeux & la bouche.

Voila, Echecrates, la fin de nostre  
amy ; homme sans doute à mon iuge-  
ment le meilleur, le plus sage & le plus  
iuste que i'ay iamais pratiqué.







# AV ROY,

## SVR SON EXIL.

### O D E.

**C** Eluy qui lance le tonnerre,  
 Qui gouuerne les elemens,  
 Et meut avec les elemens,  
 La grande masse de la terre.  
 Dieu qui vous mit le sceptre en main,  
 Qui vous le peut oster demain,  
 Luy qui vous preste sa lumiere,  
 Et qui malgré les fleurs de lys,  
 Vn iour fera de la poussiere  
 De vos membres enseuelis.

Ce grand Dieu qui fit les abysmes  
 Dans le centre de l'Vniuers,  
 Et qui les tient tousiours ouuers  
 A la punition des crimes:  
 Veut aussi que les innocens  
 A l'ombre de ses bras puissans  
 Trouuent un assure refuge,  
 Et ne sera point irrité  
 Que vous tarissiez le deluge,  
 Des maux où vous m'avez ietté.

Esloigné des bords de la Seine,  
 Et du doux climat de la Cour,  
 Il me semble que l'œil du iour,

Ne me luit plus qu'auecque peines  
Sur le faiste affreux d'un rocher  
D'où les ours n'osent approcher,  
Je consulte auec des furies,  
Qui ne font que solliciter  
Mes importunes resueries  
A me faire precipiter.

Auourd'huy parmy des sauuages  
Où ie ne trouue à qui parler,  
Ma triste voix se perd en l'air,  
Et dedans l'echo des riuages:  
Au lieu des pompes de Paris,  
Où le peuple auecque des cris  
Benit le Roy parmy les Ruës,  
Icy les accens des courbeaux,  
Et les foudres dedans les nuës  
Ne me parlant que des tombeaux.

I'ay choisi loing de vostre Empire  
Vn vieux desert ou des serpens  
Boient les pleurs que ie respans,  
Et soufflent l'air que ie respire:  
Dans l'effroy de mes longs ennuy,  
Je cherche, insensé que ie suis,  
Vne Lyonne en sa cholere,  
Qui me deschirant par morceaux  
Laisse mon sang & ma misere,  
En la bouche des lionceaux.

Iustes Cieux qui voyez l'outrage,  
Que ie souffre peu iustement,  
Donnez à mon ressentiment  
Moins de mal, ou plus de courages  
Dedans ce lamentable lien,  
Fors que de souffpirer à Dieu,  
Je n'ay rien qui me diuertisses  
Iob qui fut tant homme de bien

*Accusa le Ciel d'iniustice,  
Pour un moindre mal que le mien.*

*Vous grand Roy si sage & si iuste,  
Qu'on ne voit point de Roy pareil,  
Suiuez vous le mesme conseil  
Qui fit iadis faillir Auguste?  
Sa faute offence ses nepueux,  
Et faict perdre beaucoup de vœux  
Aux autels qu'on doit à sa gloire:  
Mesmes les astres aujourd'huy  
Font des plaintes à la Memoire,  
De ce qu'elle a parlé de luy.*

*Encore dit-on que son ire,  
L'auoit bien iustement pressé,  
Et qu'Ouide ne fut chassé  
Que pour auoir osé mesdire:  
Moy dont l'esprit mieux arresté,  
D'une si sotte libertié  
Ne se trouua iamaïs capable,  
Aussi tost que ie fus banny,  
Je souhaitay d'estre coupable,  
Pour estre iustement puny.*

*Mais iamaïs la melancolie  
Qui trouble ces mauuais esprits,  
N'a fait paroistre en mes escrits,  
Vn pareil excez de folie:  
Et si depuis le premier iour  
Que mon deuoir & mon amour,  
M'attacherent à vos seruices,  
Je n'ay tout oublié pour eux,  
Le Ciel pour chastier mes vices  
Fasse vn Enfer plus rigoureux:*

*Je n'ay point failly que ie sçache,  
Et si i'ay peché contre vous,  
Le plus dur exil, est trop doux,*

Pour punir un crime si lasche:  
 Aussi quels lieux ont ce credit,  
 Où pour un acte si maudit  
 Chacun n'ayt droit de me poursuiure:  
 Quel Monarque est si loing d'icy,  
 Qui me vueille souffrir de viure,  
 Si mon Royne le veut aussi.

Quoy que mon discours execute,  
 Que feray-ie à mon mauuais sort:  
 Qu'appliqueray-ie que la mort,  
 Au malheur qui me persecute:  
 Dieu qui se plaist à la pitié.  
 Et qui d'un saint vœu d'amitié  
 Joinct vos volontez à la sienne,  
 Puis qu'il vous a voulu combler  
 D'une qualité si Cbrestienne,  
 Vous oblige à luy ressembler.

Comme il faict à l'humaine race,  
 Qui se prosterne à ses autels,  
 Vous ferez paroistre aux mortels,  
 Moins de iustice, que de grace:  
 Moy dans le mal qui me poursuit  
 Je fais des vœux pour qui me nuit.  
 Que iamais une telle foudre,  
 N'esbranle l'establissement  
 De ceux qui vous ont faict resoudre,  
 A signer mon bannissement.

Vn iour leurs haines appaisees  
 Peront caresse à ma douleur,  
 Et mon sort loing de mon malheur,  
 Trouuera des routtes aisees:  
 Si la clarté me dure assez,  
 Pour voir apres ces maux passez,  
 Vn Ciel plus doux & ma fortune,  
 Mon ame ne rencontrera

Aucun soucy qui l'importune,  
Dans les vers qu'elle vous fera.

De la vaine la plus hardie,  
Qu'Appollon ait iamais rempli,  
Et du chant le plus accompli,  
De sa parfaite melodie,  
Dessus la feuille d'un papier,  
Plus durable que de l'acier,  
Je feray pour vous une image,  
Ou des mots assez complaisans,  
Pour bien parler de mon ouvrage,  
Manqueront à vos courtisans.

Là suivant une longue trace  
De l'histoire de tous nos Roys,  
La Nauarre & les monts de Foix,  
S'estonnerent de vostre race:  
Là ces vieux pourtraicts effacez  
Dans mes poëmes retracez,  
Sortiront de vieilles Chroniques,  
Et ressuscitez dans mes vers,  
Ils reuiendront plus magnifiques  
En l'estime de l'univers.

Depuis celuy que la fortune,  
Amena si pres du Liban,  
Et sous qui l'orgueil du Turban,  
Vit fouler le front de la Lune,  
Je feray parler ces Rois morts,  
Et renouvelant mes efforts  
Dans les Discours de vostre vie,  
Je foray si bien mon deuoir,  
Que la voix mesme de l'enuie  
Vous parlera de me reuoir.

## A V R O Y.

**C**Her Obiect des yeux & des cœurs,  
Grand Roy dont les exploits vainqueurs  
N'ont rien que de doux & d'Auguste  
Vsez moins de vostre amitié,  
Vous perdrez ce titre de Juste  
Si vous vsez trop de pitié.

Quand un Roy par tant de proiets  
Voit dans l'ame de ses suiets  
Son autorité dissipee;  
Quoy que raisonne le conseil,  
Je pense que les coups d'espee  
Sont un salutaire appareil.

L'honneur d'un iuste Potentat,  
Est de faire qu'en son Estat  
La paix ait des racines fermes:  
Par là se doit-il maintenir,  
Et demeurer tousiours aux termes  
De pardonner & de punir.

Contre ces esprits insenssez,  
Qui se tiennent interessez,  
En la calamité publique,  
Selon la loy que nous tenons,  
Il ne faut point qu'un Roy s'explique  
Que par la bouche des canons.

Les fors brauent les impuissans,  
Les vaincus sont obeissans,  
La iustice estouffe la rage:  
Il les faut rompre sous le faix:  
Le tonnerre finit l'orage,  
Et la guerre apporte la paix.

Henry, destourne icy tes yeux,

Et regardant ces tristes lieux  
 Consacrez, à ta sepulture,  
 Considere comme ton cœur  
 Se lasche & contre sa nature  
 Reçoit un ennemy vainqueur.

Toutesfois grand Astre des Roys,  
 Celle qui te print autresfois  
 Encore impunément te braue,  
 Ton cœur ne luy resiste pas,  
 Et demeure tousiours esclaué  
 De ses victorieux appas.

Grande Royne en faueur des lys  
 Auec luy presque enseuelis,  
 N'offencez point ses funerailles,  
 Pour l'auoir, à quoy le dessein  
 De venir rompre des murailles,  
 Si vous l'auex dans vostre sein?

Merueilleux changement du sort,  
 Ce grand Roy que deuant sa mort  
 Vous gaignez auecques des larmes,  
 Est-il si puissant aujourdhuy,  
 Qu'il vous faille employer des armes  
 Pour auoir empire sur luy?

Quoy que ce grand cœur genereux,  
 Forcé d'un respect amoureux  
 Ait flechy deuant vostre face,  
 Il n'est point si fort abbattu,  
 Que son fils n'y trouue vne place  
 Où faire luyre sa vertu.

Nous croyons que ces reuoltez,  
 A nostre abord espouuantez  
 Se deffendront mal à la bresche:  
 Et qui fera comparaison  
 De vingt canons contre vne flesche,  
 Dira que nous auons raison.

## SVR LA PAIX DE L'ANNEE

M. DC. XX.

O D E.

**L** A paix trop long temps desolée  
 Reuient aux pompes de la Cour,  
 Et retire du Mausolée

Les ieux, les dances, & l'amour.

Au seul esclat de nos espèces

Les tempestes sont dissipées,

Tous nos bruits sont ensevelis,

Mon Prince a fait cesser la guerre,

Et la grace a rendu la terre

Pleine de palmes & de lys.

Nostre estat d'un triste visage

Desespéré de son salut,

Sans le Roy ne trouuoit l'usage

D'aucun remede qui valut.

Grand Roy que vos vertus sont grandes,

Et bien dignes de nos offrandes!

Que vos trauaux ont eu de fruit!

Toute la terre en est semée,

Et la voix de la renommée

N'en scauroit faire assez de bruit.

Et bien races desnaturees,

Qu'auex vous plus à murmurer?

Les fureurs se sont retirées,

Le desordre n'a peu durer.

Vos estendars sont nostre proye,

Vos flammes sont nos feux de ioye,

Le Roy triomphe du malheur?

Et iamais on n'a veu Monarque

Qui grauast de meilleure marque



Son iugement ny sa valeur.

La trahison confuse & blesme  
Ne sçait plus sur quoy ravauger  
Le Roy a mis tout ce qu'il ayme  
Loing de la honte & du danger,  
Il a reprimé la licence  
Dont on pressoit son innocence,  
Et ses desseins laborieux,  
Qui ne vont point à l'adventure,  
Ont fait voir que sa creature  
Estoit aussi celle des Dieux.  
Dans nos victorieuses armes,  
Si la clemence l'eust permis,  
Et plus de sang, & plus de larmes  
Eussent marqué ses ennemis.  
Et diroient bien à quels supplices  
S'attendoient leurs noires malices:  
Mais il est las de les punir,  
Il est honteux de leur diffame,  
Et seroit fâché que son ame  
En eust garde le souuenir.

Il suffit que la paix est ferme,  
Que ces esprits audacieux  
Ont en fin acheué le terme  
De leurs complots seditieux:  
Il suffit que rien n'importune  
Ny sa vertu, ny sa fortune,  
Que le Ciel rit à son plaisir,  
Que sa gloire a laissé l'enuie,  
Et que sa grandeur assouuie  
Ne trouue ny but ny desir.

Traistres outils de nos folies,  
Instrumens de flamme & de fer,  
Que vos races enfevelies  
Se recachent dedans l'enfer:

Aussi bien nos Dieux tutelaires,  
Dont ces reuoltes ordinaires  
Ont armé nos mains tant de fois,  
Iurent que le premier rebelle  
Sera la victime eternelle  
De l'iniure de tous nos Roys.

Esperer encore des graces,  
Et croire en de pareils forfaits,  
Que vous, ny vos futures races  
Pussiez iamaistrouer de paix.  
C'est doubter que vos felonniez  
Ne soient proches d'estre punies,  
C'est ne scauoir point de prison,  
S'imaginer qu'un a deux testes,  
Que le Ciel n'a point de tempêtes,  
Ou qu'il ayme la trahison.

Mais ie fauts en mes deffiances,  
Nostre mal vous a fait patir,  
Et ie croy que vos consciences  
L'ont fait avec du repentir.  
Auriez vous bien la barbarie  
De confesser que la furie  
Vous ait fait venir sans remors  
Au traneis du fer & des flammes,  
Où tant de genereuses ames  
Ont accru le nombre des morts?

Ie dis de quel sanglant orage  
L'enfer se disborda sur nous,  
Et voulus mal à mon courage  
De m'auoir fait venir aux coups.  
La campagne estoit allumee,  
L'air gros de bruict & de fumee,  
Le Ciel confus de nos débats,  
Le iour triste de nostre gloire,  
Et le sang fit rougir la Loire

*De la honte de vos combats.*

*C'est assez fait de funerailles,  
On void un assez grand tableau  
De cheueux, d'hommes, de murailles,  
Que la flamme a ietté dans l'eau;  
C'est assez, le Ciel s'en irrite:  
Et de quelque si grand mérite  
Dont l'honneur flarte nos exploits,  
Il n'est rien de tel que de viure,  
Soubs un Roy tranquile, & de sçavoir  
La sainte Maiesté des loix.*



# A V R O Y, ESTREINE.



*E* dessein que i' auois de saluër le  
Roy,

*Et de luy faire un don de mes  
vers & de moy,*

*D'une vieille custume aux pre-  
sens ordonnee.*

*Attendoit que le temps recom-  
mençast l'annee:*

*Mais mon iuste deuoir ne s'est pû retenir,  
Je trouue que ce iour est trop long à venir,  
Et ce n'est point icy le temps ny la coustume,  
A qui ie donne loy de gouverner ma pu me:  
Quelque iour de l'annee où ie respire l'air,*

C'est de ce fils des Dieux de qui ie dois parler,  
 Mon ame en adorant à cest obiet s'arreste,  
 Et mon esprit en faict mon travail & ma feste.  
 Tout ce que la nature a de rare & de beau,  
 Ce qui vit au Soleil, qui dort dans le tombeau,  
 Tout ce que pût le Ciel pour obliger la terre,  
 Les plaisirs de la paix, les vertus de la guerre,  
 Les roses, les rochers, les ombres, les ruisseaux,  
 Le murmure des vents, & le bruit des oyseaux,  
 Le vestement d'Iris, & le teint de l'Aurore,  
 Les attrails de Venus, ny les douceurs de Flore  
 Tout ce que tous les Dieux ont de cher & de doux.  
 Grand Prince, ne peut point se comparer à vous.  
 Cesar auprès de vous perd de renom d'Auguste,  
 Mars celuy de Vaillant, Themis celuy de Iuste;  
 La vertu n'eut iamais des monumens si saints  
 Qu'elle en a rencontré dans vos heureux desseins:  
 C'est par où dds nos cœurs son amitié s'imprime,  
 C'est pour l'amour de vous que nous quittôs le cri-  
 L'exemple de vos mœurs force plus que la loy, (me  
 Et vostre sainte vie autorise ia foy,  
 Lors que ces grands desseins, à qui l'Europe entiere  
 Pour un mois d'exercice estoit peu de matiere,  
 Furent mis au tombeau du plus vaillant Heros  
 Dont le sein de la terre ait iamais eu les os:  
 La vertu s'en alloit, mais vous l'avez suivie,  
 Et retenant de luy la couronne & la vie,  
 Ils vous pleut d'arrester avecques vous aussi  
 Les belles qualitez qui l'honoroient icy:  
 Je croyois l'univers perdu dans ceste perte,  
 Que la terre après luy demeureroit deserte,  
 Que l'air seroit tousiours de tempeste allumé,  
 Que le Ciel dans l'enfer se verroit abismé,  
 Et que les elemens sans ordre & sans lumiere,  
 Reuiendroient en l'horreur de la masse premiere:

Sa gloire alloit du Pair avec les immortels,  
 Et pour luy tous nos cœurs n'estoient que des Autels:  
 Tous les peuples Chrestiens l'auoient fait leur arbitre,

Iamais autre que luy ne posseda ce tiltre:  
 Sa vertu luy gaigna tous ces noms glorieux,  
 Que nostre fantasie accorde aux demy-Dieux.  
 Les plus grands Roys trouuoient du merite à luy  
 plaire,

Tout aymoit sa faueur, tout craignoit sa cholere,  
 Ainsi que ce Soleil penchant vers le tombeau,  
 Iettoit sur l'Vniuers l'œil plus grand & plus beau,  
 Sa valeur trop long temps honteusement oyssie,  
 Meditoit d'arracher son myrrhe & son oliue:  
 Le bruiet de ses desseins par l'Europe voloit,  
 Chacun de ses proiets differemment parloit,  
 Tous les Roys ses voisins pendoient sur la balance,  
 Esgallement douteux ou fondroit sa vaillance;  
 Son courage rioit, de voir que la terreur  
 Se mesloit parmy tous dans leur confuse erreur:  
 Son bien s'alloit borner de la terre & de l'onde,  
 Et sans vous c'eust esté le plus grand Roy du monde:

Que sans vous son trespas eust causé de malheurs  
 Qu'il nous eust faict verser, & de sang, & de pleurs.  
 Mais grace au Roy des Cieux, tout prenoyant &  
 sage,

Dont vous estes icy la plus parfaicte image,  
 Nous sommes consolez, & le mesme cercueil,  
 Qui renferma ses os, renferma nostre dueil:  
 Les arts, & les plaisirs, les autels, & les armes,  
 Ont presque du regret d'auoir ietté des larmes,  
 Quel de tous les plus grands, & des plus braves  
 Roys

Assure mieux que vous l'autorité des loix?

Vostre Empire nous sçait si doucement contraindre,  
 Que les plus libertins ont plaisir à vous craindre:  
 La me la plus sauvage a pour vous del'amour,  
 Quel si grand Roy n'est point ialoux de vostre Cour,  
 Et les Dieux contemplant vostre adorable vie,  
 Si vous n'estiez leur fils vous porteroient enuie:  
 Le Soleil est rayy quand son œil vous reluit,  
 Et ne voudroit iamais de repos ny de nuit:  
 Ses rayons n'ayment point à chasser le nuage,  
 Que pour n'estre empeschez de vous voir en visage.  
 C'est pour l'amour de vous qu'il bastist ses maisons  
 Qu'il rompist ces chaos, qu'il changea les saisons,  
 Qu'il nous fit discerner le Ciel d'auccques l'onde,  
 Et mit le grand esclat de la lumière au monde:  
 Pour vous son feu s'occupe à ce metal pesant,  
 Par tout dedans le Louure à vos yeux reluyfant,  
 Pour vous sa fantaisie en nos vergers errante,  
 Forme le gris de lin, l'orangé, l'amarante,  
 Et sçachant que vos yeux se plaisent aux couleurs,  
 Il vous peint son amour dans la face des fleurs:  
 Que c'est aistre fur gay, quant au riu de Loire,  
 Il vid les monumens graués pour vostre gloire,  
 Sentant que son deuoir touchoit vostre grandeur,  
 Il n'eslaira iamais auccques tant d'ardeur,  
 Et reient comme Encens l'honorable fumee  
 Que le canon donnoit à vostre renommee:  
 Le fleuve de son liét alors fit un cercueil,  
 Qui de vos ennemis fut le sanglant accueil,  
 Et redoubla ses pas pour corter à Neptune,  
 Ce que vostre vertu fit faire à la fortune:  
 Neptune ne refusa de vos succez heureux,  
 Rendit de vostre nom tous ses flots amoureux,  
 Et d'un char empané fendant ses routes calmes,  
 Vint planter sur ses bords une forest de palmes,  
 Et le ciel glorieux d'un si iuste bon heur,

Avec affection fit feste à vostre honneur:  
Mars n'a point fait encor une si belle proye,  
Et vante ce iour là, plus que la nuit de Troye,  
Voyant vostre ieunesse en nos sanglants combats,  
Dans le sein du peril rechercher ses esbats:  
Que nous eusmes de peur qu'un excez de courage  
Me vous mist au hazard d'un general naufrage:  
Benist soit ce grand Dieu, qui d'un soin parernel  
Garde à vostre genie un bon-honneur eternel,  
Il a fait vil pour vous ce que la terre admire,  
Et n'a pas mieux fondé le Ciel que vostre Empire,  
Ce sage & grand esprit que vostre saint desir  
Pour le salut commun nous a daigné choisir  
Ce grand Duc nous fait voir avec trop d'assurance  
Que le destin du Ciel est celui de la France,  
Que vos plus grands desseins arriuent à leur port,  
Et que vous & les Dieux n'avez qu'un mesme  
sort:  
On dict que ce grand Siege où tous les Dieux repo-  
sent,  
Et d'un conseil secret de nos desseins disposent,  
Ce grand pourpris d'azur, d'où cent mille flam-  
beaux  
Esclatent à nos yeux si puissants & si beaux,  
Eut autrefois besoin, qu'un mortel prit l'audace.  
De se charger du faix de sa pesante masse:  
Atlas s'aduantura de soutenir les Cieux,  
Autrement la nature eut veu tomber les Dieux:  
Ce n'est point qu'en effect la celeste machine  
Se trouuast quelquesfois proche de sa ruine,  
Ny que iamais un homme à nostre sort pareil,  
Ait penetré les airs, ny touché le Soleil:  
Ceste fable au vray sens que la raison luy donne,  
Nous enseigne qu'Atlas eut la trempe si bonne,  
Et l'esprit si hardy, qu'il osa s'esleuer

iusqu'ou

Jusqu'où mortel que luy ne pouuoit arriuer:  
 Il scauoit les secrets d'Iris, & du Tonnerre,  
 Et comme chaque estoille a pouuoir sur la terre  
 L'Vniuers le croyoit son general appuy,  
 Et plusieurs Potentats se reposoient sur luy,  
 La nature y reprit vne vertu seconde,  
 Le destin luy laissa la conduicte du monde,  
 Et les dieux par plaisir mirent entre ses mains  
 L'ineuitable droict qu'ils ont sur les humains.  
 Grand Roy, vous auez faict vn Ciel de vostre Em-  
 pire;  
 Il eut vn bon Atlas, le vostre n'est pas pire,  
 Et chacun voit assez qu'en sa comparaison,  
 Vostre amitié s'accorde auecques la raison.  
 Tant que vostre faueur esclaire à ses pensees,  
 Nes fortunes ne sont d'aucun dueil menacées:  
 Quoy que les factieux retrament de nouveau,  
 Leurs complots en naissant trouueront leur tom-  
 beau,  
 Et vous verrez tousiours durer à la Couronne,  
 La paix, qu'à vostre esprit vostre innocence donne:  
 Ainsi fasse le Ciel, & iamaïs son courroux  
 N'approche aucun danger, ny de luy, ny de vous.

---

## O D E A V P R I N C E

### D'ORANGE.

**V**N Esprit lasche & mercenaire,  
 Qui a vne gloire imaginaire,  
 Flatte les cœurs ambitieux,  
 Lors qu'il parle de vos loüanges,  
 Met les hommes plus vicieux



*A la comparaison des Anges.*

Aussi bien nuë & sans appas,  
La pauvre Muse n'ose pas,  
Parmy les pompes où vous estes  
Faire venir la verité,  
Et si les bouches des Poëtes  
Ne quittent leur seuerité,  
Elles demeureront muettes.

Prince ie dis sans me loïer,  
Que le ciel m'a voulu doïer  
D'un esprit que la France estime,  
Et qui ne fait point mal sonner  
Vne loüange legitime;

Quand il trouue à qui la donner,  
Mais le vice à qui tout aspire,  
Maistrise auecque tant d'Empire,  
Ceux qui gouvernent l'Vniuers:  
Que chez les plus heureux Monarques,  
O honte de ce temps peruers!

A peine ay-ie trouué des marques  
Qui fussent dignes de mes vers,  
Et depuis que la Cour aduoïe,  
Ces ames de cire & de boïe,  
Que tout crime peut employer,  
Chacun attend qu'on le corrompe.  
Et les grands donnent le loyer  
Tant seulement à qui les trompe,

Lors que la force du deuoir  
Poussé mon ame à decevoir  
Quelqu'un à qui ie fais hommage:  
Si quelquefois pour un mortel,  
Je tire vne immortelle image,  
C'est afin qu'il se rende tel  
Qu'il se voit peint en mon ouvrage.  
Mais quand ie pense à ta valeur,

O que

O que mon sort a de malheur !  
 Car mesme de nouveaux Orphees  
 Ne pourroient en flattant les Dieux  
 Dire si bien , que tes Trophees  
 Ne meritent encore mieux.  
 Quels vers faut-il que ie prepare ?  
 En quel si beau marbre de Pare  
 Dois-je graver des monumens,  
 Qui soient fidelles à ta gloire ?  
 Quels si religieux sermens,  
 Iurant tes faits à la memoire,  
 Feront croire que ie ne mens ?

L'Espagne mere de lorgueil,  
 Ne preparoit vostre cercueil,  
 Que de la corde & de la rouë,  
 Et venoit avec des vaisseaux  
 Qui portoient peintes sur la prouë,  
 Des potences & des bourreaux.

Ses troupes à pleine licence,  
 Venoient fouler vostre innocence,  
 Et l'appareil de ses efforts  
 Craignoit de manquer de matiere,  
 Où vos champs tapissez de corps  
 Manquoient plustost de cymitiere  
 Pour le sepulchre de ses morts.

Les vostres que mordit sa rage,  
 Mourant disoient en leurs courages :

O nos terres, ô nos clartez !  
 Si vous n'estes plus asservies,  
 Ayant gaigné vos libertiez,  
 Nous voulons bien perdre nos vies.

O vous que le destin d'honneur,  
 Retira pour nostre hen-heur :  
 Belles ames soyez apprises  
 Que l'horreur de vos corps destruits,

N'a point rompu nos entreprises,  
Et que nous recueillions les fruits,  
Des peines que vous avez prises.

Nos ports sont libres, nos rempars  
Sont assurez de toutes parts,  
Picorans iusqu'au bout du monde.  
Si nos victorieux nockers:  
Trouuent des ennemis sur l'onde  
Ce sont les vents & les rochers.

Ainsi ta gent victorieuse,  
Dessus la tombe glorieuse  
Des braues dont tu fais le chef.  
Maurice vante ta proïesse,  
Et dans les pleurs de son meschef  
Verse des larmes de lieffe.

Toy seul grand Prince és le vainqueur:  
Car si les tiens monstrent du cœur,  
Tout ce qui les y fait resoudre  
Sont tes yeux, dont le feu reluit  
Dans le sang, & parmy la poudre,  
Comme aux orages de la nuit  
Brillent les flammes de la foudre.

Sans toy qui ne deuoit douter,  
Qu'un ce peuple au lieu de goustier  
La douceur d'un repos durable,  
De sa foible rebellion,  
Retomberoit plus miserable  
En la vengeance du Lion?

La liberté qu'on a veu naistre  
Du grand Mars, dont tu pris ton estre,  
Après luy veusue de support,  
Si tu n'eusses esté son frere:  
Par quel secours que de la mort,  
Esperoit elle se deffaire  
Des mains d'un ennemy si fort?

Tu l'arrachas du precipice,  
Faisant voir que tout est propice  
A qui tu daignes secourir,  
Et qu'ayant ton destin pour elle,  
Parce que tu ne peux mourir  
La liberté n'est pas mortelle.

Mais que pour te deifier,  
Il te fallut sacrifier  
De sang aux tenebreux Monarques;  
Que pour espargner le dernier  
Qu'on paye aux riués de la Parque,  
Tu fis riche le nautonnier  
Qui conduit la mortelle Parque.

Hercule à qui les immortels  
Ont donné rang à leurs Autels,  
N'a pas mieux mérité sa feste,  
Et si le sort l'eust assailli  
Des forces qu'il t'a mis en teste,  
Il eust sans doute defailli.

Ostende où les soldats d'Ibere,  
En riant de vostre misere,  
Pleuroient la cause de la leur,  
Voyant le sort qui t'accompagne  
Vendre tant mesme le malheur,  
A creu que le demon d'Espagne  
S'entend avec ta valeur.

Les ans qu'on mit pour ses ruynes  
Furent les iours dont tes machines,  
Regagnerent un plus beau lieu:  
Et c'est ainsi que tes iournees,  
Comme on les conte pour un Dieu,  
Valent autant que des anneés.

A Nuiport où ton œil charmoit,  
La frayeur, & le desarmoit,  
On vit Bellone au sang tremper:

Dans le choc se precipiter,  
 Es par fois qu'elle estoit frappee,  
 Au lieu de Mars, & Iupiter,  
 Ne reclamer que son espee.

Aux coups que le Canon tiroit,  
 Le Ciel de peur se reriroit,  
 La mer se veid toute allumee,  
 Les astres perdirent leur rang,  
 L'air s'estouffa de la fumee,  
 La terre se noya de sang.  
 Parmi la nuict de ces tumultes  
 Quelque grand Dieu que tu consultes,  
 Alors que tout semble perir,  
 Vint aux coups afin de te suivre  
 Sans besoin de te secourir:  
 Car pour ne t'empescher de viure  
 La Parque auoit voulu mourir.

L'ennemy battu sans retraitte,  
 N'auoit au bout de sa deffaiete  
 Que ta Clemence pour support;  
 Ainsi par fois apres l'orage,  
 Les nochers ont trouué leur port,  
 Sur les rochers de leur naufrage.

A bien chanter tant de combats,  
 Où iamais tu ne succombats,  
 Je voudrois consacrer mes veilles:  
 Mais ton esprit trop retenu,  
 Se fasherait à tes oreilles,  
 Si ie l'auois entretenu  
 De la moindre de mes merueilles.

Aussi bien n'est il pas besoin,  
 Que mon Poëme soit tesmoing  
 De tes exploits si manifestes:  
 Car quelque part qu'on puisse aller,  
 Si quelqu'un n'a point veu tes gestes

Il en a bien ouy parler.  
 L'horison de la gent sauvage  
 N'a point de mont ny de riuage,  
 Où ne soit adoré ton los,  
 Que dans ton nom l'Hyperboree  
 A fait voir à nos martelots,  
 Haut escrit en letrre doree  
 Sur le fer de ses iauelots.

Puis que sa gloire est accomplie,  
 Grands destins ie ne vous supplie,  
 Que de faire continuer  
 L'honneur ou ie le vois paroistre  
 Sans le faire diminuer,  
 Quand vous ne le pouuez accroistre.

Mais le Ciel que tu dois orner,  
 Maurice tasche de borner  
 Le fil sacré de tes iournees:  
 Il t'a desia marqué le lieu  
 Où tu dois apres cent annees,  
 Assis un peu plus bas que Dieu,  
 Fouler aux pieds les destinees.

Les Muses en m'ouurant les Cieux,  
 M'ont fait voir que ces demidieux  
 A qui la terre fait offrande:  
 Fors le bien de ton amitié,  
 N'ont point felicité si grande,  
 Qui ne te peut faire pitié.

Les astres, dont la bien-vueillance  
 Se sent forcer de ta vaillance,  
 Sont apprestez pour t'accueillir:  
 Desia leur splendeur t'environne,  
 Dieu comme fleurs les vient cueillir,  
 Pour t'en donner une couronne  
 Qui ne pourra iamais vieillir.

A MONSIEVR LE DVC  
DE LVYNES.

## O D E.

**E**scriuains tousiours empeschez  
Après des matieres indignes,  
Coupables d'autant de pechez,  
Que vous avez noircy de lignes,  
Ie m'en vay vous apprendre icy,  
Quel d'eust estre vostre soucy,  
Et dessus les iustes ruynes  
De vos ouurages criminels,  
Auecques des vers eternels  
Peindre l'image de Luynes.

Ie confesse qu'en me taisant  
D'une si glorieuse vie,  
Ie m'estou rendu complaisant  
Aux iniustices de l'enuie,  
Et meritois bien que le Roy  
En suite du premier effroy,  
Dont me fit paller sa menace,  
M'eust fait sentir les cruautex,  
Qui n'ont point merite de grace.

A qui plus iustement qu'à luy,  
Se doiuent nos saintes loüanges?  
Quel des humains voit auiourd'huy  
Sa vertu si proche des Anges?  
Ceux que le Ciel d'un iuste choix  
Fait entrer dans l'ame des Roys,  
Ils ne sont plus ce que nous sommes,  
Et semblent tenir au milieu  
Entre la qualité de Dieu,

*Et la condition des hommes.*

*Vn chacun les doit estimer,  
Ainsi qu'un Ange tutelaire,  
Ta vertu c'est de les aymer,  
L'innocent est de leur complaire,  
Les mouuemens de la bonié  
C'est proprement leur voloné,  
Les suiure c'est fuir le vice,  
Bien viure c'est les imiter,  
Et ce qu'on nomme meriter,  
C'est de mourir pour leur service.*

*Grand Duc que toutes les vertus  
Recommandent à nostre estime,  
Et que les vices abatus  
Tiennent pour vainqueur legitime,  
Benits soient par tout l'uniuers  
Les doctes & les sages vers,  
Où ta gloire sera semée,  
Et iamais ne soient innocens,  
Ceux qui refuseront l'encens  
Aux autels de ta renommée.*

*Vn nombre d'esprit furieux  
De ta prosperité s'irrite,  
Et fait des querelles aux Cieux,  
Pour auoir payé son merite.  
Apaisez vous foibles mutins,  
En despit de vous les Destins  
Luy seront à iamais propices,  
Puis que mon Prince en prend le soing,  
Sçachez que sa fortune est loing  
Du n'aufrage & des precipices.  
Si son ame estoit sans appas,  
Si sa valeur estoit sans marques,  
Et que sa vertu ne fust pas  
Necessaire aupres des Monarques,*



pourroit au ec moins de tort  
 Blasmer son favorable sort,  
 Mais toutes nos ingratitudes  
 S'accorderont à confesser,  
 Que sa prudence a faict cesser,  
 La honte de nos seruitudes.

Quand le Ciel parmy nos dangers,  
 Auoit horreur de nos prieres,  
 Que les yeux des plus estrangers  
 Donnoient des pleurs à nos miseres,  
 Quand nos maux alloient iusqu'au bout,  
 Que l'estat branlant de par tout  
 Estoit prest à changer de maistre,  
 Il fist mourir nostre douleur,  
 Et perdre esperance au malheur  
 De la faire iamais renaistre.

Ce grand Iour, où tant de plaisirs  
 Succederent à tant de peines,  
 Qui fit changer tant de desirs,  
 Et qui r'appaisa tant de haines:  
 Tous nos cœurs sans fard & sans fiel,  
 Enclinans où l'amour du Ciel  
 Poussoit vos volontez vnies,  
 Ravis de ce commun bon-heur,  
 Firent des vœux à son honneur,  
 Pour nos calamitez finies.

Ceux qui mieux ont senty l'effect,  
 D'une si lüable victoire,  
 Honteux du bien qu'il leur a faict,  
 Ont du mal à souffrir sa gloire:  
 Ils arrachent à leurs esprits  
 Le ressentiment du mespris,  
 Dont la grandeur estoit soulee,  
 Quand leur foiblesse avec raison,  
 Souhaittoit l'heureuse saison

*Que ce grand Dieu r'appelle.*

*Le remords vous doit bien punir,  
Vostre ame est bien peu liberale,  
De luy nier le souuenir  
D'une grace si generale,  
Que vos fureurs changent d'obiet,  
Aussi bien cherchant le subiect,  
De la haine qui vous anime,  
Vous ne trouuerex point dequoy,  
Sinon que la faueur du Roy  
Tienne lieu de honte & de crime.*

*Ceux qui veillent à rechercher  
Quelque iuste suiet de blasme,  
Ne peuuent point luy reprocher  
Vn deffaut du corps ny de l'ame;  
Pour moy lors que ie pense à luy,  
C'est enuie qui pousse autrui  
De mes sens bien loing se retire,  
Tous mes vers vont au compliment,  
Et ne scaurois trouuer comment  
Il se faut prendre à la satire.*

*S'il est coupable, c'est d'auoir  
Trop de iustice, & de vallance,  
D'aymer son Prince, & recevoir  
Les effects de sa bien-veillance:  
Grand Duc laisse courir le fruit,  
Et gousté doucement le fruit,  
Que la bonne fortune apporte,  
Tous ceux qui sont tes ennemis,  
Voudroient bien qu'il leur fust permis  
D'estre criminels de la sorte.*

*Iamais à leurs funestes vœux  
Vn Dieu propice ne responde:  
Iamais sinon ce que tu veux  
Ne puisse reüssir au monde,*

*Que tousiours de meilleurs succez  
Te donnent de nouueaux accez  
A des felicitez plus grandes,  
Et qu'en fin les plus enragez  
A ta deuotion rangex,  
Te viennent payer des offrandes.*

A MONSIEVR DE  
MONTMORENCY.

O D E.

**L** Ors qu'on veut que les Muses flattent  
Un homme qu'on estime à faux,  
Et qu'il faut cacher cent deffaux,  
Afin que deux vertus esclattent:  
Nos esprits d'un pinceau diuers,  
Par l'artifice de nos vers  
Font le visage à toutes choses;  
Et dans le fard de leurs couleurs  
Font passer de mauuaises fleurs  
Sous le teinct des lys & des roses.

Ce vagabond, de qui le bruiſt  
Fut si chery des destinees,  
Et si grand que trois milles annoes  
Ne l'ont point encores destruiſt:  
Auecques de si bonnes marques  
N'eust foulé la rigueur des Parques,  
N'y peuplé le pays Latin,  
Si depuis qu'on brusta la ville  
Auguste n'eust prié Virgile  
De luy faire un si beau destir.

Tout de mesme au siecle où nous sommes,  
 Les richesses ont achepté  
 De nostre auare lascheté  
 La façon de louer les hommes:  
 Mais ie ne te conseille pas,  
 De presenter aucun appas,  
 A tant de plumes hypocrites:  
 D'autant que la posterité  
 Verra mieux dans la verité  
 La memoire de tes merites.

Laisse là ces esprits menteurs,  
 Sauue ton nom de leurs ouvrages,  
 Les complimens sont des outrages,  
 Dedans la bouche des flatteurs:  
 Moy qui n'ay iamais eu le blasme  
 De farder mes vers ny mon ame,  
 Je trouueray mille tesmoins  
 Que tous les censeurs me recoient,  
 Et que les plus entiers me doiuent  
 La gloire de mentir le moins.

Ceste grace si peu vulgaire  
 Me donne de la vanité,  
 Et fait que sans temerité  
 Je prendray le soing de se plaire,  
 Les Dieux aydants à mon dessein,  
 Me verseront dedans le sein.  
 Vne fureur mieux animee;  
 Ils m'apprendront des traits nouueaux  
 Et plus durables & plus beaux,  
 En faueur de ta renommee.

Mais aussi tost que mon desir,  
 Qui ne respire que la gloire  
 De traualler à ta memoire,  
 Iouyra d'un si doux loisir,  
 Mon Astre qui ne sçait reluire,

Que pour me troubler & me nuire,  
Cachera son mauvais aspect,  
Et son influence inhumaine  
N'a pas eu pour moy tant de haine,  
Qu'elle aura pour toy de respect.

Mes affections exaucees  
En l'ardeur d'un si beau projet,  
Recouvreront pour ton sujet  
La liberté de mes pensees:  
Mes ennuyes seront escartez,  
Et mon ame aura des clartez  
Si propices à tes loüanges,  
Que le Ciel s'il n'en est jaloux  
Ayant trouué mes vers si doux,  
Il les fera redire aux Anges.

Je sens une chaleur d'esprit,  
Qui vient persuader ma plume,  
De tracer le plus grand volume  
Que François ait iamais escrit,  
Tout plein de zele & de courage  
Je m'embarque à ce grand ouvrage,  
Je sçay l'Antarctique & le Nort,  
L'en rends la carte & les estoiles,  
Et ne fais point enfler mes voiles  
Avant qu'estre asseuré du port.

Par les rochers & dans l'orage  
De l'onde où ie me suis commis,  
Je prepare à mes ennemis  
L'esperance de mon naufrage.  
Mais que les Astres irritez  
De toutes leurs aduersitez  
Persecutent mon entreprise,  
Je ne cognois point de malheur,  
Qu'au seul renom de ta valeur  
Je ne vainque, ou ie ne mesprise.

# A FEV MONSIEVR DE LOSIERES.

## O D E.

**M**ON Dieu que la franchise est rare,  
Qu'on trouue peu d'honnstes gens!  
Que la fortune & ses regens  
Sont pour moy d'une humeur auare,  
**LOSIERES**, Personne que toy,  
Dans les troubles où ie me voy,  
Ne me monstre un œil fauorable:  
Tout ne me faißt qu'empeschement,  
Et l'amy le plus secourable  
Ne m'assiste que laschement.

Si i'estois un homme de fange,  
Ou d'un esprit iniurieux,  
Qui ne portai iamaïs les yeux  
Sur le suiet d'une loüange,  
Ou qu'on m'eust veu des-obliger  
Ceux qui me veulent affliger:  
Ie ne serois point pardonnable,  
I'approuuerois mes ennemis,  
Et trouuerois irraisonnable  
Le secours que tu m'as promis.

Mais iamaïs encore l'enuie  
D'escrire un Pasquin ne me prit,  
Et tout le soin de mon esprit  
Ne tend qu'à l'aise de ma vie.  
I'ayme bien mieux ne dire mot  
Du plus infame & du plus sot,  
Et me sauuer dans le silence,

*Que d'exposer mal à propos  
A l'effort d'une violence  
Ma renommee, & mon repos.*

*O destin que tes loix sont dures !*

*L'innocence ne sert de rien :*

*Que le sort d'un homme de bien*

*A de cruelles adventures !*

*Ce grand Duc redouté de tous,*

*Dont ie ne souffre le courroux,*

*Pour aucun crime que ie sçache,*

*Me menace d'un chastiment,*

*Contre qui l'ame la plus lasche*

*Fremiroit de ressentiment.*

*Il est bien aisé de me nuire,*

*Car ie ne puis m'assuiectir*

*Au soucy de me garentir,*

*Quoy qu'on fasse pour me destruire*

*Ie sçay bien qu'un astre puissant,*

*A tous ses vœux obeyssant,*

*Force les plus fiers à luy plaire,*

*Et que c'est plus de depiter*

*La menace de sa colere,*

*Que le foudre de Iupiter.*

*Mais que la flamme du tonnerre*

*Vienne esclatter à mon trespas,*

*Et le Ciel fasse sous mes pas,*

*Creuer la masse de la terre,*

*Mon esprit sans estonnement*

*S'appreste à son dernier moment :*

*Plus ie sens approcher le terme,*

*Plus ie desire aller au port,*

*Et tousiours d'un visage ferme*

*Ie regarde venir la mort.*

*Ainsi quoy que ce fier courage*

*Menace mon foible destin,*

Sans estre poltron ny mutin,  
 Je verray fondre cet orage,  
 Et coniurer ton amitié,  
 De n'auoir ny soin ny pitié,  
 Quelque malheur qui m'importunes  
 Dieu nous blesse & nous sçait guerir:  
 Et les hommes ny la fortune  
 Ne nous font viure ny mourir.

A MONSIEVR  
 LE MARQUIS DE  
 BOQUINGANT.  
 ODE.

**V**ous pour qui les rayons du iour  
 Sont amoureux de cet Empire,  
 Que Mars redoute & que l'amour  
 Ne sçauroit voir qu'il ne soupire  
 C'est bien avecques du subiect  
 Qu'un grand Roy vous a fait l'obiet  
 D'une affection infinie,  
 Et que toutes les nations  
 Ont permis que vostre genie  
 Forçast leurs inclinations.

Les faueurs que vous meritez  
 Ont obligé mesme l'enuie  
 D'accroistre vos prosperitez,  
 En disant bien de vostre vie.  
 Lors qu'elle veut parler de vous,  
 Sans artifice, & sans courroux,  
 Elle se produit toute nuë,  
 Et ses vains desirs abatus,



Fait gloire d'estre recogneü  
Pour triomphe de vos vertus.

— Personne n'est fasché du bien  
Dont vostre sort heureux abonde,  
D'autant qu'il ne vous sert de rien  
Qu'à faire du plaisir au monde.  
Ainsi le celeste flambeau,  
Qui fut l'ornement le plus beau  
Qu'enfanta la masse premiere,  
N'a iamaïs eu des enuieux,  
Car il n'use de sa lumiere  
Que pour en esclairer nos yeux.

Chaque saison donne ses fruitts:  
L'Automne nous donne ses pommes,  
L'Hyuer donne ses longues nuits,  
Pour un plus grand repos des hommes  
Le Printemps nous donne des fleurs,  
Il donne l'ame, & les couleurs  
A la fueille qui semble morte:  
Il donne la vie aux forests,  
Et l'autre saison nous apporte,  
Ce qui fait iaunir nos guerers.

La terre pour donner ses biens  
Se laisse fouiller iusqu'au centre:  
Et pour nous les champs Indiens  
Se tirent les thresors du ventre,  
L'onde enrichit de cent façons,  
Nos vaisseaux & nos hameçons,  
Et cet element si barbare,  
Pour se faire voir liberal,  
Arrache de son sein auare,  
L'Ambre, la Perle, & le Coral.

Ce qu'on dict de ce grand thresor  
Decoulant de la voix d'Algide,  
C'estoient vrayement des chaines d'or,

Qui tenoient les esprits en bride,  
 Cognoissant ces diuins appas  
 Alexandre donnoit-il pas  
 Tout son gain de paix & de guerre?  
 Ce Prince avec tout son bon-heur,  
 S'il n'eust donné toute la terre,  
 Ne s'en fust iamais fait Seigneur.

Les Zephirs se donnent aux flots,  
 Les flots se donnent à la Lune,  
 Les Nauires aux Matelots  
 Les Matelots à la fortune,  
 Tout ce que l'Vniuers conçoit  
 Nous apporte ce qu'il reçoit  
 Pour rendre nostre vie aisee;  
 L'Abeille ne prend point du Ciel  
 Les doux presens de la rosee,  
 Que pour nous en donner le miel.

Les rochers, qui sont le tableau  
 Des sterilitez de nature,  
 Afin de nous donner de l'eau,  
 Fendent-ils pas leur masse dure?  
 Et les champs les plus impuissans  
 Nous donnent l'yuoire & l'encens.  
 Les deserts les plus inutiles  
 Donnent de grands tiltres aux Roys,  
 Et les arbres les moins fertiles  
 Nous donnent de l'ombre & du bois.

Marquis, tout donne comme vous,  
 Vous donnez comme celuy mesme,  
 Dont les animaux sentent tous  
 La liberalité supresme,  
 Dieu nous donne par son amour,  
 Auecques les presens du iour  
 Les traits mesmes de son visage;  
 Ce monde ouurage de ses mains,

N'est point basté pour son visage;  
 Car il l'a fait pour les humains:  
 Que le Ciel reçoit de plaisir  
 Alors qu'il voit sa creature  
 Viure dans un si beau desir,  
 Et si conforme à sa nature,  
 Je voudrois bien vous imiter,  
 Mais ne pouvant vous presenter  
 Ce que la fortune me cache,  
 Puisque tout donne en l'Vniuers,  
 Je veux que tout le monde sçache  
 Que ie vous ay donné des vers.

---

## CONTRE L'HYVER

### ODE.

**P**Lein de cholere & de raison  
 Contre toy barbare saison  
 Je prepare une rude guerre  
 Malgré les loix de l'Vniuers,  
 Qui de la glace des hyueros  
 Chassent les flammes du tonnerre:  
 Auourd'huy l'ire de mes vers  
 Des foudres contre toy deserre,  
 Je veux que la posterité  
 Au rapport de la verité  
 Juge ton crime par ta haine,  
 Les Dieux qui sçauent mon malheur  
 Cognoissent qu'il y va du leur,  
 Et d'une passion humaine,  
 Participans à ma douleur  
 Promettent d'allegier ma peine.

La Parque retranchant le cours  
 De ces Soleils bien que si cours,  
 Rien que nuit sur toy ne deuide,  
 Puisse tu perdre tes habits,  
 Et ce qu'au parc de vos brebis  
 Peut souhaitter le loup auide,  
 T'arrivent tous les maux d'Ibis,  
 Comme le souhaittoit Ouide.

Ceres ne voit point sans fureur  
 Les miseres du Laboureur,  
 Que ta froidure a fait resoudre  
 Abrusler mesme les forests,  
 Les champs ne sont que des marests,  
 L'Esté n'espere plus de moudre  
 Le reuenu de ses guerests,  
 Car il n'y trouuera que poudre:

Tous nos arbres sont dépoüillez,  
 Nos promenoirs sont tous moüillez,  
 L'esmail de nostre beau parterre  
 A perdu ses vives couleurs,  
 La gelée a tué les fleurs,  
 L'air est malade d'un catierre,  
 Et l'œil du Ciel noyé de pleurs  
 Ne sçait plus regarder la terre,

La nasselle attendant le flux  
 Des ondes qui ne courent plus,  
 Oysise au port est retenüe,  
 La tortuë & les limaçons,  
 L'oyseau sur une branche nuë,  
 Attend pour dire ses chansons,  
 Que la feuille soit reuenüe,

Le Heron quand il veut pescher,  
 Trouuant l'eau toute de rocher,  
 Se paist du vent & de sa plume,  
 Il se cache dans les roseaux,

Et contemple au bord des ruisseaux,  
 La bize enntre sa coustume,  
 Sonffler la neige sur les eaux,  
 Où boüilloit autrefois l'escume.

Les poissons dorment assurez,  
 D'un mur de glace remparez,  
 Francs de tous les dangers du monde,  
 Fors que de roy tant seulement,  
 Qui restreins leur moitie element,  
 Jusqu'à la goutte plus profonde,  
 Et les laisses sans mouuement  
 Enchassez en l'argent de l'onde.

Tous les vents brisent leurs liens,  
 Et dans les creux Aeoliens,  
 Rien n'est resté que les Zephire,  
 Qui tient les œillits & les lys,  
 Dans ses poulmons enseuelis,  
 Et triste en la prison souspire,  
 Pour les membres de sa Philis,  
 Que la tempeste luy deschire.

Auiourd'huy mille matelots,  
 Où ta fureur combat les flots,  
 Deffallis d'art & de courage,  
 En l'auanture de tes eaux.  
 Ne rencontrent que des tombeaux,  
 Car tous les astres de l'orage,  
 Irritez contre leurs vaisseaux,  
 Les abandonnent au n'aufrage.

Mais tous ces maux que ie descris,  
 Ne me font point ietier de cris,  
 Car eusses tu porté l'abyssme,  
 Jusques où nou leuons les yeux,  
 Et d'un debord prodigieux,  
 Trempé le Ciel jusqu'à la cime,  
 Au lieu de t'estre ininricieux,

*Hyuer ie loüerois ton crime.*

*Helas! le gouffre des mal-heurs,  
D'où ie puisè l'eau de mes pleurs,  
Prend bien d'ailleurs son origine,  
Mon desespoir dont tu te ris  
C'est la douleur de ma Cloris  
Qui rend toute la Cour chagrine,  
Les Dieux qui tous en sont marri,  
Iurent ensemble ta ruine.*

*Ce beau corps ne dispose plus  
De ses sens, dont il est perclus  
Par la froideur qui les assiege:  
Espargne hyuer tant de beautés  
Remets sa voix en liberté,  
Fais que ceste douleur s'allege,  
Et pleurant de ta cruauté,  
Fais distiler toute la neige.*

*Qu'elle ne touche de si pres  
L'ombre noire de tes Cypres,  
Car si tu menassois sa teste,  
Le laurier que tu tiens si cher,  
Et que l'esclair n'ose toucher,  
Seroit subiect à la tempeste,  
Et les Dieux luy feroient secher  
La racine comme le feste.*

*Mais si ta crainte ou ta pitié,  
Veut flechir mon inimitié,  
Sois luy plus doux que de coustume,  
Ronge nos vignes de muscats,  
Dont les Muses font tant de cas,  
Mais à la faueur de ma plume,  
Dans ses membres si delicats  
Ne r'aucine iamais le rume.*

*Fromeine tes froids Aquilons  
Par la campagne des Gelons*

*Greslé dessus les monts de Thrace:  
 Mais si jamais tu reprimas,  
 La violence des frimas,  
 Et la dureté de la glace  
 Sur les plus tempereux climats  
 Le sien tousiours ayt ceste grace.*

*Sa maison comme le sainct lieu,  
 Consacré pour le nom d'un Dieu,  
 Rien que pluye d'or ne possède,  
 La neige fonde sut ton toit  
 Vn sacré nectar qui ne soit  
 Ny brülant, ny glacé, ny tiède,  
 Mais tel que Iupiter le boit  
 Dans la coupe de Ganimede.  
 Si tu m'accorde ce bon-heur,  
 Par cet œil que j'ay fait Seigneur  
 D'une ame à l'aymer obstinée,  
 Je iure que le Ciel lira,  
 Ton nom qu'on ensevelira,  
 Qu'au tombeau de la destinee,  
 Et par moy ta loüange ira,  
 Plus loing que la dernière année.*

## LE MATIN.

## ODE.

**L'***Aurore sur le front du iour  
 Seme l'azur, l'or & l'yuoire,  
 Et le Soleil lassé de boire,  
 Commence son oblique tour,  
 Les cheuaux au sortir de l'onde,  
 De flamme & de clarté couuerts,*

La bouche & les naseaux ouuerts,  
 Roulent la lumiere du monde.  
 La Lune fuit deuant nos yeux,  
 La nuit a retiré ses voiles,  
 Peu à peu le front des estoilles,  
 S'unit à la couleur des Cieux.

Desia la diligente Auerte,  
 Boit la mariolaine & le thein,  
 Et renient riche du butin,  
 Qu'elle a pris sur le mont Hymette.

Le voy le genereux Lion,  
 Qui sort de sa demeure creuse,  
 Herissant sa perruque affreuse,  
 Qui faict fuir Endimion,

Sa Dame entrant dans les bocceges,  
 Compie les Sangliers qu'elle a pris  
 Ou deuale chez les esprits  
 Errant aux sombres marescages.

Icy y les Agneaux bondissans,  
 Sur ces bleis qui ne font que naistre:  
 Gloris chantant les meins paistre,  
 Parmy ces-costaux verdissans.

Les oyseaux d'un ioyeux ramage,  
 En chantant semblent adorer,  
 La lumiere qui vient dorer,  
 Leur cabinet & leur plumage.

La charroie escorche la plaine,  
 Le bouvier qui suit les seillons,  
 Presse de voix & d'aiguillons,  
 Le couple des boeufs qui l'entraine.

Alix appreste son fuseau,  
 Sa mere qui luy faict la tasche,  
 Presse le chanure qu'elle attache,  
 A sa quenouille de roseau.

Vne confuse violence,



Trouble le calme de la nuit,  
Et la lumiere avec le bruit;  
Dissipe l'ombre & le silence.

Alidor cherche à son resueil  
L'ombre d'Iris qu'il a baisée,  
Et pleure en son ame abusée  
La fuite d'un si doux sommeil.

Les bestes sont dans leur taniere  
Qui tremblent de voir lo Soleil:  
L'homme remis par le sommeil,  
Reprend son ceuvre coustumiere.

Le forgeron est au fourneau  
Oy comme le charbon s'alume,  
Le fer rouge dessus l'onclume  
Estincelle sous le marteau,

Ceste chaudielle semble morte,  
Le iour la fait esuanouyr,  
Le soleil vient nous esblouyr,  
Voy qu'il passe au trauers la porte.

Il est iour, leuons nous Philis,  
Allons à nostre iardinage,  
Voy s'il est comme ton visage,  
Semé de roses, & de lys.

# LA SOLITUDE.

## ODE.

DAns ce val solitaire & sombre,  
Le cerf qui brame au bruit de l'eau,  
Panchant ses yeux dans un ruisseau,  
S'amuze à regarder son ombre,  
De ceste source vne Naiade,

Tous les soirs ouvre le portail  
 De sa demeure de crystal,  
 Et nous chante une serenade.  
 Les Nymphes que la chasse attire  
 A l'ombrage de ces forests,  
 Cherchent des cabinets secrets,  
 Loing de l'embuche du Satyre.

Iadis au pied de ce grand chesne,  
 Presque aussi vieux que le Soleil,  
 Baccus l'Amour & le Sommeil,  
 Firent la fosse de Silene,

Vn froid & tenebreux silence,  
 Dort à l'ombre de ses ormeaux,  
 Et les vents battent les rameaux  
 D'une amoureuse violence,

L'esprit plus retenu s'engage,  
 Au plaisir de ce doux seiour,  
 Où Philomele nuict & iour,  
 Renouvelle vn piteub langage.

L'orsfraye & le bibou s'y perche,  
 Icy viuent les coup-garoux,  
 Iamais la iustice en courroux,  
 Icy de criminels ne cherche.

Icy l'amour fait ses estudes,  
 Venus y dresse des Auiels:  
 Et les visites des mortels,  
 Ne troublent point ces solitudes.  
 Ceste forest n'est point profane,  
 Ce ne fut point sans la facher,  
 Qu'Amour y vint iadis cacher,  
 Le berger qu'en saignoît Diane.

Amour pouuuoit par innocence,  
 Comme enfant, tendre icy des rets,  
 Et comme Reyne des forest,  
 Diane auoit ceste licence,

Cupidon

Cupidon d'une douce flamme,  
Ouvrant la nuit de ce valon,  
Mist devant les yeux d'Appollon,  
Le glaçon qu'il avoit dans l'ame.  
A l'ombrage de ce bois sombre,  
Hycinthe se retira,  
Et depuis le Soleil iura  
Qu'il seroit ennemy de l'ombre.

Tout aupres le jaloux Boree,  
Pressé d'un amoureux tourment,  
Fut la mort de ce ieune amant,  
Encore par luy sousspiree.

Sainte forest ma confidente,  
Je iure par le Dieu du iour,  
Que ie n'auray jamais amour;  
Qui ne te soit toute evidente.  
Mon Ange ira par cet ombrage,  
Le Soleil le voyant venir,  
Ressentira du souvenir.

L'accez de sa premiere rage.

Corine ie te prie approche,  
Couchons nous sur ce tapis vert,  
Et pour estre mieux à couvert,  
Entrons au creux de ceste roche:

Ouvre tes yeux ie te supplie,  
Mille amours loge là dedans,  
Et de leurs petits traits ardans,  
Ta prunelle est toute remplie.

Amour de tes regards sousspire,  
Et son esclave devenu,  
Se voit luy mesme retenu,  
Dans les liens de son Empire.

O beauté sans doute immortelle,  
Où les Dieux trouuent des appas,  
Par vos yeux ie ne croyois pas,

Que vous fussiez du tout si belle.

Qui voudroit faire une peinture.

Qui peust ses traits représenter,

Il faudroit bien mieux inventer,

Que ne fera jamais nature.

Tout un siecle les destinees,

Trauaillerent apres ses yeux,

Et ie croy que pour faire mieux,

Le temps n'a point assez d'annees.

D'une fierté pleine d'amor ce,

Ce beau visage a des regards,

Qui iettent des feux & des dards,

Dont les Dieux aymeroient la force.

Que ton teint est de bonne grace,

Qu'il est blanc, & qu'il est vermeil,

Il est plus net que le Soleil,

Et plus vny que de la glace.

Mon Dieu que tes cheveux me plaisent,

Ils s'ebattent dessus ton front,

Et les voyans beaux comme ils sont,

Ie suis ialoux quand ils te baisent.

Belle bouche d'ambre & de roze,

Ton entretient est déplaisant,

Si tu ne dis en me baisant,

Qu'aymer est une belle chose.

D'un air plein d'amoureuse flame,

Aux accens de ta douce voix,

Ie voy les fleuves & les bois,

S'embrazer comme a fait mon ame.

Si tu moüilles tes doigts d'yuoire,

Dans le crystal de ce ruisseau,

Le Dieu qui loge dans ceste eau,

Aymera s'il en oze boire,

Presente luy ta face nuë,

Tes yeux avecques l'eau riront,

Et dans ce miroir escriront.

*Que Venus est icy venue.*

*Si bien elle sera depeinte,  
Les faunes s'en enflammeront,  
Et de tes yeux qu'ils aymeront,  
Ne sçauront descourir la feinte,  
Entend ce Dieu qui te conue,  
A passer dans son element,  
Oy qu'il souspire bellement  
Sa liberté de sa rauie.*

*Trouble luy ceste fantasie,  
Desfourne toy de ce miroir,  
Tu le mettras au desespoir.  
Et m'osteras la ialousie.*

*Voy-tu ce tronc & ceste pierre,  
Ie croy qu'ils prennent garde à nous,  
Et mon amour deuient ialoux  
De ce myrthe & de ce lierre.*

*Sus ma Corine? que ie cueille,  
Tes baisers du matin au soir,  
Voy comme pour nous faire asseoir,  
Ce myrte a laisse choir sa feuille.*

*Oy le Pincon & la Linotte,  
Sur la branche de ce rosier,  
Voy branler leur petit gosier,  
Oy comme ils ont changé de notte.*

*Approche, approche ma Driade,  
Icy murmureront les eaux,  
Icy les amoureux oyseaux  
Chanteront une serenade.*

*Preste moy ton sein pour y boire,  
Des odeurs qui m'embauseront,  
Ainsi mes sens se pasmeront,  
Dans les lacs de tes bras d'yuoir.  
Ie baigneray mes mains folastres,  
Dans les ondes de tes cheveux,*

*Et ta beauté prendra les vœux,  
De mes œillades idolâtres.*

*Ne crains rien, Cupidon nous gard  
Mon petit Ange es tu pas mien,  
Ha! ie voy que tu m'aymes bien,  
Tu rougis quand ie te regarde.*

*Dieux que ceste façon timide,  
Est puissante sur mes esprits  
Regnauld ne fut pas mieux esprits,  
Par les charmes de son Armide.*

*Ma Corine que ie t'embrasse,  
Personne ne nous voit qu'Amour,  
Voy que mesme les yeux du iour,  
Ne trouuent point icy de place.*

*Les vents qui ne se peuuent taire,  
Ne peuuent escouter aussi,  
Et ce que nous ferons icy,  
Leur est un incogneu mystere.*

### O D E.

*Vn fier demon qui me menasse,  
De son triste & funeste accent,  
Contre mon amour innocent,  
Gronde la hayne & la disgrace.*

*On m'a rapporté que tes yeux,  
Dans leurs paupieres languissantes,  
N'auoient plus ces flammes puissantes,  
Qui bleissoient les ames des Dieux.*

*Nature est vrayment bien hardie,  
Et le sort bien faux & malin  
D'assuiectir le sang diuin,  
A l'effort d'une maladie,*

*En detestant ses cruautéz,  
Quelque peu qui m'en diuertisse,*

*Je crie contre l'injustice*

*Que le Ciel fait à ses beautés.*

*Depuis ce malheureux message,*

*Qui m'a privé de tout repos,*

*La tristesse amû dans mes os,*

*Vn tourment d'amour & de rage.*

*Malade au liût d'où ie ne sors,*

*Je songe que ie vois la Parque,*

*Et que dans vne mesme barque,*

*Nous passons le fleuve des morts.*

*Si tu te dueils de mon absence,*

*C'est vn supplice d'amitié,*

*Qui merite autant de pitié,*

*Qu'elle a de peine & d'innocence.*

*Je mourray si tu meurs pour moy,*

*Autrement ie serois bien traistre,*

*Puis que le sort ne m'a fait naistre.*

*Que pour mourir avecques toy.*

## SVR VNE TEMPESTE

QVI S'ESLEVA COMME IL

estoit prest de s'embarquer pour al-  
ler en Angleterre.

### O D E.

**P***Army ces promenoirs sauvages,*

*L'oy bruire les vents & les flots,*

*Attendant que les matelots,*

*M'emportent hors de ces rivages,*

*Icy les rochers blanchissans,*

*Du choc des vagues gemissans.*

*Herissant*

Herissent leurs masses cornuës,  
 Contre la cholere des airs,  
 Et presentent leurs testes nuës,  
 A la menace des esclairs.

I'oy sans peur l'orage qui gronde,  
 Est fust ce l'heure de ma mort,  
 Je suis prest à quitter le port,  
 En dépit du Ciel & de l'onde,  
 Je meurs d'ennuy dans ce loisir.  
 Car vn impatient desir,  
 De reuoir les pompes du Louure,  
 Trauaille tant mon souuenir,  
 Que ie brusle d'aller à Douure.  
 Tant i'ay haste d'en reuenir,

Dieu de l'onde, vn peu de silence:  
 Vn Dieu fait mal de s'esmouuoir.  
 Fais moy paroistre ton pouuoir,  
 A corriger ta violence.  
 Mais à quoy sert de te parler,  
 Esclaue du vent & de l'air,  
 Monstre confus qui de nature,  
 Vuide de rage & de pitié,  
 Ne monstres que par aduanture,  
 Ta hayne, ny ton amitié?

Nochers qui par vn long usage,  
 Voyez les vagues sans effroy,  
 Et qui cognoissez mieux que moy,  
 Leur bon & leur mauuais visage:  
 Distes moy, ce Ciel foudroyant,  
 Ce flot de tempeste aboyant,  
 Les flancs de ces montagnes grosses,  
 Sont-ils mortels à nos vaisseaux:  
 Et sans applanir tant de bosses,  
 Pourray- ie bien courir les eaux?

Allons Pilote où la fortune

Pousse



Pousse mon genereux dessein,  
Je porte un Dieu dedans le sein,  
Mille fois plus grand que Neptune:  
Amour me force de patir,  
Et deut Thetis pour m'engloutir,  
Ouvrir mieux ces moittes entrailles,  
Cloris m'a sçeu trop enflammer,  
Pour craindre que mes funerailles  
Se puissent faire dans la mer.

O mon Ange, ô ma destinee  
Qu'ay-ie fait à cet element,  
Qu'il tienne si cruellement,  
Contre moy sa rage obstinee?  
Ma Cloris ouvre icy tes yeux,  
Tire un de tes regards aux Cieux,  
Ils dissiperont leurs nuages,  
Et pour l'amour de ta beauté,  
Neptune n'aura plus de rage,  
Que pour punir sa cruauté.

Desia ces montaignes s'abaissent,  
Tous les sentiers sont aplanis,  
Et sur ces flots si bien unis,  
Je voy des alcions qui naissent,  
Cloris que ton pouuoir est grand,  
La fureur de l'onde se rend  
A la faueur que tu m'as faicte,  
Que ie vay passer doucement,  
Et que la peur de la tempeste,  
Me donne peu de pensément.

L'autre est leuee, & le Zephire,  
Avec un mouuement leger,  
Enfle la voile, & fait nager,  
Le lourd fardeau de la Nauire,  
Mais quoy le temps n'est plus si beau,  
La tourmente reuiet dans l'eau,

Dieux que la mer est infidelle,  
 Chere Cloris si ton amour,  
 N'auoit plus de constance qu'elle,  
 Je mourrois auant mon retour.

## A CLORIS.

## ODE.

**A**ussi franc d'amour que d'enuie,  
 Je viuois loing de vos beautez,  
 Dans les plus douces libertez,  
 Que la raison donne à la vie:  
 Mais les regards imperieux,  
 Qu'amour tire de vos beaux yeux,  
 M'ont bien fait changer de nature,  
 Ha! que les violents desirs,  
 Que me donna ceste aduanture,  
 Furent traistres à mes plaisirs.

Le doux esclat de ce visage,  
 Qui paroissoit sans cruauté,  
 Et des ruses d'une beauté,  
 Me sembloit ignorer l'usage;  
 Me surprit d'un si doux malheur,  
 Et m'affligea d'une douleur,  
 Si plaisante à ma frenaisie,  
 Que deslors j'aymay ma prison,  
 Et deliuray ma fantaisie,  
 De l'empire de ma raison.

Contre ce coup ineuitable,  
 Qui me mit l'amour dans le sein;  
 Je ne sçay prendre aucun dessein,  
 Ny facile, ny profitable,  
 Embraxé d'un feu qui me suit

Par tout où le Soleil me luit,  
 Je passe les monts Pyrenees,  
 Où les neiges que l'œil du jour,  
 Et les foudres ont espargnees,  
 Fondent au feu de mon amour.

Sur ces rivages où Neptune,  
 Fait tant d'escume & tant de bruit,  
 Et souvent d'un vaisseau d'estruit,  
 Faict sacrifice à la fortune,  
 L'inucque les ondes & l'air,  
 Mais au lieu de me consoler,  
 Le flot grondent à mon martyre,  
 Mes souspirs vont avec le vent,  
 Et mon pauvre esprit se retire,  
 Aussi triste qu'auparavant.

Mes langueurs, mes douces furies,  
 Quel sort, quel Dieu, quel element,  
 Nous otera l'aveuglement,  
 De vos charmantes resueries?  
 La froide horreur de ces forests,  
 L'humidité de ces marests,  
 Ceste effroyable solitude,  
 Dont le Soleil avec des pleurs,  
 Pronoque en vain l'ingratitude,  
 Que font elles à mes douleurs?

Grands deserts, sablons infertiles,  
 Où rien que moy n'ose venir,  
 Combien me deuez-vous tenir,  
 Dans ces campagnes inutiles?  
 Chauds regards, amoureux baisers,  
 Que vous estes dans ces deserts,  
 Bien sensibles à ma memoire!  
 Philis, que ce bon heur m'est doux  
 Et que je trouue de la gloire,  
 A me ressouvenir de vous!

En fin ie croy que la tempeste  
 Me permettra d'ouurir les yeux,  
 Et que l'inimitié des Cieux,  
 Me laissera leuer la teste,  
 Apres tous ces maux acheuez,  
 Les faueurs que vous reseruez,  
 A ma longue perseuerance,  
 Reprocheront à mon ennuy,  
 D'auoir creu que mon esperance,  
 Me quitteroit plustost que luy.

Au recour de ce long voyage,  
 La terre en faueur de Philis,  
 D'œilleirs, de roses, & de lys,  
 Semera par tout mon passage:  
 Ces grands pins deuenus plus beaux,  
 Ioignans du faiste les flambeaux  
 Dont la voule du Ciel se pare,  
 Iront aux astres s'enquerir  
 Si quelque autre bien s'accompare,  
 A celuy que ie vay querir.

Ce iour sera filé de soye,  
 Le Soleil par tout où i'iray,  
 Laissera, quand ie passeray,  
 Des ombrages dessus ma voye,  
 Les Dieux à mon sort complaisans,  
 Me combleront de leurs presens,  
 L'auray tout mon saoul d'Ambrosie,  
 Les Deesses me viendront voir,  
 Au moins si vstre courtoisie,  
 Leur veut permettre ce douoir.

Ceste triste nuit acheuee,  
 Mon ame quittera le dueil,  
 Si les tenebres du cercueil,  
 Ne preuiennent mon arriuee.  
 A l'aise du premier abord,

*Bien que tous nos destins d'accord,  
Permettront que ie vous renvoye,  
Si ie n'ay pour me secourir,  
Des remedes contre ma ioye,  
Ie dois bien craindre de mourir.*

*Ie sçay qu'à la faueur premiere  
Que vos regards me ietteront,  
Mes esprits raux quitteront,  
Le doux obiet de la lumiere,  
C'est tout un, j'ayme bien mon sort,  
Car les cruautex de la mort,  
N'ont point de si cruelle geine,  
Que des Roys ne voulussent bien,  
Se trouver en la mesme peine,  
Pour un mesme honneur que le mien.*

*Cloris ma franchise est perduë,  
Mais quand pour guerir mon ennuy,  
Quelque Dieu me l'auroit renduë,  
Mon ame se plaindroit de luy,  
Toute la force & l'industrie,  
Que j'opposois à la furie,  
De mes travaux trop rigoureux,  
A fait des efforts inutiles:  
Car mes sentimens indociles,  
En deuiennent plus amoureux.*

*Ce qui peut finir ma souffrance,  
Et recommencer mon plaisir,  
S'esloigne de mon esperance,  
Aussi bien que de mon desir,  
Les destins, & le Ciel luy-mesme,  
Qui recognoissent comme j'ayme,  
Au seul obiet de mes douleurs,  
Ne me presentent point leur ayde,  
Car ils sçauent que tout remede,  
Est plus foible que mes languers.*

Je cognois bien que l'œil d'un Ange,  
 Que le Ciel ne gouuerne pas,  
 Et qui tient à peu de loüange,  
 Qu'amour brusle de ses appas,  
 S'il veut un iour à ma priere,  
 Jetter l'esclat de sa lumiere,  
 A l'aduançage de mes vœux,  
 Faire naistre au sort qui m'irrite,  
 Plus de bien que ie ne merite,  
 Et plus d'honneur que ie ne veux.

Tandis que ma flamme, ou ma rage,  
 Attendoit apres sa beauté,  
 Vn faux & criminel ombrage,  
 Embarasse sa volonté,  
 Ce feint honneur, ceste fumee,  
 Vient estonner sa renommee,  
 De l'imprudence des mortels,  
 Cloris perdez ceste foiblesse,  
 Si vous ne viuez en Deesse,  
 Dequoy vous seruent mes Autels?

Le plus audacieux courage,  
 Deuant vous ne fait que trembler,  
 Qui voit vostre diuin visage,  
 N'est plus capable de parler,  
 Vos yeux gouuernent les pensees,  
 Des ames les plus insensees,  
 Et les bornent de toutes parts:  
 Et la plus aigre mesdisance,  
 N'est qu'honneur, & que complaisance,  
 Aux attrails de vos doux regards.

Moy qui suis deuenu perfide,  
 Contre les Lieux que j'adorou,  
 Et dont l'ame n'a plus de guide,  
 Sinon l'empire de vos loix,  
 Je vous croy parfaite & diuine,

Et mon iugement s'imagine,  
 Que les faits les plus odieux,  
 Lors que vau leur donnez licence,  
 Sont plus iustes que l'innocence,  
 Et que la sainteté des Dieux.

Mais quand les emes indiscrettes,  
 S'amuseroient à discourir,  
 De nos flammes les plus secrettes,  
 Elles ne doivent pas mourir.  
 O Dieux qui fistes les abyssmes,  
 Pour la punition des crimes,  
 Je renonce à vostre pitié,  
 Et vous appelle à mon supplice,  
 Si iamais mon ame est complice,  
 De la fin de nostre amitié.

Chere Gloris ie vous coniure,  
 Par les nœuds dont vous m'arrestez,  
 Ne vous troublez point de l'iniure,  
 Des faux bruits que vous redoutez,  
 Comme vous i'en ay des atteintes,  
 Et mille violentes craintes,  
 Me persecutent nuit & iour,  
 Je croy que les Dieux & les hommes,  
 Dedans le climat où nous sommes,  
 Ne parlent que de nostre amour.

Ie suis plus craintif que vous n'estes,  
 Et crains que les destins ialoux,  
 Ne donnent un langage aux bestes,  
 Pour leur faire parler de nous,  
 Vne ombre, un rocher, un zephire,  
 Parlent tout haut de mon martyre,  
 Et quand les foudres murmurans,  
 Menacent le peché du monde,  
 Ie croy que le tonnerre gronde,  
 Du seruice que ie vous rends.

Mais quoy que le Ciel & la terre,  
 Troublassent nos contentements,  
 Et nous fissent souffrir la guerre,  
 Des Astres & des elements,  
 Il faut rire de leurs malices,  
 Et dans un fleuve de delices,  
 Noyer les seins iniurieux;  
 Qui priuent nos ieunes annees,  
 Des douceurs que les destinees,  
 Ne permettent iamais aux vieux.

## O D E.

**H**Eureux tandis qu'il est vivant,  
 Celuy qui va tousiours suiuant,  
 Le grand maistre de la nature,  
 Dont il se croit la creature,  
 Il n'enuia iamais autruy,  
 Quand tous les plus heureux que luy,  
 Se mocqueroient de sa misere,  
 Le rire & toute la colere.  
 Celuy-là ne s'esueille point,  
 Aussi tost que l'Aurore point,  
 Pour venir des Soucys du monde,  
 Importuner la terre & l'onde,  
 Il est tousiours plein de loisir,  
 La iustice est tout son plaisir,  
 Et permettant en son enuie,  
 Les douceurs d'une sainte vie,  
 Il borne son contentement,  
 Par la raison tant seulement:  
 L'espoir du gain ne l'importune,



En son esprit est sa fortune,  
 L'esclat des cabinets dorez,  
 Où les Princes sont adorez,  
 Luy plaist moins que la face nuë,  
 De la campagne ou de la nuë,  
 La sottise d'un courtisan,  
 La fatigue d'un artisan,  
 La peine qu'un amant soupire,  
 Luy donne esgallement à rire,  
 Il n'a iamau trop affecté,  
 Ny les biens, ny la pauvrete,  
 Il n'est ny seruiteur, ny maistre,  
 Il n'est rien que ce qu'il veut estre,  
 Iesus Christ est sa seule Foy,  
 Tels seront mes amis & moy.

---

## A P H I L I S.

## S T A N C E S.

**H**A ! Philis que le Ciel me fait mauuais vi-  
 sage,  
 Tout me fasche & me nuit,  
 Et reserué l'amour & le courage,  
 Rien de bon ne me suit.

Les Astres les plus doux ont coniué ma perte,  
 Je ne scay plus nul soustien,  
 La Cour me semble une maison deserte,  
 Où ie ne trouue rien.

Les hommes & les Dieux menassent ma fortune !  
 Mais en leur cruauté,  
 Pour mon soulas tout ce que j'importune,

Ce n'est que ta beauté.

Les traits de tes beautés sont d'assez fortes armes  
Pour vaincre mon malheur,  
Et dans la gesne assisté de tes charmes,  
Je mourray sans douleur.

Dedans l'extremité de la peine où nous sommes,  
Souffrant nuit & jour,  
Je feins que c'est la disgrâce des hommes,  
Mais c'est celle d'amour.

Parmy tant de dangers c'est avec peu de crainte,  
Que ie prens garde à moy,  
En tous mes maux le subiect de ma plainte,  
C'est d'estre absent de toy.

Pour m'oster aux plus forts qui me vouloient  
pour suivre,  
Je trenue assez de lieux:  
Mais quel climat m'asseurera de viure,  
Si ie quitte tes yeux.

Le Soleil meurt pour moy, une nuit m'enai-  
ronne,  
Je pense que tout dort.  
Je ne voy rien, ie ne parle à personne,  
N'est-ce pas estre mort?

## S T A N C E S.

**Q**uand j'auray ce contentement,  
De te voir sans empeschement,  
Où est unique de ma iye,  
Cher maistre de ma volonté,  
A quoy voudras tu que j'employe  
Les heures de ma liberté?

Je ne veux point servir de nombre,  
 Suyuant apres toy comme une ombre:  
 Dés qu'un maistre que j'aymois bien  
 M'eut traitté dans ceste coustume,  
 Les douceurs de son entretien  
 Me tournerent en amer tume.

Il est vray qu'un sort malheureux,  
 Par un astre bien tenebreux,  
 Conduisoit le train de ma vie,  
 Quand les Dieux touchez de pitié,  
 Maigré les hommes & l'enuie  
 Me donnerent ton amitié.

Depuis un insensible orgueil  
 De voir mes malheurs au cercueil,  
 M'a donné tant d'ingratitude,  
 Que ie ne puis sans deplaisir.  
 Permettre que la seruitude  
 Prenne une heure de mon loisir.

## STANCES

Que mon espoir est foible, & ma raison confuse,

C'est bien hors de propos

Bruslant comme ie fais, que mon esprit s'amuse  
 A chercher du repos.

Les remedes plus doux qui touchent à ma playe  
 Irritent ma douleur;

Et ie suis en fureur, quand mon discours s'essaye  
 De ruyner mon malheur,

Car si un si cher ennuy combat ma violence,  
 Je meurs si doucement,

Que pour me secourir ie ferois conscience  
De parler seulement.

Philis dans les tourmens que ta rigueur me donne

Quoy que ie meure à tert,  
Te me diray coupable, afin qu'on te pardonne,

L'iniure de ma mort:

Amour a resolu que ie sois ta victime,

Mais que ta cruauté

A son occasion ne fasse point de crime,

Qu'auecques ta beauté.

Non mon sort est meilleur, Philis veut que ie viue.

Et sans compassion

Ne sçauroit endurer qu'un déplaisir arriue

A mon affection.

On voit sur son visage animé de sa flame

Quelle a de la pitié,

Et ma fureur me trouble, ou ie vois que son ame

Eptend mon amitié.

Ie sçais bien que l'honneur, & les loix de la vie

Combattent son desir,

Et que sa chasteté resiste en mon enuie

Auecques déplaisir,

Son cœur dans cet effort sauuant son innocence

Languit pour mon subiect,

Et donne ses souspirs sans doute à mon absence,

Plustost qu'à son obiect.

Vn riuail me trauerse, elle qui s'en afflige

Se defferoit de luy,

Mais la condition de ce fascheux, l'oblige

De souffrir avec luy.

Cet amant importun, dont elle est offensée.

Pese son enuetic,

Et recognoist assez qu'elle a dans la pensée,

Autre feu que le sien.

## STANCES.

**M**On esperance refleurit,  
Mon mauuais destin perd courage,  
Auiourd'huy le Soleil me rit,  
Et le Diel me fait bon visage.

Mes maux ont acheuë leur temps,  
Maintenant ma douleur se range,  
A la fin mes vœux sont contens,  
Amour a ramenë mon Ange.

Dieux que i'ay si souuent priez  
Sans me vouloir iamais entendre,  
Ie vous ay bien iniuriez,  
D'estre si longs à me la rendre.

L'excuse vostre cruauté,  
Ie perds le soin de vous desplaire,  
Le retour de ceste beauté  
A finy toute ma cholere.

---

A MADAMOISELLE DE  
ROHAN, SVR LA MORT  
de Madame la Duchesse  
de Neuers.

**I**E vous donne ces vers pour nourrir vos douleurs  
Puis-ue ceste Princesse est digne de vos pleurs,  
Et ne veux point reprendre un dueil si legitime,  
Pour elle vos regrets prennent un iuste cours,  
Et de les arrester, ie croyrois faire un crime,  
Aussi bien que la mort en arrestant ses iurs.

Je sçay bien que vostre ame assez robuste & saine,

Auecques son discours a combattu sa peine,  
Et qu'elle a vainement cherché sa guérison,  
Y tascher apres vous on ne le peut sans blasme,  
Car ie ne pense pas qu'on trouue en la raison,  
Ce que vous ne pouuez trouuer dedans vostre ame.

Les plus cuisans malheurs trouuent allegement,  
Après que le deuoir a rendu sagement  
Tout ce que l'amitié demande à la nature:  
Mais lor. que men esprit songe à vous consoler,  
Contre les sentimens d'une perte si dure,  
Plus ie suis préparé, moins i'ay de quoy parler.

Tandis que la memoire à vos sens renouuelle  
L'estelat de la vertu qui reluysoit en elle,  
Vous nourrissez en vain quelque espoir de guer-  
rir,

Et quand le souuenir d'une amitié si ferme,  
Pour guerir vostre ennuy se laissera mourir,  
Croyez que vostre vie est proche de son terme.

Aussi ceste Princesse estant loing de vos yeux,  
Le iour de tous vos maux est le plus odieux,  
La mort de vos langueurs est la moins inhumaine,  
Quelque part de la terre ou vous faciez sejour,  
Il ne vous reste plus que des objets de haine,  
Après auoir perdu l'objet de vostre Amour.

De moy, si la rigueur d'un accident semblable  
M'auoit oste le fruit d'un bien si desirable,  
Je croirois que pour moy tout n'auroit que du mal.  
Mes pieds ne s'oseroient asseurer sur la terre,  
Le iour m'offenceroit, l'air me seroit fatal,  
Et la plus douce paix me seroit une guerre.

Aigrissez vous soufours d'un chagrin plus re-  
cent,

Que

*Que vostre ame en flaitant l'ennuy qu'elle ressent,  
 Pour si chere compagne incessamment sousspire,  
 Jamais son entretien ne vous sera rendu,  
 Et le Ciel réparant vos pertes d'un Empire,  
 Vous donneroit bien moins que vous n'avez perdu.*

## A ELLE MESME.

**P***uis qu'en cet accident le sort nous desoblige,  
 Je croy que tout le monde avecques vous s'afflige,*

*Et ce commun malheur qui trouble l'Vniuers,  
 Reprocheroit un crime aux loix de la nature,  
 Sinon que ceste mort a fait naistre nos vers,  
 Dont l'aymable douceur efface son iniure.*

*A voir vos sentimens escrits si doneement,  
 A voir vostre douleur peinte si viuement,  
 Je croy qu'en vain la mort de ce butin se vante,  
 Car comme la raison m'apprend à discourir,  
 Celle que vous plaignez est encore vivante,  
 Puis qu'elle est dans vos vers qui ne scauroient  
 mourir.*

*Vous meslez dans ce dueil tant d'agreables charmes,*

*Que c'est estre insensé que luy donner des larmes  
 Je la croy bien heureuse en si rare tombeau,  
 Et regarde sa gloire avecque tant d'enuie,  
 Que si l'on m'eust des faire un monument si beau  
 Je mourrois de regret de ne l'auoir suyvie.*

*J'ay creu que la tristesse estoit pleine de maux,  
 Et perdois en l'erreur d'un iugement si faux  
 La douce resuerie où l'ennuy nous amuse.*

*Mais*

Mais vous faictes le dueil avecques tant d'appas  
 Que i'ayme la rigueur, combien que ie l'accuse,  
 Et trouue du plaisir à craindre le trespas.

POVR MADAMOISELLE D. M.  
 STANCES.

**I**E suis bien ieune encor, & la beaulté que i'ayme  
 Est ieune comme moy.  
 J'ay souuent désiré de luy parler moy mesme  
 Pour luy donner ma foy.  
 Tobey sans contrainte à l'Amour qu'il me donne,  
 Quelque desir qu'il ayt,  
 Et sans luy resister mon ame s'abandonne,  
 A tout ce qui luy plaist.  
 Si pour luy tesmoigner combien ie suis fidelle,  
 Il me falloit mourir,  
 Quoy qu'on eust faict la mort mille fois plus cru-  
 elle,  
 L'on m'y verroit courir.  
 Je iure mon destin, & le iour qui m'esclaire,  
 Qu'il est tout mon soucy,  
 Et ce Soleil si beau ne faict que me déplaire,  
 Quand il n'est pas icy.  
 Lors que l'Aube ensuiuit la nuit qu'elle a chassée  
 Espart sestresses d'or,  
 Le premier mouuement qui vient à ma pensée  
 C'est l'Amour d'Alidor.  
 Je tasche en m'esueillant à r'appeller les songes  
 Que i'ay faict en dormant,  
 Et dans le souuenir de leurs plaisans mensonges  
 Je reuoy mon amant.



Mon esprit amoureux n'est point sans violence  
Au milieu du repos,  
Je le voy dans la nuit, & parmy le silence  
J'entens ses doux propos.  
Tous les secrets d'Amour que le sommeil exprime,  
Mon ame les ressent,  
Et le matin ie pense auoir commis un crime  
Dans mon liçt innocent,  
De honte à mon reſueil ie ſuis toute conſuſe.  
Et d'un œil tout faſché,  
Je voy dans mon miroir la rougeur qui m'accuſe  
D'auoir ſaiçt un pçché  
Je me veux repentir de ceſte double offenſe,  
Mais ie ne ſçay comment:  
Car mon eſprit troublé me fait vne deſſenſe,  
Que luy meſme deſment.  
Dans mon liçt deſolè toute moitte de larmes  
Je prie tous les Dieux,  
De mal traiter Morphee, à cauſe que ſes charmes  
Ont abuſé mes yeux.  
Helas! il eſt bien vray que ie ſuis amoureuſe,  
Et qu'en mon ſainct Amour,  
Je me puis reputer l'Amante plus heureuſe,  
Qui ſoit en ceſte Cour.  
J'adore vne beauté ſi vaine & ſi modeſte,  
Qu'elle peut tout rauir,  
Et qui ne prend plaiſir à eſtre toute celeſte,  
Qu'à fin de me ſeruir,  
Il a dedans ſes yeux des pointes & des charmes,  
Qu'un tigre gouſteroit,  
Et ſi Mars luy voyoit mettre la main aux armes,  
Il le redouteroit.  
Il va dans les combats plus fier qu'à la rapine,  
Ne marche de lyon;  
Et plus brane qu'Achille arçant à la ruine,

Des pompes d'Iliou,  
C'est le meilleur esprit, & le plus beau visage,  
Qu'on ayt encores veu  
Et les meilleurs esprits n'ont point eu d'avantage  
Que mon amant n'ayt eu.  
La gloire entre les cœurs qui la font mieux paroistre  
Fait estime du sien.  
Et les mieux accomplis ne le scauroient cognoistre  
Sans en dire du bien,  
Hors de luy, la vertu dans l'ame la plus belle,  
Est comme en un tombeau,  
Et ses plus grāds esclats sont moins qu'une estincelle  
Au prix de ce flambeau,  
Je pense en l'adorant que mon idolatrie  
A beaucoup meritē,  
Et j'aymerois bien mieux mettre à feu ma patrie  
Que l'auoir irritē.  
Dieux que le beau Paris eut une belle proye!  
Que c'est amant fit bien,  
Alors qu'il alluma l'embrasement de Troye,  
Pour amortir le sien.  
O mon Alidor, je suis bien moins qu'Heleine,  
Digne de t'esmouoir:  
Mais tu sçais biē aussi qu'avecques moins de peins,  
Tu me pourrois auoir.  
Il la fallut prier, mais c'est moy quite prie,  
Et la comparaison  
De ses affections avecque ma furie,  
Est toing de la raison.  
L'impression d'honneur, & celle de la honte  
Sont hors de mon esprit.  
La chasteté m'offence, & paroist un vieux cent,  
Que ma mere m'apprit,  
Jamais fille n'ayma d'une amitié si forte,

Tous

Tous mes plus chers parens,  
 Depuis que j'ay conçu l'amour que ie te porte  
 Me sont indifferens,  
 Ils auroient beau se plaindre & m'appeller bar-  
 bare,  
 On me doit pardonner.  
 Car vers eux ie ne suis de mon amour auare,  
 Que pour te la donner.  
 Reçois ma passion, pourueu que ton merue,  
 N'en soit pas offensé.  
 Et vois que mon esprit ne te l'auroit escrite,  
 S'il n'estoit insensé.

---

## STANCES.

**M**aintenant que Philis est morte,  
 Et que l'amitié la plus forte  
 Dont un cœur fut iamais atteint,  
 Est dans le sepulchre avec elle,  
 Je croy que l'amour le plus saint  
 N'a plus pour moy rien de fidelle.

Cloris, c'est mentir trop souvent,  
 Tes propos ne sont que du vent,  
 Tes regards sont tous pleins de ruzes,  
 Tu n'as point pour tout d'amitié,  
 Je me mocque de tes excuses,  
 Et t'aime moins de la moitié.

Je te voy tousiours en contrainte,  
 Il te vient tousiours quelque crainte,  
 Tu ne trouue iamais loisir,  
 Dis plustost que ie t'importune,  
 Et que ie te ferois plaisir.

De chercher ailleurs la fortune.

Ne fais plus semblant de m'aymer,  
 Et quoy qu'il me soit bien amer  
 De perdre une si douce flame,  
 Si tu n'as point d'amour pour moy,  
 Je iure tes yeux & mon ame  
 De ne songer iamais à toy.

Je t'allois consacrer ma plume,  
 Et te peindre dans un volume,  
 Sur qui les ans ne peuvent rien.  
 Sçache un peu de ta renommee,  
 Comme i'ay sçeu dire du bien,  
 D'une autre que i'auois aymee.

Mais cela ne te touche pas,  
 Les vers sont de mauuais appas,  
 Vn roc n'en deuient point passible,  
 Ce sont de foibles hampons,  
 Pour ton naturel insensible,  
 Que luy promettre des chansons.

Que veux tu plus que ie te donne,  
 Auourd'huy que Dieu m'abandonne,  
 Que le Roy ne me veut pas voir,  
 Que le iour me luit en cholere,  
 Que tout mon bien est mon sçauoir,  
 Dequoy plus te pourrois ie plaire?

Si mon mauuais sort peut changer,  
 Je iure de te partager  
 Les prosperitez où i'aspire,  
 Et quand le Ciel me feroit Roy,  
 Vn present de tout mon Empire,  
 Te feroit p-eue de ma foy.

Mais tu n'as point l'esprit auare,  
 Et quelque dignité si rare  
 Qu'un Dieu mesme te vint offrir,  
 Quelque tourment qu'il eust dans l'ame,

Tu le laisserois bien souffrir,  
 Avant que soulager sa flame.  
 Quant à moy las de tant brusler,  
 Et si pressé de reculer,  
 J'ay desespéré de la place,  
 La nature icy vaut bien peu  
 Qu'un front de neige, un cœur de glace,  
 Puissent tenir contre le feu.

---

## A CLORIS.

## STANCES.

S'il est vray Cloris que tu m'aimes,  
 Mais j'entends que tu m'aimes bien,  
 Je ne croy point que les Roys mesmes  
 Ayent un heur comme le mien,  
 Que la mort seroit importune,  
 De venir changer ma fortune  
 A la felicité des Dieux,  
 Tout ce qu'on dit de l'ambrosie,  
 Ne touche point ma fantaisie,  
 Au pris des graces de tes yeux.

Sur mon ame il m'est impossible  
 De passer un iour sans te voir,  
 Qu'avec un tourment plus sensible  
 Qu'un d'anné n'en scauroit auoir,  
 Le sort qui menaça ma vie,  
 Quand les cruantez de l'enuie  
 Me firent esloigner du Roy,  
 M'exposant à tes yeux en proye,  
 Me donna beaucoup plus de ioye

*Qu'il ne m'auoit donné d'effroy.*

*Que ie me plus dans ma misere,  
Que i'aymay mon bannissement,  
Mes ennemis ne valent guere  
De me traicter si doucement,  
Cloris, prions que leur malice  
Fasse bien durer mon supplice,  
Ie ne veux point partir d'icy,  
Quoy que mon innocence endure,  
Pourueu que ton amour me dure,  
Que mon exil me dure aussi.*

*Ie iure l'Amour & sa flame.  
Que les doux regards de Cloris,  
Me font desia trembler dans l'ame,  
Quand on parle de Paris,  
Insensé ie commence à craindre,  
Que mon Prince me va contraindre,  
A souffrir que ie sois remis,  
Vous qui le mistes en cholere,  
Si vous l'empeschez de le faire,  
Vous n'estes plus mes ennemis.*

*Tuy qui si viuement pourchasses,  
Les remedes de mon retour,  
Prends bien garde quoy que tu fasses,  
De ne point fascher mon amour,  
Arreste un peu, rien ne me presse,  
Ton soin vaut moins que ta paresse,  
Me bien seruir c'est m'affliger:  
Ie ne crains que ta diligence,  
Et prepare de la vengeance,  
A qui tasche de m'obliger.*

*Il te semble que c'est un songe,  
D'entendre que ie m'ayme icy,  
Et que le chagrain qui me ronge,  
Viennne d'un amoureux soucy,*

Tu penses que ie ne respire,  
Quade sçauoir où va l' Empire,  
Que deuiant ce peuple mutin,  
Et quand Rome se doit resoudre,  
A faire partir une foudre,  
Qui consomme le Palatin.

Toutes ces guerres insensées,  
Ie les trouue fort à propos,  
Ce ne sont point là les pensées,  
Qui s'opposent à mon repos.  
Quelques maux qu'apportent les armes,  
Vn amant verse peu de larmes,  
Pour flechir le courroux diuin,  
Pourueu que Cloris m'accompagne,  
Il me chaut peu que l'Allemagne,  
Se noye de sang ou de vin.

Et combien qu'un appas funeste  
Me traine aux pompes de la Cour,  
Et que tu sçais bien qu'il me reste  
Vn soin d'y retourner un iour:  
Quoy que la fortune appaisée,  
Se rendist à mes vœux aisee,  
Auiourd'huy ie ne pense pas,  
Soit il le Roy qui me r'appelle,  
Que ie puisse m'esloigner d'elle,  
Sans trouuer la mort sur mes pas.

Mon esprit est forcé de suivre  
L'aymant de son diuin pouuoir,  
Et tout ce que r'appelle viure,  
C'est de luy parler & la voir,  
Quand Cloris me fait bon visage,  
Les tempestes sont sans nuage,  
L'air le plus orageux est beau,  
Ioris quand le tonnerre gronde.  
Es ne croy point que tout le monde

Soit capable de mon tombeau.

La felicité la plus rare,  
 Qui flatte mon affection,  
 C'est que Cloris n'est point auare  
 De caresse & de passion,  
 Le bon-heur nous tourne en coustume,  
 Nos plaisirs sont sans amertume,  
 Nous n'avons ny courroux ny fard,  
 Nos trames sont toutes de soye,  
 Et la Parque apres tant de ioye,  
 Ne les peut acheuer que tard.

## DESEPOIRS AMOUREUX.

### STANCES.

**E** Sloigné de vos yeux où j'ay laissé mon ame,  
 Je n'ay de sentiment que celui du malheur,  
 Et sans un peu d'espoir qui luit parmy ma flame,  
 Mon trespas eut esté ma dernière douleur.

Pleust au Ciel qu'aujourd'huy la terre eust  
 quitté l'onde,  
 Que les raiz du Soleil fussent absent des Cieux,  
 Que tous les elemens eussent quitté le monde,  
 Et que ie n'eusse pas abandonné vos yeux.

Vn arbre que le vent emporte à ses racines,  
 Vne ville qui voit desmolir son rempart,  
 La faiste d'une tour qui tombe en ses ruines,  
 N'ont rien de comparable à ce sanglant despart.

Depuis vostre demon ne sert plus que de nombre  
 Mes sens de ma douleur s'en vont desja ravui,



*Je ne suis plus vivant, & passerois pour ombre,  
Sinon que mes souspirs descouurent que ie vis.*

*Mon ame est dans les fers, mon sang est dans la  
flame.*

*Iamais mal-heur ne fut à mon mal-heur esgal,  
J'ay des vautours au sain, j'ay des serpens dans  
l'ame,*

*Et vos traits qui me font encore plus de mal,  
Errant depuis deux mois de Prouince en Pro-  
uince,*

*Je traine avecques moy la Fortune & l'amour,  
L'un oblige mes pas à courtoiser mon Prince,  
L'autre oblige mes sens à vous faire la cour.*

*Des plus rares beautez en ce fascheux voyage  
Où iadis pour aymer les Dieux fussent allex,  
M'ont assez prodigué les traits de leur visage:  
Mais ce n'estoit qu'horreur à mes yeux desolez.*

*Par tout où loing de toy la fortune me traine,  
Je iure par tes yeux que tout mon entretien,  
N'est que d'entretenir ma vagabonde peine,  
Et qu'il me souuient moins de mon nom que du  
rien.*

*En ma condition d'où mille soins ne partent,  
L'entendement me laisse, & tout conseil me fuit:  
Tous autres pensemens de mon ame s'escartent,  
Au souuenir du rien qui sans cesse me suit.*

*Que ta fidelité se farme à mon exemple,  
Fuy comme moy la presse, hay comme moy la Cour:  
Ne frequente iamais bal, premeneir, y temple,  
Et que nos deytex ne soyent rien que l'Amour.*

*Tout seul dedans ma chambre on l'ay faict ton  
Eglise,*

*Ton image est mon Dieu, mes passions ma foy:  
Si pour me diuertir Amour veut que ie lise,  
Ce sont vers que luy mesme a composé pour moy.*

*Dans*

Dans le trouble important des soucis de la guerre  
 Chacun me voit chagrain: car il semble à me voir,  
 Que ie fais des projets pour conquerir la terre,  
 Et mes plus hauts desseins ne sont que de t'auoir.

---

## STANCES.

**I'** Ay trop d'honneur d'estre amoureux:  
 Et voy bien que les plus heureux,

Ont droit de me porter enuie:

Mais quoy que menasse le sort,

Ie puis bien d'effier la mort,

Puis que vous possédez ma vie.

Les plus deuotieux mortels,

Rendant leur seruice aux Autels,

Qu'on dresse aux deitez supremes,

Ne font bruster que de l'encens,

Et pour vous adorer ie sens,

Que ie me suis brulé moy-mesme.

Les Roys ont de diuers honneurs,

Leurs esclaués sont des Seigneurs,

Les elemens sont leur partage,

Toute la terre est leur maison,

Moy ie n'ay rien qu'une prison,

Mais ie l'estime d'auantage.

---

## STANCES.

**Q**uand tu me vois baiser tes bras,  
 Que tu poses nuds sur tes draps,

Bien

Bien plus blancs que le linge mesme:  
 Quand tu sens ma bruslante main,  
 Se pourmener dessus ton sein,  
 Tu sens bien Cloris que ie t'ayme.

Comme un deuot deuers les cieux,  
 Mes yeux tourne deuers tes yeux  
 Agenoux aupres de ta couche,  
 Pressé de mille ardans desirs,  
 Je laisse sans ouuir ma bouche,  
 Avec toy dormir mes plaisirs.

Le sommeil aise de t'aucir  
 Empesche tes yeux de me voir,  
 Et te retient dans son empire  
 Avec si peu de liberté,  
 Que ton esprit tout arresté  
 Ne murmure ny ne respire.

La rose en rendant son odeur,  
 Le Soleil donnant son ardeur,  
 Diane & le char qui la traine,  
 Vne Naiade dedans l'eau,  
 Et les Graces dans un tableau,  
 Font plus de bruiet que ton haleine.

Là ie souspire aupres de toy,  
 Et considerant comme quoy,  
 Ton œil si doucement repose,  
 Je m'escrie: ô Ciel: peux tu bien  
 Tirer d'une si belle chose,  
 Un si cruel mal que le mien.

---

## STANCES.

IE iure le iour qui me luit,  
 Et la froide horreur de la nuit

Où la tristesse me conuie,  
 Que le temps de mon amitié  
 Doit plus durer de la moitié,  
 Que ne faict celuy de ma vie.

Après que mon supresme iour  
 M'aura porté dans le séjour  
 Des ames mieux fauorizées,  
 Mon ame versera des pleurs,  
 Qui feront naistre mille fleurs  
 Dans les campagnes Elizées.

Ce doux & ce poignant soucy,  
 Le mesme qui me touche icy,  
 Reuiura dans mon ame morte,  
 Et les esprits qui me verront,  
 Approchant mon feu iureront,  
 Qu'ils n'en ont point veu de la sorte.

Après moy d'un amour flatteur  
 Quelque infidelle seruiteur  
 Sur, rendra tes desirs nouices,  
 Et tu n'as point assez de foy,  
 Pour permettre que mes seruices  
 Te fassent souuenir de moy.

Je te coniuire par tes yeux,  
 Que j'ayme & que j'honore mieux,  
 Ny que le Ciel, ny que la terre;  
 Tost ou tard de t'en repentir,  
 Car le Ciel te feroit sentir,  
 Quelque pointe de son tonnerre.

## STANCES.

**L**A frayeur de la mort esbranle le plus ferme,  
 Il est bien malaisé,

Que

Que dans le desespoir, & proche de son terme  
L'esprit soit appaisé.  
L'ame la plus robuste, & la mieux preparee  
Aux accidens du sort,  
Voyant au pres de soy sa fin toute asseuree,  
Elle s'estonne fort.  
Le criminel pressé de la mortelle crainte  
D'un supplice douteux,  
Encore avec espoir endure la contrainte,  
De ses liens honteux,  
Mais quand l'arrest sanglant a resolu sa peine,  
Et qu'il voit le bourreau,  
Dont l'impiteuse main luy detache une chaîne  
Et luy met un cordeau:  
Il n'a goutte de sang qui ne soit lors glacee,  
Son ame est dans les fors;  
L'image du gibet luy monte à la pensee,  
Et l'effroy des enfers.  
L'imagination de cet objet funeste  
Luy trouble la raison,  
Et sans qu'il ait du mal, il a pis que la peste,  
Et pis que le poison.  
Il iette malgré luy les siens dans sa detresse,  
Et traîne en son malheur  
Des gens indifferens, qu'il voit parmy la presse  
Parler de sa douleur.  
Par tout dedans la Greue il voit fendre la terre,  
La Seine & l'Acheon,  
Chaque rayon de iour est un trait de tonner-  
re,  
Et chaque homme Charon.  
La consolation que le prescheur apporte  
Ne luy fait point de bien:  
Car le pauvre se croit une personne morte,  
Et n'escoute plus rien.

Les sens sont retirez il n'a plus son visage,

Et dans ce changement,

Ce seroit estre fol, de conserver l'usage

D'un peu de iugement.

La nature, de peine & d'horreur abbatüe,

Quitte ce malheureux

Il meurt de mille morts, & le coup qui le tue,

Est le moins rigoureux.

## CONSOLATION

A M. D. L.

STANCES.

**D**onne un peu de relasche au dueil qui t'a  
surpris,

Ne t'oppose iamais aux droits de la nature,

Et pour l'amour d'un corps ne mets point tes es-  
prits

Dedans la sepulture.

La mort dans tes regrets à toy se presentant,

Te fait voir qu'elle n'est qu'horreur & que misere,

Pourquoy donc tasches-tu qu'elle t'en fasse autant

Qu'elle à fait à ton Pere?

Quoy que l'affection te fasse discourir,

Tes beaux iours ne sont point en estar de le suiure

Comme c'estoit à luy la saison de mourir,

C'est la tienne de viure.

Il estoit las d'honneur, de fortune & de iours:

Tes ieunes ans ne font que commencer la vie,

Et si tu vas si tost en acheuer le cours,

Que deviendra Liue?

Remets pour l'amour d'elle encore ses appas

Quo

Qui s'en vont effacer dans ton visage sombre;  
Et qu'un si long chagrin ne te maltraicte pas  
Pour contenter un ombre.

Il est vray qu'un tel mal est fascheux à guerir  
Et de quelque vigueur que ton esprit puisse estre  
Il te faut sousspirer, lors que tu vois perir,  
Celuy qui t'a faict naistre.

Encore ses vertus touchoient ton amitié,  
Au delà du deuoir où la nature oblige,  
Si bien que la raison approuue la pitié,  
Pour l'ennuy qui t'afflige.

Ses conseils sçauoient rendre un Roy victorieux,  
Son renom honoroit & la paix & la guerre;  
Et ie croy que l'enuie est cause que les Cieux,  
L'ont osté de la terre.

Mais aussi quel climat n'en a du desplaisir?  
L'Europe à son subiect se plaint contre les Par-  
ques,

Autant que si leurs lacs estoient venus saisir  
Quelqu'un de ses Monarques.

Le voy comme le Ciel pour soulager son dueil  
Veut que tout l'univers à ces sousspirs responde,  
Et pour t'en exempter, ordonne à son cercueil  
Les pleurs de tout le monde.

Toutesfois tous ses cris sont des soins superflus,  
Nos plaintes dans les airs sont vainement poussees?  
Un homme enseuely ne considere plus,  
Nos yeux ny nos pensees.

Sçachant qu'il a réduit qu'on doit aux Autels,  
Tu dois estre assuree de sa beatitude,  
Ou ton esprit troublé croit que les Immortels  
Sont pleins d'ingratitude.

Tes importuns regrets se rendront criminels,  
Ton Pere en son repos ne trouuera que peine;  
Puis qu'il semble estre admis aux plaisirs eternels.

Pour te mettre à la geine.

Le mal deuient plus grand lors que nous l'irri-  
rons:

Reuient dans les plaisirs que la ieunesse apporte

C'est un grand bien de voir fleurir les reiettons,

Lors que la souche est morte.

Vn homme de bon sens se moque des malheurs,

Il plaint esgallement sa seruante & sa fille,

Ils ne versa iamais vne goutte de pleurs

Pour toute sa famille.

Après i'estre affligé pense à se resiouyr

Qui t'a fait la douleur i'a laissé les remedes,

Il ne te reste plus que de sçauoir iouyr

Des biens que tu possedes.

Arreste donc ces pleurs vainement respandus,

Laisse en paix ce destin que tes douleurs detestent

Il faut apres ces biens que nous auons perdus

Sauuer ceux qui nous restent.

## STANCES.

**D**Ans ce temple, où ma passion,  
Me meit dedans le cœur les beautez de Ma-  
dame,

Je bannissois l'Amour encore que sa flame,

Destournast ma deuotion.

Au lieu de penser à nos Dieux,

J'adorois vous voyant l'image de Diane,

Et m'estimois heureux de deuenir profane,

En me consacrant à vos yeux.

Ce fut avec de mesmes traits

Que la mere d'Amour perça le cœur d'Anchi-  
se:



*Suis-je pas glorieux de donner ma franchise  
A la mercy de ses attraits?*

*A ce premier raiſſement*

*Mon ame triomphe de ſe ſentir bleſſee,  
Et l'Anſel m'eust deſſeu d'oſter à ma penſee  
L'entretien d'un ſi doux tourment.*

*Me deust le Ciel faire perir,  
Je meſure ma peine avec mes annees,  
Et l'amour ſe ſaiſt fort d'oſter aux deſtinees  
La puiſſance de me guerir.*

*Au point que ceſte ardeur m'a mis,  
Mon ſuperbe bon-heur ſe mocque de l'enuie,  
Et quelque mal qui vienne à menacer ma vie  
Je me ris de mes ennemis.*

*Tout ce monde pourſuiuans  
Me font perſeuerer avec plus de ioye,  
Ce renompeé Iaſon n'eust iamais eu ſa proye,  
S'il eust craint la mer ny les vens.*

*Soubs l'aſpice de voſtre loy  
Il n'eſt point de grandeur que mon eſprit ne braue,  
Et le meſme accident qui me fait eſtre eſclau,  
Il me ſemble qu'il m'a ſaiſt Roy.*

## ELEGIE A VNE DAME.

**S**I voſtre doux acueil n'eust conſolé ma  
peine,  
M'n ame languifſoit, ie n'auois plus de  
veine,

Ma fureur esteit morte & mes esprits conuerts  
 D'une tristesse sombre auoient quitté les vers.  
 Ce mestier est pensible, & nostre sainte estude  
 Ne cognoist que mespris, ne sent qu'ingratitude,  
 Qui de nostre exercice ayme le doux Foucy,  
 Il hayt sa renommee & sa fortune aussi,  
 Le sçauoir est honteux, depuis que l'ignorance  
 A versé son venin dans le sein de la France,  
 Auicourd'huy l'injustice a vaincu la raison,  
 Les bonnes qualitez ne sont plus de saison,  
 La vertu n'eust iamais vn siecle plus barbare,  
 Et iamais le bon sens ne se treuua si rare,  
 Celuy qui dans les cœurs met le mal ou le bien,  
 Laisse faire au destin sans se mesler de rien;  
 Non pas que ce grand Dieu qui donne l'ame au  
 monde  
 Ne trouue à son plaisir la nature seconde-  
 Et que son influence encore à pleine mains,  
 Ne verse ses faueurs dans les esprits humains,  
 Parny tât de fuseaux la Parque en sçait retordre  
 Où la contagion du vice n'a sçeu mordre,  
 Et le Ciel en fait naistre encore infinité,  
 Qui retiennent beaucoup de la diuinité,  
 Les bons entendemens, qui sans cesse trauaillent  
 Contre l'erreur du peuple, & iamais ne defaillent.  
 Et qui d'un sentiment hardy, graue & profond,  
 Viuent tout autrement que les autres ne font,  
 Mais leur diuin genie est forcé de se feindre,  
 Et les rend malheureux s'il ne se peut estraindre.  
 La coustume & le nombre autorise les sors,  
 Il faut aymer la cour, rire des mauuais mois,  
 Acoster un bruslal, luy plaire, en faire estime:  
 Lors que cela m'aduiuent ie pense faire un crime  
 L'en suis tout transporté, le cœur me bat au sein,  
 Je ne croy plus auoir l'entendement bien sein.

Et pour m'estre soüillé de cest abord funeste,  
 Je croy long iemps après que mon ame a la peste,  
 Cependant il faut viure en ce commun malheur,  
 Laisser à part esprit, & franchise & valeur,  
 Rompre son naturel, emprisonner son ame,  
 Et perdre tout plaisir pour acquerir du blasme:  
 L'ignorant qui me iuge vn fantasque resueur,  
 Me demandant des vers croit me faire saueur.  
 Blasme ce qu'il n'entend, & son ame estourdie  
 Pense que mon sçauoir me vient de maladie.  
 Mais vous à qui le Ciel de son plus doux flambeau  
 Inspira dans le sein tout ce qu'il a de beau,  
 Vous n'auex point l'erreur qui trouble ces infu-

mes,  
 Ny l'obscure fureur de cés beutales ames,  
 Car l'esprit plus subtil e ses plus rares vers,  
 N'a point de mouuemens qui ne vous soïent ouuers:  
 Vous aux vn genie à voir dans les courages,  
 Et qui cognoist assez mon ame & mes ouurages,  
 Or bien que la façon de mes nouueaux escrits,  
 Differe du travail des plus fameux esprits,  
 Et qu'ils ne suivent point la trace accoustumee,  
 Parou nos escriuains cherchent la renommee:  
 J'ose portant pretendre à quelque peu de bruit  
 Et croy que mon esprit ne sera point sans fruit,  
 Vous me l'auex promis, & sur ceste promesse,  
 Je fausse ma promesse aux vierges de Permesse  
 Je ne veux reclaimer ny Muse, ny Phebus,  
 Grace à Dieu bien guery de ce grossier abus,  
 Pour façonner vn vers que tout le monde estime  
 Vostre contentement est ma dernière lime:  
 Vous entendez le poid, le sens, ra liaison,  
 Et n'auex en iugeant pour but que la raison;  
 Aussi mon septiment à vostre aduen se range,  
 Et ne reçoit d'autrui ny blasme ny loizange.

Imite qui voudra les merueillès d'autrui.  
 Malherbe a tres-bien fait, mais il a fait pour luy  
 Mille petits voleurs l'escorchent tout en vie:  
 Quant à moy ces larcins ne me font point d'enuie:  
 J'approuue que chacun escriue à sa façon,  
 J'ayme sa renommee & non pas sa leçon,  
 Ces esprits mendiants d'une vaine infertile,  
 Prennent à tous propos sa rime ou son style,  
 Et de tant d'ornemens qu'on trouue en luy si beaux  
 Jeignent l'or & la soye, à de vilains lambeaux,  
 Pour paroistre auioird'huy d'aussi mauuaise grace  
 Que parut autresfois la corneille d'Horace,  
 Ils trauaillent vn mois à chercher comme à fils  
 Pourra s'apparier la rime de Memphis,  
 Ce liban, ce turban, & ces riuieres mornes,  
 Ont souuent de la peine à retrouver leurs bornes  
 Cest effort tient leurs sens dans la confusion,  
 Et n'ont iamais vn rais de bonne vision,  
 I'en cognois qui ne font des vers qu'à la moderne  
 Qui cherehent à midy Phebus à la lanterne,  
 Graitent tant le François qu'ils le deschirent tout,  
 Blasmant tout ce qui n'est facile qu'à leur goust,  
 Sont vn mois à cognoistre en tastant la parole,  
 Lors que l'accent est rude ou que la rime est mole  
 Veulent persuader que ce qu'ils font est beau,  
 Et que leur renommee est franche du timbeau,  
 Sans autre fondement, sinon que tout leur aage,  
 S'est laisse consumer en vn petit ouurage,  
 Que leurs vers dureront au monde precieux,  
 Pource qu'en les faisant ils sont deuenus vieux:  
 De mesme l'Areignee en filant son ordure,  
 Vse toute sa vie & ne fait rien qui dure.  
 Mais cet autre Poëte est bien plein de ferueur.  
 Il est blesné, transi, solitaire, resueur,  
 La barbe bien peignée, vn oeil bruslant & cane.

Un front tout renfrongné, tout le visage haue,  
 Abane dans son lict, & marmotte tout seul,  
 Comme un esprit qu'on oit parler dans un linceul.  
 Grimasse par la rue, & stupide retarde  
 Ses yeux sur un objet fan, voir ce qu'il regarder  
 Mais desia ce discours m'a porté trop auant.  
 Je suis bien pres du port, ma voile a trop de vent  
 D'une insensible ardeur peu à peu ie m'esleue,  
 Commencant un discours que iamais ie n'acheue,  
 Je ne veux point unir le fil de mon subiect,  
 Diuersement ie laisse & reprens mon objet.  
 Mon ame imaginant n'a point la patience  
 De bien polir les vers & ranger la science,  
 La reigle me desplait, i'escris confusément,  
 Iamais un bon esprit ne faict rien qu'aisément;  
 Autre fois quand mes vers ont animé la Seine  
 L'ordre où i'estois contrainct m'a bien faict de la  
 peine,

Ce trauail importun m'a long temps martyré,  
 Mais en fin grace aux Dieux ie m'en suis retiré.  
 Peu sans faire naufrage & sans perdre leur ourse  
 Se sont auanturez à ceste longue course;  
 Ily faut par miracle estre fol sagement,  
 Confondre la memoire avec le iugement,  
 Imaginer beaucoup, & d'une source pleine,  
 Puiser tousiours des vers d'as une mesme veine.  
 Le dessein se dissipe, ou change de propos,  
 Quand le stile a gousté tant soit peu le repos,  
 Donnant à tels efforts ma premiere furie,  
 Iamais ma veine encor ne s'y trouua tarie:  
 Mais il me faut resoudre à ne la plus presser,  
 Elle m'a bien seruy, ie la veux caresser,  
 Luy donner du relasche, entretenir la flamme  
 Qui de sa ieune ardeur m'eschauffe encor l'ame,  
 Je veux faire des vers qui ne soient pas contraincts,

Promener mon esprit par des petits desseins,  
 Chercher des lieux secrets où rien ne me desplaist  
 Médier à loisir, resuer tout à mon aise,  
 Employer toute une heure à me mirer dans l'eau,  
 Ouyr comme en songeant la course d'un ruisseau,  
 Ecrire dans le bois, m'interrompre, me taire,  
 Composer un quatrain sans songer à le faire,  
 Apres m'estre esgayé par ceste douce erreur,  
 Je veux qu'un grand dessein rechauffe ma fureur,  
 Qu'un œuvre de dix ans me tienne à la crainte,  
 De quelque beau Poëme, où vous serez depeinte  
 Là, si mes volontez ne manquent de pouvoir,  
 J'auray bien de la peine en ce plaisant devoir,  
 En si haute entreprise où mon esprit s'engage,  
 Il faudroit inventer quelque nouveau langage,  
 Prendre un esprit nouveau, penser & dire mieux  
 Que n'ont jamais pensé les hommes & les Dieux  
 Si ie parviens au but où mon dessein m'appelle,  
 Mes vers se moqueront des ouvrages d'Apelle.  
 Qu'Heleine resuscite elle aussi rougira,  
 Par tout ou vostre nom dans mon ouvrage ira  
 Tandis que ie remets mon esprit à l'eschole,  
 Obligé dès long-temps à vous tenir parole,  
 Voicy de mes escrits ce que mon souvenir,  
 Desireux de vous plaire en a peu retenir.

---

**I**E pensois au repos, & le celeste feu,  
 Qui me fournit des vers s'allantissoit un peu:  
 Lors que le messager qui m'a rendu la lettre,  
 Dans ma premiere ardeur m'est venu tout remettre,  
 J'ay d'abord a peu pres deviné ton dessein,  
 Et de lors que mes yeux ont recogneu ton sein,  
 Mon sang s'est rechauffé, les vers m'ont picqué l'ame

Et de leur propre esclat m'ont ietté de la flamme,  
 Clairac en est esmeu, son fleuve en a grossi,  
 Et dans ce peu de temps que ie t'escriu cecy,  
 D'autant qu'à ta faueur il sent flatter son onde,  
 Lot s'est rendu plus fier que riuere du monde,  
 Le desbord insolent de ses rapides eaux,  
 Courrant avec orgueil le faiste des roseaux,  
 Fait t'aire nos molins, & sa grandeur farouche  
 Ne scauroit plus souffrir qu'un auiron le touche  
 Dans l'excès de la ioye où tu le viens rair,  
 Ce torrent glorieux ne daigne plus servir:  
 Il l'ayme de l'honneur qu'il rend à ta caresse,  
 Et luy veut faire parnaux Autels que ie dresse,  
 Refuant sur son riuage apres tes beaux escrits,  
 Tout à coup dans l'obiet d'un penser qui m'apris  
 Il disois en voyant comme son flot se pousse  
 Ainsi va la fureur d'un Roy qui se courrouce.  
 Ainsi mes ennemis contre moy furieux,  
 M'ont rendu sans subiect le sort iniurieux.  
 Et si loing estenda leur orgueilleux range,  
 Qu'à peine sur les monts ay-ie ven du ravage,  
 Men exil ne scauroit ou trouuer seureté,  
 Par tout mil accidens choquoient ma liberté.  
 Quelques desers affreux, ou des forests suantes  
 Rendent de tant d'humeur les campagnes puantes  
 Ont esté le sejour, ou le plus doucement.  
 J'ay passé quelques iours de mon bannissement.  
 Là vraiment l'amitié d'un Marquis favorable  
 Qui n'eust iamais horreur de mon sort, deplorable,  
 Divertit mes soucis, & dans son entretien,  
 Il trouuay du bon sens qui consola mien,  
 Autrement dans l'ennuy d'un lieu si solitaire,  
 Où l'esprit ny le corps ne trouuent rien à faire.  
 Où le plus Philosophe avecques son discours  
 Ne scauroit sans languir auoir passé deux iours.

Le chagrin m'eust saisi dans vne grande chere,  
 Qui deux fois chaque iour enchanioit ma misere.  
 Car ie n'ay sceu trouuer de l'humeur dont ie suis,  
 Vn plus present remede à chasser mes ennuy:  
 Et si comme tu dis vous auez tous enuie  
 De me faire passer vn iour de douce vie,  
 Appreste des bon vins: mais i'en prends point d'au-  
 truy,

Car ie sçay que ton Pere en a de bon chez luy.  
 Il m'a bien obligé du salut qu'il m'enuoye,  
 Dis luy que cest honneur m'a tout comblé de ioye,  
 Et qu'un pauvre banny ne croyoit pas auoir  
 Ceste prosperité que tu m'as fait sçauoir:  
 Ainsi t'ayme le Ciel, & iamais la disgrace,  
 Ne frappe ton destin, ny ce uy de ta race.  
 Si mon malheur s'appaise & qu'il me soit permis  
 De refaire ma vie auccq es mes amis,  
 Je verray de quel œil tu verras mon passage:  
 Et que ces vers t'en soient vn assésuré message:  
 Possible auan: qu'un mois ay acheué son cours  
 Le Soleil me rendra ses agreables iours,  
 Je croy que ce printemps doit chasser mon orage,  
 Mon mauuais sort vaincu flattera mon courage  
 Et perdant tout espoir de m'abatre iamais  
 Tout confus il viendra me demander la paix;  
 Et quand mon iuste Roy n'aura plus de cholere  
 Qui m'a persecuté taschera de me plaire,  
 Lors pour toute vengeance quoy qu'ils ayent tas-  
 ché.

Je diray sans mentir qu'ils ne m'ont point fasché  
 Et qu'un exil si plein de danger & de blasme,  
 Ne m'a point fui changer le visage ny l'ame.  
 Ceux avec qui ie vis sont estonnez souuent  
 De me voir en mon mal aussi gay que deuant:  
 Et le malheur fasché de ne me voir point triste,

Ignora



Ignore d'où me vient l'humour qui luy résiste.  
C'est l'ame dont le Ciel a voulu me munir,  
Contre tant d'accidents qui me devoient venir  
Autrement un tissu de tant de longues peines  
M'eust gelé mille fois le sang dedans les veines,  
Mon esprit dès long-temps fust réduit en vapeur  
S'il eust peu concevoir une vulgaire peur  
Mon ame de frayeur fut elle point faillie,  
Lors que Panat me fit sa brutalle saillie!  
Que les armes au poing accompagné de deux  
Il me fit voir la mort en son teint plus hideux?  
Je croyois bien mourir, il le croyoit de mesmes  
Mais pour cela le front ne me devint point blesmé.  
Ma voix ne changea point, & son fer inhumain  
A me voir si constant luy trembloit à la main,  
Encore un accident aussi mauvais ou pire,  
Me plongea dans le sein du poissonneux Empire,  
Au milieu de la nuit, ou le front du Croissant,  
D'un petit bout de corne à peine apparoissant,  
Sembloit se retirer & chasser les tenebres,  
Pour ietter plus d'effroy dans des lieux si funebres,  
Lune rompt ton silence, & pour me démentir,  
Reproche moy la peur que tu me vis sentir,  
Que deus-je devenir un iour que le tonnerre,  
Presque deffous mes pieds vint ballier la terre?  
Il brusla mes voisins, il me courut de feu  
Et si pour tout cela ie le cognois bien peu.  
Mais vraiment ce discours te doit sembler étrange  
Et tu vois que ces vers sentent trop ma loüange.  
Tu m'as mis sur ce train, ie te veux imiter,  
Et comme tu l'as fait i'escriis pour me flatter.  
A Dieu, ne reuiens plus solliciter ma veine;  
J'ay fait à ce matin ces vers tout d'un haleine,  
Et pour me divertir au desir de la Cour,  
Depuis peu i'en escriis d'autant plus chasque iour.

*Je finis un travail! que ton esprit qui gouste  
 Les doctes sentiments, trouvera bon sans doute:  
 Ce sont les saincts discours d'un fauoray du Ciel,  
 Qui trouua le poison aussi doux que le miel,  
 Et qui dans la prison de la Cité d'Athenes  
 Vein lascher sans regret & sa vie & ses chenes:  
 Ainsi quand il faudra nous en aller à Dieu  
 Pussions nous sans regret abandonner ce lieu:  
 Et voir en attendant que la fortune m'ouure  
 L'ame de la faueur & le porteil du Louure.*

**Q**uand la Diuinité qui formoit ton essence  
 Veid arriuer le temps au point de ta naissance  
 Elle choisit au Ciel son plus heureux flambeau,  
 Et mit dans un beau corps un esprit assez beau,  
 La trempe que tu pris en arriuant au monde  
 Estoit du feu, de l'air, de la terre & de l'onde,  
 Immortels Elemens, dont les corps si diuers  
 Estrangement meslez font un seul Vniuers,  
 Et durent enchainez par les liens des ames,  
 Selon que le destin a mesuré nos trames,  
 Triste condition, que le sort plus humain  
 Ne pou. peut assurer au soir d'estre demain.  
 Ainsi te mit nature au cours de la fortune,  
 Aussi subiect que tous a ceste loy commune,  
 D'un naturel fragile, & qui se vient ranger  
 A quel point que l'humeur le force de changer  
 Impatient, ta. dis, iniurieux, affable,  
 Despit eux, complaisant, malicieux, aymable,  
 Serf de tes passions, & d. commun soucy.  
 Des vices des mortels, & des vertus aussi:  
 N'attens point qu'en ton nom honteusement i'es-  
 crive,  
 Ce qui ne fut iamais sur la Troyenne rine,  
 Que ie t'appelle Achile, & que tu sois vanté,

Par tant de faux exploits qu'on a iadis chanté:  
Ces Poëtes resueurs par leur plume hypocrite,  
De tous ces vieux Heros ont trompé le merite, }  
Et sans aucun effort laissant mille tesmoins,  
Il nous en disent plus, mais en font croire moins:  
Car au rapport trompeur d'un demy Dieu qu'en  
nomme,

Je douteray s'il fut tant seulement un homme:  
Mon esprit plein d'amour, & plein de liberté,  
Sans fard & sans respect, s'escri la verité,  
Et sans aucun dessein d'offencer ou de plaire,  
le fais ce que mon sens me conseille de faire,  
l'escrirois le Demon qui du train de tes iours,  
Si difficilement guidoit le ieune cours,  
Et l'astre dont tu vis la haine si puissante,  
Opposer tant d'effort à ta vertu naissante:  
l'escrirois mon destin, avant le doux moment,  
Que pour te faire cerf le Ciel le fit amant:  
Mais nostre ieune temps laisse aussi peu de marque,  
Que le vol d'un oyseau, ou celui d'une barque,  
Et les traits de ses ans confusement passez  
Pesent au souuenir s'ils n'en sont effacez,  
Laisant ces iours perdus iusqu'aux premieres for-  
ces,

Que l'amour vient tenter de ses douces amorces:  
Mes vers ne discourront que depuis le bon iour  
Que tu vins ranger à l'empire d'amour,  
Et suyuant ta fureur, tu penseras peut estre,  
Que des lors seulement tu commenças à naistre  
Que tu ne fus viuant, ny d'esprit, ny de corps,  
Que depuis qu'un bel œil te donna mille morts,  
Les aimables attraitz, dont les yeux d'une Dame  
Furent bien tost vainqueurs, & l'amour qui te  
prit,

Au lieu de te desplaire obligea ton esprit  
 Ton naturel ployable à la premiere atteinte,  
 Souspira son tourment d'une si douce plainte,  
 Et si modestement permit d'estre arresté,  
 Qu'il sembla que tes fers estoient ta liberté;  
 Tant le sort de ta vie autrement malheureuse  
 Se trouue pour ton bien de nature amoureuse.  
 En ce destin les maux que le Ciel a versez,  
 Dans l'erreur de tes iours sans cesse trauersez,  
 Ont trouué leur remede, & n'est peine si forte,  
 Que par luy ton esprit legerement ne porte.  
 Quand le poison d'amour i'eut une fois charmé  
 Contre tout autre effort tu fus assez armé,  
 Toute autre passion au prix mouffe & legere,  
 Depuis ne fut en toy que foible & passagere,  
 Depuis pour viure esclaué au ioug d'une beauté,  
 Ton ame ne fut plus qu'amour, que loyauté:  
 Celle qui gouvernoit ta captiue pensée  
 Dissimuloit le coup dont elle fut blessée:  
 La honte, & le deuoir, & ce fascheux honneur,  
 Ennemis coniuerez de tout nostre bon heur,  
 De contraintes froideurs desespéroient son ame,  
 Quand ton obiet pressant sollicitoit sa flame,  
 En ses regards forcez son amour paroissoit,  
 Et par la resistance heureusement croissoit.  
 Tes yeux dont la fureur auoit changé l'usage,  
 Languissoient estonnez aupres de son visage,  
 Son visage & le tien plus blanc, frais & vermeil  
 Que le teint de l'aurore, & le front du Soleil.  
 Elle estoit à tes yeux plus agreable encoré,  
 Que deuant le Soleil ne fut iamais l'Aurore.  
 Vostre obiet en son sexe esgallement pouuoit  
 Se dire le plus beau que la nature auoit,  
 Et les traits de ta face aujour d'huy, que l'iniure

Du temps qui change tout à changé ta figure,  
Vniquement parfaits, sont punis d'un amour,  
A qui mille beautés font encores la Cour.  
Quelle deust estre alors, & combien plus prisee  
Ta face que le poil n'auoit point desguisee,  
En sa ieune vigueur, conforme au ieune obiet  
De la premiere beide à qui tu fus subiect.  
Tu meritois beaucoup, & si l'amour auare,  
Eust frustré ton espoir, il eust esté barbare,  
Indigne que iamais à son sacré brasier  
Aucun amant portast le myrrhe & le rosier.  
Mais ce Dieu pour t'oster tout subiet de te plaindre  
L'a voulu avec toy de mesmes nœuds estraindre,  
De mutuelle ardeur son esprit enflamma,  
Et rangea ton amour au point qu'elle t'ayma.  
D'un semblable desir vous taschiez à vous plaire,  
Ce que l'un desseignoit l'autre le vouloit faire:  
Vous lisez dans vos fronts ce que vos cœurs di-  
soient,  
Et de mesmes propos vos ames diuisoient:  
Alors qu'impatient en ta flamme excessiue  
Tu blasmois le refus de son amour craintiue,  
Son cœur plus que le tien de martyre souffroit,  
Te refusant du corps ce que l'ame t'offroit,  
Ta qualité de marque, aucunement estrange,  
A son sang populaire & tiré de la fange,  
Nyoit à son esprit les bien-heureux accords,  
Qui ioignent sous l'hymen deux esprits & deux  
corps,  
Et ce titre d'espoux, honteux aux ames fortes,  
Que par despit du Ciel & de l'amour tu goustes,  
Duisoit mal à ton aage, & pour vous allier,  
Il eust fallu la terre au Ciel apparier.  
Quelquesfois en riant tu m'as compté la feste.  
Que pour vostre noçage l'on pensoit toute preste

Lors

Lors que sa parente ridicule, esperoit,  
 Qu'un accord entre vous ferme demeureroit,  
 Elle qui seulement d'Amour fut insensee,  
 Ne s'entreteint iamais de si folle pensee:  
 Mais contre le destin avec toy se plaignoit,  
 Qu'à vos desirs esgaux le rang ne se ioignoit.  
 Il est vray qu'en l'effort de ceste aage extreme,  
 Tu pouuois oublier & ta race & toy-mesme,  
 Et l'amant qui troublé de tel empeschement,  
 Se destourne d'aymer, ayme trop laschement.  
 Mais tu scauois qu'amour meurt en la iouissance:  
 Qu'il nous trauaille plus, moins il a de licence.  
 Qu'en des baisers permis ceste vertu s'endort,  
 Et que le liét d'Hymen est le liét de sa mort.

**D**Esia trop longuement la paresse me flatte,  
 Et ie sens qu'à la fin elle deuiet ingratte,  
 I'ay donné trop de temps à mon propre plaisir,  
 Pour trop de liberté i'ay manqué le loisir,  
 Je veux effrontement avecques mon-salaire,  
 Nourrir à tes depens le foucy de me plaire.  
 Je ne puis estre esclau & viure en te seruant,  
 Comme'un Maistre d'hostel, Secretaire, ou suiuant.  
 Telle condition veut vne humeur seruile,  
 Et pour me captiuer elle est un peu trop vile,  
 Mais puis que le destin à trahy mon esprit,  
 Et que loing du Perou la fortune me prit,  
 Je dois aymer mon ioug, m'y rendre volontaire.  
 Et dedans la contraincte obeyr & me taire:  
 C'est d'un iuste deuoir surmonter la raison,  
 Et trouuer la franchise au fonds d'une prison.  
 Or ie suis bien-heureux sous ton obeyssance,  
 En ma captiuité i'ay beaucoup de licence,  
 Et tout autre que toy-se lasseroit en fin,  
 L'auoir si librement un serf si libertin.

Le soing de te servir c'est ce qui moins m'afflige.  
Et l'honneur de te voir est ce qui plus m'oblige:  
Ton entretien est doux, agreable, & sçauant,  
Aux plus doctes discours qu'on peut mettre en a-  
uant.

Tes regards sont courtois, tes propos amiables,  
Ton humeur agreable, & tes mœurs sociables,  
Tes charges, tes maisons, tes qualitez, ton bien,  
Au prix de ta vertu, ie ne les prise rien.  
Estime ton merite il vaut mieux que le Gange,  
Tes richesses au prix sont de terre & de fange,  
Cela n'a point d'esclat aupres de ta valeur.  
Et mon poëme aussi n'emprunte rien du leur:  
La race, la grandeur, l'argent la renommee,  
Aux iugemens bien clairs n'est qu'ombre & que  
fume:

C'est un lustre pipeur, qui s'escoule, & qui fuit  
Avec l'entendement du brutal qui le suit.  
Je sçay que la nature a voulu que tu prirsses:  
Et le sang, & le nom d'une race de Princes:  
Mais quand bien les grands Roys, dont ce nom est  
fameux,  
L'auroient laissé bien riche, & florissant comme  
eux,

Si d'un esprit commun le Ciel i'auoit fait naistre,  
Je serois bien mal-ay de t'auoir eu pour maistre,  
Qu'un homme sans esprit est rude & desplaisant,  
Et que le ioug des sois est fascheux & pesant:  
Un sage a leur desir sans contraincte ne plie,  
Et iamaïs sans regret d'un tel nœud ne se lie:  
Un sot il est cruel, ingrat, impertueux,  
Tantost on le voit moine, & tantost furieux,  
Oblige sans subiect, mal à propos offence,  
Et qui ne fait iamaïs du bien quand il y pense,  
Son esprit ignorant ne peut r.en estimer,

Il n'a nulle raison, il ne sçait rien aymer:  
 Or il veut qu'on le tance, & tantost qu'on le loüe.  
 Tantost il fait du bruit, & tantost il se ioüe.  
 Il ne sçait qui le fasche, ou qui luy fait plaisir,  
 Et luy mesme en son cœur n'entend point son desir.  
 Mais d'un orgueil il farouche, & d'une ame insolente,

Il force tout deuoir, toutes loix violente,  
 Et ne peut accorder, tout ignorant qu'il est,  
 Qu'une chose soit bien que quand elle luy plaist:  
 Estre sçauant chez luy, c'est vne honte, un crime,  
 Il croit que c'est tout un qu'un charme ou qu'une rime.

Si Dieu m'auoit iamais à tel maistre donné,  
 Je pourrois bien iurer que ie serois damné,  
 Et croy que mes destins auroient moins le cholere,  
 De m'auoir attaché des fers d'une galere,  
 Bourellé comme ceux que tu voyois ramer,  
 Quand un si beau dessein te porta sur la mer.  
 Neptune est effroyable, il tempeste, il escume,  
 Sa fureur iusqu'au Ciel vusmit son amertume,  
 Trahit les plus heureux, & leur faict un cercueil  
 Tantost d'un banc de sable, & tantost d'un escueil.  
 Ses abois font horreur, & mesme en la bonace,  
 Par un silence affreux ce trompeur nous menace.  
 Il a deuant tes yeux faict blesmir les rochers,  
 Obscurcy le Soleil, & fendu les rochers:  
 De ses flots il faict naistre & mourir le tonnerre,  
 Et de son bruit hydeux gemir toute la terre:  
 L'image de la mort passe au trauers des flots,  
 Dans les cœurs endurcis des plus fiers matelots:  
 Ces frayeurs ne t'ont point esbranlé le courage,  
 On t'a veu tousiours ferme au plus fort de l'orage,  
 D'un iugement robuste au milieu du danger,  
 Tenir indifferent un sepulchre estrange,

Et



Et les lasches accens d'une voix estonnée,  
 Ne t'ont point fait gemir comme faisoit Aenee,  
 Bien que moins rudement Neptune l'assaillit,  
 Tout d'hors qu'il estoit, le cœur luy deffaillit,  
 Il eut peur de la mort, & se remit en l'ame,  
 Ses compagnons bruslez dans la Troyenne flame;  
 Enuia leur destin, & d'un esprit heureux,  
 Pour estre hors du peril, le nomma bien-heureux.  
 Se fust voulu rebattre avec l'ombre d'Achille,  
 Se plaignoit de suruiure aux cendres de sa ville,  
 Et de n'avoir l'honneur que ses os fussent mis,  
 Dans le tombeau de Troye où gisoient ses amis,  
 Iamais tes sentimens n'auront tant de malaise,  
 Quelque part de la terre où le Soleil te laisse.  
 Tu tiens esgaillement & propice, & fatal,  
 Ou la terre estrangere, ou le pays natal.  
 Halque ! ay du regret de n'avoir veu le monde,  
 Par où ta jeune ardeur te promena sur l'onde,  
 L'escrirois en beaux vers le climat, & le lieu  
 Où ton bras attaqua les ennemis de Dieu.  
 Je serois glorieux d'au. ir prins ton image,  
 A qui les mieux vantez viendroient faire un  
 hommage,  
 Tu me dois accorder deux heures de loisir,  
 Pour contenter icy mon curieux desir.  
 Me faire un long recit de toutes les traufferes,  
 Que t'ont fait tant de mers & de terres diuverses,  
 Je sçauray iusques où la ligne tu passas,  
 Les hommes que tu pris, les lieux que tu forças,  
 Et ce combat naval, où ton ardeur trop prompte,  
 Fit rongir tous les tiens de cholere & de honte,  
 I'ignore ces hazards, tu me diras que c'est,  
 Tu me diras comment un naufrage se fait,  
 Le sanglant desespoir dont le vaincu se ronge,  
 Et les dangers hydeux ou le soldat se plonge,

L'estas

L'estat qu'un homme libre apres que le destin,  
 Au comite cruel l'a donné pour butin,  
 Avec combien d'horreur il se range à la chaine,  
 Et force l'innocence à recevoir la peine.  
 A voir tous ces objets d'horreur & de pitié  
 Je croy qu'on en devient plus dur de la moitié,  
 C'est ce qui rend ainsi le marinier farouche,  
 Du mal de son prochain moins esmeu qu'une sou-  
 che:

Et sur nos passions nostre désir vainqueur,  
 En fin dispose à tout & les yeux, & le cœur,  
 Vne lente coustume avec le temps emporte,  
 De nostre naturel l'affection plus forte:  
 Mais ta douce nature, & ton cœur seulement,  
 De ces contagions n'est touché nullement.  
 Tu reuins tout cour cortois, si bien qu'en apparence,  
 Tu n'auois point passé les riuages de France.  
 Entre tes qualitez ceste douceur desprit,  
 Qui si facilement par l'oreille me prit,  
 Oblige plus que tout, un grand qui s'humilie,  
 Fais un ioug fort aisé dont le plus fier se lie.  
 Il ne faut qu'un soufrire, il ne te faut qu'un mot,  
 Affin d'enforceller & le sage, & le sot.  
 Ceux là de leur grandeur comme ie pense abusent,  
 Qui leur salut au moindre insolemment refusent,  
 Dans'une vanité qui les tient tous contrains,  
 Ne voyans ce qu'ils sont, qu'en l'esclat de leurs  
 trains.

Se trouuent estonnez perdant leur bonne mine,  
 Si leur suite ordinaire avec eux ne chemine;  
 Pour monstrier leur pouuoir d'un accent irrité,  
 Parlent à leurs suiuaunts avec autherité.  
 Il est bien raisonnable icy que ie te die,  
 Que ton esprit bien sain n'a point leur maladie:  
 L'Astre qui te fit naistre evita ce malheur,

L'Astre

Et suit un destin bien differend du leur:  
Ne crois point que ie mente à dessein de te plaire,  
C'est ce que ie n'ay point accoustumé de faire.  
Je fais le plus souvent mes discours trop hardis,  
Et pource qu'on me croit on hayt ce que ie dis,  
Bien-heureux aujourd'huy, que te voulant des-  
peindre,

Je ne suis obligé de faillir ou de feindre:  
Pour toy seul mon humeur qui suit la verité,  
Trouue de l'aduantage en sa severité.  
Vne iuste amitié m'excite le courage  
D'une incroyable ardeur en ce dernier ouvrage:  
Mon esprit glorieux s'attache à cét objet,  
Et tire vanité d'un si rare subiect.  
Ta vertu me ravit, & fait que mon poëme  
Seruant à ton plaisir m'obligera moy-mesme,  
Or pour le grand dessein où i'engage mes vers,  
Il faut que tes destins me soient mieux descouverts  
Que i'entre dans ton ame, & que de là ie tire  
La matiere du liure où ie te veux descrire:  
Mon travail sera long, & depuis ton berceau,  
Possible durera iusques à mon tombeau.  
Au rapport de mes vers, n'espere pas qu'on croye  
Que tu sois descendu du fugitif de Troye:  
Car mes inuentions sans prendre rien d'autrui,  
Te feront bien sortir d'aussi bon lieu que luy.  
Il fut un vagabond, & quoy qu'on le renomme,  
Je ne sçay s'il posa les fondemens de Rome:  
Le conte de sa vie est fort vieux & diuers,  
Virgile par luy mesme a desmenty ses vers,  
Il le depeint deuot, & le confesse traistre  
Vers l'amour que leurs Dieux recognoissent pour  
maistre.

Mais mon dessein n'est pas d'examiner icy  
Les deffauts du Troyen, ny du Poëte aussi.

Pleust à Dieu que des miens nos escriuains se taisent,

Et qu'à leur gout tardif mes ardeurs ne desplaisent;

Toutesfois mon renom n'aura que faire d'eux,

Pourueu que mon travail soit au gré de nous deux:

Si mes esprits lassez perdent iamais haleine,

Ton agreable accueil r'animera ma veine:

En me loüant un peu tu me feras plaisir,

Et me reschaufferas d'un plus ardent desir.

Vn regard de mespris me rebutte & me lasse,

Et mon sang le plus chaud en deuient tout de glace,

Donne moy du repos, & ne viens point choisir

A mes conceptions les lieux ny le loisir.

Ores j'ayme la ville, ores la solitude,

Tantost la promenade, & tantost mon estude:

Bref si tu me tiens pour un fascheux rimeur,

Tu souffriras un peu de ma mauuaise humeur.

## A MONSIEUR DV

### F A R G I S.

**I**E ne m'y puis resoudre, excuse moy de grace,  
 Escrivant pour autrui ie me sens tout de glace,  
 Je t'ay promis chez toy des vers pour un amant,  
 Qui se veut faire ayder à plaindre son tourment,  
 Mais pour luy satisfaire, & bien plaindre sa flamme,

Je voudrois parauant auoir cogneu son ame,  
 Tu sçais bien que chacun a des gousts tout diuers,  
 Qu'il faut à chaque esprit une sorte de vers.  
 Et que pour bien ranger le discours & l'estude,  
 En matiere d'amour ie suis un peu trop rude:

*Il faudroit comme Ouide auoir esté picqué?  
On escrit aysement ce qu'on a pratiqué.  
Et ie te iure icy sans faire le farouche,  
Que de ce feu d'amour aucun traitt ne me tou-*  
*che?*

*Ie n'entend point les loix, ny les façons d'aymer,  
Ny comment Cupidon se mesle de charmer:  
Ceste diuinité des Dieux mesme adoree,  
Ces traits d'or & de plomb, ceste trouffe doree,  
Ces aïles, ces brandons, ces carquois, ces appas,  
Sont vrayement un mystere où ie ne pense pas.  
La sotte antiquité nous a laissé des fables  
Qu'un hōme de bon sens ne croit point receuables,  
Et iama's mon esprit ne trouuera bien sain  
Celuy-là qui se plaist d'un fantosme si vain,  
Qui se laisse emporter à des confus mensonges,  
Et vient mesme en veillant s'embarasser de songes.  
Le vulgaire qui n'est qu'erreur, qu'illusion,  
Mesme des plus sçauants: mais non pas des plus sa-*  
*ges*

*Expliquent aujourd'huy ces fabuleux ombrages.  
Autresfois les mortels parloient avec les Dieux,  
On en voyoit pleuuoir à toute heure des Cieux:  
Quelquesfois on a veu prophétiser des bestes,  
Les arbres de Dodonne estoient aussi Prophetes.  
Ces comptes sont fascheux à des esprits hardis,  
Qui sentent autrement qu'on ne faisoit iadis,  
Sur ce propos un iour i'espere de t'escrire,  
Et prendre un doux loisir pour nous donner à rire,  
Cependant ie te prie encore m'excuser,  
Et me laisser ainsi libre à te refuser,  
Me permettre tousiours de te fermer l'oreille,  
Quand tu me prieras d'une faueur pareille,  
Pense tu quand i'aurois employé tout un iour,  
A bien imaginer des passions d'Amour,*

Que mes conceptions seroient bien exprimees  
 En paroles de choix, bien mises, bien rimees:  
 L'autre n'y trouueroit possible rien pour luy,  
 Tant il est malaisé d'escrire pour autrui.  
 Apres qu'à son plaisir i'aurois donné ma peine,  
 Je sçay bien que possible il loüeroit ma veine;  
 Vrayement ces vers sont beaux, ils sont doux &  
 coulants,

Mais pour ma passion ils sont un peu trop lents;  
 l'eusse bien désiré que vous eussiez encore  
 Mieux loüé sa beauté, car vraiment ie l'honore;  
 Vous n'auex point parlé du front, ny des cheveux,  
 Ny de son bel esprit seul objet de mes vœux:  
 Tant seulement six vers encor ie vous supplie,  
 Mon Dieu que de travail vous donne ma folie!  
 Il voudroit que son front fust aux astres pareil,  
 Que ie la fisse ensemble & l'Aube, & le Soleil,  
 Que i'escriue comment ses regards sont des armes,  
 Comme il verse pour elle un ocean de larmes.  
 Ces termes esgarez, offencent mon humeur,  
 Et ne viennent qu'au sens d'un nouice rimeur,  
 Qui reclame Phœbus, quant à moy ie l'abiure,  
 Et ne recognois rien pour tout que ma nature.

## SATYRE PREMIERE.

**Q**Vi que tu sois de grace escoute ma satyre,  
 Si quelque humeur ioyeuse autre part ne t'at-  
 tire,

Ayme ma hardiessse, & ne t'offence point,  
 De mes vers, dont l'aigreur utilement te point;  
 Toy que les Elemens ont fait d'air & de bouë,  
 Ordinaire subiect où le malheur se iouë.

Sçache

Sçache que ton filet que le destin ourdit,  
Est de moindre importance encor qu'on ne te dit.  
Pour ne le point flatter d'une diuine essence,  
Voy la condition de ta sale naissance,  
Que tiré tout sanglant de ton premier sejour,  
Tu vois engemissant la lumiere du iour,  
Ta bouche n'est qu'aux cris & à la faim ou-  
uerle,  
Ta pauvre chair naissante est toute descouuerte,  
Ton esprit ignorant encor ne forme rien,  
Et moins qu'un sens brutal sçait le mal & le  
bien.  
A grand peine deux ans t'enseignent un lan-  
gage,  
Et des pieds & des mains te font trouuer usage,  
Heureux au prix de toy les animaux des champs,  
Ils sont les moins bays, comme les moins mes-  
chans.  
L'oyselet de son nid à peu de temps s'eschappe,  
Et ne craint point les airs que de sō aïse il frappe:  
Les poissons en naissant commencent à nager,  
Et le poulet esclos chante, & cherche à manger.  
Nature douce mere à ces brutales races,  
Plus largement qu'à toy leur a donné des grâces;  
Leur vie est moins subiecte aux fascheux accidens  
Qui trauaillent la tienne au dehors & dedans:  
La beste ne sent point peste, guerre, ou famine,  
Le remors d'un forfait en son corps ne la mine;  
Elle ignore le mal pour en auoir la peur, —  
Ne cognoist point l'effroy de l'Acheron trompeur.  
Elle a la teste basse, & les yeux contre terre,  
Plus près de son repos, & plus loing du tonnerre:  
L'ombre des trespasses n'aigrit son souuenir,  
On ne voit à sa mort le desesperoir venir:  
Elle conte sans bruit & loing de toute enuie.

Le terme dont nature à limité sa vie,  
 Donne la nuit paisible aux charmes du sommeil,  
 Et tous les iours s'esgaye aux clartez du Soleil,  
 Franche de passiens, & de tant de traueses,  
 Qu'on voit au changemēt de nos humeurs diuerfes.  
 Et que veut mon Caprice, à ta raison desplaist,  
 Ce que tu trouues beau, mon œil le trouue laid:  
 Vn mesme train de vie au plus constant n'agrece,  
 La prophane nous fasche autant que la sacree.  
 Ceux qui dans les boubiers des vices empeschez  
 Ne suivent que le mal, n'ayment que les pechez,  
 Sont tristes bien souuent, & ne leur est possible,  
 De consommer vne heure en volupté paisible.  
 Le plus libre du monde est esclauē à son tour,  
 Seuenent le plus barbare est subiect à l'amour:  
 Et le plus patient que le Soleil esclaire  
 Se trouue quelquesfois emporté de cholere.  
 Comme Saturne laisse & prend vne saison;  
 Nostre esprit abandonne & recoit la raison,  
 Je ne sçay quelle humeur nos volonteiz maistrise,  
 Et de nos passions est la certaine crise:  
 Ce qui sert aujourd'huy nous doit nuire demain  
 On ne tient le bon-heur iamais que d'une main:  
 Le destin inconstant sans y penser oblige,  
 Et nous faisant du bruit souuent il nous afflige:  
 Les riches plus contans ne se sçauroient guarir  
 De la crainte de perdre & du soin d'acquérir.  
 Nostre desir changeant suit la course de l'age,  
 Tel est graue & posant qui fut iadis volage,  
 Et sa masse caduque esclauē du repos  
 N'ayme plus qu'à resuer, hait le ioyeux propos:  
 Vne salle vieillesse en desplaisir confitei  
 Qui tousiours se chagrigne, & tousiours se despite;  
 Voit tout à contrē-cœur, & ses membres casse,  
 Se rongent de regret de ses plaisirs passez,

Veut



*Veut trainer nostre enfance à la fin de la vie,  
De mesme sang boüillant veut estouffer l'enuie,  
Vn vieil Pere refueur aux nerfs tous refroidis,  
Sans plus se souuenir quel il estoit iadis,  
Alors que l'impuissance esteint sa conuoitise  
Veut que nostre bon sens reuere sa sottise,  
Que le sang genereux estouffe sa vigueur,  
Et qu'un esprit bien né se plaise à la rigueur.  
Il nous veut attacher nos passions humaines,  
Que son malade esprit ne iuge pas bien saines,  
Soit par rebellion, ou bien par vn erreur,  
Ces repreneurs fascheux me sont tous en horreur,  
L'approuue qu'un chacun suiuie en tout la nature  
Son Empire est plaisant, & sa loy n'est pas dure:  
Ne suiuant que son train iusqu'au dernier momēt  
Mesmes dans les malheurs on passe heureusement.  
Iamais mon iugement ne trouuera blasmable  
Celuy-là qui s'attache à ce qu'il trouue aymable,  
Qui dans l'estat mortel tient tout indifferēt,  
Aussi bien mesme fin à l'Acheron nous rend.  
La barque de Charon à tous ineuitable,  
Non plus que le meschant n'espargne l'equitable,  
Iniuste Nautonnier helas! pourquoy sers tu  
Auec mesme auiron le vice & la vertu?  
Celuy qui dans les biens a mis toute sa ioye,  
Et dont l'esprit auare apres l'argent aboye,  
Ou qu'il tourne la terre en refendant la mer,  
Ses nauires iamais ne puissent abysser:  
L'autre qui rien du tout que les grandeurs ne prise,  
Et qu'un vif aiguillon de vanité maistrise,  
Soit tousiours bien paré, mesure tous ses pas,  
S' imagine en soy mesme estre ce qu'il n'est pas,  
Qu'il fasse veoir vn sceptre à son ame auenglee,  
Et son ambition ne soit iamais reiglee:  
Cestuy-cy veut poursuire vn vain tilre de vër,*

Qui pour nous maintenant nous perd le plus souuents  
 Il s'attache à l'honneur, suit ce destin feneur,  
 Qu'une sotte coustume ignoramment reuerse:  
 De sa condition ie prise le bon-heur.  
 Et trouue qu'il fait bien de mourir pour l'honneur.  
 Vn esprit enragé qui voudroit voir en guerre,  
 Pour son contentement & le Ciel & la terre,  
 Ne respire brutal que la flame & le fer,  
 Et qui croit que son ombre estonnera l'enfer,  
 Qu'il empleye au carnage, & la force, & les char-  
 mes,

Et s'il corps nuit & iour ne soit vestu que d'armes;  
 Vne sauage humeur, qui dans l'horreur des bois  
 Des chiens avec le cor anime les abois.  
 Son dessein innocent heureusement poursuire,  
 Et la tranquillité de ceste peine oysie:  
 Qu'il travaille sans cesse à brosser les forests,  
 Et iamaïs le butin n'eschappe de ses rets.  
 Celuy d'une beauré d'inevitable amorce  
 Retient dans ses liens plus de gré que de force,  
 Qu'il se flatte en sa peine, & tasche à prolonger  
 Tes soucis qui te vont si doucement ronger,  
 Qu'il perde rarement l'obiet de ce visage,  
 Ne destourne iamaïs son cœur de ceste image,  
 Ne se souuienne plus du ieu, ny de la Cour,  
 N'adore aucun des Dieux qu'apres celuy d'amour:  
 N'aymer rien que ce ioug, & tousiours s'estudie  
 A tenir en humeur sa chere maladie,  
 Ne se trouble iamaïs d'aucun soupçon ialoux,  
 Se moque des acquests d'un impuissant espoux,  
 Qu'il se trouue allagé par la moindre caresse  
 Des fers les plus pesans dont sa rigueur le presse,  
 Sauue les mouuemens de ses affections  
 Ne tasche de brider iamaïs ses passions.  
 Si tu veux resister, l'amour te fera pire,

*Esta rebellion estendra son empire:*

*Amour a quelque but, quelque temps de durer,*

*Que nostre entendement ne peut pas mesurer:*

*C'est un fieux tourment, qui travaillant nostre  
ame,*

*Luy donne des accez & de glace & de flame,*

*S'attache à nos esprits comme la fieur au corps,*

*Jusqu'à ce que l'humeur en soit toute dehors,*

*Contre ses longs efforts la resistance est vaine*

*Qui ne peut l'euter il doit aymer sa peine,*

*L'esclau patient n'est qu'à demy dompté,*

*Il veut à sa contraincte vnir sa volenté.*

*Le sanglier enragé, qui d'une dent poinctue*

*Dans son gosier sanglant mort l'espieu qui le tuë*

*Se nuit pour se deffendre, & d'un aueugle effort*

*Se travaille luy mesme, & se donne la mort.*

*Ainsi l'homme souuent, s'obstine à se destruire*

*Et de sa propre main il prend peine à se nuire.*

*Celuy qui de nature, & de l'amour des Cieux*

*Entrant en la lumiere est nay moins vicioux,*

*Lors que plus son Genie aux vertus le' conuie,*

*Il force sa nature, & fait toute autre vie,*

*Imitateur d'autruy ne suit plus ses humeurs,*

*S'esgare pour plaisir du train des bonnes mœurs*

*S'il est n'ay liberal, au discours d'un auare*

*Il taschera d'esteindre une vertu si rare;*

*Si son esprit est haut, il le veut faire bas,*

*S'il est propre à l'estude, il parle des combats.*

*Je croy que les destins ne font venir personne*

*En l'estre des mortels qui n'ayt l'ame assez banno,*

*Mais on la vient corrompre, & le celeste feu*

*Qui luit à la raison ne nous dure que peu:*

*Car l'imitation rompt nostre bonne trame,*

*Et tousiours chez autruy fait demeurer nostre ame.*

*Je pense que chacun auroit assez d'esprit.*

*A qui ne sçait farder, ny le cœur, ny la face,  
L'imperitinnce mesme a souuent bonne grace.  
Qui suiura son genie, & gardera sa foy,  
Pour viure bien-heureux, il viura comme moy.*

---

# S A T Y R E

## SECONDE.

**C**Ognois-tu ce fascheux, qui contre la fortune  
Aboye impudemment comme vn chien à la  
Lune?

*Et qui voudroit ce semble en destourner le cours  
Par l'importunité d'un outrageux discours:  
D'une sottie malice en son ame ils s'afflige,  
Quand la faueur du roy ses fauoris oblige.  
Vn homme, dont le nom est à peine connu,  
D'un pays estrangier nouuellement venu,  
Que la fortune auengle en promenant sa rouë,  
Tira sans y penser d'une ornière de bouë  
Malgré toute l'enuie au dessus du malheur,  
D'un credit insolent gourmande la valeur:  
Et nous le permettons, & le François endure.  
Qu'à ses propres despens ceste grandeur luy dure.  
Nos Princes autresfois estoient bien plus hardis,  
Où se chache aujourd'huy la vertu de iadis?  
Apprends malicieux comme tu sçais mal viure,  
Qu'une fortune est d'or & que l'autre est de cuy-  
ure,  
Que le sort a des loix qu'on ne scauroit forcer,  
Que son compas est droit, qu'on ne le peut fauser.*

Nous venons tous du Ciel pour passer la terre,  
 La faueur s'ouvre aux uns, aux autres se reserve:  
 Vne necessité que le Ciel establit,  
 Deshonore les uns, les autres establit:  
 Vn ignoble souvent de riches biens herite,  
 L'autre dans l'hospital est tout plein de merite,  
 Pour trouver le meilleur, il faudroit bien choisir:  
 Ne crois point que les Dieux soient si pleins de loysir,  
 Encor si chaque infame estoit marqué d'un signe,  
 Qui de toutes vertus le fist trouver indigne,  
 Les Roys qui sous les Dieux disposent du bon heur,  
 Enrichiroient tousiours le merue & l'honneur:  
 Que si l'ame des Dieux est la mesme iustice,  
 Si ce qui leur desplaist porte le nom de vice,  
 Les Roys qui sont leurs fils & Lieutenans icy,  
 Peuvent iuger des bons, & des mauvais aussi.  
 Et sans flatter mon Roy ie trouue bien estrange  
 Qu'un vulgaire ignorant & tiré de la fange,  
 Contre sa maïesté se monstre iniurieux  
 Dessus ses actions portant l'œil curieux.  
 Quant à moy ie repete vne faueur bien mise  
 Enuers le plus chetif que le Roy fauorise,  
 Quoy que tousiours biē pauvre, & tousiours dedaigné  
 Sur mon esprit l'enuie encor n'ait rien gagné:  
 Qu'un homme de trois iours, de soye, & d'or se cou-  
 ure,  
 Du bruit de sa carrosse importune le Louure,  
 Qu'un estrangeur heureux se mocque des François  
 Qu'il ait mille suiuaus, pourueu que ie n'en sois,  
 Je leur fais ce souhait en mon humeur hardie,  
 Je ne crains point faillir, quoy que ma Muse die:  
 Ma liberté dit tout sans toutesfois nommer  
 Par vne vaine aigreur ceux que ie veux blasmer,  
 Aussi n'attends iamais que ie te face rix  
 D'un vers, que sans danger ie ne scaurois escrire.

Ceux

Ceux-là sont fols vrayemēt qui vèdēt un bon mor.  
 De cent coups de baston que fait donner un sot,  
 Esclaues imprudens de leur humeur mauuaise,  
 Ne sçauent mediter un vers qu'il ne desplaise,  
 Des pasquins contre aucuns ie ne composey,  
 Et ne scaurois souffrir des iniures aussi,  
 Le Dieu des vers m'inspire vne modeste flame,  
 Qui n'est propre à donner ny recenoir du blasme:  
 Ie hay la medisance & ne puis consentir  
 De gagner avec peine un triste repentir,  
 Chatū qui voit mes vers, s'il a les yeux d'un hōme  
 Cognoistra son portraict combien qu'on ne le nōme  
 Qui ne liēt ma satire, il n'en n'est pas tancē,  
 Plusieurs s'en fascheront à qui ie n'ay pensē.  
 Qui hait trop la laideur de son vitain visage,  
 Il ne deueroit iamais en regarder l'image:  
 Qui craint d'estre repris, il n'a qu'à se cacher  
 Et de là mon dessein n'est plus de le fascher.

## E L E G I E.

**C**Here Phillis, i'ay bien peur que tu meure:  
 Dans ce desert si triste où tu demoures.  
 Helas! quel sort te peut là retenir?  
 A quoy se peut ton ame entretenir?  
 Ta fantasie est-elle point passēe?  
 L'aurois tu bien encor en la pensēe:  
 Te souuient il de la Cour ny de moy?  
 Et de m'auoir iadis donnē ta foy,  
 S'il t'en souuient Phillis ie te coniure  
 Par tous les droicts d'amour & de nature,  
 Fais moy l'honneur de t'asseurer aussi  
 Que ie languis de mon premier soucy.

Si tu ſçauois à quel point de folie  
 M'a faiēt venir cette melancholie,  
 Si tu ſçauois à quoy ie ſuis reduict:  
 En quel travail mon ame eſt iour & nuict,  
 Quoy que t'ait dit de moy ta deſſiance,  
 Ta ialouſie ou ton impatience:  
 Tu m'aymerois, & ſçachant mes ennuis,  
 Tu me plaindrois en l'eſtat où ie ſuis;  
 Paſſe, deſfait, & ſec comme vne idole,  
 Changé d'humeur, de face, de parole:  
 Touſiours ie reſue en mon affliction,  
 Sans nul deſir de conſolation;  
 Ie ne veux point que perſonne s'employe  
 A r'animer mon eſprit ny ma ioye:  
 Car ſans ſe faire vn peu de trahiſon,  
 Ie ne ſçaurois chercher ma guarifon.  
 Puis qu'il eſt vray que ſ'ay cet aduantage,  
 Que mon ſeruice a gaigné ton courage,  
 Et que parmy tant d'aymables amans  
 Mon ſeul obiet touche tes ſentimens:  
 Ie ſerois bien d'un naturel barbare,  
 Bien moins cruel qu'un Scythe, qu'un Tartare,  
 Si ie n'aymois le bien de ton amour  
 Plus chèrement que la clarté du iour.  
 Le Ciei enuoye vn trait de ſon tonnerre,  
 Et ſoubs mes pieds faſſe creuer la terre:  
 Dés le moment qu'un ſort inſurieux  
 De ma memoire effacera tes yeux;  
 Helas comment trouueray-ie en ma vie  
 Quelque ſubiet qui m'en donnaſt enuie;  
 Quelle beauté me ſçauroit obliger  
 A diuertir ma flame, ou la changer,  
 Dedans la tienne ou loge ma fortune,  
 Venus a mis ſeſtrois Graces en vne  
 Amour luy meſme avec tous ſes attrais,

Comme

Comme il est peint dans les plus beaux pourtraits  
 Rapporte à peine une petite trace  
 Du vif esclat qui reluit dans ta face:  
 Et tes beaux yeux, où s'est lié mon sort,  
 Touchent les cœurs d'un mouvement si fort,  
 Que si le Ciel d'une pareille flamme  
 Nous inspirait sa volonté dans l'ame,  
 Tous les mortels d'une invincible foy  
 Obeyroient à la divine loy.  
 Ton front paroît, comme auprès de la nuë,  
 Paroît au ciel Diane toute nuë,  
 Plus vny qu'elle, & qu'on ne voit gaste  
 D'aucune tache empreinte en sa beauté,  
 Un teint vermeil, & fraus comme l'Aurore,  
 Lors qu'elle vient des riuages du More,  
 Sur ton visage a semé tant d'appas,  
 Qu'il faut t'aymer, ou bien ne te voir pas.  
 Amour sçachant de quels traits est pourueüe  
 Ceste beauté, s'est fait oster la veüe:  
 Il n'ose point hazarder ses esprits  
 A la mercy du charme qui ma pris:  
 Et tel qu'il est, imperieux & braue,  
 Il meurt de peur de devenir esclave.  
 O cher tiran des hommes & des Dieux,  
 Aueugle toy de grace encore mieux,  
 Demeure ainsi dans ta premiere crainte,  
 Et ne a vois iamais viue ny peinte:  
 Tu ne sçauois regarder un moment  
 De ses beautex l'ombre tant seulement,  
 Sans t'embrazer, sans trouver la ruyne  
 De ton Empire en leur flamme diuine.  
 Que si l'effort de ton cœur indompté  
 De ses appas sçauoit ta liberté,  
 Tu te plaindrois d'auoir l'ame trop dure,  
 Et mandirois ta force & ta nature:



Car le bon-heur d'aymer en si bon lieu,  
Passe la gloire: & le repos d'un Dieu.  
Que penses tu que le soleil est aysé,  
Lors qu'un rayon de sa clarté la baise?  
Lors que Phillis regarde son flambeau  
D'un air ioyeux, le iour en est plus beau:  
Et quand Phillis luy fait mauuais visage,  
Le iour est triste & chargé de nuage:  
L'air glorieux de former ses souspirs  
Entre en sa bouche avecques des zephirs  
Tous embaumez des roses de l'Aurore  
Et tous couuerts des richesses de Flore,  
Zephir doux vent, doux createur des lys,  
S'il te souuient encore de Phillis,  
Ranime-là, fais tant qu'elle reuienne  
Pour te baiser, & me laisse la mienne.  
Mais les discours qu'on nous a fait de toy,  
En mon esprit n'ont iamais eu de foy:  
Ton feint amour, tes fausses aduantures  
Ne sont que vent, & que vaines figures:  
Mais il est vray que ie suis bien atteint,  
Et que mon mal ne scauroit estre feint.  
Que pleust aux Dieux que le discours des fables,  
Trouuast en moy ses effets veritables,  
Et que le sort me voulust transformer  
En quelque obiet qui ne sceüst rien aymer:  
Que ie mourusse, ou qu'il me fust possible  
De deuenir vne chose insensible,  
Vn vent, vne ombre vne fleur, vn rocher,  
Qu'aucun desir ne peüst iamais toucher,  
O vous amans qui n'estes plus en vie,  
Esprits heureux qui n'estes plus en vie,  
Là bas voyant vos maux en vos erreurs,  
Vous trouuez bien plus douces vos fureurs,  
Tristes forçats qui remplissez ce gouffre,

Souffrez

Souffrez vous bien les peines que ie souffrez  
 Par les subiects des eternelles nuits.  
 Estes vous bien aussi morts que ie suis?  
 O mon fidelle & mon triste Genie,  
 Quand tu verras ma trame desunie,  
 Et que mon ame ira toucher les bords  
 De la riuiere où passent tous les morts;  
 Vole au desert où ma Phillis demeure,  
 Dy lui, qu'en fin le Ciel veut que ie meure.  
 Que la rigueur de mon iniuste sort  
 Consent en fin de me donner la mort,  
 Tu la verras peut estre vn peu touchée  
 Et de ma mort aucunement faschée,  
 Va donc Genie, il est temps de partir  
 Vois que mon ame est prestee de sortir.  
 Mais mon Genie arreste toy, ie refuse,  
 C'este douleur me donne vn pen de trefuse,  
 J'entends Phillis, son visage me rit,  
 Le souuenir de ses yeux me guerit,  
 Comment mourir; non reprenons courage,  
 Vn teint plus visf remonte en mon visage,  
 Ma force esteinte est prestee à s'animer,  
 Et tout mon sang vient à se r'allumer.  
 Amour m'esmeut, ie ne suis plus si blesme,  
 Phillis m'ayma que i'estois tout de mesme:  
 Car ie scay bien qu'encore elle verroit  
 En mes regards des traits qu'elle aymeroit.  
 Que si l'excez de ma douceur fatale  
 Rend quelquefois ce corps hydeux & pasle,  
 Cela, Phillis deueroit plus animer  
 Ce beau desir qui te pousse à m'aymer:  
 Mon mal me rend ainsi desagreable,  
 Pour trop aymer ie deuieus moins aymable.  
 Ton œil me rend, ou plus laid, ou plus beau,  
 Comme il m'aproche, ou tire du tombeau.

**E**N fin guery d'une amitié funeste,  
A mon esprit de/o:mais il ne reste  
Qu'un sentiment de iuste déplaisir,  
D'auoir l'anguy d'un si mauuais desir,  
Bien malheureux d'auoir dans la pensee  
Le souuenir de ma fureur passée,  
Qui fut honteuse, & dont ie m'en repens,  
Doresnauant plus sago à mes depens:  
Que si iamais mon iugement s'oublie,  
Iusqu'à r'entrer en semblable folie,  
Dieux qui vengez les crimes des humains,  
Punissez moy si vous auez des mains,  
Si vous auez pouuoir sur la tempeste,  
Ne la poussez ailleurs que sur ma teste,  
Et vous beaux yeux plus aymez que le iour,  
Qui remplissez tous mes esprits d'Amour,  
Pour penitence oëtroyez moy de grace,  
Mourant pour vous, que mon peché s'efface,  
Que ie prenne en vos diuins appas  
D'un lasche crime un glorieux trespas:  
Et quand mon ame en vos liens captiue  
Pour mieux souffrir obtiendra que ie viue,  
Que le regret d'auoir esté si sor,  
Et sans le bien de vous seruir plustost,  
Chaque moment reproche à mon courage  
Le deshonneur de mon premier seruage.  
Faiôtes le donc beaux yeux, ie le consens:  
Mais ie demande un mal que ie ressens:  
Ie suis desia dans ce supplice mesme.  
Prest de mourir depuis que ie vous ayme,  
Le souuenir d'auoir porté des fers,  
Si malheureux me tient dans les enfers.

A chaque fois que ce bel œil m'enuoye  
Ses doux regards pleins d'honneur & de ioye,  
Où Venus rit, où ses petits Amours  
Passent le temps à se baizer tousiours,  
Les vains souspirs d'une contraincte flame,  
Me font ainsi discourir en mon ame.  
Pauvre abusé que i'eus mauuais conseil,  
Que i'ay bien pris la nuit pour le Soleil;  
Que mon esprit fut autrefois facile,  
Et que l'erreur me trouua bien docile,  
Que se fus lourd, que ie fus insensé,  
Mon iugement en est tout offensé:  
Les faux attraits à qui ie fais hommage  
Qu'ont ils d'esgal à ce diuin visage?  
Ce n'est qu'horreur au pris de ta beauté,  
A qui ie viens donner ma liberté.  
Dieux que l'amour estoit bien en cholere,  
De m'obliger au soucy de luy plaire,  
Que mes destins sont bien mes ennemis,  
Qui m'ont irahy de me l'auoir permis.  
Vous qui m'estez ceste mauuaise enuie,  
Qui bannissez la honte de ma vie,  
Chere Amaranthe, à qui ie dou le bien  
D'auoir rompu cet infame lien,  
Gardez qu'amour ne me soit plus contraire,  
Que mon destin ne soit mon aduersaire.  
Dites aux Dieux, vous qui les gouvernez  
Et leur esprit en vos yeux retenez,  
Que si mon ame est encore capable  
D'un autre Amour si lasche & si coupable,  
Ils n'auront point de tonnerre si fort,  
Qui ne me donne une trop douce mort.  
Mais où l'a Amour trouuerait il des armes?  
Qu'elle beuuté luy fournira des charmes,  
Pour degager encore mes esprits

Dès beaux liens où ie demeure prié  
Autre que vous n'a rien que ie desire,  
Vous estes seule au monde que i'admire:  
Ie vous adore, & iure vos beaux yeux,  
Qu'un Paradis ne me plairait pas mieux.  
Que si mes vœux rendoient iamais possible  
Qu'à vos regards mon ame fust visible,  
Vous y verrez les plus beaux mouuemens  
Qu'amour iamais fist naistre à des amans,  
Vous y verriez la douce frenaisie  
Dont vous auez ma volon:é saisie,  
Mille pensers à vos yeux incogneus  
D'un grand respect iusqu'icy retenus:  
Vous y verriez un cœur sans artifice,  
Se presentant luy-mesme en sacrifice,  
Et qui se croit mourir assez heureux,  
Si vous croyez qu'il fist bien l'amoureux.  
Il est trop vray, ma peine est assez claire,  
Et c'est en vain que ie la pense taire.  
Qui ne cognoist à mes yeux languissans,  
A mes souspirs sans cesse renaissans,  
Qu'une fureur secrette me deuore,  
Que ie n'ay seu vous descouvrir encore?  
Bien que pressé de ne la plus celer,  
Aupres de vous ie ne sçurois parler.  
Ce que ie voy reluire en ce visage  
Me fait faillir la voix & le courage:  
Mais si ie puis iamais me r'asseurer,  
Ou si ie puis en fin moins souspirer,  
Ie parleray, ie vous diray ma peine,  
Qu'autre que moy iugeroit inhumaine:  
Mais que ie sens plus douce mille fois,  
Que ie ne croy la fortune des Roys.

**A**ussi souuent qu'amour faict penser à mon  
ame

Combien il mit d'attraits dans les yeux de ma Dame.

Combien c'est de l'honneur d'aymer en si bon lieu,  
 Je m'estime aussi grand & plus heureux qu'un Dieu,  
 Amaranthe, Philis, Caliste, Pasithee,  
 Je hay ceste moleste à vos noms affectee,  
 Ces titres qu'on vous faict auesques tant d'appas  
 Tesmoignent qu'en effect vos yeux n'en auoient pas.  
 Au sentiment diuin de ma douce furie,  
 Le plus beau nom du monde est le nom de Marie,  
 Quelque soucy qui m'ait enuelopé l'esprit,  
 En l'oyant proferer, ce beau nom me guerit,  
 Mon sang en est esmeu, mon ame en est touchée  
 Par des charmes secrets d'une vertu cachée:  
 Je la nomme tousiours ie ne m'en puis tenir,  
 Je n'ay dedans le cœur autre ressouvenir.  
 Je ne cognois plus rien, ie ne voy plus personne,  
 Pleust à Dieu qu'elle sceust le mal qu'elle me donne  
 Qu'un bon Ange voulust examiner mes sens.  
 Et qu'il luy rapportast au vray ce que ie sens,  
 Qu'amour eust prins le soing de dire à ceste belle,  
 Si ie suis vn moment sans sousspirer pour elle:  
 Si mes desirs luy font aucune trahison,  
 Si ie pensay iamais à rompre ma prison.  
 Je iure par l'esclat de ce diuin visage,  
 Que ie serois marry de deuenir si sage.  
 En l'estat où ie suis auengle & furieux,  
 Tout bon aduis me choque & m'est insurieux.  
 Quand le meilleur amy que ie pourrois auoir,  
 Touché du sentiment de ce commun deuoir,  
 Am'oster cest Amour employeroit sa peine,  
 Il n'auroit traouillé que pour gaigner ma hayne:

En

En telle bien-veillance un Dieu m'offenceroit,  
 Et ie me vengerois du bien qu'il me feroit.  
 Qui me veut obliger, il faut qu'il me trahisse,  
 Qu'il prenne son plaisir à voir que ie perisse.  
 Honor & mes fureurs, vantez ma lascheté,  
 Mesprisé deuant moy l'honneur, la liberté,  
 Consentez que ie pleure, aymez que ie souffire,  
 Et vous m'obligerez de plus que d'un Empire.  
 Mais non, reprochez moy ma honteuse douleur,  
 Dictes combien l'amour m'apporte de malheur,  
 Que pour un faux plaisir ie perds ma renommee,  
 Que mes esprits n'ont plus leur force accoustu-  
 mee,

Que ie deuiens fascheux, sans courage, & brutal:  
 Bref que pour cet amour tout m'est rendu fatal.  
 Faites le pour tuer l'ardeur qui me consume,  
 Car ie cognois qu'ainsi ma flamme se r'alume,  
 Plus on presse mon mal, plus il fuit au dedans,  
 Et mes desirs en sont mille fois plus ardans.  
 A l'aberd d'un censeur ie sens que mon martyre,  
 De depit & d'horreur dans mes os se retire.  
 Amour ne fait alors que renforcer ses traicts,  
 Et donne à ma maistresse encores plus d'attraits.  
 Ainsi ie trouue bon que chacun me censure,  
 Afin que mon tourment dauantage me dure.  
 Pour conseruer mon mal ie fais ce que ie puis,  
 Et me croyant heureux sans doute ie le suis:  
 Je ne recherche point de Dieux, ny de fortune,  
 Ce qu'ils font au deffaut, ou par deffus la Lune,  
 Pour le bien des mortels: tout m'est indifferent,  
 Excepté le plaisir que ma peine me rend.

Je croy que mon seruage est digne de loüange,  
 Je croy que ma maistresse est belle comme un Ange,  
 Qu'elle merite bien d'auoir lié ma foy,  
 S'il est vray que son ame ait de l'amour pour moy  
 Elle

Elle me l'a iuré, la promesse est un gage,  
 Où la foy tient le cœur avecque le langage.  
 Je suis bien peu deuot d'auoir quitié ses yeux,  
 Je suis trop nonchalant d'un bien si precieux.  
 Je ne deurois iamais esloigner ce visage,  
 Qu'apres que de mes sens i'auray perdu l'usage,  
 Aussi bien mes esprits loin de ses doux regards,  
 N'ont que melancholie, & mal de toutes parts.  
 Le seul ressouvenir des beautex de ma Dame,  
 Est l'unique entretien qui resiouyt mon ame,  
 Mais si les immortels me font iamais auoir,  
 Au moins auant mourir, l'honneur de la reuoir:  
 Quelque necessité que le Ciel me prescriue,  
 Quelque si grand malheur que iamais m'en ar-  
 rive,  
 Je me suis resolu d'attendre que le sort  
 Aupres de ses beautex fasse venir ma mort.  
 Si tandis ie souffrois le coup des destinees,  
 J'aurois bien du regret à mes ieunes annees,  
 Mon ombre ne feroit qu'iniurier les Dieux,  
 Et plaindre incessamment l'absence de vos yeux.

---

## E L E G I E.

**M**On ame est triste, & ma face abbatuë,  
 Le n'en puis plus, ta disgrace me tuë:  
 Croy que ie t'ayme, & que pour te fâcher,  
 J'ay ton plaisir & mon repos trop cher,  
 Que si ie viens iamais à te desplaire,  
 Je ne veux point que le Soleil m'esclaire,  
 Et si les Dieux ont si peu de pitié

Que



Que de m'oster un iour ton amitié,  
Il ne faut point d'autre coup de tonnerre,  
Pour me bannir du Ciel & de la terre.  
Hier pressé bien fort de ma douleur,  
En soupirant mon innocent malheur,  
Je suppliois Lisandre de te dire,  
Que ton courroux au desespoir me tire,  
Et si bien tost il ne s'en va cesser,  
Tu n'auras plus à qui te courroucer:  
Car mon esprit consommé de ta hayne  
Ne peut souffrir dauantage de peine.  
Sans plus de mal, se cognois bien pourquoy,  
Ton doux regard s'est destourné de moy,  
Et que ma faute est assez pardonnable,  
Ou tu rentras ton amitié coupable,  
Toy donc de grace, auant que te venger,  
Que ton amour, ou mon crime est leger,  
Que i'ay du droict assez pour me deffendre.  
Si tu ne prens plaisir de me reprendre:  
Car en tel cas ie me veux accuser,  
Et mon pardon moy-mesme refuser,  
Je diray tout pour flatter ta colere,  
I'ay si tu veux assassiné mon pere,  
Mesdit des Dieux, empoisonné l'Autel,  
I'ay plus failly que ne peut un mortel:  
Mais si iamais tu me donnois licence  
De te presser à bien voir mon offence,  
Je iugerois que ie suis trop puny,  
Pour un moment de ta grace banny.  
Lors que le Ciel de tes faueurs me priue,  
Comment crois-tu mon Ange que ie viue?  
Ce qui me plaist de tous costez me fuit,  
En toutes parts tout me choque & me nuit,  
Je ne voy rien que des obiects funebres,  
Comme mes yeux, mon ame est en tenebres:

Mon ame porte un vestement de dueil,  
Tous mes esprits sont comme un cercueil:  
Lors ma memoire est ioute enseuelie,  
Mon iugement suit ma melancholie:  
Tantost ie prens le soir pour le matin,  
Tantost ie prends le Grec pour le Latin:  
Soit vers, ou prose à quoy que ie travaille  
Ie ne puis rien imaginer qui vaille,  
Prends en pitié, redonne la clarié  
A mon esprit, rends luy la libertié.  
Que me veux tu? ie confesse mon crime,  
I'ay merité que le foudre m'abyssme,  
Puis qu'il te plaist ie t'ay manqué de foy,  
Ie me repens, & ie ne sçay pourquoy.  
Il est bien vray qu'aux yeux du populaire  
Ce que i'ay fait paroistrà temeraire,  
Et me traictant comme un esprit abiect,  
Ce long courroux semble auoir du subiect.  
Mais si tu veux considerer encore  
Ce que ie suis, à quel point ie t'honore,  
A quel degré mon amitié s'estent,  
Ce souuenir ne t'enuoyera pas tant,  
Ie ne veux point m'ayder de mon merite,  
Pour excuser ma faute qui t'irrite,  
Ny maudiant un estrangier appuy  
Deuoir ma paix à la fureur d'autrui:  
Il ne faut point qu'autre que moy te trace  
Honteusement un retour à ta grace:  
Si c'est Lisandre à qui ie dois ce bien,  
Mon repentir ne m'a seruy de rien,  
Si c'est luy seul pour qui tu me pardonnes  
C'est desormais à luy que tu me donnes,  
Et que tu veux laisser à sa mercy,  
De me sauuer & de me perdre aussi.  
Mais s'il te reste encore quelque flame,

Des beaux desirs que ie t'ay veu dans l'ame,  
 Si tu n'as point perdu ceste bonté,  
 Si tu n'as point changé de volonté,  
 Je suis certain que tu seras bien aise,  
 Qu'autre que toy ton cœur ne me rapaise:  
 Et ie serois marry qu'autre que nous,  
 Eust iamais sceu ma faute, & ton courroux.  
 Tu me diras que ta hayne estoit seinte,  
 Qu'en ce depit mon ame estoit contrainte.  
 Que tu voulois esprouuer seulement,  
 Si ton courroux me pressoit mollement;  
 Si le refus de ta douce caresse,  
 M'obligeroit à changer de maistresse:  
 Lors par le Ciel, par l'honneur de ton nom,  
 Par tes beaux yeux ie iureray que non,  
 Que l'amitié de tous les Roys du monde,  
 Tous les presens de la terre & de l'onde,  
 L'amour du Ciel, la crainte des enfers,  
 Ne me scauroient faire quitter mes fers:  
 Ne me scauroient arracher le courage,  
 Ce bel esprit & ce diuin visage.  
 Comme les cœurs se plaisent à l'amour,  
 Comme les yeux sont aises d'un beau iour,  
 Comme un printemps tout l'Vniuers recrée,  
 Ainsi l'esclat de ta beauté m'agré,  
 L'eau de la Seine arrêtera son flux,  
 Le temps mourra, le Ciel ne sera plus,  
 Et l'Vniuers aura changé de face,  
 Auparauant que cet hument me passe.

## O D E.

**L'**Infidelité me desplaist  
 Et mon amour iuge qu'elle est

*Le plus noir crime de la terre.  
Lors que les Dieux firent venir  
Les premiers esclats du tonnerre,  
Ce ne fut que pour la punir.*

*La Deesse qui fait aymer,  
Des flots de l'inconstante mer  
Sortit à la clarté du monde.  
Or Venu si ton doux flambeau  
Fust venu d'ailleurs que de l'onde,  
Sans doute il eust esté plus beau.*

*Ce qu'un hyuer a fait mourir,  
Vn Printemps le fait refleurir,  
Le Destin change toute chose,  
Mon amitié tant seulement,  
Vos beaux lys & vos belles roses  
Dureront eternellement.*

## O D E.

**E**N fin mon amitié se lasse,  
Je suis forcé de me guerir,  
L'amour qui me faisoit perir  
Tous les iours peu à peu se passe.  
J'ay r'appellé mon iugement,  
J'ay fait vœu d'aymer sagement,  
Je rougis de ma servitude,  
Et proteste deuant les Dieux  
Que ie hay ion ingratitude  
Plus que ie n'ay chery tes yeux.

*Je n'ay plus le soing de te plaire,  
Mes charmes sont esuanouis,  
Desormais ie me resionis  
De ta haine & de ta cholere.*

Ceste lascheté d'endurer  
 Ne me scauroit guere durer:  
 Je veux estre exempt de souffrance  
 Aussi bien que toy de pitié  
 Et viure avec l'indifferença  
 Dont tu traittes ton amitié.

Jamais douleur insupportable  
 Jusques à mon mal n'empira:  
 Jamais esprit ne souspira  
 D'un travail si peu profitable:  
 Je vis trop amoureuxment,  
 Je sers trop malheureusement,  
 Ma belle ne veut point entendre  
 Le mal qu'elle me faict sentir,  
 Et me deffend de rien pretendre  
 Que la honte & le repentir.

O mes Dieux, ô mon influence,  
 Regardez la peine ou ie suis:  
 Sans faire un crime ie ne puis  
 Esperer une recompense,  
 O Dieux qui gouvernez nos cœurs,  
 Si vous n'estes des Dieux mocqueurs:  
 Ou des Dieux sans misericorde,  
 Remettez moy dans ma maison;  
 Ou faictes en fin qu'on m'accorde  
 Ou la mort, ou la guerison:

## O D E.

**I**E n'ay repos ny nuiet ny iour,  
 Je brusle, ie me meurs d'amour,  
 Tout me nuit, personne ne m'ayde,  
 Le mal m'oste le iugement,

Et plus ie cherche de remede,  
Moins ie trouue d'allegement.

Ie suis desesperé, i'enrage,  
Qui me veut consoler m'outrage,  
Si ie pense à ma guerison  
Ie tremble de ceste esperance,  
Ie me fâsche de ma prison,  
Et ne crains que ma deliurance.

Orgueilleuse & belle qu'elle est  
Elle me tue, elle me plait,  
Ses faueurs qui me sont si cheres,  
Quelques fois flattent mon tourment,  
Quelques fois elle a des choleres  
Qui me poussent au monument.

Mes amoureuses fantasies,  
Mes passions, mes frenaisies,  
Qu'ay-ie plus encore à souffrir?  
Dieux, Destins, Amour, ma Maistresse,  
Ne dois-ie iamaïs ny guerir,  
Ny mourir du trait qui me blesse?

Mais suis-ie point dans un tombeau?  
Mes yeux ont perdu leur flambeau,  
Et mon ame Iris la rauie.  
Encor vudrois-ie que le sort,  
Me fist auoir plus d'une vie,  
Afin d'auoir plus d'une mort.

Pleust aux Dieux qui me firent naistre,  
Qu'ils eussent retenu mon estre  
Dans le froid repos du sommeil,  
Que ce corps n'eust iamaïs eu d'ame,  
Et que l'amour ou le Soleil  
Ne m'eussent point donné leur flame.

Tout ne m'apporte que du mal,  
Mon propre demon m'est fatal,  
Tous les Astres me sont funestes,

*J'ay beau recourir aux autels,  
 Je sens que pour moy les celestes,  
 Sont foibles comme les mortels.*

*O Destins tirez moy de peine,  
 Dittes moy si ceste inhumaine  
 Consent à mon affliction;  
 Je beniray son iniustice,  
 Et n'auray d'autre passion,  
 Que de courir à mon supplice.*

*Las ! ie ne sçay ce que ie veux,  
 Mon ame est contraire à mes vœux,  
 Ce que ie crains ie le demande,  
 Je cherche mon contentement,  
 Et quand i'ay du mal i'apprehende,  
 Qu'il finisse trop promptement.*

---

## O D E.

**D***Is moy Thirsis sans vanité,  
 Remarques tu que la beauté,  
 Qui tient ton esprit & ta vie,  
 Ayt pour toy quelque peu d'amour ?  
 Cognois tu bien qu'elle ayt enuie  
 De te le tesmoigner un iour ?*

*Elle est si parfaite & si belle,  
 Que sans blasme d'estre cruelle,  
 Elle peut destourner ses yeux  
 Deux mortels, & de leurs offrandes,  
 Et mesme refuser aux Dieux,  
 L'amitié que tu luy demandes.*

*Mais faut-il aussi aduoïer,  
 Que tout ce qu'on sçauroit louer  
 En tes perfections abonde,*

*Et qu'elle se doit estimer  
La première beauté du monde,  
Pource que tu la veux aymer.*

*S'il est vray qu'une mesme flame  
Vous ayt mis des desirs dans l'ame,  
Je te louë d'estre amoureux,  
Tu fais bien d'effuyer tes larmes,  
Et de te croire bien heureux  
Depuis qu'on a quitté les armes.*

*Que ton amour eut de profit,  
Du monstre que le Roy desfit,  
Tout le monde alloit à la guerre,  
Et chacun s'estonnant de voir  
Le plus braue homme de la terre  
Si paresseux à ce deuoir.*

*Je disois palissant de honte:  
Il n'a qu'une valeur trop prompte,  
Mais ce courage est endormy,  
C'est en vain que l'honneur le presse.  
Il hayt trop peu cet ennemy,  
Et cherit trop ceste maistresse.*

## O D E.

**V**N corbeau deuant moy croasse,  
Vne ombre offusque mes regards,  
Deux bellettes, & deux renards,  
Trauersent l'endroit où ie passe:  
Les pieds faillent à mon cheual,  
Mon laquay tombe du haut mal,  
J'entends craqueter le tonnerre,  
Vn esprit se presente à moy,



*J'oy Charon qui m'appelle à soy,  
 Le voy le centre de la terre.*

*Ce ruisseau remonte en sa source,  
 Vn bœuf grauit sur un clocher,  
 Le sang coule de ce rocher,  
 Vn aspic s'accouple d'une ourse,  
 Sur le haut d'une vieille tour,  
 Vn serpent déchire un vautour,  
 Le feu brusle dedans la glace  
 Le Soleil est deuenu noir  
 Le voy la Lune qui va choir,  
 Cet arbre est fort de sa place.*

## SONNET.

**S***i j'estois dans un bois poursuivy d'un lion  
 Si j'estois à la mer au fort de la tempeste,  
 Si les Dieux iritez vouloient presser ma teste  
 Du faix du mont Olympe & du mont Pelion.*

*Si ie voyois le iour que veit Deucalion,  
 Où la mort ne cuida laisser homme ny beste,  
 Si pour me deuorer ie voyois toute preste  
 La rage des flambeaux qui brusloient Ilion.*

*Je verrois ces dangers avecques moins d'ennuy  
 Que les maux violents que ie souffre auieur-  
 d'huy,*

*Pour un mauvais regard que m'a donné mon An-  
 ge,*

*Le voy desja sur moy mille foudres pleuvoir,  
 De la mort de son fils Dieu contre moy se ven-  
 ge*

*Depuis que ma Philis se fasche de me voir.*

## SONNET.

**L**Es Parques ont le teint plus gay que mon visage,  
 Je croy que les damnez sont plus heureux que moy:  
 Aussi le vieux tyran qui leur donne la loy,  
 Des peines que ie sens n'a iamaïs eu l'usage.

Les iours les plus serains pour moy sont pleins  
 d'orage.  
 Les objets les plus beaux pour moy sont pleins  
 d'effroy,

Et du plus doux accueil que me fasse le Roy,  
 Mon esprit incensé croit souffrir un outrage.

Ton iniuste mespris m'a faict ceste douleur,  
 Depuis incessamment ie resue à mon malheur,  
 Et rien plus que la mort ne me peut faire enuie,  
 Vez si mon malheur s'obstine à me punir,  
 Je pense que la mort refuse de venir,  
 Pource qu'elle n'est point si triste que ma vie.

## SONNET.

**Q**ui que tu sois bien grand & bien-heureux  
 sans doute,

Puis que Deheins en parle, & qu'il t'estime tant  
 Voy la troupe des Sœurs, qui se dispose toute,  
 A courre avecques toy sur l'Empire flotant.

Theïs ne frappera ta nef qu'en la flattant,  
 Tu choisira les vents, & la celeste voute,  
 De tous ses feux ioyeux sur ton chef esclattant,  
 Caressera tes yeux, & guidera ta route.

Quelque terre incogneë où tu viendras à bord.  
 Ces vers connus par tout seront ton passeport:  
 Mais non ne les prens pas avecque toy dans l'onde,  
 Le Soleil qui ne vit iamaïs rien de si beau,

*Enchanté parmy nous s'amuseroit dans leau,  
Et d'une longue nuit auengleroit le monde,*

---

## SONNET.

**T**On orgueil peut durer au plus deux ou trois ans.  
Après ceste beauté ne sera plus si vine,  
Tu verras que ta flame alors sera tardive,  
Et que tu deviendras l'obiet des mesdisans,  
Tu seras le refus de tous les courrisans?  
Les plus sots laisseront ta passion oyfue,  
Et tes desirs honteux d'une amitié lascive  
Tenteront un valet à force de presens,  
Tu chercheras à qui te donner pour maistresse;  
On craindra ton abord, on fuira ta caresse;  
Un chacun de par tout te donnera congé,  
Tu reuiendras à moy, ie n'en feray nul compte,  
Tu pleureras d'amour, ie riray de ta honte:  
Lors tu seras punie, & ie seray vengé.

---

## SONNET.

**V**OS rigueurs me pressoiët d'une douleur si forte.  
Que si vostre present receu si chèrement,  
Encor un iour ou deux eust tardé seulement,  
Vous n'eussiez obligé qu'une personne morte.  
Iamais esprit ne fut trouuillé de la sorte,  
Tout ce que ie faisois aigrissoit mon tourment,  
Et pour me secourir i'essayois vainement,

Tont

Tout ce que la raison aux plus sages apporte,  
 En fin ayant baizé dans ce don precieux  
 La trace de vos mains, & celle de vos yeux,  
 J'ay repris ma santé plus qu'à demy rauie,  
 Cloris vous estes bien maistresse de mon sort  
 Car ayant eu pouuoir de me donner la vie,  
 Vous avez bien pouuoir de me donner la mort.

---

## SONNET.

**D**Epuis qu'en ma donné licence d'esperer,  
 Je me trouue obligé d'aimer ma seruitude  
 Je n'accuseray plus Cloris d'ingratitude,  
 Puis qu'elle me permet l'honneur de l'adorer,  
 [ Je croy qu'apres cela tout me doit prosperer,  
 Que mon amour sera franc de soliciude;  
 Et que le sort humain n'a point d'inquietude,  
 Dont mes felicitex se puissent alterer.

J'espere desormais de viure sans enuie,  
 Parmy tous les plaisirs que peut donner la vie,  
 Je voy mes plus grands maux entierement gueris.  
 Mon ame mocque toy des feux que tu soupîres,  
 J'espere des thresors, j'espere des Empires,  
 Et si n'espere rien que de seruir Cloris.

---

## SONNET.

**M**E dois-je taire encor Amour, quelle appa-  
 rence  
 Jamais esprit ne fut forcé comme le mien:  
 Il faut ou denoier, ou rompre ce lion.

*Et d'un dernier effort tenter ma dilivrance,*

*Trop de discretion nuit à mon esperance:*

*En fin ie veux sçavoir, ou mon mal, ou mon bien*

*Et quitter ce respect qui ne sert plus de rien,*

*Que d'un fort exercice à ma persévérance.*

*Mon amour ne veut plus servir si laschement,*

*Elle osterà bien tost ce foible empeschement,*

*Rien plus ne me sçauroit obliger à me taire.*

*Phillis, se rit d'un mal qu'elle me voit celer,*

*Et me iuge un enfant qui ne sçauroit rien faire,*

*Puis que comme un enfant ie ne sçauois parler.*

## SONNET.

**L'**Autre iour inspiré d'une diuine flame,  
L'entray dedàs un temple, où tout religieux,

Examinant de prés mes aëtes vitieux,

Vn repentir profond fait sousspirer mon ame.

Tandis qu'à mon secours tous les Dieux ie recla-  
me,

Ie voy venir Phillis : quand i'apperceus ses yeux

Ie m'escriay tout haut, Ce sont icy me, Dieux,

Ce temple & cét autel appartient à ma Dame.

Les Dieux iniuriez de ce crime d'Amour

Conspirent par vangeance à me ravir le iour;

Mais que sans plus tarder leur flame me confonde.

O mort, quand tu voudras ie suis prest à partir.

Car ie suis affeuré que ie mourray martir,

Pour auoir adoré le plus bel œil du monde.

## SONNET.

**S**i quelquesfois Amour permet que ie respire,  
 Et que pour un mement i'écoute ma raison,  
 Mon esprit aussitost pense à ma guarison,  
 Taschant de m'affranchir de ce fascheux Empi-  
 re.

Il est vray que mon mal ne peut deuenir pire,  
 Qu'un esclaué seroit honteux de ma prison,  
 Et que les plus damnez à ma comparaison  
 Trouueroient inſtement des matieres pour rire.

Cloris d'un œil riant, & d'un cœur sans re-  
 mords,

Me tient dans les tourmens pires que mille morts,  
 Sans espoir que iamais sa cruauté s'amende.

Helas! apres auoir à mes douleurs songé:  
 Je voudrois me resoudre à demander congé:  
 Mais j'ay peur d'obtenir le don que ie demande.

## SONNET.

**Q**uelque si doux espoir où ma raison s'appuye,  
 Un mal si decouuert ne se sçauroit cacher,  
 L'emporte mal heureux? quelque part où ie fuye,  
 Vn trait qn'aucun secours ne me peut arracher.

Il vient dans vn desert mes larmes épancher,  
 Où la terre languit où le Soleil s'ennuye,  
 Et d'un torrent de pleurs qu'on ne peut estancher  
 Couure l'air de vapeurs, & la terre de pluye.  
 Parmy ces tristes lieux trainant mes longs regrets

Je me promene seul dans l'horreur des forests,  
 Où le funeste orfraise, & le hibou se perchent,  
 Là le seul reconfort qui peut m'entretenir,  
 C'est de ne craindre point que les vivans me cher-  
 chent,  
 Où le flambeau du iour n'osera jamais venir.

---

## SONNET.

Je passe mon exil parmy de tristes lieux,  
 Où rien de plus courtois qu'un loup ne m'avoisi-  
 ne,  
 Où des arbres puants formillent d'Escurieux  
 Où tout le reuenu n'est qu'un peu de resine.  
 Où les maisons n'ont rien plus froid que la cuisine.  
 Où le plus fortuné craint de devenir vieux,  
 Où la sterilité faict mourir la lesine,  
 Où tous les Elemens sont mal voulus des Cieux.  
 Où le Soleil contrainct de plaire aux destinees,  
 Pour estendre mes maux alonge ses iournees,  
 Et me faict plus durer le temps de la moitié.  
 Mais il peut bien changer le cours de sa lumiere,  
 Puis que le Roy perdant sa bonté costumiere  
 A destourné pour moy le cours de sa pitié.

---

## SONNET.

Courtisãs qui passez vos iours dans les delices  
 Qui n'esloignez jamais la demeure des Roys  
 Qui ne sçavez que c'est pe la rigueur des loix,

*Vous seuls à qui le Ciel a caché ses malices:  
Si vous trouvez mauvais qu'au fort de mes suppli-*

*ces,  
Les soupirs & les pleurs m'eschappent quelque-*

*fois  
Parlez à ces rochers, venez dedans ces bois,  
Qui de mon desespoir vont estre les complices.*

*Vous verrez que mes maux sont sans cōparaison  
Et que j'inuoque en vain le temps & la raison  
Aux tourmens infinis que le destin m'ordonne:  
Je sens de tous costez mon espoir assailly;  
Pourquoy veux-ie espérer aussi qu'on me pardonne  
On ne pardonne point à qui n'a point failly.*

---

## SONNET.

**E** Sprits qui cognoissiez le cours de la nature  
Vous seuls à qui le Ciel apprend sa volonté,  
Et dont les sentimens trouuent de la clarté  
Dans la plus noire nuit d'une chose future.

*Celestes qui voyez mon ame à la torture,  
Qui sçauex le dedale où le fort m'a jetté?  
Quand est-ce que ie dois r'auoir ma liberté?  
Dictez moy qui de vous entend mon aduventure:  
Ange qui que tu sois, vueille songer à moy:  
Et lors que tu seras de garde aupres du Roy,  
De qui le cœur deuot est tousiours en priere,  
Arreste moy le cours de son inimitié,  
Et dis luy que s'il veut exercer sa pitié,  
Il n'en trouua iamais de si belle matiere.*



## SONNET.

**V**ous dont l'ame divine aspire aux choses saintes

Et que le Ciel a fait l'objet de son amour:

Verferez vous des pleurs, & ferez vous des plaintes,

Quand pour l'amour de Dieu vous laisserez le iour?

Les coupables esprits ont toujours mille craintes

Lors qu'il leur faut quitter ce vicieux seiour,

Et leurs yeux criminels avecques des contrainctes,

Approchent de l'esclat de la celeste Cour,

Mais vostre espoux, qui sçeut parfaitement bien viure.

S'est pleu dans les affants que le trespas nous liure

Il est dedans le Ciel, où vous irez aussi,

Il est où vos pensers incessamment seiournent:

Pourquoy donc voulez vous que ses esprits retournent,

Ils sont plus avec vous que s'ils estoient icy.

## EPIGRAMME.

**C**este femme fait comme Troye  
De braues gens sans aucun fruit  
Furent dix ans à ceste proye,  
Un cheual ny fut qu'une nuit.

---

 EPIGRAMME.

**I**E doute que ce fils prospere,  
 Mars & l'Amour en sont ialoux,  
 Pource qu'il est beau comme vous,  
 Et courageux comme son Pere.

---

 EPIGRAMME.

**G**Race à ce Comte liberal,  
 Et à la guerre de Mirande:  
 Je suis Poète & Caporal,  
 O Dieux que ma fortune est grande!  
 O combien ie reçois d'honneur  
 Des sentinelles que ie pose!  
 Le sentiment de ce bon-heur  
 Faict que iamais ie ne repose:  
 Si ie couche sur le paué,  
 Je n'en suis que plustost leué  
 Parmy les troupes de la guerre,  
 Je n'ay point un repos en l'air:  
 Car mon liét ne scauroit branler  
 Que par un branlement de terre.

---

 A MONSIEUR DV  
 FARGIS.

**I**E ne m'y pais resoudre, excuse moy de grace,  
 Eseruiant pour autruy ie me sens tout de glace,  
 Je te promis chez toy des vers pour un amant,  
 Qui se veut faire ayder à plaindre son tourment:  
 Mais pour luy satisfaire, & biē plaindre sa flame,  
 Je voudrois parauant auoir cogné son ame,

Tu sçais bien que chacun a des gousts tout diuers,  
Qu'il faut à chaque esprit vne sorte de vers,  
Et que pour bien rengier le discours & l'estude;  
En matiere d'amour ie suis un peu trop rude:  
Il faudroit comme Ouide auoir esté picqué,  
On escrit aisément ce qu'on a pratiqué,  
Et ie te iure icy sans faire le farouche,  
Que de ce feu d'amour aucun traict ne me touche,  
Je n'entends point les loix, ny les façons d'aymer,  
Ny comment Cupidon se mesle de charmer:  
Ceste diuinité des dieux mesme adoree,  
Ces traits d'or & de plomb, ceste trousse doree,  
Ces aîles, ces brandons, ces carquois, ces appas,  
Sont vrayment un mystere où ie ne pense pas.  
La sorte antiquité nous a laissé des fables  
Qu'un hōme de bon sens ne croit point receuables,  
Et iamaïs mon esprit ne trouuera bien sain  
Celuy là qui se plaist d'un fantosme si vain,  
Qui se laisse emporter à des confus mensonges,  
Et vient mesme en veillant s'embarasser de songes,  
Le vulgaire qui n'est qu'erreur, qu'illusion,  
Trouue du sens caché dans la confusion,  
Mesmes des plus sçauans: mais nō pas des plus sages,  
Expliquent aujourd'huy ces fabuleux ombrages.  
Autresfois les mortels parloient avec les Dieux.  
On en voyoit pleuucir à toute heure des Cieux:  
Quelquesfois on a veu prophetiser des bestes,  
Les arbres de Dodonne estoient aussi Frophetes,  
Ces comptes sont fascheux à des esprits hardis,  
Qui sentent autrement qu'on ne faisoit iadis.  
Sur ce propos un iour i'espere de t'escrire,  
Et prendre un doux loisir pour nous donner à rire.  
Cependant ie te prie encore m'excuser,  
Et me laisser ainsi libre à te refuser,  
Me permettre tousiours de te fermer l'oreille.

Quand

Quand tu prieras d'une faueur pareille,  
 Penses tu quand i'aurois employé tout un iour  
 A bien imaginer des passions d'Amour,  
 Que mes conceptions seroient bien exprimees  
 En paroles de choix, bien mises, bien rimees,  
 L'autre n'y trouueroit possible rien pour luy,  
 Tant il est malaisé d'escrire pour autrui:  
 Apres qu'à son plaisir i'aurois donné ma peine,  
 Je sçay bien que possible il ioueroit ma veine,  
 Vrayement ces vers son beaux ils sont doux & con-  
 stants,

Mais pour ma passion ils sont un peu trop lents;  
 L'eusse bien désiré que vous eussiez encore  
 Mieux loué sa beauté, car vrayement ie l'honore,  
 Vous n'auex point parié du front, ny des cheveux,  
 Ny de son bel esprit seul obiet de mes vœux:  
 Tant seulement six vers encor ie vous supplie:  
 Mon Dieu que de travail vous donne ma folie!  
 Il voudroit que son front fust aux autres pareil,  
 Que ie la fisse ensemble & l'Aube, & le Soleil  
 Que i'escriue comment ses regards sont des armes,  
 Comme ils verse pour elle un ocean de larmes.  
 Ces termes esgarez effencent mon humeur,  
 Et ne viennent qu'au sens d'un nouice rimeur,  
 Qui reclame Phœbus; quand à moy ie l'abiure,  
 Et ne recognois rien pour tout que ma nature.

## SVR LE BALLE DV ROY.

LE FORGERON POVR LE ROY.

**I**E ne suis point industrieux  
 Comme ce Forgeron des Dieux,

Dont

Dont les subtilitez nuisibles  
 Pour un chef-d'œuvre de son art,  
 Dessous des filets invisibles  
 Firent voir qu'il estoit cornard.

Cet infame aux creux Aetneans  
 Dessin les tombeaux des Geans,  
 Enyuré de souffre & de flamme,  
 Forgeoit des armes pour autrui,  
 Cependant que Mars & sa femme  
 Faisoient des forgerons pour luy.

Je suis un Forgeron nouveau,  
 Qui sans enclume & sans marteau  
 Forge un tonnerre à ma parole,  
 Et du seul regard de mes yeux,  
 Fais partir un esclair qui vole,  
 Plus puissant que celuy des Cieux.

Les plus rebelles des humains  
 Subiuguez des traits de mes mains  
 Ont fait esmerveiller l'Europe,  
 Et Vulcan avoué aisement  
 De n'avoir jamais veu Cyclope  
 Battre le fer si rudement.

Le dard qu'amour me fait forger,  
 Sans déplaisir & sans danger  
 Penetre au fond de la pensée,  
 Et la Dame qu'il veut toucher  
 En est si doucement blessée,  
 Qu'elle n'en peut hayr l'archer.

Mais les fleches de mon courroux,  
 Fatales qu'elles sont à tous,  
 Font trembler le Dieu de la guerre,  
 Et rien ne l'a fait habiter  
 Dans un Ciel si loing de la terre,  
 Que le soing de les esuiter.

POUR MONSIEUR  
LE DUC DE LUYNE.

APOLLON EN THESSALIE.

**E**loigné du celeste Empire,  
Et du siege de la clarté,  
N'attendez point que ie souffire :  
Car les faueurs du Roy dont ie suis arresté,  
Font que mon destin n'est pas pire,  
Et que i'ay plus l'honneur, & plus de liberté.

Au rauissement qui me reste  
Parmy ces agreables lieux,  
Je croy que la maison celeste  
Ne se doit point nommer la demeure des Dieux,  
Pour moy ie la iuge funeste,  
Et ce nouveau seiour me plaist mille fois mieux.

Ce Prince à les vertus parfaites,  
Ses appas ont gagné ma foy :  
Iupiter fait bien les tempestes,  
Et quoy que les mortels tremblent deffous sa loy,  
On ne celebre point ses festes  
Auec tant de respect qu'on sert ce ioune Roy.

A voir comme quoy tout succede  
A ses desseins aduantureux,  
Et qu'on ne sçait point de remede  
Pour ceux que sa colere a rendu malheureux :  
Sa faueur à qui la possede,  
Rend le sort à son gré propice ou rigoureux.

---

 VN BERGER PROPHETE.
 

---

**I**E vis dans ces lieux innocens,  
 Où les esprits les plus puissans  
 Quittant leurs grandeurs souveraines,  
 Suiuent ma prophetique voix  
 Dans le silence de nos bois,  
 Et dans le bruiet de nos fontaines.

    Icy mon desir est ma loy,  
 Mon entendement est mon Roy,  
 Je preside à mes aduentures :  
 Et comme si quelqu'un des Dieux  
 M'eust presté son ame & ses yeux,  
 Je comprends les choses futures.

    I'ay veu quand des esprits mutins  
 Sollicitoient nos bons destins  
 A quitter le soin de la France.  
 Et deuiné que leur mal-heur  
 Trouueroit dans nostre valeur  
 Le tombeau de leur esperance.

    Le vey qu'un ieune Potentat  
 Bornera bien tost son Estat  
 Du plus large tour de Neptune,  
 Et son bon-heur sans estre vain  
 Pourra voir avecques desdain  
 Les caresses de la fortune.

---

 APOLLON CHAMPION.
 

---

**M**Oy de qui les rayens font les traits du ton-  
 nerre,  
 Et de qui l'Vniuers adore les Autels :

Moy

Moy dont les plus grands Dieux redouteroient la  
guerre,

Puis-je sans deshonneur me prendre à des mortels?  
L'attaque malgré moy leur orgueilleuse envie,  
Leur audace a vaincu ma nature & le fort  
Car ma vertu qui n'est que pour donner la vie,  
Est aujourd'huy forcé à leur donner la mort.

I'affranchis mes Autels de ces fascheux obsta-  
cles

Et foulant ces brigands que mes traits vont pu-  
nir,

Chacun dorenavant viendra vers mes oracles,  
Et preuendra le mal qui luy peut aduenir.  
C'est moy qui penetrant la dureté des arbres  
Arrache de leur cœur une sçauante voix,  
Qui fais taire les vents, qui fais parler les marbres,  
Et qui trace au destin la conduite des Roys.

C'est moy dont la chaleur donne la vie aux roses,  
Et fais ressusciter les fruits ensevelus,  
Je donne la duree & la couleur aux choses,  
Et fais viure l'esclat de la blancheur des lys.

Si peu que ie m'absente, un manteau de tenebres,  
Tient d'une froide horreur Ciel & terre couuerts,  
Les vergers les plus beaux sôt des obiects funebres,  
Et quand mon œil est clos tout meurt en l'Vniuers.

## B A L E T.

Venus aux Reynes.

L'Ors que ie sortis de la mer  
Moins couuerte, d'eau que de flames



*La beauté qui me fait aymer  
Me destina Reyne des ames,  
Et me dist que ie cederois  
A vos yeux qu'elle a fait mes Roys.*

*Le Soleil monstrant son flambeau,  
Par Cythere & par Amanthonte,  
Lors qu'il eut veu le mien si beau,  
Il faillit à mourir de honte:  
Mais vous emportez aujourdhuy,  
L'avantage que i'eus sur luy.*

*L'estonnement qu'il l'eust aux Cieux,  
Lors que ie me leuay de l'onde,  
Ie le ressens devant vos yeux,  
Qui sont les plus beaux yeux du monde:  
Astres des esprits bien-heureux,  
Dont mes amours sont amoureux.*

*Mes petits amours, mes appas,  
Et mes graces les plus parfaites,  
Belles Reynes sont-elles pas  
Aux mesmes places où vous estes?  
Ie sçay que veritablement  
Vostre Cour est leur element.*

*Les bords de Cypre où mon Autel  
Autresfois en si belle estime  
M'auoit rendu chaque mortel  
Tributaire d'une victime,  
Sont deserts à cause de vous,  
Qui receuez les vœux de tous.*

*Ces Princes qu'un deuoir d'amour  
Retenoit en ma seruitude,  
Lassez d'un si mauuais sejour  
En ont fait une solitude,  
Et rendent à vos maiestez.  
Mon Empire & leurs libertez.*

*Leur cœur desgouté de mes loix,*

Aussi bien que de mon visage,  
 Demande à captiuier des Roys  
 Quelque plus gloriux seruage:  
 Vous seules auez des liens  
 Plus honorables que les miens.  
 Vos beauttez font qu'avec raison  
 Ces Princes m'ont esté rebelles.  
 Craignez la mesme trahison,  
 Quand vous ne serez plus si belles:  
 Mais si c'est par là seulement,  
 Ils sont serfs eternellement.

## LES NAVTONNIERS.

**L**Es amours plus mignars à nos rames se lient,  
 Les Tritons à l'enuy nous viennent caresser,  
 Les vents sont moderez, les vagues s'humilient  
 Par tous les lieux de l'onde où nous voulons passer.  
 Avec nostre dessein va le cours des estoilles,  
 L'orage ne fait point blesmir nos matelots,  
 Et iamaïs Alcion sans regarder nos voiles  
 Ne commit sa nichee à la mercy des flots.

Nostre Ocean est doux comme les eaux d'Euphrate,

Le Pactole & le Tage sont moins riches que luy,  
 Icy iamaïs nocker ne craignoit le Pirate,  
 Ny d'un calme trop long ne ressentit l'ennuy  
 Soubs un climat heureux, loing du bruit du  
 Tonnerre,

Nous passions à loisir nos iours delicieux,  
 Et là iamaïs nostre œil ne desira la Terre,  
 Ny sans quelque desdain ne regarda les Cieux.

Aggreables beauttez pour qui l'amour soupire,  
 Esprouuez avec nous un si ioyeux deslin,

Et nous dirons par tout qu'un si rare navire  
Ne fut iamaïs chargé d'un si rare butin.

## LES PRINCES DE CYPRE.

**L**es lieux que nous auons laissez  
Sont beaucoup plus heureux qu'autres lieux  
de la terre,

Le degoust de la paix, ny la peur de la guerre  
Iamaïs ne les a menacez.

Mars arriuant à la contree,  
Que nostre estoignement conuertit en desers,  
Hait le fer & la flamme, & veut que les baisers  
Fassent l'honneur de son entree.

Cypre ne se peut estimer,  
Ses riuages feconds que Neptune environne,  
Sont au milieu des flots la plus belle couronne  
Que porte la Roy de la mer.

Cupidon y est sans malice:  
Les plus grandes beautiez ont le plus d'amitiés  
Là iamaïs un esprit qui manque de pitié  
Ne sçauroit manquer de supplice.

Les plaisirs y sont en vigueur;  
La loy de l'Hymenee aux desirs affermie  
Dans le contentement de nostre douce vie  
Ne mesla iamaïs sa rigueur.

Comme les Dieux en leur Empire  
De tout ce qu'il nous plaist nous nous rendons es-  
pris;

Et pour une beauté qui n'a que du mespris,  
Iamaïs nostre ame ne soupire.

Ce qu'amour faict deffous les eaux,  
Est une loy pour nous que le Ciel mesme ordonne,  
Accordant à nos feux la liberté qu'il donne

*A l'innocence des oyseaux.*

*Autour de nos fontaines vives,  
Toures peintes d'azur, & de rayons du iour,  
Les zephirs & les eaux parlent tousiours d'amour  
Aux Nymphes de ces belles riuës.*

*Nostre Ciel est tousiours serain,  
Nostre ioyeux destin n'est iamais en disgrâce,  
Et chez nous le Soleil ne void aucune trace  
Du siecle de fer ny d'airain.*

*Nous n'oyons point le bruit des Syrthes,  
Le plus fresse vaisseau se macque des rochers,  
Trouue le vent facile, & conduit les nochera  
Iusqu'à l'ombrage de nos myrthes.*

*Nous ne voyons iamais pleuucir,  
Si ce n'est des rubis eschappez à l'aurore,  
Que nos champs glorieux plus ennoblus encore  
Daignent à peine recevoir.*

*Nostre sort aux Dieux admirable,  
Lors qu'un renom meilleur nous a parlé de vous,  
A perdu son estime, & s'est rendu jaloux  
Du vostre encor plus desirable.*

*Aux pieds de vostre Maïesté,  
Nos grandeurs mesprisant leur premiere puissance  
Mettent au seul honneur de vostre obeyssance,  
Tout l'espoir qui leur est resté.*

*Au nombre des subiets de France,  
Auiourd'huy bien-heureux nous nous venons ran-*

*ger,  
Et nostre masque osté de ce front estrange  
Nous osterà la difference.*

**L***E plus aymable iour qu'ayt iamais eu le mon-*

*de,  
Le plus rithe printemps que le Soleil ait veu,  
Celuy de nos amours, d'attraits le mieux pourueu,  
Ny toutes les beautez de la fille de l'onde.*

*Ce que donne Appollin pour embellir sa sœur,  
Aux graces de vos yeux à peine s'accompare,  
Ny toutes ces fleurs d'or dont l'aurore se pare,  
Quand elle va baiser son amoureux chasseur.*

**Q***ui voudra penser à des Empires;  
Et auecques des vœux mutins,  
S'obstine contre ses destins,  
Qui tousiours luy deuiennent pires;  
Moy ie demande seulement  
Du plus sacré vœu de mon ame,  
Qu'il plaise aux Dieux & à Madame,  
Que ie brusle eternellement.*

**M***on frere ie me porte bien,  
La Muse n'a soucy de rien:  
I'ay perdu cest humeur prophete.  
On me souffre au coucher du Roy,  
Et Phœbus tous les iours chez moy  
A des manteaux doublez de pane.*

*Mon ame incague les destins,  
Ie fay tous les iours des festins;  
On me va tapisser ma chambre,  
Tous mes iours sons des Mardy-grar,  
Et ie ne bois point d'hypocras  
S'il n'est fascé auecques de l'ambre.*

## L A R I S S A.

**A***ncillabar in ædibus Romani ci-  
uis conseruo Græco adolescente  
quem infœlix marium fides à libertate  
patria in exoticam seruitutem egerat:*

nam quibus indiciis natura signat in fronte, aut genus, aut educationem, nobilitatem stirpis ingenuus iuuenis liberali prorsus vultu præ se ferebat, & quā ingenuis occupationibus ætatem inciperet, tota vitæ suæ ratione mōstrabat: tam enim à seruilibus muniis erat alienus, ut si quando veru depromeret, dixisses tenere lanceam, si gestandum esset onus, leuioribus impar erat, & viginti pondo vltra milliarium non valebat. Enitebatur tamen ad omnia & difficillimis obsequiis facilem se præbebat, animūque docilem generis oblitum sui seueritati sortis obediētem fecerat. Excruciabat itaque teneros artus inexpertæ seruitutis iugum, & breui postquam seruire cœpit, mollis & delicati corporis vires duriori victu, asperiori cultu languidæ marcescunt labore & vigiliis quibus non assueuerant minuuntur & deficiunt. Aurei capilli puta calamistris olim discriminati tunc sordidis & intricatis nodis impexi negligeabantur: frontis niuæ venustas ad rugas, & squalorē prope deformata, oculi languidi, genæ diductæ, manus callosæ, macies per vniuersa membra horridula.

lum,& eneruē ad extremā pene tabem  
perduxerant:animus autē in tanta ruina  
corporis si qua spirabat aura,singultus ē-  
rat,&suspiria.Dolebā ego vicē afflicti,&  
de Fortunæ tam sæua varietate commi-  
seratione illius mœsta conquerebat: tū  
si quando se dederat occasio hortabar  
ærumnosū,& sæpissime fletibus meis,la-  
chrimosum aut solabar,aut adiuuabam,  
tum quæ illius erant officia præripie-  
bam , & anxie defungebar , imo  
quæcumque domi curāda erant ipsa pe-  
nè sola peragebā.Neque verò illius de-  
mum obire munera , ac laboribus meis  
otium illi comparare , sed proprio  
seruitio vltroneum eius mancipium  
facta socium colere, & demereri cona-  
ta sum. Enimuero, quantumuis nouæ  
conditionis fato demissā facies aliquid  
habebat sublimioris genij , & quālibet  
nubilo oculorū lumine fulgebat quid-  
dam lucidioris humili , & obscuro meo  
sideri iure veluti aliquo dominaotis.  
Eminebat itaque ex vultu planè nobili  
nescio quid in nos imperij , quod  
meus animus haud inuitus sequebatur:  
intellexit tamen benè natus iuuenis  
quantum deberet humanitati meæ,

& quoties beneficiū accepit puduit non potuisse referre, gratiasque verecūdus egit iis verbis quibus solet vrbalitas aulica trucioribus animis suppallari: vt erat ingenium mite, placidi mores, sermo blandus, os amabile, & planè diuinissimi vultus formosa & luculenta maceria breui de misericordia erumnarum in amorem eius lapsa sum. Primò quidem inoffensum antea pectus leuiter cœpit sauciari, necdum penitus admissus Cupido in ipso mentis aditu nascentibus flammis militabat; sensit animus orientem oculis ignem, & hoste gauisus suo vtrò se illi permisit.

Ad lenocinantem huiusmodi fabulam progrediens Larissa omnium aures ad sedulam attentionem erexerat: sed duarum præcipuè virginum. Illæ autè in aduersione simulata, ne sermoni castis animis refugiendo inuericundiùs interesse viderentur, faciem ab ore narrantis auertèrant, ac iugiter oscitantes, tum conuiuentibus oculis, nutantèque capite molliter in somnum tota corporis specie fluere videbantur, vi quietis desiderium ementitæ, tuto silentio indulgerent secretæ libidini, ac lasciuī sermonis grati



gratissimè blandientes illecebras mentibus prorsus experrectis; & vigilantissimis auribus hauriebant. Vibrauit etiam interim altera in conspectum loquentis curiosalumina, sed velut improvisa & obtutu vago in somni recentis imaginibus errantia subinde recondidit. Altera spontaneo lapsu de sede sua commota, tanquam è cubili sub diluculum excitata: Hem! (ait) num illucescit rubor? tamen in parum confirmata fronte verò pudore fictæ verecundiæ latebras indicavit. Risimus, & tantillum in punicatibus virginum malis intuitu morati commentum apparuisse prodidimus. Desierat tamen à sermone Larissa, ac negans verba se ulterius habituram, quæ cuiuspiam supercilium neue per speciem irritarent, veterem nescioquam de Carmenta historiam minabatur, quum Philæsus interceptæ narrationis impatiens: Et hæc (inquit) ô Larissa; soporem tentant haud dubiè, quò tui Græculi libidinofam imaginem in somnis amplexari queant: tum impetu iuuenili rugosæ vetulæ marcidas genas exosculatus: Et per tuam te Venerem obtestor (ait)

noli tam grauitè nobis irasci: ac diutissimè de raucido collo pendulus bellulus puer impetrauit vt pergeret, puelhis vero cætera se quàm pudicissimè posset absoluturum. Anus pollicita est iussitque propius assiderent sibi: Licet (inquit) iuuenibus quotidie semel insanire. Tum his verbis tanquàm data venia moribus improbis, & quiduis audiendi facta copia, virgines haud grauatim morem gerunt, & applicarunt se proximè Larissæ, quæ suas expectatissimas omnibus voces sic recepit.

Sensim illapsus amor, ac de tenui principio velut in ardente segete factus validior, breui sibi per vniuersam animam viam fecit. Iam ex illo in suis primordiis oblectante fallaci cupidine sæuior nescio quis Deus, & de triumpho captivæ mentis ferocior nos imperium exercere cœpit, deque hospite primo fœliciter in oculis & innocuè diuersanti sensimus incendiarium, qui tepidum venis sanguinem, & exustis voret ossibus medullas. Nihil hic contrà, pudor! quàm gemere aut lachrimari potuit; ac quicquid de misera Larissa placeat Tyranno grauius statueret.

statuere, neue ipsa voluntas ausit relutari. Quid id est, aut quomodo dicendum haud satis scio, sponte ne an per vim subeatur amoris iugum qui iudicé? quæ subinde querelis illum atque in eodem labore mentis votis etiam prosequuta sim. O pestem, dixi, quoties sapere voluit meus furor, & humani generis pestem! cur tibi tantum de me licuit? tum repente de contumeliis in preces versa: Parce inquam, ô potentissime Deorum Domine, insania mea est quæ te criminatur, ac si quid est in hoc corde reliquum sani, Paphium & Idalium venerata quæso Glisonem meum mihi conciliato, & quicquid ego vnquã in te patraui sceleris, feruido passerum & columbarum sanguine roseis in altaribus tuis diluetur. At verò consternatis animis, ad vltimum lethali vulnere properantibus, non iam cibus non somnus ad leuamen placuerunt, mentem quæ nostram impotentissima rabie seruolo mancipatam nulla ratio liberauit. Et formosior inde meus Gliso (hoc enim erat puero nomen) & gravior loquentis sermo videri cepit, oculisque in oras clarius nitesce-

tibus illecebræ nouæ voluptatis accedebant : nam vbi lenta dierum medicina luctus acerbitem mitigauit , atque animus assuetudine malorum obduruir ad dolores . enituit vultus pristino splendori restitutus tanta pulchritudine, vt Venerem referre potuisset eam quam Appelles dicitur effinxisse. Interim mihi tacito vulnere pereunti toto corpore languescunt vires; & quantum ad speciem formosi iuuenis noui decoris additum, tantum decessum meæ formæ illa ætate haud omnino pœnitendæ. Quod autem est in tormentis amantium, acerbius, quæ me incenderat flamma , iam adultior premebatur misero metu , quumque prouectæ libidinis ferociiores essent impetus quam vt ulterius cohiberi possent , minus tamen audax erat tenellus, & amorum inexper tus animus , quàm vt pudoris mei pretium tanto repulsæ periculo auderet temerariæ voci committere. Itaq; desperandû fuit, quippe in tabescēte corpore moriens anima suam sibi sepulturâ foderat ni misericordia factorû meus amator cõclamata propemodum vitæ meæ salutis viam aperuisset; nam vbi pertina-

cimorbo labefactari vidit eam, cui plurimum debere se voluit, indoles generosi genij haud potuit mœrorem inhibere, imo ne lachrymis quidem pepercit, sed recentis sui casus memor, solatiis humanitatis meæ rependit officiosam vicem.

Dies erat, quem à Venere nominamus. Illo die ferè sub vesperam de reliquiis herilis mensæ cibum sumpturi simul accumbimus. Gliso iampridem à fastidio veteris tristitiæ liberior, cœnam haud ita parcarn cœnabat lubens, meque obtutu gemino oculis eius affixam, ac tridua inedia labilem ad cibum, idētidem sollicitavit. Quicquid ille de me aut cerneret, aut loqueretur, videbantur amoris inuitamenta, & insanam mentem multa spe ad cupidinem adiuuabant. Quicquid ego de suis affectibus cogitassē, sui mihi videbantur oculi promittere, ac postquam amandi rabies altius in præcordiis efferbuit, aut pereundum erat, aut tandem experiundum etiam euentu dubio quorsum effrenis audaciæ primi conatus euaderent. Igitur postero die cœpit pudorem pueri sollicitare, & secreti occasionem nacta adorta


adorta sum in meo lectulo meridian-  
tem: ibi in lachrymas vberius effusa, Gli-  
so, inquam, aut tua basia, aut mea funera  
liceat erogare, hos oculos, & hos quos  
amplexor poplites obtestor, miserere  
tua causa pereuntis. Arrisit serenus ama-  
toris vultus, & primis efflagitationibus  
statim annuit. Quid plura? rapuit in cu-  
bile non recusantem, & repentino casu  
turbatam ad latus suum applicuit, lon-  
gissimisque basiis periculoso gaudio de-  
ficientem animauit. Odiem nunquam  
redituræ voluptatis! nos deinceps liberè  
clandestinis amoribus indulsimus. Vos  
dum per ætatem licet, viuite, & fœli-  
citer ductæ iuuentutis dulcia flamina ad  
canos perducite, vt recordatione grata  
exacta gaudia velut repetentes querulæ  
senectutis otiosa tædia solamini.

F I N.

OEUVRES  
DV SIEVR  
Theophile.

SECONDE PARTIE.

A LYON,







# AV LECTEVV.



*EVX* qui veulent ma perte, en font courir de si grands bruits, que i'ay besoin de me monst<sup>r</sup>er publiquement, si ie veux qu'on sçache que ie suis au monde. Je ne produ<sup>i</sup>t point icy l'impression d'un travail si petit & si desadvantageux à ma memoire, afin qu'on le voye: mais afin qu'il fasse voir que Dieu veut que ie viue. Et que le Roy souffre que ie sois à la Cour. Il semble que ie fasse un' imprudence de me plaindre de mon malheur, d'autant que cest le diuulguer: I'ay assez d'adresse pour m'en taire, s'il y auoit encore quelqu'un à le sçauoir: mais il ne se trouue plus personne à qui ie ne doine satisfaction de ma vie, dont les mauuais & les faux bruits ont rendu les meilleures actions scandaleuses à tout le monde. Je crains que mon

silence ne face mon Crime : car si ie ne repousse la Calomnie, il semble que ma conscience ne l'oze desaduisier. On a suborné des Imprimeurs pour mettre au iour en mon nom des Vers sales & profanes, qui n'ont rien de mon style, ny de mon humeur : J'ay voulu que la Iustice en sceut l'auteur pour le punir : Mais les Libraires n'en cognoissent à ce qu'ils disent, ny le nom, ny le visage, & se trouuent eux mesmes en la peine d'estre chastiez pour cest imposteur : Les Iuges les ont voulu traiter avec toute la severité que mon bon droit leur a demandee : mais le pouuoir que j'ay eu de me vanger m'en a cōté l'enuie. Et comme ie n'ay point plaidé pour faire du mal : mais pour en euitier, j'ay pardonné à des ignorans, qui n'ont abusé de mon nom, que pour l'utilité de la vente de leurs Liures. Et me suis contenté d'en faire supprimer les Exemplaires avec la deffence de les r'imprimer. Le soin que j'ay pris en cela pour ma protection, est un tesmoignage assez evident, que ie ne suis pas cause de ma disgrâce, & que ie ne la merite point. Je voudrois bien que les Censeurs qui sont si diligens à examiner ma vie, fussent au moins capables de croire les actes publics de la

Iusti


Justice qui font foy de ceste verité. Mais tout ce qui fait à ma iustification, est contre leur dessein, leur chagrin ne se prend qu'au mal, ils ne me cognoissent que par ou ils exercent leur aigreur, & l'inclination qu'ils ont à tout reprendre faict qu'ils craignent plus l'amandement d'un homme, qu'ils ne haïssent sa desbauche. Ceste promptitude de rechercher les mauuaises actions d'autrui, & ceste nonchalance à recognoistre les bonnes, est vne fausse prend'homme, & vne superstition malicieuse qui tient plus de l'hypocrisie que du vray zele. On souffre toutes fortes de desordres, & de blasphemes en la personne de qui que ce soit : mais on fait gloire de diffamer l'innocence en la mienne. Ces calomniateurs qui sont des gens presque incognus, & de la lie du monde ont voulu persuader leur imposture à de saints personnages de qui ie veux euer la haine, & pour l'estime que ie fais de leur vertu, & pour le respect que ie doibs à leur credit, & i'espere que l'Enuie travaillera inutilement à seduire la charité de ces Prelats qui cognoissent trop bien le visage de l'erreur, & sçauent que toutes les mesdisances sont suspectes de fausseté : il est vray que des plus grands & des mieux sensez de la

Cour, pource qu'ils sçauent ma vie, en ont parlé fauorablement. Je les nommeroie en les remerciant. Mais dans le des-honneur qu'on me procure, ie ne veux pas leur reprocher qu'ils me cognoissent, il n'y a pas iusqu'à des Bourgeoises, que ie sçay viure encore dans la penitence de leurs adulteres, qui ne fussent une deuotion de maudire mon nom, & de persecuter ma vie. L'esprit malin qui souffle la calomnie à mes ennieux, les porte contre moy, au soupçon de quelques crimes où le sens commun ne peut consentir. Je parlerois plus clairement pour ma deffence : Mais la reuerence publique & ma propre discretion me commandent d'estouffer ces iniures, & de cacher à la curiosité des esprits foibles la confusion de quelques accusateurs de peur que ce ne fut vn' instruction pour le crime à tout le monde. Le mal qu'on fait à blasmer un peché incognu, c'est qu'on l'enseigne. Et les ames qui sont aisees à se desbaucher trouuent là des occasions à se peruertir, il me suffit de me sauuer de leur malice, & de leur faire entendre que si les efforts de leur animosité leur succedent iusqu'à ma ruine, il me restera tousiours une consolation du remors qui leur en est inenitable : car ie sçay bien que le dessein


sein de leur persecution n'est pas tant de me sacrifier à la pieté qu'à leur ambition : le peu d'estime qu'on fait de mes Escrits, & les mesdisances contre une reputation de si peu d'importance, sont des outrages qui ne me nuisent guere, & qui ne m'affligent pas aussi beaucoup. Mais cett' enuie enragee qui ne me laisse point de fondement pour ma fortune, ny de seureté pour ma vie me pique véritablement, & me met aux termes d'esclater contre mes ennemis, s'ils me font voir ma perte manifeste, ie me soucieray fort peu du peril qui la pourroit aduancer. Il y a desia long temps que ma paresse, & ma timidité laissent impunément courir sur moy leur iniustice, ils ont pris à tasche de pousser mes infortunes iusqu'au bout & me font voir presque à la veille de me bannir moy mesme pour trouuer une liberté à mon ressentimēt, ie ne demāde plus de la vie qu'autant de temps pour me plaindre, qu'ils en ont passé à m'iniurier: ie ne suis point vn faiseur de libelles, & n'offençay iamais personne du moindre trait de plume, & ie croy que selon les hommes, i'ay la conscience droite, & l'esprit traitable : si bien que ie suis à deuiner encore, ce qui m'a peu susciter une si violente, & si longue haine : il est vray que la coustume du siecle est

contraire à mon naturel. Le voy que dans la conuersation des plus sages les discours ordinaires sont choses feintes & estudees, ma façon de viure est toute differente. Ceste mignardise de complimens communs, & ces reuerences inutiles qui sont aujourd'huy la plus grande partie du discours & des actions des hommes: ce sont des superfluitez, où ie ne m'amuse point, & combien qu'elles soient receües, & comme necessaires, pource qu'elles repugnent entierement à mon humeur: ie ne suis pas capable de m'y assuietir. En un mot, ma societé n'est bonne qu'à ceux qui ont la hardiesse de viure sans artifice. Le fonds de mon ame a des amorces assez puissantes pour ceux qui ozent viure librement avecques moy, & qui se peut aduanturer de me cognoistre, ne se sçauroit defendre de m'aymer, i'ay sans doute trop de liberté à reprendre les fautes d'autrui, peu de gens ont ce malheur. Mais ie ne trouue que moy qui se sente obligé des censures des autres: ce n'est peut estre pas tant de la docilité de mon esprit & de la facilité de mes mœurs que par une coustume d'estre repris: car les moindres, ou de condition, ou de merite ont ceste permission sans me fascher, ceste patience de souffrir tant de reprimendes, me  
donne

donne bien l'importunité d'en recevoir souvent d'iniustes , mais i'en tire aussi l'advantage de recognoistre beaucoup de choses qu'on blasme bien à propos. Ce petit ramas de mes dernieres fantaisies , que ie presente aujourdhuy, moins pour l'ambition d'accroistre mon honneur , que par la necessité de la sauuer, est une matiere assez ample aux Critiques: mais puis que ce n'est pas un crime que de faire des mauvais vers, le suis desia tout consolé de la honte des miens. Si Dieu me faisoit iamais la grace de traiter des matieres Saintes, comme mon employ seroit plus digne mon travail seroit plus soigneux , & quoy que me puisse aujourdhuy reüssir de favorable pour un ouvrage si peu étudié, ie ne m'en flatteray pas beaucoup , car ie sçay bien qu'un iour ie me repentiray de ce loisir que ie deuois donner à quelque chose de meilleur , & d'une raison plus meure, considerant les folies de ma ieunesse , le seray bien ayse d'auoir mal trauaillé en un ouvrage superflu , & de m'estre mal acquité d'une occupation nuisible.







# OE V V R E S de Theophile.

## PREMIERE IOVRNEE.

### CHAPITRE I.

**L'**ELEGANCE ordinaire de nos Ecrivains est à plus pres selon ces termes. L'AVRORE toute d'or & d'azur, brodée de perles & de rubis, paroïssoit aux portes de l'Orient, les Estoilles esblouies d'une plus viue clarté, laissoient effacer leur blancheur, & deuenoiēt peu à peu de la couleur du Ciel, les bestes de la quēste reuenoient aux bois, & les hommes à leur trauail, le silence faisoit place au bruit, & les tenebres à la lumiere.

Et tout le reste que la vanité des faiseurs de Liures, fait esclater à la faueur de l'ignorance publique.

Il faut que le discours soit ferme, que  
le

le sens y soit naturel & facile, le langage expres, & signifiant, les affecteries ne sont que mollesse, & qu'artifice qui ne se trouue iamais sans effort, & sans confusion. Ces larcins qu'on appelle imitation des Autheurs anciens, se doiuent dire des ornements qui ne sont point à nostre mode. Il faut escrire à la moderne, Demosthene & Virgile, n'ont point escript en nostre temps & nous ne sçaurions escrire en leur siecle, leurs liures quand il les firent estoient nouueaux, & nous en faisons tous les iours de vieux. L'inuocation des Muses à l'exemple de ces Payens est profane pour nous & ridicule. R O N S A R D pour la vigueur de l'esprit, & la nuë imagination à mille choses cōparables à la magnificēce des anciens Grecs & Latins, & a mieux reüssi à leur ressembler qu'alors qu'il les a voulu traduire, & qu'il a pris plaisir à les cōtrefaire, cōme en ce Cytherean, Patarean, par qui le trepied Tymbrean. Il semble qu'il se vucille rendre incogneu pour paroistre docte, & qu'il affecte vne fausse reputation de nouueau, & hardy Escriuain. Dans ces termes estrangers, il  
n'est

n'est point intelligible pour François. Ces extrauagances ne font que desgouter les sçauans, & estourdir les foibles. On appelle ceste façon d'vsurper des termes obscurs & impropres, les vns barbarie, & rudesse d'esprit; les autres Pedâterie & suffisâce. Pour moy ie croy que c'est vn respect & vne passion que Ronsard auoit pour ces anciens à trouuer excellent tout ce qui venoit d'eux, & chercher de la gloire à les imiter par tout. Ie sçay qu'un Prelat hōme de bien est imitable à tout le mōde. Il faut estre chaste, cōme luy charitable, & sçauāt qui peut, mais vn courtisan pour imiter sa vertu n'a que faire de prédre, ny le viure, ny les habillemens à sa sorte, il faut comme Homere faire bien vne description: mais non point par les termes, ny par les Epithetes, il faut escrire comme il a escrit, mais non pas ce qu'il a escrit. Cest vne deuotion louable, & digne d'une belle ame, que d'inuoquer au commencement d'une œuvre des puissances souueraines: mais les Chrestiens n'ont que faire d'Apollon ny des Muses, & nos Vers d'aujourd'huy, qui ne se chantent point sur la Lire, ne se doiuent  
point

point nōmer Liriques, non plus que les autres heroïques, puis que nous ne sōmes plus au temps des Heros, & toutes ces singeries ne sōt ny du plaisir ny du profit d'vn bon entēdement. Il est vray que le desgoust de ces superfluitez nous a fait naistre vn autre vice, car les esprits foibles que l'amorce du pillage auoit iettez dās le mestier des Poētes, de la discretiō qu'ils ont euē d'euiter les extrêmes redictes, desia rabattuēs, par tāt de siecles, se sōt trouuez dās vne grāde sterilité, & n'estās pas d'eux mesme assez vigoureux, ou assez adroits pour se seruir des obiects qui se presentent à l'imagination, ont creu qu'il n'y auoit plus rien dans la Poësie que matiere de prose, & se sont persuadez que les figures n'en estoient point, & qu'vne metaphore estoit vne extrauagance, mais cōme i'auois dit il estoit iour. Or ces digressions me plaisent, ie me laisse aller à ma fantaisie, & quelque pensée qui se presente, ie n'en destourne point la plume, le fais icy vne conuersation diuerse & interrompuē, & non pas des leçons exactes, ny des oraisons avec ordre, ie ne suis ny assez docte, ny assez ambitieux

pour l'entreprendre. Mon liure ne prend point d'obliger le Lecteur, car son dessein n'est pas de lire pour m'obliger, & puis qu'il luy est permis de me blâmer, qu'il me soit permis de luy déplaire.

---

## CHAPITRE II.



E iour là, comme le Ciel fut serain, mon esprit se trouua gay, la disposition de l'air se cōmuniquē à mō humeur, quelque discours qui s'oppose à ceste necessité, le tēperament du corps force les mouuē-  
mēs de l'ame. Quand il pleut, ie suis assoupy & presque chagrin, lors qu'il fait beau, ie trouue toute sorte d'obiects plus agreables; Les arbres, les bastimens, les riuieres, les elements paroissent plus beaux dās la serenité, que dans l'orage, ie cognoy qu'au changement du Climat mes inclinations s'alterent, si c'est vn défaut il est de la nature, & non pas de mon naturel. Ayant passé l'heure ordinaire de mon sommeil, ie me le-  
nay

uay, & m'approchant du liect de Sidias, comme ie tirois son rideau il seueilla en sursaut, *Per Deū atq, hominū fidem*, me dit-il, laissez moy dormir, i'ay passé la moitié de la nuit apres cest *inirigo de modalibus*, & ce forgeron que vous oyez la bas a continué ceste sonnerie depuis deux heures apres minuit, Clitipho n'a sceu reposer non plus que moy; il ne fait que sortir de vostre chambre, & s'est fort estonné de vous voir dormir si profondement; Aussi-tost que ie fus habillé ie passay dans la chambre de Clitipho, qui d'abord s'escria vers moy: Est-il possible que vous ayez dormy si à repos dans vne affliction si recente vous ne fustes banny que d'hier, & vous voila desia guery de ceste peine, c'est auoir les sentimens bien farouches ou bien hebetez. Ce qui ne me touche, luy dis-je; ny le corps, ny l'ame, ne me donne point de douleur, ie me porte Dieu mercy assés bien de l'vn & de l'autre, si les bannissemens faisoient effort à quelqu'un des sés ru me verrois atteint de tout les desplaisirs dont la nature, & la raison sont capables: ie ne resiste point par Philosophie aux atteintes du malheur, car c'est

accroistre

accroistre son iniure, & tout le combat que le discours fait contre la tristesse, la rengrege sans doute & la prolonge: si ie m'apperceuois que i'eusse du mal tu me verrois bien tost soupirer: mais ie ne scaurois prendre l'apparence pour l'effect ny la menace pour le coup. Ceste disgrâce n'est que paroles qui ne sôt que vent. On m'a chassé de la Cour où ie n'auois que faire, si on me presse encore à sortir de France, quelque part de l'Europe ou ie vueille aller, mon nom m'y a fait des cognoissances. Ie me scais facilement accommoder à toute diuersité de viures & d'habillements, les Climats & les hommes me sont indifferents: i'ay l'esprit & le corps à la fatigue. Mais tousiours serez vous estranger & receu dans la société des autres avec moins de familiarité & d'honneur: Celuy dis-ie qui prise moins la faueur des hommes & l'aduantage de la fortune que sa propre vertu, se trouue peu empesché de ces incōmoditez ordinaires. Si est-ce, disoit Clitipho, que ce sera vn exil, & vn honneste homme ne doit pas estre indifferent à l'infamie: si i'ay mérité la mienne, luy dis-ie, ie serois iniuste

ste de m'ē plaindre, & si ie n'en suis pas  
coupable, ie suis assez sage pour la mes-  
priser, ne croy point que la ioye qui me  
reste en cet accident, soit d'aucū estour-  
dissement, ie cognois bien que ie suis  
forty de Paris, que le Roy le veut, que  
mes ennemis en sont aises, que ie pers  
la presence de mes amis, & qu'en suite  
leur affection ne me demeurera guere,  
car ils sont hommes & courtisans, à cela  
voicy mō remede. Ie ne tascheray point  
de reuenir à la Cour: mais à m'en passer,  
& au lieu de rentrer dans la grace du  
Roy, ie penseray à m'oster de sa memo-  
re, ie m'efforceray d'oublier mes amis,  
car s'ils sont fideles, ils me le pardon-  
neront, & s'ils ne m'aiment guere i'au-  
ray le plaisir d'auoir preuenu leur infi-  
delité, & seray bien ayse, d'autant que ie  
les ayme de me rendre coupable pour  
les sauuer de ce blasme. Il me sēble que  
c'est faire des amitez de bonne sorte, il  
faut auoir de la passion non seulement  
pour les hommes de vertu, pour les bel-  
les femmes: mais aussi pour toute sorte  
de belles choses, l'ayme vn beau iour,  
des fontaines claires, l'aspect des mon-  
taignes, l'estendue d'vne grande plaine,



de belles forests, l'Ocean, les vagues, son calme, les riuages: l'ayme encore tout ce qui touche plus particulièrement les sens, la Musique, les fleurs, les beaux habits, la chasse, les beaux cheuaux, les bonnes odeurs, la bonne chere: mais à tout cela mon desir ne s'attache que pour se plaire, & non point pour se traualler, lors que l'vn ou l'autre de ces diuertissemens occupēt entièrement vne ame, cela passe d'affection en fureur & brutalité; la passion la plus forte que ie puisse auoir ne m'engage iamais au point de ne la pouuoir quitter dans vn iour, si i'ayme, c'est autant que ie suis aymé, & cōme la Nature, ny la Fortune ne m'ōt pas donné beaucoup de parties à plaire, ceste passion ne m'a iamais gueres continué ny son plaisir ny sa peine. Je me tiens plus asprement à l'estude & à la bonne chere qu'à tout le reste. Les liures m'ont lassé quelquesfois: mais ils ne m'ont iamais estourdy, & le vin m'a souvent resiouy: mais iamais enyuré, la debauchee des femmes & du vin faillit à m'épieter au sortir des escoles: car mon esprit vn peu precipité auoit franchy la subiection des precepteurs, lors que

mes mœurs auoient encore besoin de discipline. Mes compagnons auoient plus d'aage que moy: mais non pas tant de liberté. Ce fut vn pas bien dangereux à mon ame que ceste premiere licence qu'elle trouua après les contraintes de l'estude. Là ie m'allois plonger dans le vice qui s'ouuroit assez fauorablement à mes ieunes fantaisies: les empeschemens de ma Fortune destournerent mon inclination, & les trauerſes de ma vie ne donnerent pas le loisir à la volupté de me perdre, depuis insensiblement mes desirs les plus libertins se sont attiedis avecques le sang, & leur violence s'esuanouissant tous les iours avecques l'aage me promet doresnauant vne tranquillité bien asſeurée, ie n'ayme plus tant ny les festins ny les balets, & me porte aux voluptez les plus secretes avec beaucoup de mediocrité. Tout à coup Sydias à qui le moindre bruit interrompoit le sommeil nous chanta tout haut ce Vers de Virgile,

*Nec Veneris, nectu vini capiaris  
amore.*

Il croit, dict Clitiphon, auoir tres-bien  
rencon

rencontré, C'est le plus orgueilleux Pedan qui soit en son mestier, nous allasmes à luy & le trouuasmes encore dans son liect: *Nunquid* ( nous dit-il ) *excepistis quem intransuersum parietem vobis vibrari versum*, *potuitne opportunius laudari*, fort bien, luy dit Clitiphon: mais habillez - vous donc & nous allons vn peu promener dans ce iardin attendant à desieuner. Sydias respondit qu'il s'abilleroit, & desieuneroit quand nous voudrions: mais qu'il ne se promeneroit point, & que *non poterat satis laudari Turcarum mos*, *penes quos ambulationes huiusmodi sine consilio pro ridiculis habebantur*, & en suite de cela il nous estourdit de son Latin: mais nous sortismes de là Clitiphon & moy pour aller voir ce iardin que l'hoste entretenoit assez curieusement.

---

### CHAP. III.

**D**Abord Clitiphon faillit à pasmer de l'odeur des Rozes que nous

trouuâmes en abondance des l'entree du iardin, & se portant la main au visage le nez bouché, & les yeux clos, il fit cinq ou six pas fort viste pour s'oster d'aupres du rozier, ie croyois que c'estoit vne feinte, ou quelque fantaisie delicate d'un esprit foible, iusqu'à ce que l'ayant veu passe & presque deffailant, ie cogneus que c'estoit vne tache en son naturel, cōme il se trouue en des choses semblables, quelques ames ombrageuses en beaucoup d'obiects, il y en a qui sont malades à voir des cerises, d'autres pour regarder du vin. Ie n'ay Dieu mercy aucune de ces mignardises en mon appetit, cōme aussi ie me trouue tousiours avec antipathie & horreur aux serpens, aux rats, aux vers, & à toute sorte de saleté & de pourriture. Ie ne repasserois point par là, dit Clitiphon, d'eusse-ie sauter ses pallissades, suis ie pas malheureux d'une si sottie debilité de cerueau, il n'y a point de poison pour moy comme celuy-là, j'ayme bien les œillets, les violettes, ie souffre toute sorte de parfums, mais si j'approche des rozes, tous mes sentimens me quittēt à coup, ceste fleur, luy dis- ie, c'est l'halei-

ne

ne de vostre mauuais Ange qui vous enforcelle , & vous donne des conuulsions d'un Demoniaque , les yeux vous ont tourné, vous avez grincé les dents & ouuert les leures , avec des grimasses routes pareilles à celles de la fille Obsedee que ie vis dernièrement. Je n'ay point d'autre diable que ceste odeur là, dit Clitiphon, mais si vous m'aymés faites moy le conte de cest' aduanture: car on dit qu'elle fut plaisante , ie ne m'en suis pas bien ozé resiouyr de peur qu'elle ne fut fausse , & puis que vous avez la reputation d'estre exactement veritable iusques aux moindres choses, apprenez moy cōment tout s'est passé, afin que ie m'ose asseurer de le biē sçauoir. Voicy, luy dis-je, tout ce qui en est. Le bruit de cest accident alarmoit desia tout le pays, & les plus incredules se laissoient vaincre au rapport d'une infinité de gens de bien, qui croyoiēt auoir veu veritablement des effects par dessus les forces de la nature en la personne de ceste fille là. Je me trouuay par occasion dās la ville, où desia long tēps auparavant elle faisoit son ieu, & comme on me tient d'un naturel à ne croire pas

pas facilement les impossibilitez, deux de mes amis pour conuaincre les doutes que j'auois la dessus, me presserent de l'aller voir avec promesse de se desabuser si au sortir de là, ie ne me trouuois de leur opinion, elle estoit logée assez pres des murailles de la ville dans vne meschante maison où vn Prestre la venoit exorcizer reglement deux fois la sepmaine. Vne femme fort vieille & deux petits enfans estoient inseparablement aupres d'elle, ce qui me donna la premiere coniecture de la tromperie : car d'abord que ie vis dans sa chambre que le sexe & l'aage le plus foible & le plus timide viuoient en seureté aupres de ce diable, ie iugeay qu'il n'estoit pas des plus mauuais. Apres auoir heurté assez fort, vn vieillard qui nous ouurit la porte, nous dit que la patiente auoit besoin d'vn peu de repos, à cause d'vn trauail extraordinaire que luy auoit fait le mauuais esprit vn peu auparauant, mais que reuenant deux heures de là nous pourrions contenter nos curiositez, ie cogneus qu'il demandoit ce terme pour luy donner loisir de préparer ses  
contre

contenâces surnaturelles , & sans m'ar-  
rester à son aduertissement , ie montay  
promptement dans la chambre où  
estoit la fille avec sa compagnie de la  
vieille & des petits enfans : la regar-  
dant fixement à la veuë , ie la trouuay  
surprise, & remarquay facilémēt qu'elle  
contraignoit son visage & commen-  
çoit à estudier sa posture. A ceste fein-  
te vn peu grossiere , ie ne me sceus te-  
nir de rire, ce que la vieille trouua tres-  
mauuais , & me dit que Dieu pourroit  
punir ma mocquerie par le mesme cha-  
stiment de ce pauvre corps , ie luy dis  
que ie riois d'autre chose , & que nous  
n'estions point de gens incapable de  
persuasion pour tout ce où nous trou-  
uions quelque apparence , mais que  
nous demandions quelque tesmoigna-  
ge visible qui peut faire foy d'vne cho-  
se si incroyable. Cependant la Demo-  
niaque commence à s'agiter le corps , à  
s'effaroucher la veuë, & nous dire pres-  
que hors d'haleine qu'elle sentoit là  
des incredules , & que cela luy alloit  
bien faire du mal : Insensiblement , la  
voila dans le transport, elle iette à terre  
vne quenouïlle qu'elle tenoit, & passant

d'où nous estions dans vne autre chambre, elle se iette à terre, contrefait des grimasses de pendu, des cris de char, des conuulsions d'Epileptique, se traine sur le ventre, se roule sous des liets, saute à des fenestres, & se veut precipiter sans l'empeschement des petits enfans deuât qui elle s'arrestoit, court en grondant quelques mots de Latin mal prononcé, ie luy parlay Latin le plus distinctement qu'il m'estoit possible, mais ie ne vis iamais aucune apparéce qu'elle l'entédit, ie luy dis du Grec, de l'Anglois, de l'Espagnol, & de l'Italien, mais à tout cela ce diable ne trouua iamais à respondre vn son articulé, pour du Gascon elle ne manqua point d'iniures à me repartir : car elle estoit du pays, & le Prestre venu, son Latin trouua de l'intelligence avecques luy, elle entendoit ses interrogations, & luy ses réponses, en vn mot, selõ les termes de leur dialogue, elle renforçoit ou relaschoit ses postures, avec effroy de plusieurs des assistans, dont ie ne pouuois me tenir de me mocquer, protestant que ce diable estoit ignorant pour les langues, & qu'il n'auoit point voyagé, & com-  
bien



bien qu'à chaque fois la Demoniaque eut des boutades à me sauter aux yeux, ie ne laissay pas d'attendre la fin de son accès, sçachant bien qu'à moins de se trāsformer en quelque chose de plus fort & de plus farouche qu'une fille, quelque diable que ce fust, ne pouuoit me nuire que malaisement, ceste resolution bien aisee que ie tesmoignay en vn accident que tout le monde croyoit si dangereux, fut cause que l'abus ne demeura pas long temps caché: car les iustes soupçons que donna cét euenement, permirent à la curiosité de plusieurs d'examiner ce mystere de plus pres, & comme les esprits se deliuroiēt peu à peu de ceste superstitieuse credulité, les deffiances croissoiēt de plus en plus, iusqu'à ce que le temps leur produisit vn tesmoignage qui osta tout à faict l'incertitude: car apres auoir esté traictee par vn bon Medecin, il se trouua que son mal n'estoit qu'un peu de melancholie, & beaucoup de feinte. Finisāt ainsi ce conte, i'étroüis du bruit qui se faisoit au logis, & me tournāt vers la porte où nous auions passé, voicy venir Sydias tout en desordre, sās colet & sās

chappeau, vn peu sanglant au visage, nous coniurant par tous les deuoirs de la societé humaine, de luy ayder à tirer raison d'vn affront qui luy venoit d'estre fait avec la plus grande iniustice du monde, que tous les anciens bien entendus estoient pour luy, & la plus part des Modernes, & qu'est-ce, dit Clitiphon. Cét ignorant, dit-il, n'a iamais sçeu les voix de Porphire: *O quam dura res est cum insipiente rem habere.* Mais quelle est donc vostre querelle, il m'a voulu soustenir que *odor in pomo non erat accidens*, & que vous importe-il, luy dis-ie, que ce soit accident ou substance, autant dit Sydias, qu'il m'importe d'estre sçauât ou ignorant, d'estre homme ou beste, nous rismes de sa consequence bien qu'elle fut des ordinaires de son discours, & le ramenâmes au logis pour accorder leur different.

---

#### C H A P I T R E I V.

**L**H'oste & ses domestiques estoient  
L'empeschéz à retenir l'autre, qui  
estoit

étoit en vne cholere furieuse, de ce que Sydias luy auoit donné vn dementy, c'estoit vn ieune homme nouuellement fortý des Escholes, qui s'en alloit porter les armes en Holande, fort chatouilleux sur le point d'honneur, & qui ne vouloit resolutement receuoir aucune condition que du duel, il estoit pout dire le vray offensé : car le Pedan luy auoit sanglé le visage d'une ceinture qu'il portoit ordinairement, & les meurtrissures que les boucles luy auoient faictes paroissoient bien fort, si bié que nous eusmes beaucoup de peine à le faire consentir de remettre son affaire entre nos mains, & d'auoir esgard qu'il auoit affaire à vn homme de lettres, avec qui tous les aduantages qu'il se pouuoit promettre, ne luy sçauroient donner que peu de reputation, & que nous le porterions à luy demander pardon du dementy ; Sydias nia que ce fut vn demanty, & qu'il sçauoit mieux le respect qu'il deuoit à Pallas pour traiter si outrageusement son nourrisson, qu'il n'auoit dit autre chose sinon qu'il estoit faux, que *odor in pomo* fut autre chose qu'accident, & qu'il estoit resolu

de mourir sur ceste opinion, il salut  
mettre dans les conditions de l'accord  
que le soldat auoueroit ceste verité, ce  
qu'il fit tres-facilement, disant qu'il ne  
croyoit pas que son honneur dependit  
de la frenesie d'un Philosophe, ceste fa-  
çon de parler faillit à rebroüiller tout:  
car le Pedan se piqua de nouveau par  
cest' iniure, & reprit tout haut que les  
Philosophes n'estoiét point frenetiques,  
*frenesis enim, inquit ille, est alienatio qua-*  
*dam mentis & furor animi ratione destituti,*  
& que *Philosophorum studium in excolen-*  
*da potissimum ratione versabatur,* là dessus  
nous leur imposames silence, & ordon-  
nâmes que Sydias s'excuferoit du de-  
mentir, & que l'autre tiendrait *odor in*  
*pomo* pour accident, cela conclu nous  
les fismes embrasser & boire ensemble.  
On nous auoit apresté à des-jeuner en  
vne salle basse, où il y auoit des-ja des  
Alemands & des Italiens qui mängeoient  
à diuers escots, les Alemands estoient à la  
main droicte; & les Italiés à la gauche,  
& nostre table estoit au milieu attédant  
qu'on nous apportast à des-jeuner, nous  
acheuions Clitiphon & moy de rapaiser  
la fougue de nostre nouveau-soldat,  
qui

qui ne se pouuoit pas bien satisfaire sur certains restes du procedé , & meditoit encore vne maniere d'esclaircissement, Sydias qui n'y pensoit plus pour tout, s'approche de la table de ces Alemans, & comme il estoit fort estourdy, & tousiours curieux sans dessein, ayant considéré leurs visages & leurs habillemens, il leur fait vn petit soubf-ris , & les saluant de la teste sans oster son chapeau, *Quantum*, dit-il, *ex vultu & ex amictu licet conijcere, ego vos exoticos puto*, Ces Messieurs du Septentrion qui d'une grauité froide & nonchalante , rebutent d'abord les plus eschauffez ne daignerent pas seulement respondre le moindre signe à la demande du Pedan, qui n'imputant ce silence qu'à la stupidité de la nation , continuë à leur dire , *Nuper ni fallor appulistis ad nostrum litus , adhuc enim vobis vestes sunt indigenae* , à ceste seconde attaque ils se regardent leurs habits les vns les autres , & se parlans en leur langue ils reietterent quelques regards de trauers sur nostre Pedan, qui cogneut bien que ce n'estoit pas là la conuersation , & se destournant à la main gauche vn peu refroidy de ce

premier rebut, comme il estoit à con-  
 templer ces Italiens, à peine eut-il loir-  
 fir d'ouurir la bouche pour les saluer  
 que ces Messieurs se leuent, & d'une ci-  
 uilité extra-ordinaire avec des reueran-  
 ces profondes, le coniurerent de prédre  
 part à leur petit repas. *Deus bone* [ s'escria  
 Sydias] *quam varia sunt hominum ingenia,*  
*tot capita, tot sensus, tot populi, tot mores, tot*  
*civitates, tot iura, Noi altri,* luy dirent-ils,  
*Reuerendissimo signore non parliamo Lati-*  
*no, basta a no de saper, il vulgare ma vos si-*  
*gnoria pille vn seggio & fara colatione con*  
*i suoi seruitori,* Sydias à qui la cognois-  
 sance du Latin & du François donnoiet  
 assez d'intelligence pour l'Italien, Mes-  
 sieurs, leur dit-il, vous estes bien plus  
 honnestes gens que ces gros Messieurs  
 là, mais vous ne faictes pas si bõne che-  
 re, comment pouuez vous manger des  
 salades si bon matin? *Herba enim nisi post*  
*rorem frigidiores sunt & planè sub meri-*  
*diem apponenda,* & faut que le Soleil ait  
 passé par dessus; nous le faisons, dirent-  
 ils, pour nous remettre l'appetit: car  
 nous fismes hier desbauche, & la teste  
 nous en fait encore vn peu de mal, *Opti-*  
*mè,* dit Sydias, *Contraria contrariis cu-*

*rantur & cum dicto*, il s'en reuient à nous qui estions desia en train de des-jeuner Clitiphon se fait donner vn verre à moitié plein, & porte à Sydias la santé de son Antagoniste, *Ex animo*, dit-il, ie feray raison, & tout sur le cháp se faiët donner le plus grand verre, & le beut plein iusques aux bords, les Alemens voyans ceste action si franche, se repentirent de la mauuaise opinion qu'ils auoient eüe de son esprit, & avec des regards plus familiers luy vouloiët faire entendre qu'ils eussët esté bië aises de faire cognoissance avecques luy, mesme l'vn deux le verre à la main, les yeux tousiours fichez sur Sydias pour prendre occasion d'estre veu de luy, & toussant pour se faire apperceuoir, comme Sydias se fut vn peu destourné, il se leue & boit à ses bonnes graces, le Pedan qui n'estoit pas irreconciliable, le receut de bon cœur, & par là s'introduisant en leur societé, nous vouloit persuader Clitiphon & moy de ioindre nostre escot au leur: Car pour luy c'estoit vn fort beueur, Mais Clitiphon qui a le cerueau delicat au possible, n'en scauroit porter vne peinte sans


estre incommodé, non plus que ce ieune Escolier. l'estois entre les deux, & ne suis pas des plus foibles à la desbauche. Mais ie n'ayme que celle où ie ne suis pas contraint. Tous ces Messieurs du Pays-bas ont tant de regles & de ceremonies à s'enyurer, que la discipline m'en rebute autât que l'excès, ie me laisse facilement aller à mon appetit, mais les sermons d'autrui ne me persuadét guere, & le mal est qu'estât vne fois engagé à la table, le vin pipe insensiblement, & les alterations du corps vous mettent l'esprit hors de gamme, si bien que les resolutions qu'on faisoit de se retenir de boire, s'oublent en beuvant, & chacun se pique d'abatre son compagnon. Ces debordemens font vn grand changement & vn grand tumulte en nostre disposition: mais ils ne sont pas si dāgereux à la santé qu'on les croit, à les continuer on y succombe mais à si laisser quelquefois surprendre on s'en trouue mieux. Les meilleurs Medecins tiennent que s'enyurer vne fois le mois destourne d'autres maladies. Il est vray que c'en est vne & plus à fuir à cause qu'elle est honteuse,



& que la raison y patit. Ceux qui cherchent leur santé par ceste voye, sont comme ceux qui recourent à la Magie pour auoir leur Maistresse. Nous laissâmes donc le Pedan embarqué avec les Alemans, & nous en alâmes pour voir sur le port vn Nauire qui estoit fraichement arriué des Topinanbours, où ie voulois m'enquerir des nouuelles d'vn de mes amis qui deuoit arriuer enuiron ce temps-la.

---

## CHAPITRE V.

omme nous allions vers la porte du quay, nous rencontraâmes au destour d'vne petite ruë le Sainct Sacrement que le Prestre apportoit à vn malade, nous fûmes assez surpris à ceste ceremonie : car nous estions Huguenots & Clitiphon & moy : mais luy sur tout avec vne opiniastrété inuincible, ce qu'il resmoigna tres-mal à propos en ceste rencontre : car tout le monde se mettant à genoux en

l'honneur de ce sacré Myſtere, ie me rangeay contre vne maiſon nuë teſte, & vn peu encliné par vne reuerence que ie croyois deuoir à la couſtume receuë, & à la religion du Prince [ Dieu ne m'auoit pas fait encore la grace de me recevoir au giron de ſon Eglise] Clitiphon voulut inſolemment paſſer par la ruë où tout le monde eſtoit proſterné, ſans s'humilier d'aucune apparence de ſalut, vn homme du peuple, comme ſouuent ces gens là par vn aueuglement de zele, ſe laiſſent plus eſmouuoir à la cholere qu'à la pitié, ſaute à la teſte de Clitiphō, luy iette ſon chapeau par terre, & en ſuitte ſe prend à crier au Caluinifte, toute la ruë ſe ſouleue, & ſans la faueur d'un vieil homme de robe longue, qui ſe trouua là inopinément, on l'eut ſans doute lapidé, ce bon homme fit ſemblant de ſe ſaiſir de la perſonne de Clitiphon pour le mettre en priſon, & en reſpondit ſur ſa vie. pour appaiſer les plus ſeditieux, qui commençoient à le trainer vers la maiſon de ville, où eſtoient les priſons de ceſte ville là. Clitiphon parmy tout ce dāger auoit de la peine à ſe repētir de ſa  
faute:

faute: mais le bon homme qui s'estoit beaucoup hazardé pour luy rendre ce bon office , se monstra si sage qu'il ne parut aucunement touché de l'obstination brutale où Clitiphon perseueroit tousiours, seulement il le pria deux ou trois fois de se contraindre vn peu deuant ce peuple , pour n'estre pas occasion de nous faire tous assommer. Car nous estions enuironnez desia de plus de deux cens personnes , qui ne nous quitterent point iusqu'à ce que ce bon vieillard l'eut cōduit chez le Magistrat, & s'estant obligé de poursuiure la punition d'vn crime si scandaleux, il laissa tous ces mutins dans la rue, & se r'enferma avec nous chez le Magistrat , qui pour l'amour de nostre Introduceur nous reçeut fauorablement. Ayant ouy le subiect de nostre visite , il nous ordonna de passer trois ou quatre heures dans son logis, attendant qu'il eust loisir de r'appaïser l'émotion populaire. Prenant pour cest effect sa robe Magistrale , il sort avec le vieil bon homme pour trauailler à nostre paix, & no<sup>9</sup> met dans vne chambre où sa femme & vne sienne sœur tres - belle fille vindrent

drent pour nous entretenir, en attendant le retour du Maistre du logis. Ceste femme offrit à Clitiphon des habits à changer, car les siens estoient en desordre, nous la remerciaſmes de ceste courtoisie, & prîſmes vn Lacquais pour aller querir vn desabiller pour Clitiphon à l'Hostellerie, elle se desroba vn peu de nous pour dire tout bellemēt à son Lacquais qu'il aduertit à nostre logis que nous n'y disnerions pas, nous fîſmes semblant de ne le pas ouyr, voyant bien que nous ne pouuions pas nous en deffendre, puis que nous auions long-temps à nous cacher là dedans. Ceste importunité nous estoit ineuitable, car toute la ceremonie & les honnestetez qu'on fait à refuser vne chose necessaire, tiēnēt quelque chose d'une hypocrisie qui dement la ciuilité & qui efface tout le compliment, apres qu'elle nous eut faict asseoir dās des sieges tres beaux, car tout esclatoit là dedans & sentoit sō bien, elle prit plaisir à m'ouyr raconter nostre aduanture, & ne se pouoit tenir de me soubs-rire de la punition de Clitiphon, qui ne s'attendoit guere à nos discours : car il tournoit

les

ses yeux de fois à autre sur ceste fille, qui auoit veritablement dequoy amuser la veüe d'un honnestes homme : mais il y auoit parmy les attraiçts de son visage vne froideur de modestie & de chasteté si bien peinte, qu'elle obligeoit à aymer beaucoup, mais à ne guere esperer, i'y auois pris garde à la delrobée aussi bien que mon compagnon : & i'ay ce bon-heur que dès le premier pas que mon esprit veut faire vers quelque passion, vne petite estincelle de iugement s'ingere à me donner conseil, & me destourne ordinairement d'un dessein où ie voy de la difficulté à poursuiure vn plaisir, & de l'incertitude à l'atteindre. La Maistresse du logis apres nous auoir mis en discours avecques sa sœur, s'en alla pour disposer ses gens à nous faire chère, comme on nous la fit tres-bonne. Aussi-tost qu'elle fut sortie, Clitiphon se tourna vers l'autre. Et se met-tans la dessus à cageoler, ils se piquent tous deux de rencontres, & du bien dire ordinaire de ceux qui font l'amour, à quoy ie n'ay sçeu iamais encore accommoder la rudesse de mon esprit. Ce qui interrompit cette premiere con-  
uersatio

uerfation fut le retour du Lacquais qui amenoit le valet de la chābre de Clitophon avec son defabiller, & nous dit qu'un honneste homme de ceste Hosterie nommē Monsieur Sydias auoit beu tout deuant luy à nostre santé, & luy auoit donne vn billet pour nous apporter, que ie prins, & voulois differer à le lire deuant ceste Damoiselle, sçachant bien que i'y trouuerois des impertinences à son ordinaire, Clitophon me l'arracha des mains, & pour prendre occasiō de faire quelque commencement d'une confidence avec elle le luy presenta pour le voir, ce qu'elle m'ayant remis, ie me vis obligé de le lire, il estoit moitié Latin moitié François, comme tous ses discours, & voicy ce que c'estoit, *A quo me vobis socij charissimi, misera mea sors eripit, ingressus sum periculosissimum mare, atque ideo quaeso vos, Messieurs mes bons amis, de prier Dieu qui luy plaise auoir pitié de mon ame : car ie vois bien que nous sommes tous perdus, Iam mihi cernuntur tripidis delubra moneri sedibus, atque adeo una Eurysque, Notusque ruunt, & iam exonerata nanis, & quicquid vestium*

*& mercium fuit in mare proiectum vix nudos nos ferè sustinet.* Il me va souuenir que nous l'auions laissé en train de boire, & demande au Laquais en quelle posture il l'auoit trouué qui se retenant par respect de nous le dire, nous fit assez cognoistre, que ce Pedan estoit en desordre, Clitiphon le presse de nous dire en quel estat il l'auoit laissé, le garçon nous dit ingenuement, qu'ils estoient quatre ou cinq qui croient aller faire naufrage, comme s'ils eussent esté dans vn Nauire bien en peril, ils iettoient les meubles de la maison par les fenestres, croyant que c'estoit de la marchandise du vaisseau qu'il falloit ietter dans la mer, & que parmy ceste espouuante, ils ne laissoient pas de boire par interualles, de se coucher, de pisser deuant tout le monde, & de vomir les vns sur les autres, à quoy la Damoiselle tournant la teste nous obligea de l'entretenir d'autres choses. Clitiphon alloit reprendre sa pointe quand voicy le Magistrat reuenu de la ville, avec de bonnes nouuelles pour nous, il nous dit qu'il auoit assoupy ce tumulte, mais que pour la liberté de sortir nous ne pouuions

pouuions l'auoir qu'apres dîner , que luy mesme nous vouloit ramener à nostre logis , Clitiphon commença lors à se repentir de sa faute , pour la peine que de si honnestes gens auoient prise à la reparer , ce Magistrat estoit vn peu ceremonieux : car il passoit desia midy , & le dîner commençoit à deuenir froid , qu'ils estoient encore à l'entrée de la chambre où l'on auoit seruy, disputant la porte, & comme nous estiōs venus sur le seuil , ils se retirerent tout à coup , & se considerans l'vn l'autre. Allons donc , Monsieur , Monsieur ie n'ay garde , ce sera apres vous , Iesus Monsieur que dictes vous ? i'aymerois mieux mourir, Mōsieur ie ne sçauois pas vous repartir, mais ie sçauois bien me tenir icy tout aujourd'huy, Mōsieur ie ne sçay pas beaucoup de ciuilité , mais ie ne l'ignore pas iusqu'à ce point là , Monsieur en vn mot ie veux estre obey ceans , le Charbonier fut Maistre dans son logis : i'estois vn peu à part baissant la veuë de honte , & haussant les espaules en me mocquant, & en souffrant beaucoup de leur honnestetez fort à contre-temps , à la fin

voyant



voyant que cela tiroit de longue, & que les viandes se gastoient, ie fis signe à Clitiphon qu'il se laissast vaincre, il defera cela à mon impatience, & passant le premier ne se peust empescher de dire encore, Monsieur, j'ayme mieux estre sot qu'importun, puis qu'il vous plaist que ie faille, ie merite que vous me le pardonniez, ie passay aussi à la faueur de ses complimens, & d'abord que ie fus dans la chambre, ie quittay mon manteau, me fis donner à lauer aupres du buffet pour esuiter la ceremonie, & par la, les obliger à n'en point faire, ce qui me reüssit, Clitiphon l'aua avec les femmes ceste Maistresse luy donnoit tousiours dans la veüe, & comme nous fumes à table, il ne se pouuoit tenir de la regarder avec vne passion si apparente, qu'il estoit aisé à tout le monde de s'en aperceuoir, & que la fille & luy en rougissent deux ou trois fois, pour moy ie ne m'amusois qu'à manger du bon appetit, & disois à nostre Hoste en passât quelque mot de sa bone chere: car tout y estoit delicat, & fort bien appresté. Lors qu'en des repas on a la liberte de parler de la chere qu'on fait, on se traiecte ce me semble

ble avec plus de plaisir, & les tables des grands Seigneurs sont odieuses, en ce qu'on passe presque le repas sans dire mot, leurs ordinaires qui pourroient passer pour festins, si on auoit la licence de les gouter, sont tousiours affamez pour moy à cause de la cerimonie: car i'y trouue de si grandes contraintes, & tant de degousts, qu'au sortir de la table, il me semble que ie viens de dîner dans ces Chasteaux enchantez, où les viandes n'auoient qu'illusion, par où la foiblesse de la veüe trompe les dents & l'estomach. Autrefois la bonne chere a esté le plaisir des honnestes gens, Homere introduit presque tous ces Heros grands mangeurs & grands beueurs, & la raison y est naturelle, Car vne composition robuste comme elle dissipe beaucoup d'esprits, elle a besoin de beaucoup d'alimens pour la reparer, pour moy si peu d'apetit que ma santé me donne, ie l'employe assez sensiblement, & suis bien aise qu'on ne me presse point au repas. Ce Magistrat me fit ceste complaisance, car comme Clitiphon s'amuse à resuer sur le visage de ceste

nouvelle Maistresse, l'Hoste & moy parmy les deuils & les ragoufts. Nous fûmes à table iusqu'à trois heures apres midy. De là, il nous falut retirer à nostre logis, ce que nous fîmes vn peu plustost sans doubte que nostre Amoureux n'eust voulu.

---

## CHAP. VI.

**E**stois en vne grande impatience de sçauoir à quoy en estoit la conference de nos beueurs, & aussi tost que ie fus dans l'Hostelerie, j'entray dans la salle où nous auions desieuné, pour voir s'ils estoient encore à la desbauche. Mais ie les trouuay l'vn endormy le nez sur son assiette, l'autre renuersé sur le banc, Sydias couché tout plat sur les carreaux, la moitié des escuelles à terre, presque vn muid de vin ou vomy ou renuersé, vne musique des ronflemens, vne odeur de Tobac, des chandelles allumées comme deuant des morts, bref tout m'a-

paroissoit

paroiſſoit d'un viſage ſi eſtranger, que ſi ie ne me fuſſe retiré de là, ie m'allois imaginer de n'eſtre plus en France, tant cela tenoit des cerameſſes du Pays bas: j'allois pour faire rire Clitiphon de ce ſpectacle, car d'abord que nous fuſmes de retour de chez le magiſtrat, il s'eſtoit enfermé dās vne chambre, où ie vins à heurter aſſez fort, auant qu'il voulut reſpōdre, à la fin me recognoiſſant à la voix il m'ouurit la porte, & plia, comme j'entrois, vn papier, qu'il mit à la deſrobee dans la poche: mais non pas ſi finement que ie n'y prinſſe garde, ſans luy faire pourtant cognoiſtre que ie l'auois aperçeu: car ie ſuis homme de peu de curioſité, & laiſſe touſiours mes amis dās leur ſecret, d'autāt que ie ne crois pas qu'aucune amitié puiſſe iamais adiuster vne confidence au point de n'auoir quelque choſe de reſerué, les gens de bien qui viennent à s'aymer parfaictement, ne ſe doiuent rien cacher de ce qui leur importe, & dont le ſecret peut donner de la ialouſie à ſon amy: mais il ne laiſſe pas de ſe trouuer bien ſouuent des choſes particulieres, que le reſpect & la

de l'amitié ne veut pas que l'on cōmunique, ie ne m'offenceray iamais que mō amy dās les affaires domestiques, ne me fasse point son confident, il peut ouurir & fermer toute sorte de lettres deuant moy, sans que ie l'espie seulement d'un regard, mais s'il auoit vn dessein ou de mariage, ou de voyage, sans me le faire sçauoir, ie ne croirois plus estre en ses bonnes graces, & luy rendrois la pareille de ses desffiances. L'affaire de Clitiphon n'estoit point de cest importance là, ie me doubtois bien à plus pres que ce pouuoit estre, voyant dans son visage qu'il estoit en peine de sa feinte, soit qu'il se sentit rougir, ou qu'il eust aperçeu que ie l'auois descouuert, si biē qu'il ne me le fit pas long: car apres m'auoir dit la premiere fois qu'il estoit là à faire vn calcul de quelques petites despeses pour venir à certains cōptes qu'il alla controuuer, il vid que ie fis sēblant de croire trop facilement pour en croire rien du tout, & me disposant à luy donner le loisir de faire ses supputations, j'alois sortir qu'il me pria d'arrester pour me dire au vray ce qui l'amusoit là,

à

à condition que ie ne m'en mocquerois point, ce que luy ayant promis, il tire de sa pochette quelques moitez de vers & de proses, d'où il vouloit r'assembler vn present pour ceste Maistresse. Est-il bien vray, luy dis-je, que vous soyez pris ? seriez vous si fol que d'estre Amoureux ? ie ne le suis pas, dit-il, au point qu'il paroist pout estre à ma contenance : mais à la verité ceste fantaisie me passe fort agreablement dans l'esprit, & ceste refucrie commence à me desrober le goust des obiects que ie trouuois auparauant les plus aimables, ie ne sçauois me souuenir d'elle qu'avec vn peu d'emotion, & pour si peu de temps que l'ay veüe, i'ay toute ceste idee si bien imprimee dans le cœur, qu'il n'y a poinr de traict si caché dans son visage, ou de mouuemens si diuers en ses regards, qui ne soient presens à mon imagination, ceste taille, ceste parole, ce rire, ceste façon de cheminer, ie le vois mieux que ie ne faisois tantost : car mes yeux l'ont mis bien fidelement dans mon ame, & mon ame la remer incessamment deuant mes yeux. Ceux qui se sont imaginez d'auoir parlé à des diuini

diuinitez corporelles ; songeoient sans doute à leur Maistresse : car on ne voit en absence rien si clairement que cela. A ce petit discours qu'il me poussa precipitement , & qu'il monstroït bien partir du profond du cœur , il me sembla voir vn homme qui commence à s'estendre , & baille du premier accez de sa fiebure , & iugeay bien qu'à la fin il faudroit que ceste maladie print son cours, ie ne lassay pas de luy représenter que c'estoit là le commencement d'un dessein qui engage les hommes aux affaires les plus importantes de la vie , & qu'on se deuoit donner le loysir d'examiner vn peu ceste entreprise , tout ce qui nous surprend pour nous engager, ne se porte que bien rarement à nostre aduantage. Ceste aduanture luy dis ie si inopinee, n'est peut estre pas de vostre bon genie , voyez que desia vous commencez à vous en treuuer mal , la melancolie vous saisit, les souspirs vous eschappent, vous ne mangez plus qu'avec degoust , vous n'avez plus vn sommeil qu'interrompu , ny des songes qu'avec des vapeurs mal digerees , qui ne vous représentent que precipices, & que vi-

sions d'espouuentemens : ne laissez pas  
gagner le mal plus auant, coupez luy  
la racine tandis qu'elle est encore foi-  
ble, aussi bien possible trauaillerez vous  
à ceste recherche inutilement : ce sera,  
peut estre, quelque esprit capricieux,  
sur qui vous ne pourrez poser aucun fon-  
dement de vostre poursuite, ou quelque  
humeur deffiante que vous ne pourrez  
iamais asseurer de la verité de vostre af-  
fection, ou quelque naturel delicat &  
superbe, à qui ny la vertu, ny la passion  
ne scauroit iamais rendre agreable, &  
qui ne se trouuant honoré que de soy  
mesme, se desoblige de l'amitié & du  
respect qu'on luy veut rendre. Peut  
estre cōme à sa mine elle est assez froi-  
de, & semble auoir du iugement, elle  
souffrira bien que vous la seruiez, & ne  
se faisant au fonds que rire de vostre  
mal, vous laissera vieillir sans recompē-  
se. Mon amy vous courez danger de  
tous ces inconueniens là. Au reste ie ne  
suis pas si peu complaisant à la passiō de  
mes amis, que si i'auois la liberté de  
demeurer en ceste Ville, ie ne fusse biē  
ayse de vous y tenir compagnie : car ie  
voy que cecy s'en va rompre vostre  
voyage,



voyage, & que vous n'estes pas prest à partir d'icy demain. Là commençant à me respondre par vn serment, il me proteste qu'il seroit à Tours si tost que moy, & que dans trois iours il prendroit la poste pour me rateindre, qu'il me supplioit de luy donner ce temps-là, & de pardonner ceste necessité à la foiblesse de son esprit, qui s'estoit veritablement laissé prendre, & ne se sentoit pas capable de se deliurer si promptement. Cependant puis que vous me donnez vne sorte de congé en ceste desbauche, plustost comme vne approbation à ce diuertissement de mon ame, acheuez ie vous supplie l'obligation que ie vous ay de m'approuuer en ma frenesie, & pour la faire mieux reüssir, puis que les vers ne vous coustent rien, & que tout le monde, & moy particulierement les estiment tant, donnez moy vn Quatrain de vostre façon qui luy touche quelque chose de mon affection, & de sa beauté: Et comment, luy dis-ie, voudriez vous emprunter les habits d'un autre pour vous parer deuant vostre Maistresse, & vous farder le visage pour luy plaire. Cela est en-

core plus estrange d'auoir des imaginations empruntees pour luy discourir, & sçachez, ie vous prie que les pensees d'vn autre ne se rapportent iamais si bien à nos sentimēs, & qu'il faut estre Amoureux pour les sçauoir dire. Pour exprimer vostre fantaisie, il faudroit que vostre Maistresse me parut aussi belle qu'elle vous semble: Les plus excellens traictés de la Poësie sont à bien peindre vne naifueté: Vous ferez mieux cela avec vn soupir que ie ne sçauois avec tout l'artifice. Le plus nōchalamēt que vous luy pourrez escrire, & avec plus de desordre luy persuadera mieux que vous auez l'esprit diuertý, Et que l'amour ne vous laisse pas la liberté du discours, si bien qu'autant de fautes que vous ferez, seront autant de marques de vostre passion, & des subiets de vous faire aymer. Voila, ce me dit-il, le plus honnestre refus que ie pouuois esperer de vous, donnez moy pour le moins ce ramas de vos dernieres Poësies qu'on n'a point encores veuës, afin que i'en tire si ie puis quelque chose à mon subiet, ce que ie fis facilement, & commençay à prendre resolution de luy laisser faire  
l'amour

l'amour, & departir le lendemain avec-  
ques Sydias.



# A V R O Y,

## SVR SON RETOVR

### DV LANGVEDOC.



*EVNE & victorieux Monar-  
que*

*Dont les exploits si glorieux  
Ont donné de l'Enue aux Dieux  
Et de la frayeur à la Parque;  
Qu'attendez vous plus des De-  
stins?*

*C'est assez puny de murins,  
C'est assez desmoli de Villes,  
Nous sçavons bien que desormais  
La fureur des guerres civiles  
Ne nous sçauroit oster la paix.*

*Laissez-là ces terres Estranges  
Où vous faites tant de deserts,  
Boisset prepare des concerts,  
Et moy des vers à vos loüanges.  
Paru ne fut iamais si beau,  
Les sources de Fontainebleau,  
Rompanz leurs petits flots de verre*

Contre les murs de leurs rampars  
Ne murmurent que de la guerre  
Qui les prine de vos regards.

Dans les allegresses publiques,  
Mesme en celebrant vos vertus  
Nos visages sont abatus,  
Et nos ames Melancholiques,  
Vos exploits qu'en nous fait ouyr  
Ne peuuent sans nous rescouir,  
Vous donner de la renommee,  
Et ne peuuent sans nous fascher  
Exposer au sort de l'armee  
Un Roy que uous auons si cher.

Dans ce sanglant mestier des armes  
Où vos bras sont trop exercez,  
D'autant de sang que vous versez,  
Le peuple verse icy de larmes,  
Le Demon ennemy du iour,  
Noye les Astres de la Cour  
Dans l'horreur de ses fleues: sambres,  
Partage vostre Estat aux morts,  
Bastit l'Empire de ses ombres  
De la ruine de nos corps.

Si les fureurs estoient hardies  
A ce point que leur cruauté  
Attaque vostre majesté,  
De leurs funestes maladies,  
Quelle si secourable main  
Peut fournir le secour humain,  
Ou quell'assistance diuine,  
Vous pourroit si soudain guerir,  
Que la peur de nostre ruine  
Ne nous eust plustost fait mourir.

Reuenez au sein de la France,  
C'est où les Astres les plus doux

Encore pour l'amour de vous  
 Adouciron leur influence,  
 Tous les plus gracieux climats,  
 Qui sans gresles & sans frimats,  
 Peuvent accomplir leur année,  
 Dans leur plus favorable iour,  
 N'ont rien d'esgal à la iournée  
 De vostre bien-heureux retour.

Vostre Demon tenant la guerre  
 Reduite à sa dévotion,  
 Laisse gronder l'Ambition  
 Des plus vaillans Roys de la terre,  
 On n'en voit point du temps passé,  
 De qui le renom effacé  
 Ne vous rende un muet hommage,  
 Et le marbre deuant vos Lys,  
 Est honteux de servir d'Image  
 A leurs exploits enseuelis.



# ELEGIE.



Ouuerain qui regis l'influence  
 des vers,  
 Aussi bien que tu fais mouuoir  
 tout l'Vniuers,  
 Que de nos esprits qui dans no-  
 stre naissance  
 Inspiras un rayon de ta diuine essence

Pourquoy ne m'as tu fait les sentimens meilleurs?

Pourquoy tes beaux tresors sont ils coulez ailleurs?

Je voy de toutes parts des escriuains sans nombre,

Dont la grandeur a mis mon petit nom à l'ombre.  
Je n'ay qu'un pauvre fonds d'un mediocre esprit,

Où ie vay cultiuer ce que le Ciel m'apprit,  
Des tristes sons rimeurs, d'un style qui se treine,

Essuyant tous les iours ma languissante veine,  
Si' auois la vigueur de ces fameux Latins,  
Ou l'esprit de celuy qui força les Destins.

Qui vit à ces chansons les Parques desarmees,

Et de tous les damnez, les tortures charmees,

Quand pour l'amour de luy le Prince des Enfers,

Laiissa viure Euridice, & la tira des fers,

Ou si c'est trop d'auoir ces merueilleux genies,

Qu'à nostre siecle infame à bon droit tu denies.

Je me contenterois d'egaler en mon art

La douceur de Malherbe ou l'ardeur de Ronfart,

Et mille autres encore, à qui ie fais hommage,

Et de qui ie ne suis que l'ombre & que l'image.

Je donnerois ma plume à ces soins violans,

A peindre ces sanglots & ces desirs bruslans,

Que depuis peu de iours quelque demon allume

Dans mon sang où l'Amour se plaisir & me consume.

Si mes vers retenoient encore la ferveur  
 Qui les fit autres fois naître pour la Faveur,  
 Et tant d'escripts perdus que pour chanter leur  
 flamme,

Mille de mes amis m'ont arraché de l'ame,  
 O Cloris qui te sçais si bien faire adorer!  
 Qui l'Ame per les yeux m'as peu si biè tirer,  
 Beauté que desormais ie nommeray mon Ange,  
 Je les consacrerai sans doute à ta loüange,  
 J'ay si peur que ma Muse ait perdu ces appas,  
 A flater vainement ceux que ie n'aime pas.  
 Que ma plus belle ardeur aujourdhny se re-  
 tive,

M'estant si necessaire à ce nouveau martire,  
 Et qu'au meilleur besoin mes esprits finis-  
 sans,

Ne me fournissent plus que des vers languis-  
 sans,

Mon esprit espuisé dans des travaux funestes.

N'aura pour ton subiect rien gardé que des  
 restes.

Cloris ie le confesse & qu'en ce beau dessein

Mon ardeur s'amortit en mon timide sein,

Mais le feu de l'amour qui s'est rendu le mai-  
 stre,

De tous mes sentimens la peut faire renai-  
 stre,

Et sa douce fureur par un trait de ses yeux,

Peut rendre à mon esprit ce qu'il auoit de  
 mieux,

Ainsi sur cet espoir dont ta beauté me  
 flatte,

Ta beauté dont le feu par tous moyens esclai-  
 re:

Encore mon esprit oze se faire fort

De sauuer ton merite & mon nom de la mort.  
 Je conçois vn Poëme en l'ardeur qui me pique,  
 De ce vaste dessein qu'on appelle heroïque:  
 Je sçay que les François n'ont pas encor appris  
 De pousser dans ces champs leurs delicats es-  
 prits,  
 Je me veux engager à ce penible ouurage,  
 Car tu m'en fourniras la force & le courage,  
 Si ie suis le premier à ce diuin effort,  
 Ce n'est à mon aduis que le plaisir du sort,  
 Qui voulant que premier ceste œuvre i'escriuis-  
 se,  
 Voulut que le premier ceste beauté ie visse,  
 Et que dans tes appas ie prisse vne chaleur,  
 Où les sœurs d'Appollon n'ont rien donné du  
 leur,  
 Où rien que ton obiet ma passion n'allume,  
 Où ie n'ay que ta main pour conduire ma plu-  
 me,  
 O Dieux pourray-ie bien sans vous fascher un  
 peu!  
 Suiure les mouuemens de mon auengle feu!  
 Des ia comme l'amour m'engage à la furie,  
 Je croy que l'adorer n'est pas idolatrie,  
 Densse-ie despiter vostre diuin courroux,  
 Tout ce que i'en veux dire est au dessous de  
 vous,  
 S'il vous plaist que le monde uniquement vous  
 ayme,  
 Si vous voulez purger la terre du blasphem-  
 me,  
 Faire que les mortels rendent la liberté  
 De leurs desirs peruers à vostre volonté,  
 Sans les effouuanter de l'esclat du tonnerre,



Changez vous en Cloris, & venez sur la terre,

Alors de vostre Amour ils seront tous ravis,  
Alors absolument vous en ferez seruis,  
Il est vray que tout cede à l'amoureuse peine,  
Que Paris & sa ville ont bruslé pour Helene,

Et les antiquitez font voir au curieux,  
Que l'Aube mist Tison dans le siege des Dieux,

Et de tant de beautex qui furent les Maistresses

De l'aisné, de Saturne on en fait des Deesses,  
Qui n'ont esté pourtant non plus que leur Amant,

Que le triste butin d'un mortel monument,  
Mais d'autant que l'Amour est le bien de la vie

Qui seul ne peut iamaïs esteindre son envie,  
Qui tousiours dans la peine espere le plaisir,  
Qui dans la resistance augmente le desir,  
Et que les corps humains de ceste douce flamme,  
Suivent iusqu'à la fin les derniers traits de l'Amme,

On a creu de l'Amour qu'il estoit immortel,  
Et qu'aussi son suiet ne peut estre que tel.

Ainsi ces Dieux Payens furent ce que nous sommes,

Ainsi les vrais Amans seront plus que les hommes,

Pour moy qui n'ay souffert que d'un iour seulement,

Je n'oze m'asseurer de passer pour Amant.

Je ne sçay si l'Amour me eroit de son Empire,

Depuis si peu de temps qu'il voit que ie souf-  
pire,

Il faut bien que ce soit un objet violent,  
Pour me donner si tost un desir si bruslant,  
Ou que mon Ame soit d'une matiere aisée,  
Et d'une humeur bien prompte à se voir embras-  
sée:

Ce feu brusle si viste à force qu'il me plaist,  
Qu'à peine ay-ie loisir de regarder qu'il est,  
Les Dieux qui peuvent tout avec les Destinées,  
S'aident de mille maux & de beaucoup d'an-  
nées,

Et faut que des Soleils l'un l'autre se sui-  
uans,  
A force desclairer esteignent les vi-  
uans,  
Qu'un siecle ce flambeau passe sur nostre vie,  
Et Cloris d'un trait d'œil me l'a des-ia ravie.  
Mes sens enuolopez dans un profond som-  
meil,

Ne scauent plus que c'est des clartez du Soleil,  
Mes premiers sentimens sont dans la sepul-  
ture,

Ton Amour, ô Cloris, a changé ma nature,  
L'esclat des Diamans ny du plus beau metal,  
Baicus ton Dieu qu'il est, riant dans le cri-  
stal

Au pris de tes regards n'ont point trouué la  
voye,

Qui conduit dans mon ame une parfaite ioye,  
Si le sort me donnoit la qualité de Roy,  
Si les plus chers plaisirs s'adrescoient tous à  
moy,

Si i'estois Empereur de la terre & de l'onde,  
Si de ma propre main i'auois basti le monde,  
Et comme le Soleil de mes regards produit

Tout ce que l'Vniuers a de fleur & de fruit,  
 Si cela m'arrinoit ie n'aurois pas tant d'aise,  
 Ni tant de vanité que si Cloris me baise,  
 Mais ientens d'un baiser où le cœur puisse al-  
 ler,

Avec les mouuemens des yeux & du parler,  
 Que son ame sans peine avec moy s'entretien-  
 ne,

Et que sa volonté seconde un peu la mien-  
 ne.

Amans qui vous piquez vers un obiet for-  
 cé,

Qui ne sçauex que c'est d'un baiser bien pres-  
 sé,

Qui ne trouuez l'Amour que dans la tyran-  
 nie,

Et n'aymez les faueurs qu'entant qu'on le vous  
 nie,

Que vous estes heureux en vos lasches desirs,

Puis que mesme vos maux font naistre vos plai-  
 sirs,

Pour moy chere Cloris, ie n'en suis pas de mes-  
 me,

Ie ne sçaurois aymer si ie ne voy qu'on m'ayme,

Et si peu qu'on refuse à ma sainte amitié,

Ie sens que mon ardeur décroist de la moitié,

I'entens que le salaire égale mon seruice,

Ie pense qu'autrement la constance est un vi-  
 ce,

Qu'Amour hait ces esprits qui luy sont trop de-  
 uots,

Et que la patience est la vertu des sots,

Ce que ie dis Cloris avec plus d'assurance,

D'autant que ie te voy flater mon esperance,

Et que pour nous tenir dans cest heureux  
 lien,  
 Je voy des-ia d'accord ton esprit & le mien.  
 Aymons nous ie te prie, & lors que mon visa-  
 ge  
 Te voudra rebuter ou mon poil ou mon age,  
 Regarde en mon esprit où i'ay mis ton ta-  
 bleau,  
 Lors tu verras en moy quelque chose de beau,  
 Tu te verras logée en un petit Empire,  
 Où l'esprit de l'amour avecques moy soupire,  
 Il se tient glorieux de recevoir ta loy,  
 Et semble qu'il poursnit mesme dessein que  
 moy,  
 Si ie vay dans tes yeux il y va prendre place,  
 Je ne voy là dedans que ses traitts & ma  
 face,  
 Je doute s'il y fait ou mon bien ou mon mal,  
 Et ne sçay plus s'il est mon maistre ou mon ri-  
 val:  
 Je cognois bien l'Amour, ie sçay qu'il est per-  
 fide,  
 Et si pour le chasser ie suis un peu timide,  
 Je luy feray tousiours un traitement hu-  
 main,  
 Puis que ie l'ay receu d'une si bonne main.  
 Puis que c'est toy Cloris, apres l'auoir fait nai-  
 stre:  
 Qu'il as mis dans mon ame, où ton œil est le mai-  
 stre:  
 Où tu vis absolüe en tes commandemens,  
 Où ton vouloir preside à tous mes sentimens,  
 C'est par toy que ces vers d'une veine ani-  
 mée,  
 S'en vont à ma faueur flatter la renommée,

Mais ie diray par tout que tes seules beautez

Ont esté le Demon qui me les a dictéz,  
Et tant que tes regards luyront à ma pensée,  
Sans ouurir une veine aucunement forcée,  
Ma Muse se promet de meriter un iours,  
Que ses vers soient nommez les fruiçts de son Amour,

Autant que ton humeur ayme la Poësie,  
Ie te prie ô Cloris, aide ma frenesie:  
Et puis que ie m'engage à ce divin proiect,  
Ne te lasse iamais de me servir d'obiet,  
Aujourd'huy donne moy tes beaux cheueux à peindre

Tu verras une plume au Pactole se teindre,  
Et d'une lettre d'or grauer selon mes vœux,  
Mon ame entrelassée auecques tes cheueux.  
Ie ne veux point laisser ma passion visue,  
Ma veine est pour Cloris & sans fonds & sans riue.

Demain ie descriray ses yeux & ce beau front,  
Pour elle mon genie est abundant & prompt,  
Et pour voir que ma veine en ce subiet tarisse,

Il faudra veoir plustost que sa beauté perisse,  
Que mes yeux dans ses yeux ne trouuent plus d'Amour,

C'est à dire, il faut voir perir l'Astre du iour:  
Car ie ne pense point que ses attraiçts succombent,

Soubs l'iniure des ans, tant que les Cieux ne tombent,

Ils se r'enforceront au lieu de defaillir,

Comme l'or s'embellit à force de vieillir.  
 Et comme le Soleil à qui le vieil usage,  
 N'a point osté l'ardeur, ny changé le visage,  
 Toutefois il n'importe à mon contentement,  
 Que mon Soleil esclaire ou meure promptement:

Puis que desia ma vie à demy consommée,  
 Ne se peut assurer d'estre long temps aimée,  
 Que ie doibs defaillir à ce diuin flambeau,  
 Et perdre avecque moy sa memoire au tom-  
 Mais tandis que Ciel me souffrira de viure.  
 Et que le trait d'Amour me daignera poursui-  
 ure,

Je me veux consumer dans ce plaisir char-  
 mant,

Et me resouls de viure & mourir en aymant,  
 Je sçay bien que Cloris ne me veut pas contrain-  
 dre

Au soin perpetuel de servir & de craindre,  
 Qu'elle a des mouuemens subiets à la pitié,  
 Et qu'au moins sa raison songe à mon amitié.  
 Cloris si ie venois auenglé de tes charmes,  
 Le cœur tout en souspirs, & les yeux tous en lar-  
 mes,

Demander instamment un Amoureux plai-  
 sir,

Je croy que ton amour m'en laisseroit choisir:  
 Maintenant que le Ciel despoille les nuages,  
 Que le front du printemps menasse les orages,  
 Que les champs comme toy paroissent embellis  
 De quantité d'œillets, de rozes & de lis:

Que tout est sur la terre, & qu'un humeur  
 feconde,

Qu'attire le Soleil, fait raiennir le monde,

Comme

Comme si j'auois part à la fureur des Cieux,  
 Qui redonne l'enfance à ces bocages vieux.  
 Et que ce renouveau qui rend tout agreable,  
 Me rendit à tes yeux plus ieune & plus aimable,

Je te veux coniuurer avec des vœus discrets,  
 De passer avec moy quelques moments secrets.

Nous irons dans des bois sous des feuillage  
 sombres,

Où iamais le soleil n'a sçeu forcer les ombres,  
 Personne là dedans n'entendra nos Amours:

Car ie veux que les vents respectent nos discours,

Et que chaque ruisseau plus vistement s'enfuye,

De deuant tes regards, de peur qu'il ne t'en-  
 nuye,

Maintenant que le Roy s'esloigne de Paris,

Suiuy de tant de gens au carnage nourris,

Qui dans ces chauds climats vont requerir les  
 restes

Du danger des combats & de celuy des pestes,

Il faut que ie le suiue, & Dieu sans me punir,

Cloris ne te sçauroit empescher d'y venir,

Si tu fais ce voyage, & mon amour te prie

D'y ramener tes yeux, car c'est là ma patrie:

C'est où les rais du iour daignerent deualer,

Pour faire viure un cœur que tu deuois brus-  
 ler,

Là tu verras un fonds où le Paisan moissonne

Mes petits reuenus sur les bords de Garonne,

Le fleuue de Garonne où des petits ruisseaux,

Au trauers de mes prez vont apporter leurs  
 eaux,

Où des saules espais leurs rameaux verds abaï-  
 sent,  
 Pleins d'ombre & de frescheur sur mes troupeaux  
 qui passent,  
 Cloris si tu venois dans ce petit logis,  
 Combien qu'à te l'offrir de si loïn ie rougis,  
 Si ceste occasion permet que tu l'approches,  
 Tu le verras assis entre vn fleuve & des roches,  
 Où sans doute il falloit que l'Amour habitaſt,  
 Avant que pour le Ciel la terre il ne quitaſt,  
 Dans ce petit espace vne assez bonne terre,  
 Si ie la puis sauuer du butin de la guerre,  
 Nous fournira des fruiets aussi delicieux  
 Qui ſçauroient contenter ou ton gouſt ou tes yeux,  
 Mais afin que mon bien d'aucun fard ne se voile,  
 Mes plats y ſont d'estain & mes rideaux de toile,  
 Vn petit pauillon dont le vieux baſtiment  
 Fut maſſonné de brique & de mauuais ciment,  
 Monſtre aſſez qu'il n'eſt pas orgueilleux de nos  
 tiltres,  
 Ses chambres n'ont plancher, toit, ny portes, ny vi-  
 ures,  
 Ne puiſſent venir voir ſi nous auons du feu,  
 Je ne veux point mentir & quand le ſort auare,  
 Qui me traite ſi mal m'euſt eſté plus barbare.  
 Et qu'il m'euſt faiſt ſortir d'un ſang moins recog-  
 neu,  
 Je te confeſſerois d'eù ie ſerois venu,  
 Que i'ay bien plus de peine à deſcouvrir ma face,  
 Deuant tes yeux ſi beaux qu'à te monſtrer ma  
 race.  
 Dans l'eſtat où ie ſuis i'ay bien plus de raiſon  
 De te faire aggreer mes yeux que ma maiſon.  
 Je iure les rayons dont ta beauté m'eſclaire,  
 Que le but de mon ame eſt le ſoing de te plaire,  
 Et




Et que i'ayme si fort ta veuë & tes propos,  
 Qu'à ton subiect la nuit est pour moy sans repos,  
 Et sans faire l'Amour à la façon commune,  
 Sans accuser pour toy le Ciel ny la fortune,  
 Sans me plaindre si fort i'ay ce coup plus profond,  
 Que les autres mortels, i'ayme mieux qu'ils ne font,  
 Et si ton cœur n'en tire une preuue assez bonne,  
 Pour m'en iustifier à tes yeux adorez,  
 Je reprendray le sang d'où ie les ay tirez,  
 Si ton humeur estoit de me le voir resppandre,  
 Et qu'autrement ton cœur ne me voulut enten-  
 dre.

## E L E G I E.



# ELEGIE.

 LORIS lors que ie songe ente voyant si  
 belle,  
 Que ta vie est subiecte à la loy naturelle,  
 Et qu'à la fin les traiçts d'un visage si beau,  
 Avec tout leur esclat iront dans le tombeau,  
 Sans espoir que la mort nous laisse en la pensee,  
 Aucun ressentiment de l'amitié passée,  
 Je suis tout rebuté de l'aïse & du soucy  
 Que nous fait le destin qui nous gouuerne icy,  
 Et tombant tout à coup dans la melancolie,  
 Je commence à blasmer un peu nostre folie,  
 Et fay vœu de bon cœur de m'arracher un iour,  
 La chere resuerie où m'occupe l'amour.  
 Aussi bien faudra-t'il qu'une vieilleſſe infame,  
 Nous gele dans le sang les mouuemens de l'ame,  
 Et que l'aage ensuiuant ses reuolutions,  
 Nous oste la lumiere avec les passions,  
 Ainsi ie me resous de songer à ma vie,  
 Tandis que la raison m'en faict venir l'enuie,  
 Je veux prendre un obiet où mon libre desir  
 Discerne la douleur d'auèques le plaisir,  
 Où mes sens tous entiers sans fraude & sans con-  
 trainte,  
 Ne s'embarraſſent plus ny d'espoir ny de craintes,  
 Et de sa vaine erreur mon cœur desabusant,  
 Il goustera le bien que ie verray present.  
 Je prendray les douceurs à quoy ie suis sensible,  
 Le plus abondamment qu'il me sera possible,

Dieu

Dieu nous a tant donné de diuertissemens,  
 Nos sens trouuent en eux tant de rauissemens,  
 Que c'est une fureur de chercher qu'en nous mes-  
 me,  
 Quelqu'un que nous aymions, & quelqu'un qui  
 nous ayme:  
 Le cœur le mieux donné tient tousiours à demy,  
 Chacun s'ayme un peu mieux tousiours que son  
 amy,  
 On les suit rarement dedans la sepulture,  
 Le droit de l'amitié cede aux Loix de nature:  
 Pour moy si ie voyois en l'humeur où ie suis,  
 Ton ame s'enuoler aux eternelles nuités,  
 Quoy que puisse enuers moy l'usage de tes char-  
 mes,  
 Je m'en consolerois avec un peu de larmes,  
 N'attends pas que l'Amour auengle aille sui-  
 uant,  
 Dans l'horreur de la nuit, des ombres & du  
 vent.  
 Ceux qui iurent d'auoir l'ame encore assez for-  
 te,  
 Pour viure dans les yeux d'une Maistresse mor-  
 te,  
 N'ont pas pris le loisir de voir tous les efforts,  
 Que fait la mort hideuse à consumer un corps,  
 Quand les sens peruertis sortent de leur visage,  
 Qu'une laideur visible efface le visage,  
 Que l'esprit deffaillant & les membres perclus,  
 En se disant adieu ne se cognoissent plus,  
 Que dedans un moment apres la vie esteinte,  
 La face sur son cuir n'est pas seulement peinte.  
 Et que l'infirmité de la puante chair,  
 Nous faict ouurir la terre afin de la cacher.  
 Il faut estre animé d'une fureur bien viue,

Ayant considéré comme la mort arriue.  
 Et comme tout l'obiet de nostre Amour perit,  
 Si par un tel remede une ame ne guerit,  
 Cloris tu vois qu'un iour il faudra qu'il aduienne,  
 Que le destin rauisse & ta vie & la mienne,  
 Mais sans te voir le corps ny l'esprit depery,  
 Le Ciel en soit loüé, Cloris ie suis guery,  
 Mon ame en me dictant les vers que ie t'enuoye,  
 Me vient de plus en plus ressusciter la ioye,  
 Le sens que mon esprit reprend la liberté,  
 Que mes yeux desuoilez cognoissent la clarté,  
 Que l'obiet d'un beau iour, d'un pré, d'une fontai-  
 ne,  
 De voir comme Garonne en l'Ocean se traine,  
 De prendre dans mon Isle en ses longs promenoirs,  
 La paisible fraischeur de ses ombrages noirs:  
 Me plaist mieux aujourd'huy que le charme inu-  
 tile,  
 Des attraiët dont Amour te fait voir si fertile,  
 Languir incessamment apres une beauté,  
 Et ne se rebuter d'aucune cruauté,  
 Gagner au pris du sang une foible esperance  
 D'un plaisir passager qui n'est qu'en apparence,  
 Se rendre l'esprit mol, le courage abatu,  
 Ne mettre en aucun prix l'honneur ny la vertu,  
 Pour conseruer son mal, mettre tout en usage,  
 Se peindre incessamment & l'ame & le visage,  
 Cela tient d'un esprit où le Ciel n'a point mis  
 Ce que son influence inspire à ses amis.  
 Pour moy que la raison esclaire en quelque sorte,  
 Ie ne scaurois porter une fureur si forte,  
 Et desia tu peux veoir au train de cet escrit,  
 Comme la guarison auance mon esprit:  
 Car insensiblement ma Muse un peu leger  
 A passé dessus toy sa plume passagere,

Et destournant mon cœur de son premier obiet  
 Dés le commencement i'ay changé de subiect,  
 Emporté du plaisir de veoir ma vaine aïsee,  
 Seurement aborder ma flamme rapaisée,  
 Et iouër à son gré sur les propos d'aymer,  
 Sans auoir ausourd'huy pour but que de rimer,  
 Et sans te demander que son bel œil esclaire,  
 Ces vers où ie n'ay pris aucun soin de te plaire.

STAN



## STANCES.

**M**aintenant que Cloris a juré de me plaire,  
 Et de m'aimer mieux que devant,  
 Je despire le sort, & crains moins sa cho-  
 lere,  
 Que le Soleil ne craint le vent.

Cloris renouellant ma chaisne presque usée,  
 Et renforçant mes doux liens,  
 M'a rendu plus heureux que l'amy de Thesee,  
 Quand Pluton relascha les siens.

Des:ia ma liberté faisoit trembler mon ame,  
 Mon salut me faisoit perir,  
 Je mourois du regret d'auoir tué ma flame,  
 Combien qu'elle me fit mourir.

Sortant de ma prison ie me trouuois sauuage,  
 l'estois tout esblouy du iour.  
 De tous mes sentimens i'auois perdu l'usage,  
 En perdant celuy de l'Amour.

Ainsi l'oyseau de cage alors qu'il se deliure,  
 Pour se remettre dans les bois,  
 Trouue qu'il a perdu l'usage de son viure,  
 De ses aïles & de sa voix.

Dieux où cet aduanture auoit porté ma vie!  
 Ie fremissois de son orgueil,  
 Cependant ie sentoïs que ie mourois d'enuie,  
 De l'adorer iusqu'au cercueil.

Cloris travaillez bien à denoïer ma chesne,  
 Mon ioug est tres-bien assésé,

*Vous seriez fort long temps pour me mettre en la peine,*

*Dont vous m'avez si tost tiré.*

*Je ne suis pas si fol que d'escouter encore*

*Les censures de ma raison,*

*Et combien que mon mal eut besoin d'Elleboro*

*Je prendrois plustost du poison.*

*On n'auoit point posé les fondemens de Ro-*  
*me,*

*On n'auoit point parlé du siege d'Ilion,*

*La terre n'auoit point receu Deucalion,*

*Ny Babel diuisé le langage de l'homme.*

*Les sœurs de Phaëton ne pleuroient point la*  
*gomme,*

*Les Geans n'auoient point monté sur Pelion,*

*Et celui qui causa nostre rebellion,*

*N'auoit pas mis la dent sur la premiere pomme.*

*Cypre n'auoit point veu ses riuës escumer,*

*De ce germe diuin qui tomba dans la mer,*

*Quand la mere d'Amour voulut sortir de*  
*l'onde.*

*Bref nous ne sçauons point des siècles assez*  
*vieux,*

*Depuis qu'on a cogneu l'origine du monde,*

*De qui l'antiquité ne le cede à vos yeux.*

## SONNET.

*Ministre du repos, sommeil pere des son-*  
*ges,*

*Pourquoy t'a t'on nommé l'Image de la mort,*

*Que ces faiseurs de vers t'ont iadu fait de*  
*tort*

De le persuader avecques leurs mensonges.  
 Faut-il pas confesser qu'en l'aise où tu nous  
 plonges,  
 Nos esprits sont ravi par un si doux trans-  
 port,  
 Qu'au lieu de raccourcir à la fureur du sort,  
 Les plaisirs de nos iours, sommeil tu les alon-  
 ges.

Dans ce petit moment, ô songes ravissans:  
 Qu'amour vous a permis d'entretenir mes  
 sens,  
 J'ay tenu dans mon liét Elise toute nuë.  
 Sommeil, ceux qui t'ont fait l'Image du tref-  
 pas,  
 Quand ils ont peint la mort ils ne l'ont point  
 cognuë,  
 Car vraiment son portraiët ne luy ressemble  
 pas.

## SONNET.

Au moins ay-ie songé que ie vous ay baisée.  
 Et bien que tout l'Amour ne s'en soit pas allé,  
 Ce feu qui dans mes sens a doucement coulé,  
 Rend en quelque façon ma flamme rapaisée.

Après ce doux effort mon ame reposée,  
 Peut rire du plaisir qu'elle vous a volé,  
 Et de tant de refus à demy consolé,  
 Je trouue désormais ma guerison aisée.  
 Mes sens des-ia remis commencement à dormir,  
 Le sommeil qui deux nuicts m'auoit laissé ge-  
 mir,  
 En fin dedans mes yeux vous fait quitter la  
 place:



Et quoy qu'il soit si froid au iugement de  
vous,

Il a rompu pour moy son naturel de glace,  
Et s'est moustré plus chaud & plus humain  
que vous.

## S O N N E T.

D'un sommeil plus tranquille à mes Amours  
resuant,  
L'esueille auant le iour mes yeux & ma pen-  
see,  
Et ceste longue nuit si durement passée,  
Je me trouue estonné de quoy ie suis viuant.

Demy desesperé ie iure en me leuant,  
D'arracher cest obiet à mon ame insensee,  
Et soudain de ses vœux ma raison offencee,  
Se desdit & me laisse aussi fol que deuant.

Je sçay bien que la mort suit de pres ma fo-  
lie.

Mais ie voy tant d'appas en ma melancholie,  
Que mon esprit ne peut souffrir sa guerison.  
Chacun à son plaisir doit gouuerner son ame,  
Mithridate autrefois a vescu de poison,  
Les Lestrigons de sang, & moy ie vis de fla-  
me.

## S O N N E T.

Chere Isis tes beautez ont troublé la nature,  
Tes yeux ont mis l'Amour dans son auengle-  
ment,

Et les Dieux occupez apres toy seulement,

Laisent l'estat du monde errer à l'aduan-  
ture.

Voyans dans le Soleil tes regards en peintu-  
re.

Ils en sentent leur cœur touché si vivement,  
Que s'ils n'estoient cloüez si fort au firma-  
ment,

Ils descendroient bien tost pour veoir leur  
creature.

Croy moy qu'en cest' humeur ils ont peu de sou-  
cy,

Ou du bien ou du mal que nous faisons icy,  
Et tandis que le Ciel endure que tu m'aimes,  
Tu peus bien dans mon lit impunement cou-  
cher,

Isis que craindrois-tu, puis que les Dieux eux  
mesmes,

S'estimeroient heureux de te faire pecher.

## S O N N E T.

Sacrez murs du Soleil où j'adoray Philis,  
Doux sejour où mon ame estoit iadis char-  
mee,

Qui n'est plus aujourdhuy sous nos toits des-  
molis,

Que le sanglans butin d'une orgueilleuse ar-  
mee.

Ornemens de l'autel qui n'estes que fu-  
mees,

Grand Temple ruiné, mysteres abolis,

Effroyables objects d'une ville allumee;

Palais, hommes, cheuaux, ensemble enseuelis.

Foyez larges & creux tous comblez de mu-  
railles,

*Speâcles de frayeur, de cri, de funerailles,  
 Fleuve par où le sang ne cesse de courir,  
 Charniers où les Corbeaux & Loups vont tous  
 repaître,  
 Clerac pour une fois que vous m'auez fait  
 naître,  
 Helas ! combien de fois me fûtes vous mou-  
 rir.*

## POVR VNE AMANTE IRRITEE.



*Eux qui tirent le cœur par  
 les traits du visage,  
 Remarquent dans le tien  
 des signes de valeur,  
 Mais comme la vaillance  
 est toujours un presage,  
 Qui promet de la gloire avecque du mal'heur.*

*J'espere que la mort auesques sa palseur,  
 Courra tes beutez de sa funeste Image,  
 Et que ton ieune sang tout remply de chaleur,  
 Viendra faire à ton dam preuve de tō courage.*

*Vniour que tu voudras combattre au pre-  
 mier rang,  
 Je te verray couuert de poussiere & de sang,  
 Et le cœur trauersé d'une mortelle playe.*

*Tourner ces traistres yeux deuers ton monu-  
 ment,*

Lors pour te faire veoir que ma vengeance est  
vraye,  
le n'en tetteray pas un soupir seulement.

## POVR VNE AMANTE CAPTIVE.



Tyrannique respect, triste &  
fascheux deuoir,  
Qui tiens si rudement mes  
volontez contrainctes;  
Deis-ie mourir icy sans que ie  
puisse auoir  
autre soulagement que celuy de mes plaintes?

Souffriray-ie ô Thirsis ! mon cœur gelé de  
craintes,  
Dans le desir bruslant que i'ay de te reuoir,  
Loix que ma passion deuoit auoir enfraintes,  
Garderez vous tousiours ce rigoureux pouuoir?

Je crois que le Tyran qui d'eternelles flames  
Donne le chastiment ordonné pour les ames,  
Quand ie serois esclaué au fonds de ses Enfers.

S'il scauoit le subiet de mon impatience,  
Sentiroit me voyant blesser sa conscience  
S'il ne me permettoit de sortir de mes fers.

## E L E G I E.



*Ans ce climat barbare, où le  
Destin me range,  
Me rendant mon païs com-  
me un païs estrange,  
Deslojes ie ne sçay quel  
estourdissement*

*Assoupit les aigreurs de mon bannissement,  
Ie n'ay point soupiré depuis l'heure funeste,  
Que io receus ce trait de la fureur Celeste,  
Ton ame en fut touchée, & gemit sous l'effort  
Que me fit la rigueur de mon iniuste sort.*

*Mon Maistre en eut aussi de bien vives attein-  
tes,*

*Et vos ressentimens n'attendoient pas mes  
plaintes.*

*Moy voyant mon defastre avec vostre amitié,  
I'eus un peu de douleur & beaucoup de pitié,  
Ie sentis mon malheur: mais le soucy visible  
De vostre affection me fut bien plus sensible,  
Mon cœur pressé du mal, comme en deux se  
fendit,*

*Et sur luy tout mon fiel alors se resspandit,  
Mon courage esbloüy laissa tomber les armes,  
Et mon œil fut honteux de n'avoir point de  
larmes,*

*Mais depuis le moment que ie ie dis adieu,  
Soudain que mes regards eurent changé de lieu,  
Mon esprit rassuré revint à sa coustume,  
Et soudain que mon cœur perdit son amerume,  
Ie vis tous mes soucis en l'air s'evanuir,*

Et trouuay dans moy mesme en quoy me res-  
iouy.

L'obiet de ce chagrin m'eschappa comme un  
songe,

Et ce vray desplaisir me parut un mensonge,  
Comme dans nos cerueaux l'Image d'un pen-  
ser

Quelque fois se dissipe & ne fait que passer,  
L'imagination ne le sçait plus refreindre,  
Et la memoire aussi ne la peut pas atteindre,  
L'ombre de ceste ennuy s'euanoïit si bien,  
Que ie m'en trouue quitte, & n'y cognois plus  
rien,

Desloges, rien de tel iamais ne t'importune,  
Iamais rien de pareil n'arriue à ta fortune,  
Iamais tel accident n'esspreue ta raison,  
Iamais un tel oyseau ne volle en ta maison:  
Ie sçay bien que ton ame & sage & courageu-  
se,

T'a fait voir la mer calme & la mer orageuse,  
Et que ton front esgal au changement des flots,  
Void mille fois changer le frons des matelots,  
Quand ces desseins hardis se firent prendre en-  
uie

D'aller de là la ligne abandonner ta vie,  
Ie sçay dans quel danger la fortune t'a mis,  
Et combien ta valeur a choqué d'ennemis.  
Que tu ris des malheurs dont les mortels souf-  
pirent,

Et des traits les plus forts que les destins nous  
tirent,

Mais tousiours vaut-il mieux viure paisible-  
ment,

D'autant que le repos vaut mieux que le tour-  
ment,

L'effort

L'effort de la raison, & ce com'at farouche,  
Contre nos sentimens quand la douleur nous  
touche,

Importune la vie & son fascheux secours,  
Nuit plus que si le mal prenoit son iuste cours  
Qui retient un soupir, s'atriste d'auantage,  
Un tourment qu'on estouffe estourdit le cou-  
rage,

Et si iamais l'obiet de quelque desplaisir,  
De ses tristes appas t'estoit venu saisir,  
Plain toy, ne force rien, fay que ton ame es-  
clate,

Et sçache qu'en pleurant une douleur se flatte,  
Mais ces remedes là ne te font pas besoin,  
Les matieres de pleurs te touchent de trop  
loin.

L'Astre qu'on veid reluire au point de ta nais-  
sance,

D'une meilleure forme a basti ton essence,  
Le Ciel te void tousiours le visage serain,  
Comme si le destin t'eust fait l'ame d'airain.

Toute sorte de maux, ton esprit les desia,  
Sans besoin du secours de la Philosophie,

Mais moy qui vois mon Astre en si mauuais  
sentier,

Qui ne goustay iamais un seul plaisir entier,  
Qui sens que tout me choque, & qui ne void  
personne

M'assister aux assauls que fortune me donne,  
Suis-ie pas bien-heureux qu'au fort de mon  
malheur,

Je n'aie ressenti tant soit peu de douleur.

Bien que ie sois banny peu s'en faut du Royau-  
me,

Qu'icy ie ne voy plus, ny dex, ny ieu de paulme,

Je ne void rien que champs, que riuieres que  
prez,

Où le plus doux rozier me pût comme cy-  
prez,

Où ie n'ay plus l'aspect de la place Royale,

Où ie ne puis aller boire frais en ta salle,

Où mon Maistre n'est pas, où ne vient point la  
Cour,

Où ie ne scaurois voir ny toy, ny Liancour,

Ie ne scay comme quoy ma sauuage nature

Peut sans estonnement souffrir ceste aduanTURE

Mon œil n'a point regret au lieu que j'ay laissé,

Mon ame ne plaint point le temps qu'elle a pas-  
sé,

Au lieu de tant de pompe: où la Cour vous a-  
muse,

Icy ie n'en retiens que Baccus & la Muse,

Qui tous deux liberaux avec leurs doux pre-  
sens

A leur deuotion tiennent mes ieunes ans,

Innocent que ie suis plein de repos dans l'ame,

Qui tiens indifferant qu'on me loüe ou me blas-  
me:

Qui fais ce qui me plaist, qui vis comme ie  
veux,

Qui plaindrois au destin le moindre de mes  
veux,

Qui ris de la Fortune, & couché dans la bouë,

Me moque des captifs qu'elle attache à su-  
ronë,

Icy comme à la Cour j'ay le sort tout pareil,

Et void couler mes iours sous vn mesme So-  
leil,

Que si nostre Siluandre a l'esprit propheti-  
que,



Si les euenemens suivent sa prognostique,  
 Et que c'est au finy, qu'elqu'un ait le credit,  
 De faire reussir le bien qu'il m'a predit,  
 On verra que Paris n'a point changé de pla-  
 ce,  
 Et que mes sentimens n'ont point changé de fa-  
 ce,  
 Or comme dans la Cour i'estois plus Courti-  
 san,  
 Sçache que dans les champs ie ne suis point Pay-  
 san,  
 Et que mes passions aucunement ne cedent  
 A la contagion des lieux qui me posse dent,  
 Mon sens en toutes parts suivant un mesme  
 cours,  
 Tu me verras tout tel que tu m'as veu tref-  
 fieurs,  
 Que si mon long exil doit borner ma demeu-  
 re,  
 Quelque part où ce soit, si faut il que ie meure,  
 Et quoy que fasse Ilax & les plus fauoris,  
 Le Ciel n'est pas plus loin d'icy que de Paris,

---

## O D E.

**P**ERSIDE ie me sens heureux  
 De ma nouvelle sermitude,  
 Vous n'avez point d'ingratitude,  
 Qui rebute un cœur amoureux:  
 Il est bien vray que ie me fasthe,  
 Du fard où vostre teint se cache,  
 Nature a mis tout son credit,  
 A vous faire entierement belle,

L'art qui pense mieux faire qu'elle,  
Me desplaist & vous enlaidit.

L'esclat, la force, & la peinture,  
De tant & de si belles fleurs,  
Que l'Aurore avecque ses pleurs,  
Tire du sein de la Nature,  
Sans fard & sans desguisement,  
Nous donne bien plus aisément,  
Le plaisir d'une odour naifue,  
Leur objet nous contente mieux,  
Et se monstre deuant nos yeux,  
Avec une couleur plus viue.

Les oyseaux qui sont si bien toints,  
Ne couurent point d'une autre Image  
Le lustre d'un si beau plumage,  
Dont la nature les a peints,  
Et leur celeste melodie,  
Plus aimable qu'en Arcadie,  
N'estoient les flageolets des Dieux,  
Prend elle mesme ses mesures,  
Choisit les tons, faiët les cesures,  
Mieux que l'art le plus curieux.

L'eau de sa naturelle source,  
Trouue assez de canaux ouuerts,  
Pour trainer par des plis diuers  
La facilité de sa course,  
Ses riuages sont verdissans,  
Où des arbrisseaux fleurissans  
Ont tousiours la racine fresche,  
L'herbe y croist jusqu'à leur grauier,  
Mais une herbe que le bouuier  
N'apporta iamais à sa creche,

Ces petits cailloux bigarez,  
En des diuerſitez ſi belles,  
Où trouueroient-ils des modelles,  
Qui les feiſſent mieux figurez,  
La Nature eſt inimitable,  
Et dans ſa beauté veritable,  
Elle eſclatte ſi viuement  
Que l'Art gaſte tous ſes ouurages  
Et luy fait pluſtoſt mille outrages,  
Qu'il ne luy donne vn ornement.

L'Art ennemy de la franchise,  
Ne veut point eſtre reconnu,  
Mais l'Amour qui ne va que nud,  
Ne ſouffre point qu'on ſe deſguiſe.  
Les Nymphes au ſortir des eaux,  
D'un peu de ionc & de roſeaux,  
Se font la coiffure & la robe:  
Et les yeux du Satyre ont droit,  
De regretter encore l'endroit,  
Que le veſtement leur deſrobe,

Si vous ſçauiez que peut l'eſfort  
De voſtre beauté naturelle,  
Et combien de vainqueurs pour elle  
Implorent l'aide de la mort,  
Vous caſſeriez ces pots de terre,  
De bois, de coquille, de verre,  
Où vous renfermez vos onguens.  
La nuit vous quitteriez le maſque,  
Et perdriez cet humeur fantaſque  
De dormir avecque vos gans.

Lors que vous ſerez hors d'uſage,  
Et que l'iniure de vos ans  
Appellera les Coursiſans,

A l'Amour

A l'Amour d'un plus beau visage,  
 Quand vos appas seront ostez,  
 Que les rides de tous costez  
 Auront coupé ce front d'albastre,  
 Taschez lors d'excroquer l'Amour,  
 Et si vous pouuez chaque iour,  
 Faiçtes vous de cire ou de plastre.

Si le Ciel me faiçt viure assez,  
 Pour voir la fin de vostre gloire,  
 Et me punir de la memoire  
 De nos contentemens passez,  
 Je croy que ie seray bien aise,  
 Ne trouuant plus rien qui me plaise,  
 Au visage que vous aurez,  
 De reuoir l'Amour & les Graces,  
 Et d'en aller baiser les traces,  
 Sur le fard dont vous userez.

Mais aujourd'huy belle Perside,  
 Vos ieunes yeux seront tesmoins,  
 Qu'il faut un siecle pour le moins,  
 Pour vous amener vne ride,  
 L'Aurore qui dedans mes vers,  
 Voit apprendre à tout l'uniuers,  
 Que vostre beauté la surmonte,  
 Arrachant de ces beaux habits,  
 Et les perles & les rubis,  
 Elle pleure & rougit de honte.

L'Aube n'est point rouge au matin,  
 D'autant que Titon l'a baissee,  
 Et ne verse point sa rosee,  
 Pour la mariolaine & le tin,  
 La rougeur qui paroist en elle.

C'est de voir Perside trop belle,  
 Et l'humidité de ses pleurs,  
 Quoy que chante la Poësie,  
 Ce sont des pleurs de ialousie,  
 Et des marques de ses douleurs.

### E L É G I E

**D**E P V I S ce triste iour qu'un  
 adieu malheureux

M'osta le cher obiet de mes yeux amoureux  
 Mon ame de mes sens fut toute desunie,  
 Et priné que ie fus de vostre compagnie,  
 Je me trouuay si seul avecques tant d'effroy,  
 Que ie me creus moy mesmé estre esloigné de  
 moy.

La clarté du Soleil ne m'estoit point visible,  
 La douceur de la nuit ne m'estoit point sen-  
 sible,

Je sentous du poison en mes plus doux repas,  
 Et des goulfres par tout où se portoient mes  
 pas.

Depuis rien que la mort n'accompagna ma  
 vie,

Tant me consta l'honneur de vous auoir suiue,  
 O Dieux qui disposez de nos contentemens,  
 Les donnez vous tousiours avecques des tour-  
 mens,

Ne se peut il iamais qu'un bon succez arrive,  
 A l'estat des mortels qu'un mauvais ne le  
 suiue,

Meslez vous de l'horreur au sort plus gra-  
 cieux

De celuy des humains que vous aimez le  
 mieux?

Icy vostre puissance est en vain appellée,

Comme

*Comme un corps à son ombre, un coſteau ſa va-  
lée,*

*Ainſi que le Soleil eſt ſuiuy de la nuit,  
Touſiours le plus grand bien a du mal qui le  
ſuit,*

*Lors que le beau Paris accompagnoit Helena,  
Son ame de plaifir voit la fortune pleine,  
Mais le ſort, ce bon-heur cruellement vangea.  
Car comme avec le temps la fortune changea,  
De ſa proſperité naquit vne miſere,  
Qui fiſt bruſler ſa ville, & maſſacrer ſon pere,  
Bien que dans ce carnage on veid tant de ma-  
lheurs,*

*Qu'on verſa dans le feu tant de ſang & de  
pleurs,*

*Je iure par l'eſclat de voſtre beau viſage,  
Que pour l'amour de vous ie ſouffre dauanta-  
ge,*

*Car ſi long temps abſent des graces de vos  
yeux,*

*Il me ſemblo qu'on m'a chaffé d'aupres des  
Dieux,*

*Et que ie ſuis tombé par un coup de tonnerre,  
Du plus haut lieu du Ciel, au plus bas de la  
terre,*

*Depuis tous mes plaifirs dorment dans le cer-  
cueil*

*Auſſi vrayment depuis ie ſuis veſtu de dueil,  
Je ſuis chagrin par tout où le plaifir abonde,  
Je n'a'y plus nul ſoucy que de déplaire au mon-  
de,*

*Comme ſans me flater ie vous proſtete icy,  
Que le monde ne faiet que me déplaire auſſi,  
Au milieu de Paris ie me ſuis fait Hermite,  
Dedans un ſeul obiet mon eſprit ſe limite,*

*Quel*

Quelque part où mes yeux me pensent d'her-  
tir,

Je traîne une prison d'où ie ne puis sortir,  
J'ay le feu dans les os, & l'ame deschiée,  
De ceste fleche d'or que vous m'avez tirée,  
Quelque tentation qui se presente à moy,  
Son appas ne me sert qu'à renfermer ma foy.

L'ordinaire secours que la raison apporte,  
Pour rendre à tout le moins ma passion moins  
forte,

L'irrite davantage, & me fait mieux souf-  
frir

Vn tourment qui m'oblige en me faisant mou-  
rir,

Contre un dessein prudent s'obstine mon cou-  
rage,

Ainsi que le rocher s'endurcit à l'orage.

J'ayme ma frenesie, & ne scaurois aymer  
Aucun de mes ames qui la voudroient blas-  
mer,

Aussi ne crois - ie point que la raison consen-  
te,

De m'approcher tandis que vous serez absen-  
te,

J'entens que ma pensee esprouue incessamment,  
Tout ce que peut l'ennuy sur un fidelle A-  
mant,

J'entens que le Soleil avecques moy s'ennuye,  
Que l'air soit couuert d'ombre, & la terre de  
pluye,

Que parmy le sommeil, de tristes visions  
Enueloppent mon Ame en leurs illusions,

Que tous mes sentimens soient meslez d'une  
rage,

Qu'au

Qu'au liēt ie m' imagine estre dans un n'au-  
 frage,  
 Tomber d'un precipice , & voir mille ser-  
 pens,  
 Dans un cachot obscur au tour de moy ram-  
 pans,  
 Aussi bien, loin de vous une vie inhumaine,  
 Sans doute me sera plus aimable & plus sai-  
 ne,  
 Car ie ne puis songer seulement au plaisir,  
 Qu'une mort ne me vienne incontinant sai-  
 sir,  
 Mais quand le Ciel lassé du tourment qu'il me  
 liure,  
 Sous un meilleur aspect m'ordonnera de vi-  
 ure  
 Et qu'en leur changement les Astres incon-  
 stans  
 Me pourront amener un favorable temps,  
 Mon ame. à vostre obiet se trouuera chan-  
 gee.  
 Et de tous ces malheurs incontinent vengeance,  
 Quand mes esprits seroient dans un mortel som-  
 meil,  
 Vos regards me rendront la clarté du soleil.  
 Dessus moy vostre vōix agiter de la sorte,  
 Que le Zephire agist sur la campagne morte,  
 Voyez comment Philis renaist à son abord,  
 Desja l'Hiver contre elle a finy son effort.  
 Desormais nous voyons espanouyr les roses,  
 La vigueur du Printemps reuerdit toutes  
 choses,  
 Le Ciel en est plus gay, les iours en sont plus  
 beaux,  
 L'Aurore en s'habillant escoute les oyseaux,  
 Les



Les animaux des champs qu'aucun fovey n'ou-  
rrage,

Sentent renouveler & leur sang & leur aage,  
Et suivant leur nature & l'appetit des sens,  
Cultivent sans remords des plaisirs innocens.  
Moy seul dans la saison où chacun se conten-

te,  
Accablé des douleurs d'une cruelle attente,  
Languy sans reconfort, & tout seul dans l'Hy-

uer,  
Ne void point le Printemps qui me puisse arri-

ver.  
Seul ie void les forests encore desolee,  
Les parterres deserts, les riuieres geles,  
Et comme ensorcelé ne puis goustier le fruit,  
Qu'à la faueur de tous ceste saison produit,  
Mais lors que le Soleil adoré de mon ame,  
Du feu de ses rayons r'eschauffera ma flame,  
Mon Printemps reuiendra, mais mille fois plus  
beau,

Que n'en donne aux mortels le celeste flam-  
beau,

Si iamais le destin permet que ie la voye,  
Plus que tous les mortels, tout seul i'auray de  
ioye,

O Dieux ! pour deffier l'horreur du monu-  
ment,

ie ne demande rien que cela seulement.

## E L E G I E.

**C**RUELLE à quel propos prolonges tu  
ma peine,

Qui r'a sollicitée à renoïer ma chesne,  
 Quel Démon ennemy de mes contentemens,  
 Me vient remettre encore en tes enchante-  
 mens,

Mon mal alloit finir, & desia ma pensee  
 Ne gardoit plus de toy qu'une Image effacee,  
 Ma fleur n'auoit plus que ce frisson leger,  
 Qui du dernier accex acheue le danger:  
 Encore un iour ou deux de ton ingratitude;  
 Et i' allois pour iamais sortir de seruitude,  
 Ce n'estoit plus l'Amour qui guidoit mon de-  
 sir,

Il m'auoit acheué sa peine & son plaisir,  
 Je songeois aux douceurs que ce Printemps pre-  
 sente,

Mes yeux trouuoient desia la campagne plai-  
 sante,

Nous auons faict dessein mon cher Damon &  
 moy,

D'estre absent quelques iours de Paris, & de  
 icy,

Pour faire esuanoïir les restes de la flamme,

Qui si subitement ont r'allumé mon ame,

Tout du premier obiet ses charmes inhu-  
 mains,

Il n'a fallu qu'un mot de ceste voix traistres-  
 se,

Que voit encore un coup les yeux de am mai-  
 streffe.

Au moins s'il se pouuoit qu'un desir mutuel

Nous eut lié tous deux d'un ioug perpetuel,

Que iamais son caprice, & iamais ma ca-  
 lere,

N'alterast en nos cœurs le soucy de nous plai-  
 re,

Iamais

Jamais de nos plaisirs n'interrompt le cours,  
 Je serois bien heureux de l'adorer tousiours,  
 Lors qu'à l'extremité ma passion pressée,  
 Se void de ton accueil tant soit peu caressée,  
 Et que ta complaisance ou d'aise ou de pitié,  
 Ne laisse pas long temps languir mon amitié,  
 Le sens dans mes esprits se respandre une  
 ioye,

Qui passe tous les biens que la Fortune en-  
 uoye,

Si Dieu me faisoit Roy ie serois moins con-  
 tent,

L'Empire du Soleil ne me plairoit pas tant,  
 Au sortir des plaisirs que ta beauté me don-  
 ne,

Je foulerois aux pieds l'esclat d'une couron-  
 ne,

Et dans les vanitez où tu me viens rair,  
 Je tiendrois glorieux un Roy de me servir,  
 Sans toy pour m'enrichir Nature est infertile  
 Et pour me resouyr Paris mesme inutile,  
 Toy seule es le Tresor & l'obiet précieux,  
 Où veillent sans repos mon esprit & mes  
 yeux,

Et selon que ton œil me rebute ou me flatte,  
 Dans le mien où la ioye ou la fureur esclate,  
 Quand mes desirs pressezz du feu qui les pour-  
 suit,

Cherchent dans tes faueurs une amoureuse  
 nuit,

Si peu que ton humeur refuse à mon enuie,  
 Tu fais pis mille fois que m'arracher la vie,  
 Souuiens toy ie te prie à quel point de douleur

Me fit venir l'excez de mon dernier ma-  
 lheur,

Combien

Combien que mon respect auecque des contrain-  
tes,

Se veulent efforcer de retenir mes plaintes,  
Tu sçais dans quels tourments i'attendis le So-  
leil,

Et par quels accidens ie rompis ton sommeil,  
Panché dessus les bords d'un gouffre ineuita-  
ble,

Tu me vis supporter un mal insupportable,  
Un mal à mon destin se faisoit consentir,  
Quoy qu'il t'en preparast un peu de repentir,  
Dans le ressentiment de ce cruel outrage,  
Ma maison par despit esueilla mon courage,  
Ie fis lors un dessein de separer de moy  
Ceste part de mon cœur qui vit auec toy,  
De ne songer iamais à retrouver la trace,  
Par où desia souuent i'auois cherché ta gra-  
ce.

Damon estoit tousiours aupres de mon esprit,  
Pour l'assister, au cas que son mal le reprit,  
Ie l'appellois desia, le ieux, la bonne chere,  
Ma douleur tous les iours deuenoit plus lege-  
re,

Ie dormis la moitié de la seconde nuit,  
L'absence traualloit auec beaucoup de fruit,  
Desia d'autres beautez auec assez de char-  
mes,

Diuertissoient ma peine & tarissoient mes lar-  
mes,

Leur naturel facile à mon affection,  
Auoit mis ton esclauage à leur deuotion,  
Et comme une amitié par une autre s'efface,  
Chez moy d'autres objets auoient gaigné ta  
place,

Lors

Lors que ta repentance ou plustost ton orgueil,  
Irrité que mes maux estoient dans le cer-  
cueil,

Me ramena tes yeux qui chez moy retrouue-  
rent

La mesme intell gence alors qu'ils arrive-  
rent,

Tes regards n'eurent pas examiné les miens,

Que ie me retrouuay dans mes premiers  
liens,

Ma raison se desdit, mes sens à ton entree

Sentent qu'un nouveau mal les blesse & les re-  
cree,

Et du mesme moment qu'ils ont cogneu leurs  
fers,

Ils n'ont peu s'empescher qu'ils ne s'y soient of-  
fers.

Caliste s'il est vray que ton cœur soit sensi-  
ble,

Au feu qui me consume & qui s'est bien visi-  
ble,

S'il est vray que tes yeux lors qu'ils me vont  
blesser,

Ont de la confidence avec ton penser,

Que ma possession ie donne un peu de gloire,

Que iamais mon obiet ait flatté ta memoire,

Ainsi que tes regards, ta voix, & ton beau  
reint

Ont leur pourtraict fidelle en mon cœur bien em-  
preint.

Considere souuent quel plaisir, quelle peine,

Me faict comme tu veux ton Amour ou ta  
haine,

Pardonne à ma fureur une importunité,

Qu'elle ne te fait point avec impunité:

Car

Car ie veux que le Ciel m'accable du ton-  
nerre,  
Si toujours ma raison ne luy faict point la guer-  
re,  
Et ie croy que le temps m'assistera si bien,  
Qu'en fin i'accorderay ton desir & le mien.

# ELEGIE.

A MONSIEUR DE PESRÉ

**V**INIQUE confident de ma nouvelle  
flame,  
Tuy seul que i'ay laissé lire au fonds de  
mon ame,

Tuy chez qui mon secret demeure sans dan-  
ger.

Qui sçais comme tu doibs me plaindre & me  
vanger,

Escoute ie te prie une plainte forcée,  
Qu'un vif ressentiment arrache à ma pensée,  
Celle à qui i'ay donné mon ame à gouverner  
Fait le pris qu'elle peut, afin de le damner,  
Tous les iours sont orgueil contre sa conscience,  
Par des nouveaux affronts combat ma patience:

Ie ne puis plus porter la pesanteur des fers,  
Que i'ay depuis deux ans honteusement souf-  
ferts

Helas ! quand ma raison remet en ma memoi-  
re,

Ce que tu me disois au riuage de Loire,  
Lors qu'avec tant d'honneur & de bon traite-  
ment,

Tu voulois diuertir mon mescontentement,  
Le me veux repentir d'auoir esté rebelle  
A ton opinion; quoy qu'elle fust cruelle,  
Quoy que ce fust m'oster la lumiere du iour,  
Tu m'aurois fait plaisir de me guerir d'A-  
mour.

Si tu scauois combien cela me fait de peine  
Combien ceste fureur deguisi vne ame saire,  
Combien ceste moleste enchante la vertu,  
Soubs quel effort l'esprit y demeure abattu,  
Et comment l'honneur mesme y compatist en-  
core,

Tu maudirois pour moy la beauté que i'adore,  
Mais avec qui bien tost ie t'oserois iurer,  
Viure indifferemment au lieu de l'adorer,  
Je sens que ma raison fremit de mes supplices,  
Que mon affection se rend à ses malices,  
Elle est insupportable en sa legereté;  
Elle a trop peu de soin, & trop de liberté  
Elle void dans mon ame, & sans m'en ouir la  
sienne,

Elle veut posseder absolument la mienne,  
Tu scais comment l'Amour peut forcer quelque-  
fois,

A trahir le deuoir & transgresser les loix,  
Et que sans le secret de deux esprits fidelles,  
Toutes les passions sont un peu criminelles,  
Qu'il est bien dangereux de viure en confident,  
Avec qui sans dessein neus perd en ce perdant.  
Caliste sourde au bruit d'une mauuaise esti-  
me,

Cherche des vanitez à publier un crime,

M'a quelquefois prié de luy donner des vers,  
Où tout le monde veid tous nos desirs ouuerts  
De luy faire vne Image où cet humeur las-  
cine,

Après nos derniers iours parust encore viue,  
Vraiment ie suis heureux qu'elle m'ait conten-  
té

Par toutes les faueurs que donne vne beauté,  
Ce souuenir m'en donne vne si chere ioye,  
Que mes yeux sont ialoux que personne la  
voye

Mesme à toy qui me vois & dedans & de-  
hors,

Ie ne te l'ay point dit sans un peu de remords,  
Mais tuis qu'elle est d'une ame à ne pouuoir rien  
faire,

Enuers toy ma prudence estoit peu necessai-  
re,

Puis que tout est public en cest esprit leger,  
Mon secret ne seruoit qu'à te desobliger,  
Ma patiente humeur flattoit son imprudence,  
Et ma discrétion trompoit ta confidence,  
Cher Damon ie t'adiure au nom de l'amitié,  
Qui nous a partagé les cœurs par la moitié,  
Pardonne à mon erreur. En fin ie te confesse,  
Que ie t'ay moins aimé iadis que ma maistres-  
se,

Auiourd'huy que mon cœur panche à sa gueri-  
son,

Comparant ta franchise avec sa trahison,  
Ses imperfections avecque ton merite,  
Ie crains qu'en m'excusant mon peché ne t'ir-  
rite,

Depuis que mes regards ont descouuert le iour  
Que ie me suis osté le bandeau de l'Amour,

Ie



Je commence à tout voir d'un différent visage,

Je ramene mes sens à leur premier usage,

Je cognois de ton cœur qu'il vaut mille fois mieux

Que l'esclat de son teint ny les traits de ses yeux.

Damon i'ay veu depuis d'une claire apparence,

Qu'en toy seul i'ay plus d'aise & d'heur & d'assurance,

Que ie n'en puis trouver dans ces liens hon-  
teux,

Où le mal est certain & le plaisir douteux,

En la plus belle ardeur où ie puis voir Caliste,

Mon ame y sent tousiours quelque chose de triste?

Tousiours quelque soupçon rebute mon desir,

Et m'empesche d'y prendre un absolu plaisir,

Dans ces molles fureurs qui m'alloient rendre  
infame,

Certains enchantemens euueloient mon  
ame,

Tous mes sens esgarez prenoient un autre  
cours,

Des-là ie n'auois rien de libre en mes dis-  
cours,

Ces plaisirs qu'aimse tant nostre commun ge-  
nie

S'estoient laissé surprendre à ceste Tyrannie,

Je ne goûtois plus rien qui ne me fut amer,

Tant l'esprit par le corps s'estoit laissé char-  
mer,

Tu m'as veu quelquefois toute la nuit entie-  
re,

Resuer profondement sans aucune matiere,  
 N'as tu point remarqué diminuer mes sens,  
 N'ay ie point fait depuis des vers plus languis-  
 sans,  
 Croy que i'ay bien souffert, & que c'est aduan-  
 ture,  
 Auoit si puissamment estourdy ma nature,  
 Qu'encore un mois ou deux à force d'endurer,  
 Mes pauvres sens vscz ne pouuoient plus du-  
 rer,  
 Si son dernier mespris ne m'eust donné ma gra-  
 ce,  
 le m'en allois mourir comme mourust le Tasse,  
 Puis que i'en suis sauué: car ces vers sont tes-  
 moins,  
 Que ie ne l'aime plus puisque ie l'aime moins,  
 D'un sommet releué lors que le pied nou glis-  
 se,  
 On trebuche tousiours du faiste au precipice,  
 Puis que i'en suis dehors ie te laisse à choisir,  
 L'obiect que tu voudras prescrire à mon de-  
 sir,  
 Et si tu veux complaire à ma derniere enuie,  
 Cher Damon prens le soin de gouverner ma  
 vie.

---

## E L E G I E.

**N**E me fais point aimer avecques tant  
 de peine,  
 Dedans ma passion garde moy l'ame  
 saine,  
 Tiens le plaisir des vers dās la fureur d'Amour,  
 Si

Si i'ay souffert la nuit, console moy le iour,  
 Quand tu m'auras blessé permets que ie souf-  
 fire,  
 Et quand i'ay soupiré permets moy de l'ecri-  
 re,  
 Ce beau feu si subtil qui pour nous faire ai-  
 mer,  
 Vient dedans nostre sang afin de l'animer,  
 S'il est trop violent & s'il a trop de flme,  
 Il affoiblit le corps, il esbluit nostre ame:  
 Mais lors qu'à petits traitts le cœur en est  
 espris,  
 Il nous en rend meilleurs les corps & les es-  
 prits,  
 Ainsi qui n'est saisi de cette rage extreme,  
 Qui prend la liberté de sçauoir ce qu'il aime,  
 Qui s'en fait obliger, & ne se laisse pas  
 Abuser sottement à de legers appas,  
 Avec peu de trauail il a bien tost sa proye,  
 Et de peu de soupirs il achete sa ioye,  
 Ainsi dans le tourment, il treuve le bonheur,  
 Et dans la seruitude, il fait venir l'honneur.  
 Par fois sa passion se tient un peu cachee,  
 Pour auoir le plaisir de se voir recherchee,  
 Et s'il veut consentir de se voir mal traité,  
 Ce n'est que pour le bien d'estre apres regret-  
 té.  
 Moy qui toute la nuit offusqué de tes char-  
 mes,  
 Les paucts du sommeil ay distillez en larmes,  
 Et qui m'imaginant ouyr tes doux propos,  
 N'ay sceu prendre en dormant tant soit peu de  
 repos.  
 Je meriterois bien que toute la iournee,  
 On flatast la douleur que la nuit m'a donnee,

Et que Cloris vint faire avec un doux baiser,  
 De ses afflictions mon ame reposer,  
 On diét que le Soleil sortant du sein de l'on-

de,  
 Pour rendre l'exercice & la lumiere au mon-

de,  
 Dissipe à son reueil ceste confuse erreur,  
 Des songes de la nuit qui nous faisoient hor-

reur:  
 Mais quand nous guerissons à l'aspect de sa fla-

me,  
 Ces petites frayeurs ne percent point dans l'a-

me,  
 Ce n'est qu'un peu de bile & de froide va-

peur,  
 Qui point legerement des visions de peur,

Car une passion bien auant imprimee,

Ne s'esuancit pas ainsi qu'une fumee,

Et ceux qui comme moy sont travaillez d'A-

mour,  
 Gardent leur resuerie & la nuit & le iour,

Cloris est le Soleil dont la clarté puissante,

Console à son regard mon ame languissante,

Escarte mes ennuis, dissipe à son abord

Le chagrin de la vie, & la peur de la mort,

Mais depuis peu de iours sa flamme est si tardi-

ue,  
 Pour estre comme elle est si perçante & si vi-

ue,  
 Que l'ingratte me laisse à petit feu mourir.

Faute d'un seul regard qui me pourroit guerir.

Donne moy la raison d'une amitié si lente,

Cloris aurois tu peur que mon ame insolente,

Ossrit à ta beauté qu'un vœu respectueux,

Mes desirs sont ardants, mais ils sont vertueux,

Et

*Et ce plaisir lascif où le brutal aspire,  
N'est pas le monument du feu que ie sousspire,  
J'aime à regarder, & d'estre tout un iour,  
Mourant aupres de toy, sans te parler d'A-*  
mour,

*Si ce n'est que mes yeux au desceu de mon*  
ame,

*Facent estinceler quelque rayon de flame,  
Et que mon cœur surpris de trop de passion,  
Lasche quelque sousspir sans mon intention,  
Mon pauvre esprit captif, craint si fort ta cho-*  
lere,

*Qu'il n'ose hazarder mesme de te complaire,  
J'aime mieux me fascher de n'auoir point osé,  
Que mourir dans l'affront de me voir refusé,  
Car nier quelque chose à mon desir fidelle,  
Ce seroit me donner vne douleur mortelle,  
Et de regret contrainct de me desesperer,  
Je perdrois le plaisir que j'ay de t'adorer,  
Il vaut mieux viure encor en ceste incerti-*  
tude,

*Et quoy que le destin garde ma seruitude,  
Cependant cet amour me tient les sens ou-*  
uerts,

*A la facilité de composer des vers,  
L'en tire le plaisir de prendre en mon ouurage  
Tous les traits de mon ame & de ton beau vi-*  
sage,

*Et leurs lineamens pourtraits dans mes es-*  
crits

*M'entretiennent tousiours les yeux & les es-*  
prits,

*Puisque le Ciel t'a mis dedans la fantasie,  
Le bon-heur de gouster un peu ma poésie,  
Tu verras mon genie à tes yeux complaisant,*

T'en faire tous les iours quelque nouveau pre-  
 sent,  
 Ma passion destine vne œuvre à ta loüange,  
 Qui te doit plaire mieux que les thresors du  
 Gange,  
 Et lors que mon trauail te fait songer à moy,  
 Je m'estime aussi riche & plus heureux qu'un  
 Roy.  
 Ce qu'on tient de fortune est vne fausse pom-  
 pe,  
 Où nostre infirmité se captive & se trompe,  
 Vn iugement bien sain y sent peu de plaisir,  
 Et n'y soubsmet iamais son glorieux desir,  
 Ces metaux qu'un auare auidentement enferme,  
 Comme indignes du iour sont cachez sous la  
 terre,  
 Si les thresors estoient comme on dit pre-  
 cieux,  
 Cloris, les diamans nous tomberoient des  
 Cieux,  
 La perle descendroit avecque la rosee,  
 Elle ne seroit point aux ondes exposee,  
 La Mer qui la vomit la tiendroît cherement,  
 La Mer dont l'ambre mesme est comme un ex-  
 crement,  
 Le Soleil qui faict l'or en auroit des couron-  
 nes,  
 Ainsi ie ne veux point, Cloris, que tu me  
 donnes,  
 Et tu sçais bien aussi que ie ne pense pas,  
 Que des riches presens soient pour toy des  
 appas:  
 Car un de mes souspirs que ie te fais entēdre,  
 Vne goutte de pleurs que tu me vois respan-  
 dre,

Peuvent plus sur ton ame, & te font plus aimer  
 Que si ie te donnois & la terre & la mer,  
 Je te proteste aussi de n'estre point auare,  
 De tout ce que la mer & la terre ont de rare,  
 Et qu'un de tes regards me vaut mille fois  
 mieux  
 Que le gouvernement de l'Empire des  
 Cieux.

## ELEGIE.

**J'**AY fait ce que j'ay peu pour m'arracher  
 de l'Ame  
 L'importune fureur de ma naissante  
 flame,

J'ay leu toute la nuit, j'ay ioüé tout le iour,  
 J'ay fait ce que j'ay peu pour me guerir d'A-  
 mour,

J'ay leu deux ou trois fois tous les secrets d'O-  
 uide,

Et d'un cruel dessein à mes Amours perfide,  
 Goustant tous les plaisirs que peut donner Paris  
 J'ay tasché d'estouffer l'amitié de Cloris;  
 J'ay veu cent fois le Bal, cent fois la Comedie  
 J'ay des Luts les plus doux gousté la melodie,  
 Mais malgré ma raison encore Dieu mercy,  
 Ces diuertissemens ne m'ont point reüssi,  
 L'Image de Cloris tous ne desseins dissipe,  
 Et si peu qu'au re part mon ame s'émancipe,  
 Vn sacré souuin de ses beaux yeux absens,  
 A leur premier obiet fait revenir mes sens,  
 Lors que plus un desir de liberté me presse,

Amour ce confident rusé de ma Maistresse,  
 Luy qui n'a point de foy me fait ressouvenir,  
 Que j'ay donné la miexne & qu'il la faut tenir,  
 Il me fait vn serment qu'il a mis mon Idée  
 Dans le cœur de Madame & qu'elle l'a gardée  
 Me fait imaginer, mais bien douteusement,  
 Qu'elle aura soupiré de mon esloignement,  
 Et que bientost si l'art peut suivre la Nature,  
 Sa beauté me doit faire vn don de sa peinture,  
 Cela me perce l'ame avec vn trait si cher,  
 Qu'il me faict recevoir le feu sans me fascher,  
 Cela remet mon cœur sur ses premieres traces,  
 Me fait reueir Cloris avecque tant de graces,  
 Me rengage si bien que ie me sens heureux,  
 Quoy qu'avec tant de mal, d'estre encores A-  
 moureux;

Je sçay bien qu'elle m'aime, & cet Amour fi-  
 dèle

Demande avec raison que ie despende d'elle,  
 Et si nostre destin par de si fermes loix  
 Prescrit aux plus heureux de mourir vne fois,  
 Qu'un autre ambitieux se consume à la guer-  
 re,

Et meure dans le soin de conquerir la terre,  
 Pour moy quand il faudra prendre congé du  
 iour,

Puis que Cloris le veut ie veux mourir d'A-  
 mour

Qu'on ne me parle point de son humeur Tegere,  
 Je veux que ces deffauts me la rendent plu. che-  
 re,

Ce que fait la raison pour empescher d'aimer,  
 Ne peut que mes desirs dauantage allumer.

Quoy que dans le travail mon esprit diminué,  
 Que ma vie en deuienne vne mort continuë,

Que



Que mon sens estourdi relasche sa vigueur,  
 Et des-ia sur mon front imprime sa langueur,  
 (Cependant que Cloris est la viue peinture,  
 Du plus riche en bon point que peut donner Nature)

Que son cœur nonchalant ou peut estre inhumain,

A mon dernier malheur doiuo prester la main,  
 Que souuent d'un baiser elle me soit auare,  
 C'est tout un, il me plaist qu'elle me soit barbare.

Je veus pour mon plaisir aimer sa cruauté,  
 En faueur de ses yeux ie hay ma liberté,  
 Je hay mon iugement, & veux qu'on me reproche.

Que i'ayme sans subiect un naturel de roche,  
 Je me console assez puis que ie voy les Cieux  
 Endurer comme moy l'Empire de ses yeux,  
 Que le Soleil ialoux de la voir luire au monde,  
 Passe ou rouge tousiours se va cacher sous l'onde,

Je ne scaurois penser que la fierté des ans,  
 Que ce vieillard cruel qui mange ses enfans,  
 Voyant tant de beutez, puisse auoir le courage  
 Tout impetueux qu'il est, de leur faire un outrage,

Et qu'ey qu'un siecle entier la conduise au trépas;

Pour moy tousiours ses yeux auront assez d'appas,

Mon inclination est assez pure & forte,  
 Contre le changement que la vieillesse apporte  
 Quand le Ciel par dépit renuerseroit le cours,  
 Et l'ordre naturel qu'il a prescrit aux iours.

Et que demain pour voir si mes desirs perfides  
 Se pourroient dementir, il luy donna des rides,  
 Ma flamme dans mon sang en ses plus chauds  
 boüillons,

Adoreroit son front tout coupé de sillons,  
 N'y sousteint son esclat ny ses yeux sans lumiere,  
 Ne pourroient rien changer de mon humeur pre-  
 miere,

Que son ame & son corps soient tous conuers  
 d'horreur,

Je veux suiure par tout mon amoureuse erreur,  
 Toy quelque changement dont la fortune essaye,  
 De voir en m'affligeant si ta constance est vraye  
 Cloris rend la pareille à ma ferme amitié,

Et ne me manque point de foy ny de pitié,

Je sçay bien qu'aisément tu te pourrois desdire,

Sans qu'il arrive en moy quelque chose de pire,

Pour ce que mes deffauts sont des occasions,

Pour destourner de moy ses inclinations,

Mais pour diminuer ceste amitié sacrée,

Et pour rompre la foy que tu m'as tant iurée,

Mes imperfections sont un foible subiect,

Car ton Amour n'a point ma vertu pour obiet,

On dit que les meschans qui d'une auengle rage

Pressent ceux qui iamaïs ne leur ont fait d'ou-

trage,

Suinans un naturel maling qui les espoit,

Persecutans plus fort & ne pardonnans point,

Ne demordent iamaïs de leur fausse vengeance,

Quand leur courroux n'a point pour obiet une

offence,

Ainsi ton amitié qui n'a pour fondement,

Que de suiure enuers moy sa bonté seulement,

Qui ne sçauroit trouuer par où ie suis capable

De la moindre faueur, ny d'où ie suis aimable,

Ne

Ne peut trouuer aussi par où se destourner,  
 Ne peut trouuer ainsi dequoy m'abandonner,  
 Et sur ceste esperance où mon Amour se fonde,  
 Je croy viure & mourir le plus heureux du mode.

SVR LE BALET DV ROY.  
 POVR MON SEIGNEVR  
 LE DVC DE MONTMORENCY,



ELLE pour qui ie veux mourir,  
 Me fait vn mal si fauorable,  
 Que si l'on me venoit guerir  
 On me rendroit bien miserable.

Vn Roy pour des tourmens si doux,  
 Quitteroit toutes ses delices,  
 Et me voyant seroit ialoux  
 De mes fers & de mes supplices;

Aussi poue mieux fauoriser  
 Le diuin secret de ma flamme,  
 Mon front s'est voulu desguiser,  
 De peur de descouurir mon ame.

C'est ainsi que le Roy des Dieux,  
 Picqué de quelque beau visage,  
 Prenoit en denalant des Cieux,  
 Tousiours vn masque à son visage.

Et desguisant sa maiesté  
 Pour complaire à sa faenesie,  
 Il auoit pour chasque beauté  
 Vne forme à sa fantasie.

Pour moy si mes vœux auoient lieu,  
 On verroit ma figure humaine,  
 Bien tost se changer en un Dieu,  
 Non pas pour moins souffrir de peine.

Mais plustost pour sçauoir ainsi  
 Conseruer le mal qui me presse,  
 Et pour estre plus digne aussi,  
 De l'amitié d'une Deesse.

Pleust au Ciel qu'un iour seulement,  
 Iuppiter m'eut donné sa face,  
 Et qu'il voulut pour un moment,  
 Me laisser regner en sa place.

J'ordonnerois que les Autels,  
 Que par tout l'Vniuers on dresse,  
 Pour les Dieux ou pour les mortels,  
 Ne seroient que pour ma maistresse.

Le tem ps serf de ses volontez,  
 Comme moy luy rendant hommage,  
 Laisseroit viure ses beautex,  
 Sans leur faire iamais outoaga,

Ie commanderois, aux zephirs  
 De prodnre une fleur nouvelle,  
 Toute de fl ame & de souspirs,  
 Où ie serois peint avec elle,

Quelque si cher contentement,  
 Dont Iupiter nous face ennies,  
 La terre seroit l'élément,  
 Où nous voudrions passer la vie.

Laisseroit

Paris seroit nostre sejour,  
 Et dans ceste ioye infinie,  
 Rien que moy, la paix, & l'Amour  
 Ne seroit en sa compagnie.



LE DESGUISE.

A

MONSIEVR

LE PREMIER.



Ans la felicité des graces de  
 vos yeux,  
 Dont l'esclat m'est si cher, alors  
 qu'il me consono me,  
 Pouuant passer pour un des  
 Dieux,

Ce que ie suis n'est plus que le semblant d'un  
 homme

Depuis que ie vous vis, les clartez du Soleil  
 Ne

Ne furent plus pour moy qu'une lumiere peinte  
 La faueur du plus doux sommeil,  
 Depuis que ie vous sers, n'est pour moy qu'une  
 feinte.

Dans l'estroite prison où demeure un amant,  
 Et dont ie ne croy pas qu'aucun sort me deliure,  
 Viure tousiours dans le tourment,  
 Ce n'est que proprement faire semblant de vi-  
 ure.

Mes yeux lors que la nuit auengle l'Vniuers  
 Semblent estre endormis, & ne voir plus de  
 flamme,  
 Et toutefois ils sont ouverts,  
 Mais c'est vers le Soleil qui luit de dās mon ame.

Lors qu'Alcmene eut blessé des traicts de son  
 Amour,  
 Ce Dieu dont les larcins ont esté si celebres,  
 Nature desguisa le iour,  
 Et couurit tout le ciel d'un manteau de tenebres.

Si pour un beau dessein il faut se desguiser,  
 Si le secret d'Amour a besoin qu'on le couure:  
 On ne me scauroit accuser,  
 D'estre auionrd'huy le seul qui dissimule au  
 Laure.

THIS

# THISBE' POVR LE PORTRAICT DE PYRAME.

## AV PEINTRE.

**F**AY moy de grace une peinture,  
Si tu fis iamais rien de beau,  
Tuy qui des traits de ton pinceau  
Surpasses l'art & la Nature,  
Mais sans prendre plus de loisir,  
Que mon impatient desir,  
Ne peut accorder à mon ame,  
Au moins apporte moy demain,  
Le portraict de l'œil de Pirame,  
Ou celuy de sa belle main.

N'eusse-tu tracé que l'ombrage  
De son front ou de ses cheveux,  
Ne fais point tant languir mes vœux,  
En l'attente de ton ouvrage,  
Apporte moy dès aujourd'huy,  
Quelque petit semblant de luy,  
Peintre n'as tu rien fait encore,  
Tu recherches trop de façon,  
Il ne faut que peindre l'Aurore,  
Sous l'habit d'un jeune garçon.

Cognois tu les lis & les roses,  
En sçay tu faire les portraicts,  
En un mot sçay tu tous les traicts  
De toutes les plus belles choses,  
As tu veu ces tableaux hardis,

Qui sur les Autels de l'adieu,  
 Ont porté le pinceau d'Apelle,  
 Sçache que tu m'offenceras  
 De ne prendre au plus beau modelle,  
 Un portraict que tu luy feras.

Suy tous les plus fameux exemples  
 Des Peintres morts ou des vivans,  
 Voy tout ce que les plus sçavans  
 Ont fait pour embellir nos Temples,  
 Voy le teint, les yeux & les mains  
 Dont l'artifice des humains,  
 A voulu figurer les Anges,  
 Leur plus superbe monument  
 Doit quitter toutes ses loüanges,  
 A L'Image de mon Amant.

Si tu voulois peindre Hyacinthe,  
 Pour le faire voir au Soleil,  
 Ou d'un plus superbe appareil,  
 Vaincre le Tasse en son Arminthe,  
 Tu peindrois Pyrame, ou l'Amour,  
 Ou ce premier esclat du iour,  
 Lors que sans ride & sans nuage,  
 Dans le ciel comme en un tableau,  
 Il fait luire son beau visage,  
 Tout fraichement tiré de l'eau.

Sois ie te prie un peu barbare,  
 Pour bien faire, ouvre moy le sein,  
 Tu dois apprendre le dessein,  
 D'une occupation si rare,  
 Pleust au Ciel qu'il te fut permis,  
 De le voir comme Amour l'a mis,  
 Au plus profond de mes pensées,  
 Car c'est où ses perfections  
 Paroissent vivement tracees,  
 Aussi bien que mes passions.



Mais pardonne à ma ialouſie,  
 S'il ſe peut ſans r'iniurier,  
 Laiſſe toy de rechef prier,  
 De le peindre à ma fantaſie,  
 Ne demande point à le voir,  
 Car pour bien faire ton deuoir,  
 Et ne me faire point d'iniure,  
 Tu le peindras comme les Dieux,  
 De qui tu fais bien la figure,  
 Sans qu'ils ſoient preſens à tes yeux.

# ELEGIE.

**P** ROCHE de la ſaiſon où les plus vives  
 fleurs  
 Laiſſent eſuanouir leur Ame & leurs  
 couleurs,

Vn Amant deſolé, melancholique, ſombre,  
 Ialoux de ſon chemin, de ſes pas, de ſon ombre,  
 Baiſoit aux bors de Loire en flattant ſon ennuy  
 L'Image de Caliſte errante avecque luy,  
 Reſuant aupres du fleuve il diſoit à ſon onde,  
 Si tu vas dans la Mer qui va par tout le monde  
 Fay la reſouuenir d'apprendre à l'uniuers,  
 Qu'il n'a rien de ſi beau que l'obiet de mes vers  
 Ces fleurs dont le Printemps faiſt voir tes rines  
 peintes,

Au matin ſont en vie & le ſoir ſont eſteintes:  
 Mais quelque changement qui te puiſſe arriuer  
 Caliſte & ſes beautez n'auront iamais d'hyuer

Ces humides baisers dont tes riuës mouïlles  
 Seront pour quelques iours encore chatoïlles,  
 Arresteront en fin leur Amoureuse erreur,  
 Et s'apprechant de toy se geleront d'horreur,  
 Alors que tous les flots sont transformez en  
 marbres,

Lors que les Aquilons vont deschirer les arbres,  
 Et que l'eau n'ayant plus humidité ny pois,  
 Fait prendre le cristal des roches & des bois,  
 Que l'ende applanissant ses orgueilleuses bes-  
 ses,  
 Souffle sans murmurer le fardeau des caros-  
 ses,

Que la neige durcie a paué les marais,  
 Confondu les chemins avecque les guerets,  
 Que l'Hyuer renfroigné d'un orgueilleux Em-  
 pire,

Empesche les Amours de Flore & de Zephire,  
 Qu'Endimion vaincu du froid & du sommeil,  
 Ne peut tenir parole à la sœur du Soleil,  
 Qui cependant tousiours va visiter sa place,  
 Sur le haut d'un rocher tout herissé de glace,  
 Moy qui d'un sort plus humble ou bien plus glo-  
 rieux,

Sur les beautez du Ciel n'ay point ietté mes  
 yeux,

Qui n'ay iamais cherché ceste bonne fortune  
 Qu'Endimion trouuoit aux beautez de la Lu-  
 ne,

Durant ceste saison où leur ardent desir  
 Ne trouue à son dessein ny place ny loisir,  
 Le verray ma Caliste apres ce long voyage,  
 Qui plus que cent Hyuers m'a faict souffrir d'o-  
 rage,

Qui m'a plus ruiné, que de faire abismer

Ve vaisseau chargé d'or que i'aurois sur la Mer,  
 Quel outrage plus grand auroit il peu me faire,  
 Que me cacher un mois le seul iour qui m'es-  
 claire,

Dieu hastez donc l'Hyuer , & luy soyez tes-  
 moins,

Que le Printemps l'Automne, & l'Esté valent  
 moins,

Qu'il despoille les bois, & de sa froide haleine.  
 Perde tout ce que donne & le mont & la plai-  
 ne,

Ce mois qui maintenant retient ceste beauté,  
 A bien plus d'injustice & plus de cruauté  
 Car l'Hyuer au plus fort de sa plus dure guer-  
 re

Nous oste seulement ce que nous rend la ter-  
 re,

N'emporte que des fructs , n'estouffe que des  
 fleurs,

Et sur nostre destin n'estend point ses mal-  
 heurs,

Où la dure saison qui m'oste ma maistresse,  
 Toutes ses cruauiez à ma ruine adresse,

Mon front est plus terny que des lis effacez,  
 Mon sang est plus gelé que des ruisseaux glacez,

Blois est l'Enfer pour moy, le Loire est le Cocite,  
 Je ne suis plus viuant si ie ne ressuscite,

Vous qui saignez d'aimer auecque tant de foy,  
 Trompeurs vous estes bien moins amoureux que

moy,  
 Courtisans qui par tout ne seruez que de nom-  
 bre,

Qui n'aymez que le vent , qui ne suinez que  
 l'ombre,

Qui traistnez säs plaisir vos iours mal a uuez.

Pendants chez la Fortune à des liens dorez,  
 Vous sçavez mal que c'est des veritables peines  
 Que donne un feu subtil qui faict bruster les  
 veines,

Esclaves insenssez des pompes de la Cour,  
 Vous sçavez mal que c'est d'un veritable A-  
 mour.

Infidelle Alider tu feins d'aimer Syluie,  
 Mais tu pers son obiet, & ne pers point la vie,  
 Tu chasses tout le iour, tu dors toute la nuit,  
 Et tu dis que par tout son Image te suit,  
 Qu'elle est profondement empreinte en ta pensée  
 Et que ton ame en est mortellement blessée,  
 O toy qui ma Caliste auicourd'huy me ravis,  
 Qui vois ce que ie sens, qui sçais comme ie vis,  
 Malicieux destin qui me separes d'elle,  
 Tu respondras pour moy si ie luy suis fidelle,  
 Si depuis son depart i'eus un mauuais dessein,  
 Si ie n'ay tousiours eu des serpens dans le sein,  
 Tout ce que fait Damon pour diuertir ma peine  
 Toute sa bonne chere est importune & vaine,  
 Je suis honteux de voir qu'il faille ingratement  
 Faire mauuaise mine à son bon traitement,  
 Que ie ne puisse en rien déguiser ma tristesse,  
 Quoy qu'à me diuertir son amitié me presse,  
 Aussi tost que ie puis me dérober de luy,  
 Que ie trouue un endroict commode à mon en-  
 nuy,

Afin de digerer plustost mon amertume,  
 Je la fais par mes vers distiler à ma plume,  
 Par fois lors que ie pense escrire mon tourment  
 Je passe tout le iour à resuer seulement,  
 Et dessus mon papier laissant errer mon ame,  
 Je peins cent fois mon nom & celui de Madame  
 De penser en penser confusément tiré,

Suiuant

Suiuant le mouuement de mon sens égaré,  
 Si t'arreste mes yeux sur nos noms que ie trace  
 Quelque goutte de pleurs m'eschape, & les efface  
 Et sans que mon trauail puisse changer d'obiet,  
 Mille fois sans dessein ie change de proiect,  
 Tantost ses deux regards presente en ma pensee-  
 Quelque fois son beau teinct, & m'offre quelque  
 fois

Les œilllets de sa lèvre, & l'accent de sa voix,  
 Tantost son bel esprit d'une superbe Image,  
 Tout seul de mes escrits veut receuoir l'homma-  
 ge

Confus ie me retire, & songe qu'il vaut mieux  
 Consoler autrement, & mon Ame & mes yeux,  
 Je m'en vay dans les champs, pour voir s'il est  
 possible,

Qu'un bien-heureux hazard me la rend t vi-  
 sible,

Je m'en vay sur les bords de ces publiques eaux  
 Dont le dos nuict & iour est chargé de bat-  
 teaux,

Et tout ce que ie voids descendre sur la riuie.  
 Me faict imaginer que ma Caliste arriue,  
 Bref contre iout espoir mon œil n'est iamais las,  
 De trauailler en vain à chercher de soulas,  
 Quoy que le temps prescrit à ceste longue absence  
 Pour tout ce que ie fais d'un seul point ne s'a-  
 uance,

Je veux persuader à mon ardant Amour,  
 Qu'il void à tous momens l'heure de son retour,  
 Ainsi dit Moelibee, & pasle, & las, & iriste,  
 Acheua sa iournee en adorant Caliste.

## O D E.



**C** L O R I S pour ce petit moment,  
 D'une volupté frenetique,  
 Crois tu que mon esprit se pique,  
 De t'aymer eternellement,  
 Lors que mes ardeurs sont passees  
 La raison change mes pensees,  
 Et perdant l'amoureuse erreur,  
 Je me trouue dans des tristesses,  
 Qui font que tes delicatesses,  
 Commencent à me faire horreur.

Avoir tant fuyr ta beauté,  
 Je me lasse de la poursuiure,  
 Et me suis resolu de viure,  
 Avec un peu de liberté,  
 Il ne me faut qu'une disgrâce,  
 Qu'encore un trait de ceste audace,  
 Qui i'a fait tant manquer de foy;  
 Apres tiens moy pour un infame,  
 Si samain mes yeux ny mon ame,  
 Songent à s'approcher de toy.

Je me trouue prest à te voir,  
 Avec beaucoup d'indifference,  
 Et te faire une reuerence,  
 Moins d'amitié que de deuoir,  
 Toutes les complaisances feintes,  
 Ou tes affections mal peintes,  
 Ont trompé mes sens heberiez,  
 Je les tiens pour foibles feintises,  
 Et n'appelle plus que sottises,  
 Ce que ie nomme cruautiez.

Je ne veux point te descrier,  
 Apres t'auoir loüé moy-mesme,

Que les corps trespassez d'une pierre couuers  
 Change les os en poudre, & la charongne en vers,  
 Que l's esprits errans par les rines funebres,  
 D'un Cocite incognu, ne sont plus que tenebres,  
 Qu'on soit bien dans ce regne où Plusiõ tiët la Cour,  
 C'est un compte, il n'est rien de si beau que le iour,  
 Le moindre chië viuät vaut mieux que cët cohortes  
 De Tygres, de Lyons, ou de Panthes mortes,  
 Bien que pauvre subiet se prefere mon sort  
 A celuy-lä d'un Prince, ou d'un Monarque mort,  
 Croy moy, suy mon cõseil, ne dõnons point nos testes,  
 Pour preseruer autrui, ne soyons pas si bestes.

## D E V X I S.

Mourriens-nous pour cela?

## SYLLAR.

croy tu viure un moment

Apres l'estre mocqué de son commandement?

## D E V X I S.

Mais le Roy craint-il point la iustice plus haute,  
 En nous faisant mourir il descouure sa faute;  
 Nos testes ne scauroient venir sur l'eschaffaut,  
 Sans y faire monstrier son criminel deffaut.

## SYLLAR.

Pour nous exterminer quand ils en ont enuie,  
 Les Roys ont cent moyens pour nous ester la vie,  
 Nos iours sont dans leurs mains, ils les peuuent finir,  
 Ils peuuent le plus iuste innocemment punir,  
 Quelque tort que ce soit quãd un Roy nous accuse,  
 Sa grande authorité ne manque point d'excuse,  
 Contre le Prince aux droictz il ne se faut fier,  
 Le pretexte plus faux le peut iustifier.  
 Outre qu'au Souuerain la perte de deux hommes  
 Ne se doit reprocher, de deux tels que nous sommes,  
 Plusieurs qui ne sont point ainsi Religieux,  
 Et qu'un si grand secret rendroit trop gërieux,

Ces mouuemens du Roy ne craindront pas de le suivre  
 Apres cela croü-tu qu'il nous souffrist de viure,  
 Nous ne saurions fuir de son bras irrité,  
 L'iniure d'un supplice à demy merité.

## DE V X I S.

Il faut donc se bannir & bien loing d'un Empire,  
 A tous les gens de bien, le moins seur & le pire,

## SYLLAR.

Voyageant l'univers de l'un à l'autre bout,  
 Nous ne saurions fuir, les Rois courent par tout,  
 Ils ont de longues mains qui par tout ce bas monde,  
 Sans se mouuoir d'un lieu touchent la terre & l'ode,

## DE V X I S.

Tu dis Vray, ta raison me rend ores confus.

## SYLLAR.

Couppables vers le Roy de ce coüard refus,  
 C'est fait de nous aussi, faisant ce qu'il commande,  
 Sans doute apres cela nostre fortune est grande,  
 Ces Royales faueurs nos esprits saouleront,  
 Et dans nos cabinets des flots d'or couleront.

## DE V X I S.

L'or ce metal sorcier, corrompt tout par ses charmes,  
 Deuant luy prosterné l'honneur, met bas les armes,  
 Il n'est si fort rempart de Iustice ou de foy,  
 Qu'il ne brise, il ne craint ny pieté, ny Loy,  
 L'or peut tout, mesme alors que son appas s'adresse  
 A des hommes vaillans que la misere presse,  
 Comme moy malheureux que l'horreur de la faim,  
 Contraint à desirer ce detestable gain,  
 Monstre de pauvreté, ta dent est plus funeste,  
 Que le feu plus cuisant & la plus forte peste,  
 Le meurtrier que la peur bourrelle incessamment,  
 Au prix de tes forçats est puny doucement, [fames.  
 Dans les plus grands remords des faicts les plus in-  
 Sçauoir qu'on a du bien, console fort les ames,  
 L'argent purge le crime, & nous guerit de tout,



SYLLAR.

*A la fin tout va bien, ie voy qu'il s'en resout.*

DEVXIS.

*Le sort en est ietté, mon ame est exposee  
A ce qu'il te plaira, ie voy l'affaire aisee.*

SYLLAR.

*Il ne faut seulement que le greter icy.*

DEVXIS.

*Le voila ce me semble,*

SYLLAR.

*il me le semble aussi,*

DEVXIS.

*Donnons,*

PYRAME.

*on ne me peut surprendre,**Assassins vous sçavez si ie me sçay deffendre,  
Bien que seul contre deux ie vous feray sentir,  
Qu'on ne se prend à moy qu'avec du repentir.*

DEVXIS.

*O Dieux ie suis blessé*

PYRAME.

*si ta main n'est meilleure,**Ce lasche & traistre sang tu vomiras sur l'heure,  
Ton sort comme le sien pend au bout de ce fer.*

DEVXIS.

*O Dieux! que ie fais bien icy l'experience,  
Qu'il ne faut rien tenter contre sa conscience.*

PYRAME.

*Conscience voleur, ie croy que le remords  
Ne te presse qu'entant que tu vas voir les morts,  
Que tu sens la frayeur d'une peine eternelle,  
Recueillir en mourant ton ame criminelle.*

DEVXIS.

*Ha! si vous me laissez un peu la liberté,  
De vous parler avant que perdre la clarié.*

PYRAME.

*Que me sçaurois-tu dire,*

DEVXIS.

*Une chose sans doute*

*Qui vous pourroit seruir,*

PYRAME.

*il faut que ie l'esconte.*

*Qu'est-ce?*

DEVXIS.

*ce qu'en pourroit à peine deuiner,*

*Le Roy nous a contrainct de vous assassiner.*

PYRAME.

*O Ciel! que m'as tu dit, mais faut il croire un traistre,*

DEVXIS.

*Je vous dis ce qui est.*

PYRAME.

*mais ce qui ne peut estre,*

*Dieux, tout mō s'ag se trouble, il est vray que le Roy*

*Ayme à ce qu'on m'a dit, en mesme lieu que moy,*

*Helas! ie suis perdu, mon mal est sans remede,*

*Cōire mō Roy, quel Dieu puis ie trouuer qui m'aide.*

DEVXIS.

*Voyez de vous conduire en cela sagement,*

*Maintenant ie trespasse avec allegement.*

PYRAME.

*L'Enfer te soit propice, & sa nuit ma l'heureuse*

*Pour si bon remors te soit moins rigoureuse,*

*Au reste il faut fuir c'est le meilleur conseil,*

*Sans faire plus icy, ny repos ny son. meil,*

*Quand le courroux des Roys fait esclater leurs armes*

*C'est pis dix mille fois que torrens & que flammes,*

*Il faut s'oster de là, mais de necessité,*

*Thisbé, vous m'en avez souuent sollicité,*

*Vous m'avez dit cent fois que vous seriez heureuse,*

*De suivre loing d'icy ma fortune amoureuse, (mour,*

*Que vous craignez ce Prince, & que de nostre A-*

*Quelque malheur au nostre arriueroit un iour.*

Il y fandra pourvoir. & si l'humeur hardie,  
De ce courage ardent ne s'est pas refroidie,  
Nous nous affranchirons de ses cruelles loix.  
Et nous n'aurons que nous, de parens, ny de Rois.

## SCENE II.

PYRAME, DEVXIS,  
SYLLAR, LE ROY.

**A** Cet affront, le sang au visage me monte,  
Que ma cōdition souffre aujour d'huy de hôte,  
Sçachant que de ma part tu luy voulois parler.

SYLLAR.

En vain cent fois le iour vous m'y feriez aller,

LE ROY.

Que Thibé na point fait semblant de te cognoistre,

SYLLAR.

Sire, tout aussi tost qu'elle m'a ven paroistre,  
Destournant ses regards surprise à l'impourueu,  
Ainsi qu'elle auroit fait d'un serpēt qu'elle eust ven  
Elle s'est engagee en une compagnie,  
A faire des discours d'une suite infinie,  
Jusqu'à tant qu'elle a peu se desrober de moy,

LE ROY.

Traicter si rudement la passion d'un Roy, (mes,  
Faut il que nous ayons, fils des Dieux que nous sō-  
Le sentiment semblable au vulgaire des hommes,  
Ingratte si faut il que ie te mette un iour,  
Dans le choix d'esprouuer ma haine ou mon Amour.  
Tu sçauras que ie regne, & que la tyrannie  
Me peut bien accorder ce que l'Amour me nie,  
Ce beau fils dépesché; si ton cœur ne demorde,

Tu te pourras bien veir sa compagne à la mort,  
 Mais voicy de retour mon fidelle ministre,  
 Je tis dessus son cœur quelque rapport sinistre,  
 Il craint de m'aborder, parle & lève les yeux?

SYLLAR.

L'affaire va tres-mal,

LE ROY.

ie n'attendois pas mieux.

SYLLAR.

Mon compagnon est mort, & moy chargé de playes,  
 Vous viens faire rapport de ces nouvelles vrayes,  
 Nous auions à peu pres l'œuurage executé,  
 Que le peuple en fureur dessus nous s'est ietté,  
 Et d'armes & de cris une croissante suite,  
 A peine m'a donné le loisir de la fuite.

LE ROY.

C'est trop, ie voy qu'amour se mocque de mes vœux,  
 Que le Ciel par dessein deffend ce que ie veux,  
 Je suis au desespoir, mon ame est trop gehennée,  
 J'ay gardé dans le sein la mort toute une année,  
 Mes malheurs vont sans fin l'un l'autre se suiuañs,  
 La saison de l'Hyuer n'a iamais tant de vents,  
 Iamais tant de frimats, ni de froid, ni de grest,  
 Qu'il ne fasse en trois mois quelque beau iour pour  
 Iamais vieillard caduc ne s'est si mal porté, [elle,  
 Qu'il n'ait eu dās. l'année quelque heure de santé,  
 Elle quelquefois tient tous les vents en bride,  
 Et fait voir aux Nochers le frôs des eaux sās ride,  
 Et l'astre le plus fier & plus malin des Cieux,  
 Iamais de mon destin n'a destourné ses yeux,  
 Cē traistre me donna le sceptre & le courage,  
 Pour me donner les maux avecques plus d'outrage,  
 Mais ie me plains en vain, le Ciel n'a point de tort,  
 Tout homme de courage est maistré de son sort,  
 Il range la Fortune à son obeissance,

Son deuoir ne cognoist de Loy que sa puissance,  
 Mesme quand c'est un Roy qui n'a d'autre deuoir,  
 Que de iouir des droicts d'un souuerain pouuoir,  
 Non, non, mon iugement n'est plus sur la balance,  
 Syllar, tous mes conseils vont à la violence,  
 Retente vne autrefois encores mon dessein,  
 Va dans son liét luy mettre un poignard dās le sein,  
 Dis que c'est de ma part, fais toy donner main forte  
 Pour forcer la maison, dis que c'est moy, n'importe,  
 Controuue quelque crime afin de l'accuser,  
 En mon nom tu pourras tout dire & tout cser.

SYLLAR.

Que la fureur des Rois est vne chose estrange,  
 Ils veulent que le Ciel à leur humeur se range,  
 Que tout leur fasse ioug en ce cruel desir,  
 S'il se seruoit d'un autre il me feroit plaisir.



## ACTE QVATRIESME.

PYRAME, THISBE', LA MERE  
 DE THISBE', SA CONFIDENTE.

### SCENE I.

PYRAME, THISBE'.

**T** Vois en quel danger nostre fortune est  
 mise,  
 Que mesme la clarté ne nous est pas per-  
 mise,

En fin ne veux tu point forcer cette prison,  
 Icy l'impatience est iointe à la raison,

*Le tyran qui desia fait esclater sa rage,  
 Afin de l'assouvir mettra tout en usage,  
 Et possible deuant que le flambeau du iour,  
 Ne fasse voir demain ses coursiers de retour,  
 Nous scaurions ce que peut vne fureur unie,  
 Avec l'autorité d'une force impunie.*

**T H I S B.**

*Le conseil en est pris sans attendre à demain,  
 Il faut resolutement s'affranchir de sa main,  
 Je seray bien-heureuse ayant de la Fortune,  
 Et di' grace & faueur, avecques toy commune,  
 Lors que ie n'auray plus d'espions à flatter,  
 Que ie n'auray parens ny mere à redouter,  
 Et qu'Amour ennuyee de se monstrier barbare  
 Ne nous donnera plus de mur qui nous separe,  
 Que sans empeschemens nos yeux pourront passer,  
 Par tout où sont venus la voix & le penser,  
 Lors d'un parfaict plaisir entre les bras comblee,  
 Mon ame du Tyran ne sera pas troublee,  
 Lors ie n'auray personne à respecter que toy.*

**P Y R A M E.**

*Lors tu n'auras personne à commander que moy,  
 Dessus mes volontez la tienne souueraine,  
 Te donnera tousiours la qualité de Roïne,  
 Thisbé iure icy la grace de tes yeux,  
 Serment qui m'est plus cher que de iurer les Dieux,  
 Que ton affection aujourdhuy me transporte,  
 Je ne la croyois pas estre du tout si forte,  
 Je doutis que l'on pût aimer si constamment,  
 Et que tant d'amitié fut pour moy seulement,  
 Que des obiects plus beaux,*

**T H I S B.**

*n'acheue point Pyrame,  
 Vn si mauuais soupçon, tu blesserois mon ame.  
 Autre obiect que le tien, c'est me desobliger*

*Mon*

Mon cœur, & quel plaisir prends tu de m'affliger.

PYRAME

Ne crois point que cela trouble ma fantaisie,  
Mais laisse à tant d'amour un peu de jalousie,  
Non pas pour les mortels, car i'ose m'assurer  
Que tu n'ayme que moy,

THISB,

tu le peux bien iurer.

PYRAME

Mais ie me sens jaloux de tout ce qui te touche,  
De l'air qui si souvent entre & sort par ta bouche.  
Ie croy qu'à ton subiect le soleil fait le iour,  
Auecques des flambeaux, & d'enuie, & d'Amour,  
Les fleurs que sous tes pas to<sup>u</sup> les chemins produisēt  
Dans l'honneur qu'elles ont de te plaire me nuisēt  
Si ie pouuois complaire à mon jaloux dessein,  
L'empescherois tes yeux de regarder ton sein  
Ton ombre suit ton corps de trop pres ce me semble,  
Car nous deux seulement deuous aller ensemble,  
Bref un si rare obiect m'est si doux & si cher,  
Que ta main seulement me nuit de te toucher.

THISB.

Hors de l'empeschement qui nous separe icy,  
Tu scauras que tes vœux sont mes desirs aussi.  
Que ton mal est celuy dont ie me sens pressée:  
Mais la course du iour s'en va desia passée,  
La Lune se confond avec sa clarté,  
Il est temps de pouruoir à nostre liberté,  
Il faut que nostre fuitte à la nuit se hazarde,  
Car avec trop de soin tout le iour on me garde.

PYRAME.

C'est tres bien aduisé quand d'un sommeil profond,  
La premiere douceur dans nos veines se fond,  
Qu'en ce pesant fardeau tout taciturne & sombre,  
On n'oyt que le silence, on ne voit rien que l'ombre,

*Il se faut desrober chacun de sa maison,  
Ou plustost se sauuer chacun de la prison.*

THISB.

*Mais au sortir d'icy pour nous voir en peu d'heure,  
Quelle assignation trouuerons nous plus seure,*

PYRAME.

*En attendant le iour, un lieu propre & bien pres,  
Il semble que l'amour me la descouure expres,  
Le tombeau de Ninus.*

THISB.

*il est vrayement bien proche.*

PYRAME.

*Là coule vn clair ruisseau tout au pied d'une roche,  
Qui de ses vives eaux entretenant les fleurs,  
Maintient à la prairie, & l'ame & les couleurs,  
Vn arbre tout aupres, fertile en Meures blanches;  
Nous offre le couuert de ses espesses branches,  
Sçaurions nous rencontrer un lieu plus à souhait,*

THISB.

*Il est le mieux du monde, allons cela vaut fait.*

## SCENE II.

LA MERE, SA CONFIDENTE.

**E**Ncores de frayeur tous mes cheueux se dressent  
Ses farouches regards encor à moy s'adressent,  
Ha! sommeil malheureux en ce songe trompeur,  
Que tu m'as fait, ô Dieux! que tu m'as fait de peur  
De ceste vision l'image triste & noire,  
Auecques trop d'horreur s'attache à ma memoire,  
J'ay resué tout le iour dans l'apprehension,  
De ma mauuaise nuit,

LA CONFIDENTE.

*ce n'est qu'illusion,*

LA MERE.



Combien en voyons nous à qui la voix des songes.  
A dit des veritez.

LA CONFIDENTE.

*comme aussi des mensonges.*

LA MERE.

Cette frayeur me tient p. urtant dans les esprits,  
Trop avant pour auoir son presage à mespris,  
Jamais une si triste & si p. asle figure,  
Ne se presente à nous sans un mauuais augure,  
Une parcille nuit ne me vient pas souuent.

LA CONFIDENTE.

A qui fait la raison, le songe n'est que vent,  
Il est bon ou mauuais, f. emet, viay ou variable  
Selon l'erreur douteux de nostre esprit muable,

LA MERE.

Si tu scauois comment ce songe est apparu,  
Comment cent fois la mort par mes os a couru,  
De quelque fermeté que ta raison se vante,  
Poss. ble, prendrois tu ta part de l'espoauante.

LA CONFIDENTE.

S'il ne vous est fascheux de me le faire cuire.

LA MERE.

Si cet ombre en parlant pouuoit s'esuanoir,  
Et que sa forme errante encores dans ma couche  
Peust sortir de mon ame en sortant de ma bouche,  
Tu me verrois très prompte à te faire scauoir  
Ce que mes yeux fermez m'ont clair emet fait voir.

LA CONFIDENTE.

„ Deschargeant sa douleur dedans l'ame fidelle,  
„ De quelqu'un que l'on aime on la sèt moins cruel-  
Le plus foible secours que l'on nous puisse offrir (le  
Nous fait le mal au moins plus doucement souffrir,  
S'il en faut sousspirer, qu'avec vous ie sousspire.

LA MERE.

Ta curiosité me presse de le dire.  
L'heure où nos corps chargez de grossieres vapeurs,

*Suscitent en mes sens des mouuemens trompeurs,  
 Estoit desia passée, & mon cerueau tranquile,  
 S'abbrenoir des pauots que le sommeil distile,  
 Sur le point que la nuit est proche de finir,  
 Et le Char de l'Aurore est encor à venir.*

LA CONFIDENTE.

*Enuiron ce temps-là, l'opinion vulgaire,  
 Tient que les songes ont la vision plus claire.*

LA MERE.

*Plusieurs euenemens me sont desia tesmoins,  
 Que leur incertitude alors trompe le moins.*

LA CONFIDENTE.

*Nous preserve le Ciel que cettaicy persiste,  
 A nous prognostiquer son aduanture triste.*

LA MERE

*Sçache que iamaïs fonge en son obscurité,  
 N'a fait voir tant d'horreur, ny tant de verité.*

LA CONFIDENTE.

*Vraymant à veus ouïr i'en suis desia touchée.*

LA MERE.

*Le voicy. Dieux! mon ame en est effarouchée,  
 J'ay veu tout au trauers du bandeau du sommeil,  
 Au milieu d'un desert l'Eclypse du Soleil,  
 C'est le premier obiet de la funeste image,  
 Qui marque à mon dessein un assésuré dommage,  
 En cette nuit espaisse où par tout l'Vniuers,  
 Les obiets demeueroient également couuerts  
 J'ay senty sous mes pieds ouurir un peu la terre  
 Et de là sourdement bruire aussi le tonnerre,  
 Un grand vol de corbeaux sur moy s'est assemblé  
 La Lune est deuallée, & le Ciel a tremblé,  
 L'air s'est couuert d'orages, & dans cette tempeste,  
 Quelques gouttes de sang m'ont tombé sur la teste,  
 Un Lion l'œil ardent, & le crain herissé,  
 Dessus son large col hideusement pressé,*

*Ragissant*

Rugissant sans me voir auprès de la caverne,  
 A fait autour de moy deux ou trois fois un cerne,  
 Certains cris soubsterrains rompus par des sanglots,  
 Comme un mugissement de riuage & de flots,  
 Au trauers le silence, & l'horreur des tenebres  
 M'ont transpercé le cœur de leurs accens funebres.

### LA CONFIDENTE.

O Dieux! tant seulement à vous ouïr parler,  
 Je sens que tout d'horreur mon cœur se va geler.

### LA MERE.

De là tombant à comp, dans des frayeurs plus vives,  
 Il m'a semblé d'errer aux infernales riués,  
 Ou d'une nuit plus noire encore m'auenglant,  
 J'ay rencontré d'abord un corps past & sanglant  
 Qui me representoit d'un obiet lamantable,  
 De ma fille Thibé, le portraict veritable,  
 Le corps auoit le sein de trois grands coups ouuert,  
 Qui teignoit le linceul dont il estoit couuert,  
 Aussi tost que ses yeux ont cogné mon visage,  
 Quoy qu'ils ne fussent plus que d'ombre & de nuage  
 M'eslançoient des regards avec un tel effort,  
 Qu'ils me sèbloïent des traits que decochoïst la mort  
 Puis m'approchât me dit d'une voix aigre & forte  
 Que cherche tu tigresse? & bien me voila morte,  
 Tu viens donc inhumaine en ces bords malheureux  
 Pour encor espier nos esprits amoureux,  
 Et me prenant la main tire hors de ma place,  
 Pour me monstrier Pyrame estendu sur la glace,  
 Qui par le mesme endroit d'autant de coups blessé  
 Monstroït qu'un mesme esprit l'auoit aussi poussé.  
 Voy dit elle barbare en ce piteux spectacle,  
 Dequoy nous a serui ton enuieux obstacle,  
 Qui te ment de venir troubler nostre amitié,  
 Icy nostre destin abhorre ta pitié,  
 L'Enfer plus doux que toy laisse viure nos flammes.

*Va ne reuiens iamaï importuner nos ames,  
Là son bras m'a pousseé, alors tout en sursaut  
Je me suis esueillee avec un cry fort haut,  
N'est ce pas là dequoy me donner de l'ombrage,*

LA CONFIDENTE.

*Mais bien dequoy troubler le plus hardy courage.*

LA MERE.

*Vrayment ie me repens d'auoir tanté si fort  
Vne si bonne fille, & cognois que i'ay tort,  
Je veux d'oresnauant d'une bride moins forte  
Retenir les desirs où son âge la porte.*

LA CONFIDENTE.

*Madame il est bien vray qu'un peu moins rudemēt  
Vous la gouuernerez bien plus commodément,  
Comme elle est de bon sang elle a l'humour altiere,  
La force en un bon cœur fait moins que la priere,  
En cēt âge à peu pres il me souuient qu'un iour,  
Mon Pere me voulut destourner d'un Amour,  
Qu'il iugeoit peu sortable, & moy bien à ma sorte  
Sa defence rendit ma passion si forte,  
Que dedans peu de iours il veid bien qu'il falloit  
A la fin s'accorder à ce qu'Amour vouloit,  
Ny le respect d'autrui, ny nostre ame elle-mesme  
Ne se peut empescher de suiure ce qu'elle aime,*

LA MERE.

*Assure toy d'auoir desormais le plaisir,  
De me voir indulgente à son ieune desir.*

### SCENE III.

### THISBE SEVLE.

**D***Esse de la Nuit, Lune mere de l'ombre,  
Me voyant arriner sous ce fueillage sombre,  
Tiens*

Tiens toy dans ton silence, & ne t'offence pas,  
 De l'Amour effronté qui guide icy mes pas,  
 Ne me regarde point pour enuier mon aise,  
 C'est assez qu'icy bas qu'Endimion te baise,  
 Et sans me quereller d'aucun ia'oux soupçon,  
 Demeure toute seule avecque ton garçon.  
 Et croy qu'en ce dessein que mon Amour hazarde,  
 Je n'ay d'intention pour rien qui te regarde,  
 Celui qui maintenant me fait icy venir,  
 N'a que trop dans ses yeux dequoy m'entretenir,  
 Et toy sacré ruisseau dont le plaisant riuage,  
 Semble plus accostable en ce qu'il est sauvage,  
 Redouble à ma faueur le doux bruit de ton cours,  
 Tant que tous les Syluains en puissent estre sourds,  
 Et que la veine Echo de ton bruit assourdie,  
 Mes amoureux propos à ces bois ne redie,  
 Mais non va doucement de peur de resueiller,  
 Les Nymphes de tes eaux laisse les sommeiller,  
 L'onde ne leur met pas tant de froideur dans l'ame,  
 Qu'elle ne s'embrasast en regardant Pyrame,  
 Mais quoy? ce paresseux est encor à venir,  
 Je ne sçay quel subiect le peut tant retenir,  
 Il a bien de l'amour, mais il n'est pas possible,  
 Qu'il ne ressente au point, où ie me voy sensible,  
 Je ne le dis qu'à vous, ruisseaux, antres, forests,  
 A qui mesme Diane a commis ses secrets,  
 A ma faueur, Echo commande à certe roche,  
 De luy toucher un mot d'un amoureux reproche,  
 Mais n'oy-ie pas de loin ce semble un peu de bruit  
 L'entreuoy la clarté comme d'un œil qui luit,  
 Helas! qu'ay ie apperceu Dieu! l'effroyable beste,  
 Un Lion affamé qui cherche icy sa queste,  
 Fuy Thisbé les horreurs d'un si mauuais destin,  
 Dieu! que Pyrame au moins n'en soit pas le butin.



# ACTE CINQVIESME.

---

## SCENE I.

### PYRAME SEVLE.

**E**N fin ie suis sorty; leur prudence importune,  
N'a plus à gouverner, ny moy, ny ma fortune,

Mon amour ne suit plus que le flambeau d'amour,  
Dans mon aveuglement ie trouue assez de iour,  
Belle nuit qui me rends tes ombrageuses toiles  
Ha! vrayemēt le Soleil vaut moins que tes estoilles,  
Douce & paisible nuit, tu me vaut desormais  
Mieux que le plus beau iour ne me valut iamais,  
Ie voy que tous mes sens se vont combler de ioye,  
Sans qu'icy nul des Dieux ny des mortels me voye,  
Mais me voicy desia proche de ce tombeau  
L'appercey le Meurier, i'entends le bruit de l'eau.  
Voicy le lieu qu'Amour destinoit à Diane,  
Icy ne vint iamais rien que moy de prophane,  
Solitude, silence, obscurité, sommeil,  
N'auex-vous point icy veu luire mon Soleil,  
Ombres, où cachez-vous les yeux de ma maistresse?  
L'impatient desir de le sçauoir me presse:  
Tant de difficultez m'ont tenu prisonnier,  
Que ie mourois de peur d'estre icy le dernier,  
Mais à ce que ie voy, ie m'y rends à bonne heure,  
Pais qu'encore en son liēt, mon Aurore demeure,  
Attendant qu'elle arrive icy bas à propos.

La

Le reste de la nuit m'offre son doux repos,  
 Mais pourrois-je dormir en son inquiétude,  
 Quelque sommeil qui regne en cette solitude,  
 Depuis que ie la sers, Amour m'a bien instruit,  
 A passer sans dormir les heures de la nuit,  
 Le murmure de l'eau, les fleurs de la prairie,  
 Cependant flatteront un peu ma resuerie,  
 O fleurs, si vos esprits iamais se transformant,  
 Despoilleroient les corps des malheureux Amans,  
 S'il en est parmy vous, qui se souuienne encore,  
 D'auoir souffert ailleurs qu'en l'Empire de Flore,  
 Doux objets de pitié ne soyez point ialoux;  
 Si la faueur d'amour m'a traité mieux que vous,  
 Et si du temps passé le souuenir vous touche,  
 Preñez nous sans regret vostre amoureuse couche,  
 Mais desja la rosée à vos tapis mouillez,  
 Que dis-je c'est du sang qui vous les a soüillez.  
 D'où peut venir ce sang; La troupe sanguinaire,  
 Des Ours & des Lions, vient icy d'ordinaire:  
 Vne frayeur me va dans l'ame repassant,  
 Je songe aux cris affreux d'un Hibou menaçant,  
 Qui m'a tousiours suivi ces ombrages nocturnes,  
 Augmentent ma terreur, & ces lieux taciturnes.  
 Dieux! qu'est-ce que ie voy, i'en suis trop esclairci,  
 Sans doute un grand Lion a passé par icy,  
 I'en recognois la trace, & vois sur la poussiere  
 Tout le sang que versoit sa gueule carnassiere:  
 O Ciel! en quelle horreur enfin ie suis tombé,  
 Detestable i'arriue aux traces de Thisbé,  
 Ces traces que ie voy son pied les a formées,  
 Et celles du Lion pesté & meste imprimees,  
 Parmy cela du sang abondamment espars,  
 Halie ne voy qu'horreur, que morts de toutes parts,  
 Il n'en faut plus douter, mon œil me dit ma perte,  
 Justes Dieux se peut-il que vous l'ayez soufferte,

Mais

Mais vous n'ë scauiez rië, vo<sup>s</sup> estes de faux Dieux,  
 C'est moy qui l'ay conduit en ces culpables lieux,  
 Moy, traistres qui scauois qu'aupres de ceste source,  
 Les Ours, & les Lion. font leur sanglante course,  
 Que la commodité de ce faux abbeuvoir,  
 Et de ce lieu desert, tousiours les y fait voir,  
 Infame criminel & desloyal Pyrame,  
 Qu'as-tu fait de Thisbé, qu'as tu fait de ton ame,  
 Comment me suis-ie ainsi de moy mesme priué?  
 Elle m'a preuenu, le iour est arriué,  
 Vois-ie pas que l'aurore en sa pointe premiere,  
 Espanche au Ciel ouuert sa confuse lumiere,  
 Soleil voudrois-tu luire apres cét accident,  
 Cherche pour te cacher un plus noir occident,  
 Toutefois monstre-toy, tu le pourras sans honte,  
 Il n'est plus de Soleil çà bas qui te surmonte,  
 Thi-bé n'est plus au monde, ô bel arbre, ô rocher,  
 O fleurs en quel endroit me la faut-il chercher?  
 Beau cristal innocent d'or le miroir exprime,  
 Sur mon front pall. ssant l'image de mon crime.  
 Toy qui dessus tes bords la voyois deschirer,  
 N'en as-tu quelque membre au moins sçeu retirer?  
 Traistre tu n'as serui qu'à r'affraischir la gueulle,  
 Du Lion luy laissant ma Thisbé toute seule,  
 Mais pourquoi les cailloux veux-ie icy quereller,  
 C'est à mon imprudence à qui ie dois parler,  
 C'est à mes cruautex à qui ie dois la peine,  
 De la mort la plus iuste, & la plus inhumaine.  
 C'est moy de qui les bras la deuoient secourir,  
 Et qui ne l'ont pas fait, c'est moy qui dois mourir,  
 Sortez à ma faueur de vos demeures creuses,  
 Pour deschirer ce corps venez troupes affreuses,  
 Mon iuste desespoir vous presse, il vous attend,  
 Sans deffense un butin ce pauvre corps vous tend,  
 Cruels ne cherchez point que dans les bergeries

Quelque



Quelque innocent aigneau s'immole à vos furies,  
 Destournez desormais le cours à vos larcins,  
 Mangez les criminels, tuez les assassins,  
 En toy Lion, mon ame a fait ses funeraillles,  
 Qui digerez desia mon cœur dans ses entrailles,  
 Reuiens & me fay voir au moins mon ennemy,  
 Encores tu ne m'as deuoré qu'à demy,  
 Acheue ton repas ; tu seras moins funeste,  
 Si tu m'es plus cruel, acheue donc ce reste,  
 Oste-moy le moyen de te iamais punir,  
 Mais ma douleur te parle en vain de reuenir,  
 Depuis que ce beau sang passe en ta nourriture,  
 Tes sens ont despoüillé leur humaine nature,  
 Je croy que ton humeur change de qualité,  
 Et qu'elle a plus d'amour que de brutalité,  
 Depuis que sa belle ame est icy respandue,  
 L'horreur de ces forests est à iamais perdue,  
 Les Tigres, les Lions, les Pantheres, les Ours,  
 Ne produiront icy que de petits Amours,  
 Et ie croy que Venus verra bien tost escloses,  
 De ce sang amoureux mille moissons de roses,  
 Mon sang dessus le sien par icy coulera,  
 Mon ame avec la sienne ainsi se mestera,  
 Qu'il me tarde desia que mon ombre n'arriue,  
 Reioindre son esprit sur la mortelle riuie:  
 Au moins si ie trouuois d'un chef d'œuvre si beau,  
 Quelque sainte relique à mettre en un tombeau,  
 Je ferois dans mon sein une large ouuerture,  
 Et sa chair dans la mienne auroit sa sepulture,  
 Toy son uiuant cercueil, reuiens me deuorer,  
 Cruel Lion reuien, se te veux adorer:  
 S'il faut que ma deesse en ton sang se confonde,  
 Je te tiens pour l'autel le plus sacré du monde,  
 O Dieux ! si ie ne voy rien d'elle à mon trespas,  
 Au moins ie baisera y la trace de ses pas,

Et ma leure ensuiuant ceste sanglante route,  
 Cent fois rebaisera son beau sang goutte à goutte,  
 Ah! beau sang precieux qui tout froid & tout mort,  
 Faites dedans mon ame encor un tel effort,  
 Vous avez donc quitté vos delicates veines,  
 Pour acheuer en fin vos tourments & mes peines,  
 Puisque le sort me dit que vous l'avez voulu,  
 Il ne m'y verra pas moins que vous resolu,  
 Mais que trouuay-ie icy? cette sanglante toile,  
 A la pauvre defuncte auoit seruy de voile,  
 O trop cruel tesmoin de mon dernier malheur!  
 Tesmoin de mon foï fait foï-le de ma douleur,  
 Mais quoy dedans l'obiet d'un sort si deplorable,  
 Sanglant & deschiré tu m'es encor aymable,  
 Le faut-il adorer? il le faut, ie le veux,  
 Il a touché iadis l'or de ses blonds cheveux:  
 Ce voile à son amour prestant son chaste usage,  
 Deffendoit au Soleil de baisser son visage,  
 Il fut en ma faueur soigneux de son beau teint,  
 Sois-tu d'oresnauant reueré comme saint,  
 Et qu'en faueur du sang qui peint nostre infortune,  
 La nuit te daigne mettre avec sa robe brune:  
 Mais ie croy que mon cœur se flatte en sa langueur,  
 Il est temps que ma vie achene sa rigueur,  
 Au dessein de mourir dois- ie chercher qui m'ayde,  
 Rien que ma main ne s'offre à ce dernier remede,  
 Terre si tu voulois t'ouurir dessous mes pas,  
 Tu me ferois plaisir, mais tu ne le fais pas,  
 Il semble que ton flanc dauantage se serre,  
 Dieux! si vous me vouliez enuoyer le tonnerre  
 Ie vous serois tenu, mais ô propos honteux,  
 Mon trespas à m'ouyr est encores douteux,  
 Mon desespoir encor en moy se delibere,  
 Mais l'estourdissement, non la peur le differe:  
 Voicy de quoy vanger les iniures du sort,

C'est

*C'est i'y mon tonnerre, & mon gouffie, & ma mort:  
 En despit des parens, du Ciel, de la nature,  
 Mon supplice fera la fin de ma torture.  
 Les hommes courageux meurent quand il leur plaist,  
 Ayme ce cœur Thisbé tout massacré qu'il est,  
 Encor un coup Thisbé par la dernière playe,  
 Regarde là dedans si ma douleur est vraye.*

---

## S C E N E I I.

### T H I S B E S E V L E.

**A** *Peine ay-ie repris mon esprit & ma voix,  
 Cette peur m'a fait perdre un voile que j'a-*  
*uoy,*

*Et m'a fait demeurer assez long temps cachée,  
 Possible mon amant m'aura depuis cherchée,  
 Il doit estre arrivé s'il n'a perdu le soing  
 De me venir trouuer, car le iour n'est pas loing.  
 Je n'entends plus que l'eau que verse la fontaine,  
 Le silence profond me rend assez certaine,  
 Que ie puis approcher la tombe, ou cependant  
 Mon Pyrame languist sans doute en m'attendant,  
 La beste qui cherchoit l'eau de cette vallee,  
 Ayant esteint sa soif, ores s'en est allée,  
 Autrement j'entendrois qu'elle feroit un bruit,  
 Et ses yeux brilleroient au trauers de la nuit.  
 O nuit ie me remets en fin sous ton ombrage,  
 Pour auoir tant d'amour, j'ay bien peu de courage,  
 Mais ou mon œil s'abuse en un objet trompeur,  
 Voicy dequy j'entier en ma premiere peur,  
 Vne subite horreur me prend à l'impouruë,  
 Et si l'obscurité peut asseurer ma Venë,  
 Vn augure incertain mes soupçons ne dement,  
 Certains par dans les miens meslez confusément,*  
*Ceste*

Ceste place par tout sanglante & si foulée,  
 Monstre qu'icy la beste à sa fureur saoulée,  
 Dieux! ie voy par la terre un corps qui semble mort  
 Mais pourquoy m'effrayer, c'est Pyrame qui dort,  
 Pour diuertir l'ennui de son attente oisue,  
 Il repose au doux bruit de ceste source vine,  
 Ce sera maintenant à lui de m'accuser;  
 Mais ce lieu dur & froid, mal propre à reposer  
 Que des ia la rosee a rendu tout humide,  
 M'oblige à l'éveiller. Dieux! que i e suis timide  
 J'ay son contentement, & son repos si cher,  
 Que ma voix seulement a peur de le fascher,  
 Il dort si doucement qu'on ne sçauroit à peine  
 Discerner parmy l'air le bruit de son haleine, (m ain  
 Mais d'où vient qu'immobile, & froid dessous ma  
 Il semble mort Pyrame, ô Dieux! l'appelle en vain,  
 Il ne respire plus, ce beau corps est de glace,  
 Helas! ie voy la mort peinte dessus sa face,  
 D'une eternelle nuit son bel œil est couuert,  
 Je voy d'un large coup son estomach ouuert,  
 Hé! ne meurs pas si tost, ouvre un peu la paupiere,  
 Respire encore un coup ie mourray la premiere,  
 Ne t'en va point sans moy, ne me fais point ce tort,  
 Tu ne me respons rien, mon cœur! tu n'es pas mort,  
 Les Dieux ne meurent point la nature est trop sage  
 Pour laisser ruiner sō plus aymable ouurage,  
 Mais ô foible discours, ô faux soulagement,  
 La perte que ie fais m'oste le iugement:  
 Pyrame ne vit plus, ha! ce soupir l'emporte,  
 Comment? il ne vit plus & ie ne suis pas morte?  
 Pyrame, s'il te reste encor un peu de iour,  
 Si ton esprit me garde encore un peu d'amour,  
 Et si le vieux Charon touché de ma misere,  
 Retarde tant soit peu sa barque à ma priere,  
 Attends moy ie te prie, & qu'un mesme trespas,


Acheue

Acheue nos destins, ie m'en vay de ce pas,  
 Mais tu ne m'attends point, & si peu que ie viue,  
 En ce dernier deuoir mon sort veut que ie suiue:  
 Coulpable que ie suis de cette iniuste mort,  
 Malheureux criminel de la fureur du sort,  
 Quoy? ie respire encore & regardant l'pyrame  
 Trespasé deuant moy ie n'ay point perdu l'ame:  
 Je voy que ce Rocher s'est esclatté de dueil,  
 Pour respaître des pleurs pour m'ouuir un cercueil,  
 Ce ruisseau fuit d'horreur qu'il a de mon iniure,  
 Il en est sans repos, ses riuies sans verdure,  
 Mesme au lieu de donner de la rosee aux fleurs,  
 L'aurore à ce matin n'a versé que des pleurs,  
 Et cet arbre touché d'un desespoir visible,  
 A bien trouué du sang dans son tronc insensible,  
 Son fruit en a changé, la Lune en a blesmy,  
 Et la terre a sué du sang qu'il a vommy.  
 Bel arbre puis qu'au monde apres moy tu demeures,  
 Pour mieux faire paroistre au Ciel tes rouges me-  
 Et luy monstrier le tort qu'il a fait à mes vœux (res  
 Fay comme m'y de grace, arrache tes cheueux,  
 Ouure toy l'estomach & fay couler à force  
 Cette sanglante humeur par toute son escorce:  
 Mais que me sert ton dueil rameaux, prez verdissās,  
 Qu'à soulager mon mal vous estes impuissāns,  
 Quand bien vous en mourriez on voit la destinee,  
 R'amener vostre vie en r'amener l'annee,  
 Vne fois tous les ans nous vous voyons mourir.  
 Vne fois tous les ans nous vous voyons fleurir.  
 Mais mō Pyrame est mort sans espoir qu'il retourne  
 De ses palles manoirs où son esprit sejourne  
 Depuis que le soleil nous void naistre, & finir  
 Le premier des deffundts est encor à venir,  
 Et quand les Dieux demain me le feroient reuiure  
 Je me suis resoluë aujourd'huy de le suiure,

L'ay

J'ay trop d'impatience, & puis que le destin  
 De nos corps amoureux fait son cruel butin,  
 Avant que le plaisir que meritoient nos flammes,  
 Dans leurs embrassemens ait peu mesler nos ames,  
 Nous les ioinurons là bas, & par nos saints accords  
 Ne ferons qu'un esprit de l'ombre de deux corps,  
 Et puis qu'à mon subiet sa belle ame sommeille,  
 Mon esprit innocent luy rendra la pareille,  
 Toutesfois ie ne puis sans mourir doublement,  
 Pyrame s'est tué d'un soupçon seulement,  
 Son amitié fidelle un peu trop violente,  
 D'autant qu'à ce deuoir il me voyoit trop lente,  
 Pour auoir soupçonné que ie ne l'aymois pas,  
 Il ne s'est peu guerir de moins que du trespass.  
 Que donc ton bras sur moy dauantage demeure  
 O mort, & s'il se peut que plus que luy ie meure,  
 Que ie sente à la fois poison, flammes & fers,  
 Sus, qui me vient ouurir la porte des Enfers ?  
 Ha! voicy le poignard qui du sang de son Maistre,  
 S'est souillé laschement, il en rougist le traistre,  
 Exécrable bourreau si tu te veux laver,  
 Du crime commencé, tu n'as qu'à l'acheuer,  
 Enfonce là dedans, rend toy plus rude, & pousse  
 Des feux avec ta lame ! hélas elle est trop d'usage,  
 Je ne pouuois mourir d'un coup plus gracieux,  
 Ny pour un autre obiet hayr celui des Cieux.


F I N.



*[Faint, illegible handwriting]*







Mg. les pp. 121-144

de la 2<sup>e</sup> partie

---



3645

SS  
2

